





明世宗實錄

卷三六七至四二七  
嘉靖二十九年十一月至  
三十四年十月

大明世宗肅皇帝實錄卷之三百六十七

嘉靖二十九年十一月庚寅朔 命署都督僉事成勳孫勇高

東元种繼各充京營副將署都指揮僉事洵希臯許策王玉集

繼文趙承懋滿鎮趙應魏氏黃恩樂學劉秉中趙卿吳尚賢伯

昂張世武田震王三錫茂鎮劉芳施寬孫承宗署都督僉事劉

鼎雲冒原任屯檢總兵王輔原任蘇州總兵周徹原任涼州副

總兵蕭漢允恭珩勳魯希臯策王繼文承懋蕭鎮應氏五軍營

秉元恩擊秉中卿尚賢漢神樞營繼品世武震三錫茂鎮芳神

機營島首寬承宗輔徹鍊勇營 直隸巡按御史胡宗憲條陳

邊務六事一革占役一重前鎮一處募兵一助軍需一廣問謀

一信賞罰其廣問謀謂近來問謀惟大同二邊外俺答所常駐

牧凡百向往可得其真宣府邊外犯都兒一枝不過俺答部落

動止非可自由故哨探僅得其似而已若蘇州則隔絕三衛諸夷率皆嗚順陰逆豈肯吐露其實以示戎此所謂因魔門疾者也故論者謂大同之謀得虜情宣府之謀得虜形蘇州則併其形不得矣請行宣前鎮巨務精選哨探之卒有功比大同並伏勝例坐賞在蘇州尤宜羈縻庶諸夷結以厚賞使得虜要領以報中國其信賞罰謂專上首功乃自古樂法近雖行尚書毛伯溫之議別開衝鋒破敵一科專主臨陣不論首功然積習相沿牢不可破獲功者免以自緝為左春紀錄者故以得級准賞坐問有以衝鋒破敵坐賞者及子孫襲替又責其原非首功而罰以故人心不信臨陣之激或喘中一賊則羣聚爭取自相蹂踐敵因而乘之鮮不潰敗者請命兵部申明前議坐賞務在臨陣為上斬首次之退縮者有罰爭功者有罰或零騎和位仍論首功

庶大虜可摧而士氣振矣章下兵部覆可報如議○辛卯以順天府順義懷柔平谷諸縣被虜獨塔訖顯糧差有差○壬辰調巡撫山東都察院右副御史孫世祐總理糧儲兼巡撫應天陞遼陽副總兵李涑為署都督僉事充鎮守山西等處總兵官○癸巳遣御史魏謙吉劉廷儀萬端蒙姜廷頤徃各邊選軍入衛謙吉甘肅廷儀寧夏端蒙廷駿廷頤宣大初咸寧侯鳧與兵部爭議選兵事部臣以上意向鸞不得已從之乃再覆揚先議請分遣抽丁大臣與選軍御史向出每選軍一人即以抽丁一人補之務足遣兵原額上命即委各鎮撫官自行抽補大臣不必道○甲午冬至大祀天子○圖丘命成國公朱希忠代遣定國公徐廷德長寧伯周大經玉田伯蔣榮武定侯郭守乾分祭八陵都督僉事王朝用祭景皇帝及哀冲

莊敬二太子都督僉事沈至祭 孝潔皇后各陵墳 增設  
通州守將以宣府南路恭將素正充副總兵官分守○乙未  
上不御殿文武羣臣等俱於奉天門行五拜三叩頭禮 禮部  
上春祧 仁宗昭皇帝儀先三日太常寺奏齋戒先一日欽命  
大臣二員以奉祧 仁宗昭皇帝告于 太廟 祧廟行禮如  
常儀至日早太常寺設牲醴于 太廟設脯醢酒果于 祧廟  
遣官詣 太廟行春祧禮如時享儀文武皇親等官例該祭祀  
者照例陪祭祭畢捧主內外官各祭服恭捧 仁宗昭皇帝主  
昭皇后主詣 祧廟第五室前后台太常寺官同神宮監官遞  
衣冠床帳儀物等項照舊安奉訖奉 主安于室叩頭巡遣官  
仍祭服行祭告礼如常儀畢遣官出太常寺官同神宮監官送  
奉 宣宗章皇帝 英宗睿皇帝 憲宗純皇帝 孝宗敬皇

帝 睿宗獻皇帝 武宗毅皇帝 逸逸于第三第四第五第六  
第七第八室設帳于第九室之前 奉 孝烈皇后神主衣冠暫  
安帳內候吉升附其前殿原設 仁宗御座收貯于神庫候祔  
祭日陳設一是日 奉先殿內侍官奉遷 仁宗昭皇帝神位  
昭皇帝神位于藏 德 懿 熙 仁四祖神位之所依次  
恭戴其衣冠牀幔儀物等項宜收貯于神庫收貯宜焚化者于  
潔地焚化 宣宗章皇帝以下神位依次遷逸一過祔祭奉  
仁宗昭皇帝同 德 懿 熙 仁四祖于 太廟享祀座仍  
設于西第一位 孝烈皇后升附並奉安神位儀先期內府  
設衙門恭制 奉先殿 孝烈皇后神位并 廟殿合用神座  
儀物等項先期內閣于文華殿恭視中書官書寫 孝烈皇后  
神位訖內府設衙門恭捧于武英殿裝設完備候吉奉安先期



太常寺奏齋戒三日先一日欽命大臣一員以升禱 孝烈皇  
后告于 太廟內府該衙門設 孝烈皇后神座儀物于 太  
廟寢并 奉先殿俱第九室至日早太常寺設牲醴于 太廟  
設 孝烈皇后神座于西第四位設脯醯酒果於 奉先殿內  
府該衙門設彩亭于武英殿上正中以俟捧至內侍官具祭服  
恭捧 孝烈皇后神主奉安于室叩頭訖遣官行祭禮如時享  
儀文武皇親等官例該陪祀者照例陪祭祭畢遣官并捧神位  
官仍祭服詣武英殿門外捧神位先引入殿上恭捧 孝烈皇  
后神位詣 奉先殿奉安遣官俯伏與內侍官舉亭由武英殿  
中門出擎執纛扇如儀遣官并捧神位官隨後至 奉先殿門  
外亭上捧神位官恭捧 神位由左門奉安入于室叩頭訖遣  
官行祭告禮如常儀 太廟并 奉先殿 孝烈皇后前上設

儀品祝不及以彼時享祫祭皆同惟 奉先殿忌祭用祝其時  
享設座與各儀同祫祭座設于東第五位一行部從之。丁酉  
詔復選遼東固原保定漢遼官軍入衛遼東三千人以宣府  
副總兵劉大章領之固原三千人以原任延綏總兵具瑛領之  
保定六千人以原任宣府恭將劉環遊擊曹鎮領之從咸寧侯  
鵠再請也。戊戌改提督蘇州軍務兵部右侍郎孫禮以原官  
掌通政使司事起原任都察院右副都御史何棟代之 兵部  
覆職方司郎中尹耕奏戰守大計八事一宣府西路遺牆三百  
餘里請議增劄一蘇州舊遺止是堵口虜登高俯瞰則仰攻為  
難宜相度險沅務令左右無阜可以瞰我乃善又潮河川無牆  
可守故虜得乘之而入宜夾河為牆數里河中石灘沙淺之處  
壘設墩臺數所一分遣以定守請以蘇宣二鎮十二百里之遺

酌量險要分為數區區設恭將一員兩區設文目一員令其經畫修築事竣即以防守彼知工必已督則經畫必善知邊即已守則修築必固一節勞以養銳請令守邊之兵無事則歸堡休息以逸待勞有事乃登墻盡力拒戰仍嚴哨探之賞罰一清查直隸連舍及民間壯勇調赴京北山東槍手調赴通州一請以各處人馬預定酌量分地操演遇虜入逆戰一嚴立軍法主將戰沒坐營把總官斬把總戰沒管隊官斬管隊官戰沒全隊俱以軍法痛決一設險清野使虜入無所利俱先行 以大同西路恭將岳懋允分守遼陽副總兵官○己亥陞南京太僕寺卿趙汝濂為南京都察院右副都御史協管院事改工部右侍郎傅鳳翔為戶部右侍郎 陞兵部左侍郎王邦瑞為本部尚書時召起翁萬達于制中且二月餘萬達家海南以道遠未至

上違之屢以為問大學士嚴嵩奏庸患在肘腋諸巨觀望恐非  
君命白不誅駕之義 上深然之曰古語忠則盡命又豈誅駕  
耶萬達不來不必待即以邦瑞代之廷目中有才望者疏名以  
聞 加各營戰馬各春草料折銀草月折三錢料折五錢如巡  
捕官馬之例從仇鸞奏也 以突傷免浙江金華衢州台州溫  
州四府秋糧有差 神機營坐營寧陽侯陳睦祖辭免營務許  
之 雲南元江軍民府土舍那鑑殺土官知府那憲擅府事悞  
朝廷兇討密約交夷武文淵謀亂撫按官胡奎林應箕總兵沐  
朝弼以聞因請用副使李維恭政胡堯時督兵勦之改設流官  
知府以弭後患章下兵部復請令奎等調集土漢官軍相機征  
勦雖堯時聽便宜委用仍懸賞格購歸等請首惡宥其協從者  
餘俟事序議處制可 兵部議上征庸方畧一清查各遣兵馬

有老弱缺伍及倒死者設法補足以聽調遣一虜中雖僥倖最  
強宣大二鎮乃其駐牧之所請自大同平虜并坪而宋宣府中  
路陸臺子而西及滴水崖諸處俱假以暗伏為名預積軍儲務  
足兵馬三月之用一收買馬匹一預火器一令二鎮督撫等官  
湯為與虜通好而陰以計圖之一以從秦豫征討之止宜以預  
備來年防守為說毋宣亦章疏為虜所窺得旨如議行。壬寅  
春祧 仁宗昭皇帝命駙馬都尉駙景和行禮謝詔捧 圭。○  
甲辰升祔 孝烈皇后于 太廟第九室奉安 神位于 春  
先殿俱命英國公張溶行禮。己巳陛巡撫大同都察院右僉  
都御史趙錦為兵部右侍郎兼右僉都御史協理京營戎政  
益府金谿王厚理薨治喪葬如何議壯惠。丙午從威寧侯鸞  
議分三營軍士為三班每班五日各居城中聽警雖風雨寒暑

不得避役。○丁未 孝惠皇后忌辰 遣長寧伯周大經祭 茂  
陵 孝烈皇后忌辰 春光殿行祭禮 遣武定侯郭守乾祭  
永陵。○戊申 陞兵部主事陸埒為尚書司司丞 詔分各邊兵  
應族信地以山西老營堡遊兵族偏頭及宣大遼東遊兵真保  
定邊餘漢達官軍迤緜舊遊兵二枝固原遊兵二枝河間漢達  
官軍一枝援蘇州迤緜奇兵一枝寧夏奇兵一枝族宣大遇有  
賊急蘇州宣大各東西相救不得推諉從兵部議也。○己酉  
上諭禮部曰朕丕承 天地生生之恩孝烈皇后功著春天德  
昭起朕慈光去倭三浹歲朕念之不忘其為皇后所福內殿  
停常封六日遣成國公朱希忠等分告各宮廟 皇貴妃王氏  
薨。○庚戌從御史楊選言令有司置富民助邊者籍有能輸粟  
至二十石銀十兩者官為建坊以表其宅若合數人共輸粟數

千石銀十餘兩者共建一坊以表其里是時以邊餉不充戶部  
又開監生送授各衛所納餼事例監生歷滿注選未及一二年  
願送授在京七品如光祿寺署丞等官者納銀五十兩在外七  
品如布政司都事并州判等官者納銀三十兩以上各送吏部  
給劄送授錦衣衛舍餘小旗校尉軍匠願納冠帶總旗者銀三  
百兩納署百戶者一千兩署副十戶者千五百兩署正十戶者  
千九百兩署指揮僉事者三千三百兩總旗願納署百戶者銀  
八百兩署副十戶者銀千二百兩署正十戶者一千七百兩署  
指揮僉事者二千二百兩百戶并所鎮撫願納署副十戶者銀  
七百兩署正十戶者九百兩署指揮僉事一千八百兩副十戶  
願納署指揮僉事者銀一千三百兩正十戶願納署指揮僉事  
者銀一千二百兩以上送兵部奏請填注本衛所衙門管事俱

照署職閔支月俸仍解子承襲一輩其在京在外然類千百戶  
指揮等官并缺缺引禮典膳良醫及孩例監生願改納錦衣職  
銜者除厚納銀兩外許令照總旗數加納亦署職子承襲一輩  
添註本衛所管事中開有弓馬熟嫻才畧出眾者許送軍門報  
效有功一體陞擢例限三十二年終止 發太倉銀十五萬兩  
于宣大二鎮五萬兩于山西寧武關等處備客餉 戶部復給  
事中姜良翰條陳理財事宜一南京戶兵二部銀積多兩少請  
將戶部銀預行借用以續派浙江等處倉糧並收兌正附米徵  
折色補之量發兵部銀一半濟邊一各省并兩直隸缺官俸給  
柴薪馬夫銀歲辦內府錢糧餘銀三河處等積負御馬草場租  
銀宜盡行查解一請行各運司酌議蓋課或於正蓋引之外量  
加浮引一二千引或於每引量增餘蓋限奉終定議以聞一遵



復萊蕪田地及京東瀕海淤壤宜募民間墾從之。辛亥黜  
州督糧御史李遂為民遂應召至涿州請符驗開防。上怒曰  
遂未經謝恩輒用新銜又九月中間命至今始至其下吏部該  
料查完以聞於是尚書夏邦謨都給事中張東壺等覆言南都  
去京陸路僅三十里遂候代兩月即未必規避亦宜量罰。上  
謂國事方急遂聞召遽迫非人臣礼令革職為民以科部且回  
獲奪邦謨俸三月該司官及東壺各半年。陞都察院右副都  
御史梁尚德為工部右侍郎。陞福建左布政使王積為都察  
院右副都御史巡撫山東。以旱災免四川重慶府江津等十  
二縣及重慶衛稅糧屯糧有差。乙卯。命都察院右僉都御  
史王忬督理蘇州糧餉兼守通州。丁巳陞南京太僕寺卿陳  
儒為南京太常寺卿。戊午廢故大學士楊一清孫守伯為中

書舍人 御史曹忭言自有庸患諸臣建議紛紛 陛下不以  
為不可下之所司所司據議起覆 陛下不以為不可而悉下  
之當事之臣即便施行尚未必效然言之者一人議之者一人  
而行之者又一人掣肘因循玩歲愒日而庸患日以近矣乞下  
廷議求實心任事之臣責循名採實之政凡諸速白擇其親履  
邊境切中利害者行之庶幾羣策畢舉事有責成跡入 上嘉  
納曰近者邊事紛紜所司題覆每每拘情依違議論雖多實行  
者少戶兵二部其即於近日各官跡內採其事開兵馬錢糧有  
裨實用者會同該科詳定歸一務實擬行毋一槩題覆 以阜  
成閔外首蒼園地為操練民兵教場。己未陞提督四夷館太  
常寺少卿羅廷騫為通政使司右通政提督贛黃湖廣道御史  
胡植為大理寺右寺丞 新陞兵部右侍郎辭鈞請開陳謝

上命吏部查果起任及期方許視事時翁萬達亦至且跡自明  
上曰萬達背君欺慢本當逮問念係守制姑奪職聽別用

詔查南京四十二衛屯田墾占侵削諸弊其本丁逃絕他戶佃  
種者俱署名補五亦不則將原田入官改募屯軍給之 掌五  
府事成國公朱希忠靖遠伯王瑾東寧伯焦棟遊安伯陳鏞宣  
城伯衛鐔掌錦衣衛事都督陸炳以考選軍政各白陳已罷不  
允 都御史王忬奏于張家灣築大小二堡及臨河建置敵臺  
請給工費詔以通州貯庫修造銀七十餘兩給之 葺山東萊  
州府昌邑縣新河遮運所

大明世宗肅皇帝實錄卷三百六十七

大明世宗肅皇帝實錄卷三百六十八

嘉靖二十九年十二月庚申朔御史楊選請以兩淮餘鹽與同正鹽一體開邊占商報中本色免其運司納銀惟割沒餘鹽依舊徵銀解部又本司歲課鹽七十萬引蓋之餘鹽不過百肆拾萬兩行鹽地方同廣且數十里生齒繁夥食用不給各場所產鹽斤每歲除正額外可辦除鹽三百萬引今皆橫溢四處利歸私販宜官自收買每歲增制引目二三百萬道量減引價與正課一體開邊報中相兼支放正引照常納賑餘鹽免納可獲數倍之利戶部覆請行查得旨餘鹽開中御史既以為便何復行查其歸一定議以開部覆請將兩淮餘鹽七十萬五十一百八十引自明年始照依正引定價開派寧夏延綏宣府大同遼東固原甘肅蘇州并山西神池等堡占商上納糧單為各遣

年例之數完日轉行運司令商人自行買補其餘益引目不得  
增刷即附正引色中若有餘仍掣割銀兩解部從之 發太倉  
銀二萬兩于密雲充客餉○辛酉兵部言太僕寺寄養馬近以  
庸患發京營各遺存者止六十匹請將本寺三十年春秋二季  
馬併作一運及借三十一年分馬作三十年二運其南直隸原  
當總運者亦併徵二年分為二運解寺又陝西遼東地方良馬  
所產請令各關暫弛馬禁許高氏得以貿易從之○壬戌咸寧  
侯仇鸞募虜各部散駐九邊境外每歲大奉必盡糾精勇合勢  
而入所在遺其營帳畜牧絕不顧內者以戍兵啓釁者禁不敢  
出塞搗巢故也今俺荅間中國將興問罪之師乃留者囊諸子  
駐威寧不散而吉囊賊巢固與我近綏鄰也若延綏亦揭馨討  
之勢必狼顧西奔為自救計矣蓋虜銳卒亦有恨惟聚眾乃強

吾欲得志于虜宜有以分之請勅大同宣府遼東甘肅寧夏延  
綏六鎮許其挑選精銳多方致討惟以敵戰為功不以搆軍為  
罪或打其營帳或屠其老小或奪其牛馬或勒其零騎沿邊丁  
壯有奮勇斬獲首功者以新例行賞如趕獲馬匹則以四分入  
官以六分犒之而又形東趨西擊虛避實示之不測出所不意  
虜必團聚自保歲可省旬引糾集之寇不宜徙幕遠塞月可省  
零虜抄掠之害矣至于戰獲功次巡按御史驗條真正即與題  
請陞錄無如常套展轉迂延以墮士心跡下兵部覆其誠悉當  
至于遣民驅獲虜馬無論多寡官不必利當盡數以予之詔如  
議 陞都察院右僉都御史高大節為左副都御史協管院事  
仍經畧京城內外 錦衣衛帶俸都指揮僉事盧瓚卒賜祭葬  
及喪費瑄靖妃兄也 癸亥 懿孝獻皇后忌辰 奉先殿行

祭禮 上祈雪於禁中遣成國公朱希忠等分告各宮廟 朝  
鮮國王李岵遣浩且申瑛等入賀宴費如例 都御史商大節  
以新募民兵勤惰不同請第三等給糧隊長及投降人二石次  
者一石五斗又次者一石部議謂賞額太重恐京遣軍因而積  
例罷之大節執奏部臣主計所惜者財臣所惜者信始以厚招  
之終以薄待之是以臣失信於眾兵而朝廷任臣之意亦不足  
以信于天下况隊長及投降人應食糧二石者僅八十一人食  
一石五斗者一十四百五十九人其二千四百六十一人俱食  
糧一石未必人皆二石也且軍士世食月糧糜費不貲一旦有  
事皆欲此例如糧則平居所以養之者謂何至於民兵有事則  
招來為用無事即止彼素非有尺籍于官飢寒切身則掉臂而  
去臣不能禁也奈何惜少費而妨大信乎 上竟從大節言

錦衣衛堂上官以考選軍政各疏自陳兵部覆擬都督同知袁  
天章都督指揮朱希孝指揮使張壽指揮僉事劉蘇宜留右都  
督高恕都督僉事張錡指揮僉事杜承宗宜罷詔天章等供職  
如故恕錡致仕承宗冠帶閒住 詔於昌平易州各添設御史  
一員副總兵一員如通州例昌平副總兵即以原駐鞏華城者  
改補兩別添分守一員於鞏華城從仇鸞議也○甲子陞總督  
漕運都察院右副都御史何釐為南京兵部右侍郎 兵部集  
旨集議周府奉國將軍安者尚書夏邦諤等所陳邊備事宜約  
為十二事一重都城之守謂禁軍當專備皇城守衛京營奇兵  
當防護 凌護及列入營于閤廂外正兵當守九門內外各分  
置將官頒之二築閤廂之城謂京師南三城閤廂之城應築外  
牆五十七百八十八丈連樓五座即以閤廂居民計之每一家役



一人共可得萬人百日可就宜定于來春興工三修薊州之邊  
請簡才幹京官三員會同該鎮官親行相度築牆濬溝為經久  
之計事畢即以其人守之雖有性遷事故不過秋防不得更代  
仍多置石墩鉄蒺藜等器于朝川河一帶以捍虜入四築畿內  
墩堡凡內地村落居民至三五百家者築一路寇路所經者多  
設墩臺五重督撫之任遼東保定去薊鎮不遠請改蘇州總督  
都御史為總督薊保遼東更勅給之又蘇州密雲俱為重鎮宜  
如宣大例各設御史一員一整飭密雲邊備巡撫順天一整飭  
蘇州邊備巡撫永平密雲已設有副總兵薊州亦當添設六增  
薊州之兵請于直隸入府各州縣量選民兵號為義勇仍將各  
省軍俱改隸薊鎮以訓練責之兵備校閱責之御史七重將領  
之選各處有奇才劍客及廢謀勇之將願立功自効者不時取

入軍門量才錄用仍令邊臣薦舉之深別立異等以備破格起  
擢人精器械之制如火槍木盾鉛子銃麻劄刀袞牌藥箭蜂攢  
子母炮等項各邊原未經用者量造一二試可而後習之九嚴  
勦功之限謂各邊勦功往往至數年不決宜嚴限速報以舒士  
氣十嚴馭軍之法謂失機之罪止及將官故士卒皆驕玩効死  
者鮮請依古法五人為伍一有陷沒得以軍法連坐使人皆畏  
戒而不畏敵乃能制勝十一慎調謀之用請從資通事夜不收  
人等遣探虜情戒諭三衛諸夷使為我用如嚮化不醇謀虜不  
實密以計圖之十二開招降之路謂內地被掠入虜之人其間  
多有形迹危疑生路阻絕因而生棄者多方招諭許其投首復  
為良民仍厚撫卹之得旨密雲迤撫薊州總兵不必添設餘俱  
如議 給事中烏從善御史邢尚簡各劾上八月內北虜入犯

康陵衛官軍尹福等通州河東徐家后等處官軍姜淮等獲  
功陣亡被傷共一千六百六十三人陞賞有差。己丑大雪。  
丙寅咸寧侯仇鸞奏請華蘄州總兵李鳳鳴大同總兵徐瑄  
薦京營副將成勳代鳳鳴密雲副總兵徐仁代瑄。上皆從之。  
故事正副總兵缺兵部會推堪任者二人請。上裁至是旨從  
中下獨鸞擬定尚書王邦瑞等皆不得與聞乃奏言朝廷易置  
將帥必採之公論也。漸白。宸衷所以慎防杜漸示臣下不敢  
專也。且內兩京營大將專統六師外兩列鎮主將宣力四方原  
自不相統攝無有京營大將定擬黜陟各鎮之例。今鸞輔坐名  
擬任擅自更易臣恐天下九邊握兵柄者日屬心嚮鸞端漸長  
其于國體政經關係非細謹昧死請。上不悅曰。戎政初修忠  
將是託况朕有密詔非其自擅若尔等肯選任諸將集練兵卒

隨事効忠比常加意使用無不當籌無不減亦不待伊言矧今君自勞心今一失未發先自攻譖大臣謀國之忠當如是耶。丁卯免百官臘日宴。洛原任兵部尚書翁萬達為本部右侍郎兼都察院右僉都御史守易州起原任巡撫保定都察院右僉都御史許宗魯守昌平平時通易昌平三州各設文武大臣以備三輔兵部官官多地方宜有專責請令駐昌平者以拱護。凌寢為先而帝為密雲居庸之聲援駐通州者以本州河西務為信地而外為蘇州順義之聲援駐易州者以經畧鎮守紫荆等關為職凡保定都御史所轄之邊悉聽會同鎮飭至于所轄之兵昌平以近日清出凌衛軍為主兵而以京營所發為防秋客兵通州以本州守舊統及新留班軍為主兵而以山東客募者為客兵易州聽經畧侍郎保定巡撫于所屬衛所摘撥一

營為主兵而以山西召募者為各兵其新差督視墩堡恭政等  
官各分信地聽督撫官節制詔可○戊辰以宣府右叅將孫時  
謙充副總兵官協守本鎮○庚午五府僉書定國公徐廷德定  
西侯蔣傳應城伯孫永壽南寧伯毛重器崇信伯費煒懷寧伯  
孫東元署都督僉事孫堪襄城伯李應巨彭武伯楊儒成山伯  
王維熊各以考選軍政自陳乞罷 上從部擬令維熊明住餘  
各供職如故 夜月掩畢左股第一星○辛未廢工部右侍郎  
龔輝孫衍為國子生以三年扶滿也 明住廣東按察司僉事  
林希元改編大學經傳定本及著四書易經存疑奏乞刊布詔  
焚其書下希元于巡按御史問尋視其冠帶為民希元福建同  
安人所著書雖問與朱傳不合自成一言言多可取者○壬申  
大學士嚴嵩一品十二年考滿 上曰嵩首輔且重忠勞茂著

頭一品九年滿後又歷三年其賜漿諭賜宴禮部賜應得誥命以稱朕眷酬至意嵩疏辭以邊境未寧 聖主憂勤臣子不當宴會 上嘉其忠信許辭宴仍賜折宴銀四十兩彩段四表裏命原任大同中路右恭將李朝湯元副總兵官分守密雲右北口 巡按直隸御史胡宗憲奏南方之人不任兵革其究發諸造者乞令納銀自贖下刑部議可因定擬情罪輕重納贖多寡之數以上 上曰豈可預設此例以待犯罪之人不先行工部以修造軍器工費不充奏行開納事例生儒入監者除此直隸浙江福建湖廣河南四川陝西貴州七省軍民願納武職者除在京錦衣衛俱赴戶部納銀餘悉聽本部開納各處省祭吏典農民畝差及在京書算各許納銀收茶聽選有差俟工完停止制可 癸酉奪南京刑部尚書傅剛俸三月以擅修官舍

不先奏聞故也。○甲戌 貞惠安和景皇后忌辰遣都督僉事  
沈奎祭 凌糧 改提督操江南京都察院右僉都御史王學  
益為都察院右僉都御史協管院事 發太倉銀二萬兩于通  
州一萬兩于懷柔縣一萬兩于順義縣一萬兩于三河縣一萬  
兩于涿州縣一萬兩于良鄉縣各占買糧單備明年客餉 旌  
表節婦十二人 浙江餘姚縣民余乾妻施氏 福建閩縣人陳臺  
妻張氏 錢塘縣民凌桂妻張氏 四川東鄉縣儒士談詠妻何氏  
山東濮州儒士蘇希堯妻馬氏 山西壺關縣民閔鑿妻張氏 平  
齊妻張氏 福建莆田縣民黃世泰妻葉氏 晉江縣生員梁麟妻  
莊氏 福建漳州府林澗妻丹氏 同安縣民劉琛妻林氏 四川合州  
吏目鄭智妻劉氏 烈女二人 河南柘城縣儒士王自新妻  
軒氏 福建同安民劉仲芝妻吳氏 兵部會五府錦衣衛

考選軍政官擬存留選滿調補指揮李鉉等六十六百五十八人革職帶俸指揮袁英等一千一百九十二人得旨如破熟人員有挾私捏告者照例恭治命原任遼東總兵官戴廉以署都指揮僉事充副總兵官分守昌平易州夜有大星運行守井宿。丁丑陞巡撫山西右副都御史應增為兵部右侍郎兼都察院右僉都御史總督漕運兼巡撫鳳陽起用原任大理寺卿虞守愚為南京大理寺卿尋陞南京刑部右侍郎初虜騎犯邊由大同塞外轉掠宣府而東徇蘇州古北口入因長驅薄京城遊騎有至保定者已而趨白羊道出邊居庸震動于足督撫官各顧信地侍郎孫禮請備前州蘇祐請備宣府都御史艾希淳請益兵保定備柴荆劉壘請備居庸諸考皆以前失事為諱兵部覆言大虜部落皆在宣大邊外其勢非涉壘勝雲川



以及獨石明汝澗等處不得東至薊州是宣府為薊州門戶門戶固則堂護自安祐之說誠是也然小王子一部獨處東偏萬一有警將徑下遼薊不由宣大則檜說亦不可廢至于深薊一帶為京師內門虜人宣大之蔚州廣昌而後叩浮屠峪揀箭領入大同之平虜井平而後窺朔應廣灵又蔚州廣昌山險難自行二十三年以後虜無東顧者居庸諸口多在宣府右門之內是皆可以緩圍為今之計要在遣臣其舍各私便相地緩急務求戰守之宜大抵虜犯宣府所急者居庸而旁之內口虜過宣府所急者古北一帶之東偏虜犯大同所急者深薊以下之南隘道途相去四五日之程三鎮相連五六日之里地但慎選哨卒使替調易通聯絡相救則虜在日中矣 上是之 遣刑部郎中蔡堯勳熊遠劉教劉松為衣陸德衷福徵陳傑吳輝徽徐

文通林大章馮守勇外馬彥章大理寺右侍丞正熊勉學右寺  
副經彥寔往各處恤刑堯勳北直隸遼南直隸江南教南直隸  
江北松江江衣湖廣總福建福徵廣西渠陝西彥寔山東雖藏  
江西文通四川大章廣東守雲貴彥章河南勉學山西○戊寅  
都給事中俞鸞等御史成子學等以考選軍政拾遺劾宣城伯  
衛鏞遊安伯陳德錦衣衛南鎮撫司指揮同知李寰指揮僉事  
魏頤各不職部復驛德宜致仕寰頤宜明佳制可○己卯巡按  
山西御史陳九德奏薦遺才稱充軍侍郎張漢明佳恭議潘高  
皆才畧可用 上以高考察被黜漢奏旨諭成無錄用理因責  
九德違例市恩下部院恭勅詔黜為民 禮部尚書兼翰林院  
學士掌詹事府事孫承恩引年乞休不許○庚辰順天府官進  
春 免百官宴 虜酋俺荅復叩宣府遣求貢 上命集廷臣

皆言虜逆天祀順法所必誅為中國計但當整飭六師為戰守之備徐察其動順果出至誠然後議之未晚 上然之命所司一意整集兵糧相機戰守不得輕信弛備 壬午發太倉銀二十萬兩給宣府大同鎮以戶部右侍郎傅鳳翔兼都察院右僉都御史督理二鎮糧餉 晉王新璵輸銀三十兩助募兵有司以聞 上嘉其體國恤民賜勅獎之 癸未遣武安侯鄭寔等為正使翰林院修撰秦鳴雷等為副從節冊恭徽恭王原燭庶第二子輔成王載瑜為徽王 楚愨王顯塔庶第三子英煊為楚王 慶王革爵冠帶占汝庶第二子桐鄉王萬枋為慶世子 妃李氏為慶世子妃 秦王懷琰庶第一子敬鎔為洛德王 鄭王革爵厚烷庶第二子載璽為德慶王 周王朝綱庶第二子在鑾為儀封王 浦江安簡王睦相庶長子勤煥為浦江王 城北兵馬副

指揮王增女王氏為汝陽王妃瀋府內丘安裕王徹秘嫡第二子恬熙為內丘王衡王厚馮庶第七子載堞為壽張王李氏為玉田王妃趙氏為東昌王妃王氏為武定王妃靳氏為平慶王妃代府李強康惠王聰姦長孫允瑞為李強王樂昌康懿王聰消長孫允燿為樂昌王夫人馮氏為樂昌王妃秦氏為韓府慶陽王妃淮府德興恭簡王祐捷庶長子鎮國將軍厚爽為德興王夫人李氏為德興王妃吳氏為遼府肅寧王妃 陞禮部儀制司郎中莫如忠為貴州按察司副使提調學校 起原任巡撫順天右副都御史許論提督鴈門等關巡撫山西 陞山東右布政使楊宜為南京都察院右僉都御史提督操江兼管池江 選授太常寺博士黃元白中書舍人丘預達知縣曹承為給事中元白兵科預達刑科木工科行人司行人張雲路知縣

周如斗萊朴黃李瑞黃國用為試監察御史如斗江西道朴山  
乘道雲路四川道李瑞山西道國用廣西道 廢刑部尚書顧  
應祥孫嗣愆為國子生以三考滿也○甲申陞吏部文選司郎  
中張鶚翼為太常寺少卿提督四夷館 改南京刑部右侍郎  
張時徹為兵部右侍郎 陞順天府府尹郭登為南京大理寺  
卿 陞左給事中呂時中為都給事中右給事中晏良翰趙斌  
俱為左給事中給事中劉體乾烏從善馮汝松俱為右給事中  
時中刑科良翰工科欽吏科休乾戶科從善禮科汝松兵科  
廢故大同總兵張達子世俊世傑副總兵林椿子鳳騰俱為福  
輝僉事世襲初給事中唐禹泰薦達二子不及世俊兵部覆查  
張援係違族姪非親子乃請以世俊代援承襲 上許之仍以  
援同陳立功特旨亦命為福輝僉事 刑部尚書顧應祥詳定

問刑條例進呈詔刊布內外衙門一體遵守今微問刑官有任  
情妄引故入人罪者重治 築正陽崇文宣武三闕廂外城命  
侍郎張時徹梁尚德同都御史高大節都督陸炳督工○丙戌  
命平江伯陳圭子微府豐城侯李熙于前府各掌府事奉湯  
侯陳繼祖僉書南京中府事○戊子行大祫禮于 太廟 命  
英國公張溶代 以正旦節遣定國公徐迺德長序伯周大經  
等都督僉事沈奎玉田伯蔣榮分祭 八陵及 恭仁康定景  
皇帝 孝潔皇后 哀冲 莊敬二太子各 陵壙

大明世宗肅皇帝實錄卷三百六十八

大明世宗肅皇帝實錄卷三百六十九

嘉靖三十年正月己丑朔 命成國公朱希忠代行拜 天禮於 玄極寶殿 上不御殿文武群臣于奉天門行五拜三叩頭禮各表賀免百官宴賜節錢鈔王府進賀人員及四夷朝貢使仍宴於闕左門。發太僕寺寄養馬五千匹馬價銀六萬兩于薊州鎮馬二千匹銀三萬六千兩于宣府鎮。詔取南京工部貯庫銀一十五萬兩繕鎧治兵造大小戰車。庚寅。以河東運司餘鹽銀及貯庫贖罰銀十二萬兩補給代府諸群王將軍通欠祿糧之數。寬連太倉糧料各十萬石于懷來倉備用。亦轄寨平等族番人七名落嘉石等族番人或蕭等各貢馬及方物宴賚如例。吏科給事中張學勘上昌平等州縣失事功罪把總都指揮楊繼武違避敵百戶周天祿等九人都指揮



曹世德等十一人千戶谷珣等三十二人協守不力密雲兵備副使孫國通州知州唐贊昌平州知州蕭文明蒞官未久情有可原霸州兵備副使李乘雲指揮孫昂楊袖遊擊柴縉俱有援之功百戶盧袖邵勇楊璋身親行伍指揮等官史珍等二十人陣亡各宜賚恤得旨繼武勦戍天祿等降二級世德等降一級珣等奪俸有差國贊文明乘雲昂袖縉姑免究袖勇璋各賞銀十兩珍等卹錄如例。辛卯。大風揚塵蔽天晝晦。宣宗章皇帝忌辰。奉先殿行祭禮。遣英國公張溶祭景陵。發馬價銀三萬六千兩于大同鎮七萬兩于山西鎮。甲午。時享太廟。遣成國公朱希忠代。丙申。發太倉銀五萬兩于紫荆等閔備客兵餉。戶科給事中何光裕奉詔清理陵衛軍士因條上護衛。陵寢事宜一廣召補謂各衛逃亡軍士州縣之

清解雖多而伍籍之空虛益甚者以風土之不同人情若於羈  
旅故耳宜廣收土著之衆使自為守而令各處應解補者出裝  
銀助之一飭營務謂陵衛軍士原未設有營房旅霰艱辛號召  
不便宜衛為一區軍為一室各令妻小隨住其鞏華城軍士舊  
赴昌平州操練往返五六十里宜于本城外別立教場以便操  
習一專官守謂八衛原係京衛改撥故解到新軍及督補軍士  
俱如京衛例赴兵部收管審替今駐守昌平都御史既特為整  
飭兵政而設前項軍士宜令就近聽其驗審收替不必赴京驗  
送仍以入衛官軍屬之西閩御史巡察令與居庸等閩一體勵  
一革占役謂八衛軍士除赴營操備及太僕寺養馬外為內官  
等監留耕月糧宜清查着伍一設險隘謂山西口已築牆垣宜  
增修高厚東山口宜增設墩臺仍疊短牆雜植榆柳使堪捍蔽

一定邊戍謂擅進口等六隘口去居庸關遠而於黃花鎮近宜屬黃花鎮備管轄其戍守軍士仍取隆慶衛舊數月糧於渤海所閔夫一祛積弊謂神官監以司香而設八衛官軍以衛護而設非以官軍屬該監充內臣役使也乃今自占役外復令認納月錢及巧立檯燈進果等項名色多方科派少有齟齬即于朝陵朔望日點卯捆打或証捏失誤朝陵奏宜行禁革自後朔望朝陵止令恭將官糾飭怠肆內臣毋得干預假借凌虐跪下兵部謂招募軍士應募者少得用亦難招得進食之民復與解來戶丁何異加以軍裝貼銀必長誑冒之弊建立營室必數千餘間乃可人投一室時方財訕興作不易陵寢根本之地土脈風氣所關添墩築牆未可輕議此一事宜姑已其餘可行上從部議而營房仍催建立○戊戌○陞河南左布政使馬坤

為順天府府尹。時山海關等處修築邊牆墩堡議發戶部太倉銀二十六萬有奇兵部太僕寺馬價銀十萬有奇并它運通倉米十萬石兵部上言馬價缺乏而財賦盡輸計部宜有所專屬有旨許之戶部復言修邊事隸兵部即近年遣役繁興未有獨責之本部者且兵部所儲止供買馬本部百需故革費出無窮請如前議詔集廷臣議處不許推調已乃兵部出銀五萬餘悉歸戶部仍請它運米七萬餘石抵銀數并權貸發邊糧草銀七萬從之。以宣府召募新軍添給年例銀十萬一千二百兩命東寧伯焦林掛印充總兵官鎮守湖廣。己亥。復徵江西南贛盡稅如舊初以在討安南留用至是戶部以事寧奏乞查徵從之。命原任寧夏副總兵署都指揮僉事劉繼先守備涉縣指揮僉事李周大寧都司署都指揮僉事宗禮各充叅將

統領山西河南北直隸民兵。庚子命原任總兵今降級千戶趙卿宿州衛指揮僉事梅希孔各泄署都指揮僉事充恭將統領山東直隸民兵。陞淮安府知府趙大綱河間府知府徐文亨俱按察司副使戶部主事于錦兵部主事趙時春俱按察司僉事同薊州軍門聽用副使齊宗道分練各處民兵。咸寧侯仇鸞請申明賞罰事例以激勵將士一獲功舊例首從止二人然戰陣危急之際二人不能斬首必須以五人為伍內為首者陞一級賞銀十兩為從者四人賞銀二十兩使五人均沾陣亡一人四人亦連坐如虜衆我寡事出倉卒宜照往年司業趙貞吉議惟以血戰為功不以損軍為罪一主將部下斬首至五十級副恭遊至三十級守備千總至二十級把總至五級管堡三級照例俱陞一級一出征之期請簡命科道官隨軍紀驗給

以勘合銀牌即時驗功給賞其應陞應降官員就以獲功失事之日為始開收俸糧以免遲延行勘之弊兵部議入詔先行。錦衣衛經歷沈鍊上言往歲逆虜犯順得利而歸還又揚言入貢陰懷故志。皇上奮發神武張皇六師必欲乘時北伐此固神人之所共悅臣民之所願死者也然用兵之機必先廟算方今廟算必先為天下誅姦邪而激忠義則虜賊不足平也臣誠憤憑誓不與賊俱生竊見輔臣嚴嵩貪婪之性病於膏肓愚鄙之心頑如鐵石當此之時不聞其苦心勞思延訪賢豪咨諏方略以為治國安邊計而與其子世蕃日夜圖維為自全之謀勝己者阻之親己者交之揣摩利於錐刀而不用之以經國孤嫺病於夏畦而不推之以親賢遠將非多用黃金不可以得官守臣非累通書幣不可以致譽迺今考察之時又其父子獲利之

曰矣朝廷賞一人則曰我賞之罰一人則曰我罰之今天下皆計蒿父子之愛憎而不復知朝廷之恩威此豈細故哉臣謹按其大罪有十納將官之賄開邊郵之釁一也受諸王餽遺令宗藩失職二也攬吏部之權益賦狼藉下至驛丞小吏無所遺官常不立風俗大壞三也索撫按之常例奔走書使絡繹其門而百姓之財日削四也陰制科道官俾不敢言五也妬賢嫉能中傷善類必擠之死而後已六也縱其子受財以斂怨天下七也日月搬移財貨騷動道路八也為內閣滿九載而無一善狀九也不能協謀天討以紓君父之憂十也吏部尚書夏邦謨名為公室之臣實則私門之吏大事面白嵩而後敢行小事書通世蕃而後敢發始也因賄而得官既也因官而納賄遂使遠近相視習以成風廉恥不行盜賊多起臣謂今之考察不先除此三

人者雖曰退貪墨之吏無庸矣然今日之事臣猶聞有阻北伐以爲不可者夫虜賊之稱貢也許亦來不許亦來而朝廷之出兵也來亦伐不來亦伐善用兵者可以守則亦可以戰不善用兵者不能戰則亦不能守今能阻朝廷之不北伐能保虜寇之不南侵乎臣原其心蓋曰北伐之事成則功歸於將帥事失則罪歸於輔臣此其於誤國之罪大矣乞勅下廷臣將此三人者詳議誅黜則賞罰明而賢否別忠臣義士無不仗劍而起爭劫死以除虜患矣疏入得旨鍊先以作縣壞事被調即今考察自揣不免乃敢出位恣肆狂言排陷大臣計取直名而去錦衣衛捕繫杖治之尋發口外爲民命定國公徐延德掌中軍都督府事○兵部覆成寧侯仇鸞奏三營官軍共缺十四萬有餘乞清勾原額抽選軍丁以備戰守得旨營軍缺伍數多便查



各衛在逃正軍刻期勾補抽取餘丁不必行。辛丑。○吏部尚書夏邦謨以人言乞罷不允。○甲辰。○夜望月食。乙巳。英宗廢皇帝忌辰。奉先殿行祭禮遣長寧伯周大綏祭。裕陵。○丁未。○戶部言各邊召募兵馬日增供費不給宜通融酌處廣求足用之術如北直隸山陝河南廣西貴州省及淮揚廬鳳徐邳諸州郡或已募兵或各修邊或有雇募難以復議其餘可依坐派京料銀以多寡為差應天府三萬徽州府三萬五千寧國府二萬五千池州太平安慶各二萬蘇州府八萬五千德和州滁州共九千浙江十五萬六千江西十二萬湖廣十四萬四川十五萬福建十四萬廣東十五萬雲南五萬七千三百四十年歲限十月以裡解部夫用違限三月者司府州縣掌印官糧官住俸半年以上者叅究降黜候違方事寧停止報可。○咸寧侯

仇鸞言頃於五軍營官軍內簡精銳者千人堪為先鋒乞增設遊擊將軍三員中軍坐營掌號兼領先鋒士馬兵部言 皇上渙發大號兵制一新三營之將既有定員各將之軍又有定數故大將統兵一萬又隸以練勇恭將六員正以羽翼大將分統衆兵或為中軍左右或為先鋒殿後無所不可此萬世可法而欲增設之非臣等所敢擅擬得旨照欽定兵制行 詔給西番諸族堪合先是二十八年御史劉崙請復金牌勘合以便各番納馬給茶其洮州衛列布等河州衛子剛巴等西寧衛營布等諸族族大馬蕃給以金牌冲卜鷲單等一十七族族小馬少者給以勘合未授職事者與之職名原授未罷者類奏承襲嗣後有親撫之番亦許附入如例請給至是總督尚書王以旂等亦以為言下兵部議部覆國初制金牌信符每副二面頒降西番

諸族令鈐制其黨納差發馬匹給以茶引其後西海為北虜所  
據套虜又歲加侵掠諸番所領金牌散失漸覆邊徙內地密迩  
三衛遂不復有齋符比號之事今番族變詐不常北虜抄掠無  
已時脫給而再失失而又給而又失之如國體何夫金牌給番  
本為納馬番人納馬意在得茶耳各番以茶為命不得茶病且  
死矣誠嚴私販之禁則不撫自順雖不給金牌馬可集也若私  
販盛行則在我無以繫其心而制其命雖給金牌馬亦不主今  
稱各番告給寧以勘合與之每歲以是為驗使彼番屬無統者  
易於號召而於文移則革去交易之名使各致差發之誠以正  
體統至於授職承釐必勘明類奏而後許之則恩威兼濟諸夷  
向風矣詔如擬行○戊申○降原任巡撫遼東右僉都御史於  
教廣西左叅政周琬各俸三級以行取贖命逾緩也○兵部議

調班軍三萬赴薊州修邊成寧侯仇薦言軍士疲憊不宜借役請已之上曰班軍及各府人夫俱不許調用第令本鎮量為修築亦不許妄致勞費朕見各鎮修邊往往告成乃卒無一處可濟其各練兵蓄銳用尚實效已而兵部左侍郎史道言往歲虜薄却圻緣薊州邊關失守今不乘時修築使虜復恃馳騁深入震驚內地誰任其咎夫邊關限制夷虜亦不為無功第忽於修者之苟完而怠於守者之失職故往往不得其濟若以為無益而遂舍之此何異因噎而廢食也臣竊謂班軍誠不可調而借役各府原派人夫似亦一時濟變之計上乃令總督都御史何棟等相度閩陞亟為修築○庚戌○祈穀于玄極寶殿先期祝牲遣成寧侯仇薦代至日行禮遣成國公朱希忠代○以旱災免大同宣府諸州縣衛所四糧如例○壬子○遼府沅

陵王寵深覺賜祭葬如例。癸丑。孝靜毅皇后忌辰。奉先殿行祭禮。遣玉田伯蔣榮祭。康陵。己卯。陞禮部右侍郎程文德為本部左侍郎。國子監祭酒孫陞為禮部右侍郎。刑部右侍郎彭黥為兵部左侍郎兼都察院右僉都御史。巡撫應天。○丁巳。皇貴妃王氏薨。上諭禮部皇貴妃王氏同閻氏墓。奠哀冲莊敬二太子。祔其旁。冲幼兒隨母禮以義起。俱入壽山以上。近祖宗之義也。便擇日舉行禮部因言。薨貴妃閻氏。已祔主于孝潔皇后陵室。今葬者既與同窆。固宜同祔。二太子之墓既宜近母。則其主亦宜安祔。二妃左右。詔可。

大明世宗肅皇帝實錄卷三百六十九

大明世宗肅皇帝實錄卷三百七十

嘉靖三十年二月己未朔。禮部尚書徐階言建儲國家大典。臣嘗具疏兩請仰惟 聖明慎重其事久而不下。今 皇子年已十五。選婚講學實惟其時。宜先正其名號。乞容臣等遵例擇吉表請冊立。上以問大學士嚴嵩。嵩對言。彙建 太子所以正國本繫人心。祖宗之制。東宮諸王年至十五則舉選婚之典。出榜差官各地方選擇。必得一年則成婚。在十六歲也。但婚禮東宮諸王不同。須名分先正。斯禮節可行。令二王殿下年已及時。選婚習讀。皆所當舉者。臣等思得帝王之福。莫先於子孫之盛。我 成祖時 宣宗已冊為皇太孫。仰惟 皇上茂膺天眷。萬壽無疆。即今盛典舉行。將來子孫千億。視 成祖而愈先。此臣等祝願之同情也。伏乞 聖明俯賜鑒允。奉 御批。

卿等如此逆迫已酉春事可思嵩復言已酉春事蓋久嬰宿疾  
行坐為難天授元良自有定數此不可以槩同也仰惟 聖見  
高明洞達天人之理伏望釋去思念以送 天庥階所請舊典  
當行仍望俯允于是 上下階跪曰知己階乃擇以本月七日  
表請因列上其儀 上曰知己非行事謂既而掌詹事府事禮  
部尚書孫承恩亦以為請 上竟不行 命英國公張溶武安  
侯鄭岷各僉書都督府事溶左府岷中府。辛酉。改南京兵  
部右侍郎何鰲為刑部右侍郎。陞翰林院侍讀學士閔如林  
為太常寺卿管國子監祭酒事。甲子。罷耕籍禮遣戶部尚  
書孫應奎祭先農之神。乙丑。春分祭大明于朝日壇遣定  
國公徐延德行禮。巡按直隸御史趙紳言居庸關黃花鎮寶  
陵寢門戶命設都御史駐守昌平拱護 皇陵而二關鎮不

在所屬說一時有警何以調遣策應宜自渤海所起至黃花鎮  
居庸關及白羊口長峪城鎮邊城橫嶺口一帶一切防守事業  
俱屬其經理恭將二員俱聽其調度仍聽薊遼總督節制為便  
報可。丁卯。祭先師孔子。命大學士李本行禮。戊辰祭  
太社。太稷遣英國公張溶行禮。孝貞純皇后忌辰。奉  
先殿行祭禮遣都督僉事沈至祭茂陵。兵部尚書王邦瑞  
條陳安攘大計一安中國之大本百姓承平日久賦額有常一  
且軍費百出懸咨易起請亟下明詔諭以德意罷不急之工省  
得已之費而又申明撫按諸臣表屬盡心民事以稱朝廷愛養  
元元之意二決戰守之大計去年虜變其失在倂伺之大明豈  
飭之未預與調集之不早也今一切戰守之事俱宜預戒以備  
不虞三飭九邊之犬防去年虜犯薊州故選調各邊勁兵以護



京師今宣大延寧遼東諸鎮各報聲息請令九邊一體設備務將調軍空缺之數湊補完足四振京營之大政營制初定宜令大小將佐分布訓練期於可用仍行巡視京營科道官時加整閱五築京師之大防薊州修邊本禦虜第一義頃因甲可乙否遂欲棄而不舉若謂調集邊兵誘入拒戰以期成功此固奇矣但借虜窺伺無時邊兵豈可常調此非計之得也宜勅所司亟為修築斷然行之 上曰邦瑞職司本兵惡用是建白且如甲可便行乙否就止及調兵誘入誰說又舍牆而不築者誰說前旨非令不築謂當用心若不用心終年築之無益耳此言不過虛文塞責令自陳狀邦瑞引罪詔革職住俸冠帶辦事以阿附履奏奪侍郎史道俸半年郎中尹耕等十月。己巳祭 帝社 帝稷 命成國公朱希忠代公張溶徐延德侯仇萬駙馬鄔

景和謝詔大學士嚴嵩李本尚書徐階夏邦謨孫承恩侍郎李  
默程文德陪祀。辛未。吏部尚書夏邦謨左侍郎李默右侍  
郎應大猷都察院左都御史屠儵左副都御史商大節各以考  
察先具疏自陳詔令從公考察俱不允辭。癸酉。吏部都察  
院以例考察庶官年老戶部署員外郎馮有年等八人有疾光  
祿寺監事楊伯東等二人者疾太常寺寺丞黃清珵六人不謹  
戶部主事喬遷等九十五人浮躁吏部署員外郎李時春等二  
十九人不及太僕寺寺丞高岐等二十五人罷軟原任戶部司  
務韓思靖貪酷兵馬指揮余楊耿先詔默退降調如例惟誥勅  
房大理寺寺副徐應豐原擬不謹。上以其侍辦御典特留用  
之。甲戌。大學士嚴嵩李本各以考察自陳乞罷。上溫旨  
慰留之。先是成寧侯仇鸞言秦寧福餘二衛夷人畏虜徙避

夾牆宜撫回原衛駐牧如果寡弱不能自立憚歸故土亦當計  
討處安插并經畧所遺原衛地方毋為北虜侵據有旨令總督  
侍郎何棟會遼東鎮官從長計處以聞至是棟等議報朵顏泰  
平福餘三衛夷人國初各有分地朵顏在山海關以西古北口  
以東薊州遼外駐牧泰寧在廣寧境外福餘在開原境外遼河  
左右駐牧數年前北虜小王子打米孫一部侵駐三岔河泰寧  
夷人屢興讐殺間避入夾牆今已久復故地三衛頭目都督等  
官每歲自喜峰口入貢如常初未告急其遼東屬夷若虜患者  
多係二衛部落夷性隨水草遷徙無常非可安插第節年遭虜  
屠掠終不外附宜加撫處今其摠誠當報禦虜有功者許奏請  
陞賞如朵顏例則遠人安而邊方有賴矣得旨各夷既漸復故  
地仍再撫處令其禦虜報効有功奏請陞賞。乙亥。戶部尚

書孫應奎禮部尚書徐階掌詹事府事禮部尚書孫承恩原任  
兵部尚書冠帶辦事王邦瑞刑部尚書顧應祥工部尚書胡松  
俱自陳乞罷詔應奎等各盡心供職不允辭松既衰病難致仕  
邦瑞巧詞懷怨無人臣礼令為民不許再用。戶部左侍郎駱  
顯總督倉場左侍郎瑞廷赦禮部左侍郎聶豹張時徹趙錦工  
部左侍郎龔禪右侍郎梁尚德右僉都御史王學益掌通政司  
事兵部左侍郎孫禴新陞南京大理寺卿郭登掌國子監事太  
常寺卿閔如霖光祿寺卿高澄太僕寺卿高耀各自陳乞罷詔  
俱照舊供職。丙子。通政司左通政陳時右通政趙文華羅  
廷繡大理寺左少卿沈良才右少卿倪嵩太常寺少卿張鷟翼  
太僕寺少卿張辭臣劉大直余胤緒順天府府丞竇一桂各自  
臣不職章下吏部議覆詔俱照舊供職惟陳時以年老致仕。

丁丑 恭仁康定景皇帝忌辰遣定國公徐延德祭陵寢。  
戊寅。大學士嚴嵩言伏蒙 上諭問考察及今邊情或有當  
急計者臣等切惟考察之典以甄別賢者而時急修攘大臣去  
留厥繁尤重本兵之選仍待部推以俟 聖明簡用又連日風  
沙此固方春條風鼓動發生萬物之時似未為異但陰雲重布  
沙土隨揚景候未甚和霽其虜情必要嚴備誠未可一日而緩  
也既入報聞。庚辰。祭歷代帝王遣成寧侯仇鸞行禮駙馬  
謝詔高書孫承恩侍郎程文德徐可成分獻 詔停南閩廂土  
城工先是諸臣建議築城 上以事體重大且選將練兵休息  
民力待來秋農隙舉行後因居民宋良輔等奏願自出財力乃  
擇日興工及時特召掌錦衣衛事陸炳問以築城便否炳對南  
閩居民稠密財貨所聚築城防衛未為不可但財出於民分數

有限工役重大一時未易卒舉宜遵前旨俟來秋行之 上以  
為然命即停止○辛巳○清明節遣英國公張溶定國公徐延  
德長寧伯周大絳駙馬都尉鄔景和分祭 八陵都督僉事沈  
至祭 恭仁康定景皇帝中官祭 恭讓章皇后玉田伯蔣榮  
祭 孝潔皇后沈至祭 哀冲 莊敬二太子各陵墳○陞協  
理戎政兵部右侍郎趙錦為兵部尚書時尚書員缺吏部會推  
行取到京提督兩廣尚書張經總督宣大侍郎蘇佑及兵部侍  
郎聶豹奉旨再推經畧易州兵部右侍郎翁萬達及錦 上乃  
用錦又詔朝廷稱制不許稱總制昨會推時夏邦謨都不遵奉  
口謂總制大臣自肆可乎令對狀却謨引罪切責而宥之○遣  
戶部主事周倣王之齡往南直隸浙江查推積逋○乙酉 詔  
改湖廣沔陽州別河驛於京山縣從巡撫郝御史屠大山奏也

丙戌，吏科都給事中張秉壺等以考察拾遺劾南京刑部尚書傅烟、兵部左侍郎掌通政司事孫禕、南京刑部右侍郎虞守愚、巡撫都御史于湛、許論、右僉都御史張濂、南京太僕寺卿謝蘭、國子監祭酒周文燭、戶部授郎中梁宜、罷刑部尚書顧應祥、兵部左侍郎史道、南京工部右侍郎嚴時泰、宜令致仕、戶部左侍郎駱顯、工部左侍郎龔輝、右副都御史趙汝濂、汪宗元、張素、高寶、司少卿邊允宜、調用吏部尚書夏邦謨、亦當酌議、改用別選才賢以代之、得旨：孫禕、許論、留用、顧應祥、駱顯、龔輝、改南京用趙汝濂、汪宗元、邊允宜、以原職張濂降一級、俱調外任、夏邦謨、史道、傅烟、虞守愚、嚴時泰、謝蘭、張素、于湛、周文燭、俱致仕、尹梁、開住、陞南京尚寶司卿汪集、為南京光祿寺少卿。丁亥。經畧紫荆關兵部右侍郎翁萬達以考察自陳不職。上謂其

無奮勉効力之忠令革職閒住已萬達疏謝 上摘疏中有一  
人字失撞頭為不敬復黜為民○總督宣大山西兵部左侍郎  
蘇祐總督薊遼兵部右侍郎何棟巡撫順天右僉都御史吳嘉  
會巡撫宣府右僉都御史劉璽駐守昌平右僉都御史許宗魯  
各以考察自陳 詔俱供職如故 賜後軍都督府都督僉事  
張琦祭二壇以卮從功也



大明世宗肅皇帝實錄卷三百七十

大明世宗肅皇帝實錄卷三百七十一

嘉靖三十年三月己丑朔 孝肅皇后忌辰遣長寧伯周大經  
祭 裕陵。辛卯。陞吏部左侍郎李默為本部尚書南京右  
都御史歐陽必進為工部尚書。壬辰。虜酋俺答以去歲冬  
自宣府求貢朝議不准入春請求益數屢叩宣大各邊陳款其  
子脫脫復率十餘騎詣宣府寧遠堡暗門呼通事出攬刀為誓  
求通貢市贈通事馬二匹留真夷虎刺記等四人為質而去未  
幾復縛我叛卒朱錦李寶以示誠懇於是宣大督撫蘇祐等以  
其事聞曰去年醜虜逆天犯順震驚畿輔今者復屢以貢馬為  
請雖虜情變詐難以遽信而據其踪跡約有數說蓋聞我 皇  
上赫整六師將出北塞問罪其長威一也虜昨歲犯順歸人畜  
多死聞多怨艾其悔罪二也虜甚嗜中國貨物掠則利歸郵落

求貢則歸酋長其貪利三也小王子者俺答之姪也俺答禁鷲久不聽其約束而恥為之下茲求歸順將假朝廷官爵與其姪爭雄其慕名四也臣等多方詳審累次哨探叅伍虜情有此四者今虜屢遣番文動稱故典援比各夷留使為質縛叛示信揆情度勢有難直拒者臣等竊以在虜之險詐難測在我之制取有道求貢之初其誠與詐似不必深究既貢之後其順與逆亦難以逆觀何其虜以求貢為名其詞順而朝廷許之其體尊若是則可許矣第當不忘戒備使其誠也固在吾覆誠之中不誠亦弁以待之足以懾其氣而不墮其討故曰不必深究也既貢之後虜果肅共天命保塞來王始終不二未可知也或其部落不一諂說無常肆彼無厭要豕難從未可知也中國第當無問順逆時加謹備為善而又安能逆觀哉大抵自古帝王之御夷

狄以不治治惟之先自治而已為今之計宜外示羈縻內脩戰  
守虜既稱部落衆多食用不足欲先許開市以濟自前令其將  
各部夾衆于宣大延寧分投開市以豕之布帛米糧易彼之牛  
羊羸馬既可以中彼所欲因借以壯豕邊俗雖有所費亦不為  
虛且夏秋之間分其兵馬縱有異心亦難遽合交易之際量加  
犒賞亦可以刺探虜情預為經略虜果奉約惟謹終歲不內犯  
俟至來春然後議其通貢如其蓄詐不誠秋高復肆則我之邊  
備原未嘗弛曲直誠偽勝負自分雖有狡黠再難藉口伏乞  
宸斷速賜施行邊方幸甚詔兵部會廷臣從長計議以聞於是  
兵部尚書趙錦會同咸寧侯仇鸞等吏部侍郎朱默議稱永樂  
成化間皆嘗說馬市遼東以侍海西女直及朵顏三衛諸夷今  
虜酋俺荅等求開馬市既以所親信夾後虎判記等為質復縛

送我叛人朱錦李寶情詞誠款似宜比照遼東事例暫為允許  
第其事體重大經始當慎請簡 命練習邊事為夷虜知名文  
職大臣一員奉 勅前詣大同選委夷虜素服恭遊武臣一員  
會同總督鎮巡召集虜酋宣諭威德果能約束部落再不敢犯  
塞許於大同五堡邊外開立馬市本部發馬銀十萬兩令買納  
段等物充用其宣府延寧諸鎮聽各督撫官酌量地方與就近  
各夷部落開市每年四次俱各於冬季約限馬數仍謝各鎮嚴  
兵益備用戒不虞一應綏接防範事宜悉聽差去大臣從宜酌  
處務求經久可行候市易畢日運京覆奏疏入 上意未決以  
問內閣大學士嚴嵩對此事邊臣計慮亦甚周詳蓋用以緩彼  
之人修我之備非以此為可恃而遂忘備也既兵部會官議奏  
相應暫准開行但一年四次每次用馬價銀十萬兩似期密而

費廣且大羊谿壑將來難以限阻臣一年惟准開二次為宜  
上然之乃下其疏曰爾等謂邊臣諱富虜情誠懇惟歲開馬市  
二次馬價如議給發文武二臣所司各舉以聞各總鎮官仍嚴  
緝姦細無令私自交通爭利啓釁漏泄邊情違者重治不貸餘  
悉如擬尋又諭吏部致仕侍郎史道亟取來京命以原職兼右  
僉都御史前赴大同經畧邊事其武臣兵部請以京營恭將往  
陝往從之。丙申。改南京禮部尚書萬鍾為刑部尚書戶部  
右侍郎傅鳳翔為兵部左侍郎兼右僉都御史協理京營戎政  
南京戶部右侍郎方純為戶部右侍郎提督撫治鄆陽右僉都  
御史任瀛提督操江。總督湖廣川貴右都御史張岳督集三  
省漢土兵分哨勸苗湖廣分票四徇隘等七寨四川分呂媽普  
杓等八寨貴州分鬼提參地等十五寨約以去年九月三日三

哨並進至十一月終貴苗三十寨俱破共斬獲六百餘級餘苗多潰竄林箐及有憑險聚保者兵乃進駐銅仁府督兵塔勸至今年正月間人擒斬九百七十餘級乃以捷聞謂自大舉以來四月有餘擒斬賊且一千八百有餘其逃伏林箐飢餓死者且象雖賊首龍許保吳黑苗木獲而其母妻子弟悉已就縛其捕誅餘寇得穿山漏網入於土司地方者計亦不多時下春深宜暫遣土兵歸農量留精粹旗軍打手及附近土兵防守并換捕不服招撫殘黨其湖廣蜡爾山諸苗寨糾同貴苗作孽屢撫不從怙終已甚臣嚴行永保酉陽各土司合兵攻勸地方暫平其一應善後事宜臣等酌議具奏詔兵部知之 詔試監察御史李承華朱瑞登劉世魁陳善治尚維持王先祖雍埤龔愷錢鯨龐俊孫永思鄭本立李秋李一瀚郭仁王紹元各實授。從四

川重慶府定遠縣治於廟兜灣以舊基為水所啗也。丁酉  
上諭輔臣 顯陵不異 天壽事體當同少文武二人奉守大  
學士嚴嵩言 二聖陵窳所在委宜崇重添用奉守官員 聖  
應極當但臣等思得鳳陽 祖陵止內監守備武臣留守 顯  
陵設官創制蓋准於此 天壽文武奉守近因防虜添設事寧  
省革惟 聖明裁之 上是其言遂不增設。戊戌。呂平懷  
柔縣革防大治典守諸臣罪知縣黃謚先任主事任維鈞各降  
邊方雜職見任主事王霽奪俸半年餘罰治有差。兵部尚書  
王以旂總督宣大糧餉戶部右侍郎傅鳳翔巡撫河南右副都  
御史葛守禮巡撫山西右副都御史許論巡撫陝西右副都御  
史鮑象賢巡撫遼東右副都御史蔣應奎巡撫寧夏右僉都御  
史張鏞督理糧餉駐守通州右僉都御史王忬督理山西屯牧



右僉都御史王達各以考察自陳乞罷 令各供職如故 命  
故錦衣衛帶俸指揮僉事盧惠子瓚襲父職瓚請妃兄也。己  
亥。陞浙江左布政使連鎮為都察院右副都御史總理河道  
命原任巡撫遼東都察院右僉都御史於敖以原職經略易  
州地方。辛丑。禮科給事中王鳴臣言邇者繕治戎器如戰  
車勁弩盔甲弓箭火器之類俱就新製以備不虞但置而不習  
與不置同乞督令軍士演習務獲實用各邊奏討軍器原非舊  
例近因召募數多從權給與遂至相沿無已未聞召募新軍樂  
言盔甲缺少未聞開報陣失輒言器械無存乞令鎮巡等官共  
圖節縮如遇缺乏就彼酌量緩急通融措處對陣損失者方許  
具奏補給工部覆議報可。壬寅 武宗殺皇帝忌辰 奉先  
殿行祭禮遣王田伯蔣榮祭 康陵。癸卯。兵部車駕司員

外郎楊繼盛奏乞罷馬市以全國威以絕邊患其略曰去歲胡虜悖逆天道大肆猖獗皇上赫然震怒選將練兵欲報數百萬赤子之仇而雪賊下憑陵之恥此神人之所共幸也臣比見俺答求開馬市之書大肆無狀竊意皇上必決策北伐而興問罪之師矣及廷臣會議乃許暫開馬市臣不覺仰天長嘆夫以皇上之英武國家之全威勇士壯夫踰伏下位者又不可勝數不能坐擒酋虜勦絕苗裔而乃為此不得已下策何哉臣請陳其不可者有十夫開馬市者和議之別名也虜素宿服尚不可言今虜辱我於是不能聲討反與之和則何以上解列祖之怒下舒百姓之恨乎此忘天下之大讐一不可也頃皇上屢下北伐之命臣民夾狄所共聞天下方引領以望王師而乃一旦改為和議失天下之大信二不可也以堂堂天朝而下

與犬羊為市冠履倒置損國家之大威三不可也天下豪傑驍  
聞虜患恠毒莫不憤恨思與逆賊決一死戰聞馬市既開則謂  
朝廷無意於報虜義氣一散不可復振灰豪傑効用之志四不  
可也自去歲虜夷之後天下頗講習武事和市既成則分守之  
防日潰將士之習日偷懈天下修武之心五不可也宣大吏民  
向雖私與虜道猶畏法而不敢肆今以互市為解私通者莫可  
誰何將勾引為禍不測聞邊方交虜之門六不可也天下罹水  
旱征役之苦人人有思亂之心特畏威而不敢動耳今謂國家  
兵威不足以制虜即群起為盜夫孰能難之啓百姓不靖之漸  
七不可也去歲胡虜深入雖未得搏一戰猶以我倉卒無備也  
今調兵已半年而竟許和市長胡虜輕中國之心八不可也犬  
羊變詐無常今豕遺重臣戴金帛至邊彼違約不來未可知也

或因互市而斬關以入或今日互市而明日入寇或遺表而駕  
言別部落皆未可知也或以羸馬而過索重價或因市馬而過  
要重賞或別有分外不堪之求又未可知也是我不能羸靡乎  
彼彼反得以愚弄豕豕墮胡虜狡獪之計九不可也歲費數十  
萬得馬數萬匹互市不已則虜馬日少而豕財亦乏計將安出  
乎不為國家深長之慮十不可也夫為此議以欺 陛下者其  
說有五或為外開馬市以羸靡之而內寬吾力以脩武備夫虜  
至無厭也萬一不能盡如其意勢必敗盟則彼之入寇為有名  
豕之不應其求為失信市馬小利曾足以羸靡乎如曰脩武備  
以備戰守則固無藉此為矣此其謬一也有曰方今急缺馬吾  
正欲市馬大馬不過為紅虜計耳如互市可無事則又安用馬  
况虜安肯以良馬與豕乎此其謬二也有曰暫許馬市以結其

心漸將通貢可為永利矣今稱貢者豈古所謂成賓來王者乎  
不過賄以重利以苟自前耳況市馬我猶得以少償其費貢則  
彼徒手以取重利矣此其謬三也又曰虜既利豕必不失信不  
知醜類日衆其用日繁市馬之足盡供其衆乎不足則安肯守  
小信而自困縱可羈縻不過二三年耳將何以善其後哉此其  
謬四也又曰住兵不祥不可輕用與其勞師動衆征討千里之  
外而勝負難必孰若暫開馬市休兵息民而急脩內治之為上  
噫是猶人身癰疽內攻而憚用藥石可乎損國成養寇患壞天  
下之大事者必曰此始矣此其謬五也夫此十不可五謬者人  
皆知之然在廷之臣無一人敢非而止者之何哉揚於利害故  
耳以 皇上之英武而臣下庸軟避事不足以副之心欲持行  
而手足痿痺良可深恨此國家盛衰之機臣不得忍心隱默以

欺 陛下疏入 上謂此事遠臣奏已久矣又集廷臣議繼威  
胡不蚤言及遣使已行乃肆瀆奏沮撓遠機搖惑人心令錦衣  
衛執赴鎮撫司杖而誚之乃已黜為陝西狄道縣典史○甲辰  
大學士嚴嵩言伏蒙 聖諭以兵部員外郎楊繼威言不可開  
馬市者臣等欽遵即速在直三臣并兵部臣錦臣豹臣時徹等  
到直會計臣錦曰先年胡虜求貢當事之臣未能委曲善取致  
賊借口侵寇數年今復以貢與馬市為言本部會更臣集議暫  
塞其欲以為永戰守倫設之計已蒙 皇上先行大臣昨已出  
閣若復中止恐啟釁端臣豹曰繼威今日來見道其上疏豹曰  
此舉本借為羈縻之術以脩我倫非恃此以為久安依爾罷開  
馬市且倉卒有侵犯作何方略應之繼威語塞臣時徹曰胡虜  
逆天犯順孰不欲虜罪致討但兵食未充因其悔罪通款暫為

爲縻之術今若中止非惟事體不一抑恐變生不虞臣希忠階  
曰開市原未嘗忘武備業已差官無庸別議臣鳧曰議起於鳧  
行止我不敢言諸臣之議如此臣等議得朝廷舉指閔係匪輕  
目今虜使使質留在堡大臣已去在途委難中止合候史道到  
彼回蘇祐等酌處特報另議至於備虜之宜臣等欽奉 聖諭  
只依 皇上初意且堅吾守直待彼犯定要搗巢一掃此誠帝  
王萬全之道也 上意猶豫久之復諭輔臣歲市二次可止只  
與目前一行仍互行史道等 令示以中國上体好生俯軫民  
患特准一次自是已後十年不敢犯輸情上表方再准一次貢  
謂不必許勿得示弱令賊欺夏脩我內治一時不懈爲當鳧等  
因言 聖諭詞議嚴正恩威並著臣等不勝欽服但兵部原議  
馬市歲開四次奉 旨止許二次已經咨行總督等官傳示虜

營約束部落待命今復截止恐無以示信外夷且彼虜遣人留  
質情詞誠懇伏望仍前明旨容闕二次若過為需求不許輕  
聽至於貢必不可許及申飭遠臣嚴加提防俱如聖諭遵行  
報可○兵部請再支南京兵部所貯銀十萬兩及各處餘銀悉  
徵輸京以備市馬之用從之○陞江西左布政司戴暨為右副  
都御史巡撫四川大理寺左少卿沈良才為右僉都御史撫治  
鄖陽○益寶左等衛都督僉事歹答力等八貢還塔山衛部落  
要奪其勒歹答力以狀聞詔守臣諭還之命故安南都統使  
莫福海子宏漢襲父職初福海死宏漢嫡子當襲族人莫正中  
等乘其幼陰欲謀奪而官屬范子儀等助之賴官目黎伯驥等  
擁兵亦護宏漢得不死中正計窮力蹙乃亡八中土奉旨暫  
行安插子儀亦潛往永安等處久之復侵擾內地詭詞惑亂已



而宏漢上表修貢嗣又擒獲子儀等函首獻功并請歸正中以  
全親睦朝廷始知宏漢無恙因命兩廣撫鎮官再勸以聞至  
是提督侍郎用廷等具言查覈宏漢倫序既明應准承蘇原貢  
方物候襲後例進其逆賊范子儀等既經宏漢擒獻具見恭勤  
宜加獎賚但所請正中歸安南恐宏漢初襲事權未定復生他  
釁仍宜安插原所俟宏漢承襲有年然後遣歸聽其處分兵部  
覆如其議上乃命宏漢襲都統使護守勅印餘皆從之已巡  
撫御史蕭世延以子儀就擒錄上諸臣功次兵部議覆行賞  
上曰范子儀安南窮寇擾害我境各官不能即時勦平致動調  
官軍勞費不貲雖既就擒僅可准贖况係宏漢函獻如何一槩  
論功更宜酌議允當不得市恩濫與○丙午○時久不雨上  
諭禮部臣曰天旱祈霖宜虔宜慎自朕先之因以是日始齋三

日 命文武大臣張濬徐階等祭告 郊廟偏于羣祀。南京  
吏部奏考察庶官不謹戶部員外郎丁永燦等三十人罷教戶  
部署郎中顧承芳等二人浮躁尚寶司卿汪集等十五人不及  
吏部司務劉顯道等十六人老鴻臚寺主簿方秀等四人有疾  
經歷孫溥等二人貪戶部主事王曰然等二人詔黜退降調如  
例。裁革北直隸督理屯牧都御史 令管屯御史兼理。丁  
未。陞翰林院侍讀銑為南京翰林院侍讀學士掌院事尚  
寶司司丞白悅為江西按察司僉事。南京九卿堂官各以考  
察自陳乞罷 詔吏部尚書屠楷戶部尚書王崇慶禮部尚書  
萬鏗兵部尚書韓士英刑部尚書傅炯工部尚書潘潢都察院  
右都御史歐陽必進戶部右侍郎方銑工部右侍郎何薰都察  
院右副都御史趙必濂應天府府尹鄭璋太常寺卿陳儒光祿

寺卿陸邴俱供職如故通政司右通政鄭大同大常寺少卿錢邦彥太僕寺少卿扈永通雷禮鴻臚寺卿鄭晚應天府府丞胡叔康下吏部議覆俱留用。以去秋虜犯免義順懷柔密雲昌平四州縣錢糧停徵三河通州薊州平谷四州縣錢糧仍查免大興宛平等縣被傷人戶。己酉陞大理寺右少卿倪嵩為本寺左少卿應天府府丞胡叔康為大理寺右少卿。庚戌南京給事中張承憲等以考察拾遺劾吏部尚書夏邦謨兵部侍郎史道趙錦工部侍郎孫禕戶部侍郎傅鳳翔撫治鄖陽僉都御史任瀛尚寶司司丞白悅南京刑部尚書傅炯侍郎虞守愚南京尚寶司卿許穀各不職當罷得旨趙錦史道傅鳳翔孫禕俱留用任瀛許穀白悅令致仕餘如前旨。辛亥陞工部右侍郎梁尚德本部左侍郎巡撫湖廣右副都御史屠大山工部

右侍郎。○壬子通州都察院公廨大都御史王竹勅書燬馬  
詔付俸三月勅另給。○癸丑以大討武職罷南京右府僉書忻  
城伯趙武前府掌印保定侯梁繼蕃後府掌印定遠侯鄧綽坤  
南京錦衣衛都指揮僉事朱熊各革職閒住。○甲寅。○陞太僕  
寺少卿余胤緒為南京太僕寺卿工科都給事中李珊為應天  
府丞。○乙卯。○中軍都督府都事張子中以祖母百歲乞假歸  
省許之仍令有司給米二石絹二疋。○丙辰。○以雨未霑足風  
震間作復詔諸司祈禱命文武大臣祈郊廟偏郡祀如故  
○陞戶部右侍郎方純為本部左侍郎巡撫河南右副都御史  
萬守禮戶部右侍郎總督倉場戶部右侍郎端廷敕南京都察  
院右都御史

大明世宗肅皇帝實錄卷三百七十一

大明世宗肅皇帝實錄卷三百七十二

嘉靖三十年四月己未朔。時享太廟。遣駙馬都尉鄧景和代。陞湖廣左布政司翁溥為都察院右副都御史。巡撫湖廣。改巡撫南贛汀漳右僉都御史盧勳提督操江。廣西道御史郭仁論劾戶部尚書孫應奎疏辯言仁以求減派蘇州本郡稅根不從所囑。故有是奏。吏部覆應奎近以財用匱乏多方區處計非得已。仁所指欠實而應奎因是訐仁以相報復。亦屬過當。上以仁囑託公事難居憲職。今調外任。應奎舊供職。壬戌命署都指揮僉事趙卿充副總兵。鎮守昌平。初昌平缺兵部推泰軍旣堂。上曰堂在薊鎮。分區守邊。本擬久任何未閱兩月。卿復他用。科匡亦未聞指奏。且俱不問別擬。以聞。于是復推卿乃有是命。癸亥。增設貴州銅仁府。撫苗通判一員。甲

子。陞戶科左給事中何光裕禮科左給事中唐禹俱都給事  
中吏科右給事中劉體乾左給事中戶科給事中石鯨兵科給  
事中楊允繩刑科給事中凌汝志在給事中光裕體乾俱兵科  
鯨本科允繩刑科為汝志俱工科。己巳。改原任提督兩廣  
兵部尚書張經為戶部尚書總督倉場管理西苑農事原任巡  
撫應天右副都御史張垣巡撫南汀漳。任南京光祿寺卿陸  
邦為都察院右僉都御史巡撫河南。庚午。貴州銅仁苗寨  
既破其賊首龍許保吳黑苗等竄匿湖廣鎮阜苗寨乃糾同蜡  
爾山冷水溪及四川小平茶落寨苗許保等亦約結殘苗男婦  
七八十人俱服土兵衣甲詭言承保二司兵出哨者突入思州  
府知府李允簡方視事執之并知事王月謙經歷盧惠劫獄出  
囚盡搜倉庫居民財物殺戮極慘縱火焚燒而去允簡尋還歸

以憂死巡按御史董威以其事聞因奏守土諸臣都御史任職  
總兵官沈希儀奏議劉望之貪事俞冲忝將石邦憲等俱失事  
當罪且言除患者必追其所由察惡者必究其所主責之苗患  
蔓延而不息者以湖廣永保四川酉陽各土司以養苗為利招  
藏泄漏獨貽患於貴州故也而湖廣任事之臣始終執迷以撓  
軍門而曰苗可撫以今觀之其可撫與否昭然明矣蓋今之任  
事者即前之議撫者不過期遂必撫之私以飾前日之罪而不  
顧貴州之害耳惟 陛下申誠都御史張兵勿泥前議期于必  
勦仍削土司冠服以彰朝廷威信地方幸甚得旨苗寇攻陷府  
城失事不細貴州地方官并湖廣不肯進兵之中兵部會都察  
院該科從公奏究以聞于是尚書趙錦等會都察院兵科奏論  
希儀等皆奪俸戴罪勦賊仍請切責張岳及撤湖廣貴州巡



按御史會勘湖廣不肯進兵之由即星馳具奏至於承保酉陽各土司彭明輔彭蓋臣冉玄俱被其冠帶令戴罪自劾大學士嚴嵩亦言總督張岳前議調集漢土官兵十萬約會三省分哨進剿又奏貴苗已勦湖苗聽撫似為無事今乃有此據董威所奏則由岳聽撫之誤也蓋苗寇雖分湖貴其實巢穴相通須并征勦苗無所逃方得平定今湖苗初曰聽撫而不時出衝營寨責苗雖曰征勦而首惡龍許保等未獲有且藏在湖苗寨內同出攻剽思州似此失事張岳豈能辭責但今用人方恩本官在彼既久事體已熟未可輕易宜姑示罰治以責後效上曰朝廷設置總督欲其事權歸一以盡除苗患張岳原奏分哨進兵又稱湖苗聽撫乃今失事重大即宜速治念係緊急用人姑令以兵部右侍郎兼右僉都御史職銜戴罪任事仍與沈希儀

俱住俸立功任轍革職冠帶辦事餘失事人員俱如擬速問住  
休湖廣聽撫誤事官 令巡按御史速查回奏趙錦等不從實  
究論又泛言塞責何有計安地方之意其自陳狀以聞錦等伏  
罪 上曰爾等不思地方殘破釀成臣患猶自朦朧掩飾甚非  
人臣之道錦及左都御史屠僑都給事中何光裕各奪俸三月  
已巡按湖廣御史谷喻亦奏論岳及湖廣鎮巡該道與麻陽哨  
把總林澤等得 旨地方諸臣輕信苗寇聽撫致貴州失事法  
本不赦念用人之際姑令自劾澤等及奏議張景貴副使劉天  
授叅政陶欽燮各位俸戴罪立功原任巡撫屠大山亦住俸仍  
以舊職巡撫地方協力征苗侯事寧併議原任總兵李熙以去  
任弗問仍奪祿俸半年○御史喻時言 陛下俯俞邊臣之議  
開通馬市蓋將薄遂省鼠之欲以飭我內治即兵法以利動之

以本待之之微意非徒恃此以為平胡之長策也是在奉行德  
意者豫為之經理焉耳如邊城以資衛守也今薊州紫荆等處  
形跡如故此邊城經理之未周也官兵以集武藝也今京營卒  
伍不可輕用挑選遺士不可久屯官兵經理之未周也錢糧以  
贍軍餉也原議分布駐劄處所而區畫未詳或軍之所聚尚未  
給或糧之所聚尚未發此以錢糧經理之未周也器械以壯兵  
威也原議裁製堅好而監督未嚴或虛額而未盈其數或濫作  
而未極其工此器械經理之未周也夫虜情詭秘無常戒備不  
容暫弛故不當問其市之開與不開而惟重我之戒嚴不當究  
虜之誠與未誠而惟中我之備禦奈何當事之臣從恃一時之  
安而不為國家圖億萬年長久之計也疏上 詔兵部宣議兵  
部議如御史言請飭總都何棟等亟修閭隘咸寧侯仇鸞侍郎

傅鳳翔訓練營兵戶工二部查處兵需器械各盡乃職以期實  
効得旨薊鎮邊牆修完幾何有無堅固令巡閱御史從實  
勘報分區兵馬缺少該部令議處補之法來聞京營士馬舊等  
宜加意操練俾堪戰守軍餉輸將數多所司如誤兵馬支用及  
冒尅諸弊各巡按御史稽察奏聞器械不如法者有罰防秋屆  
期各當事諸臣如幹理不實科道官查劾毋或徇情黨庇他日  
誤事連坐不貸已兵部議補分區兵馬謂十區之兵滿數者僅  
半其五區兵缺一萬一千三百人請令何良棟等遵前旨亟為  
召募本部仍發銀二萬兩充用刻六月內報完其京營副將劉  
大章叅將劉環曹鎮所領士馬三枝并遼東遊兵徽調二枝共  
五枝以補五遊擊之用報可○總督宣大山西都御史蘇祐等  
疏陳邊防四事一分區定守宣府邊牆原分四路今析為七區

其原設有恭將區分如第二第四第五等區及南北二路者仍令復回本處駐劄至於第一第三第六第七等區請添恭將四員畫地分守原設副總兵先駐鎮城後移駐永寧城者宜復掣回駐劄鎮城一修補遺牆本鎮當修者惟西路為急自西陽河至柳溝臺凡二百三十餘里役軍夫可三萬人敵臺當築者惟東路為急自四海冶至西陽河應築敵臺五百座役軍夫亦三萬人合用銀一十六萬五千餘兩以本鎮餘銀充之尚乏二萬餘兩請下戶部給發一分布兵馬各鎮恭遊等官統領士馬原以三千為一營今各區所轄官軍如第一第三第五等區不成數宜以班軍及抽丁補之仍給馬各滿千匹一應援監督本鎮每區該遊兵一枝今尚少三枝聽總督鎮巡官將覓在四枝內通融酌處往來聯絡臨時調遣不許拘執信地致誤軍機其

監督文職聽總督軍門隨宜監督兵部議覆從之。咸寧侯仇  
鸞言臣授大將用兵貴專各邊調集兵馬四萬并京營兵馬一  
萬宜專隸臣分布諸路他官不得擅行調遣又請令總兵官  
黃振於京城四面各創墩臺一座令各邊皆倣為之仍嚴烽堠  
以便戍守且許大小諸臣殫陳禦虜之策兵部覆議得旨統  
兵築墩如擬行禦虜之策兵糧為急戶兵二部更宜加意經理  
至於戍守機宜專係大將多官建議亦虛文耳已之命永安  
城所駐官軍曰永安營鞏華城所駐官軍曰鞏華營復守陵  
寢○辛未○建祈年醮典于朝天等宮諭禮部曰四民之中  
惟農為重而且最苦朕茲為民祈福臣佐君理民不宜欺怠諸  
司其以實奉行之毋慢○代王廷琦獻銀五千兩汝王祐楫獻  
銀三千兩德王載澄獻戰馬八匹銀一千兩徽王載瑜寧化王

府輔國中尉知吳各獻銀一千兩助邊賜勅獎諭。總督宣大兵部左侍郎蘇祐以邊功詔陞其孫宋為國子生。丁丑。兵科都給事中何光裕等言南苗作孽恃諸司土官為之黨庇也。土官憑藉威靈據有名器而敢怙終十紀養寇自殖者總督大臣賞罰失當無以震懾其心而制其死命也。誠降勅切責土官懸分地之賞嚴削奪之罰而又令總督張岳稽覈功過以鼓舞之則未有不為我用者矣。至於湖廣四川征苗官宜令吏兵二部毋擅推用俟事竣方許遷秩撤兵之後或總督不可常設則以湖廣麻陽靖州等處守備辰沅兵備四川酉陽平茶等司土官俱隸貴州巡撫節制漢土官兵亦聽貴州總兵調遣為便。又知府李允簡奮激捐軀忠義當錄其餘官吏被虜者與居民受害者悉宜查勘以恤其家兵部議覆得旨土官黨苗為患

不畏法度總督官宜宣布朝廷恩威令其擒斬首惡有功一體  
加賞如再違玩革職削地不宥三省干係用兵文武職官不許  
擅推及賞錢差遣避事允簡死事行按臣查奏優卹餘有擬行  
○己卯兩○庚辰○以旱災詔停直隸保定等六府預徵馬匹  
及停解保定河間二府駐劄銀二萬仍遣官齎太倉銀四萬兩  
會撫按官賑卹之○浮園國草場火御史宋端登言浮園峪最  
當要地歲末及周火災連及此非商人朋奸以希掩蓋則必奸  
細乘機以詭觀望也諸該經管人員宜嚴究詳鞠以為息誤之  
戒疏入 詔錦衣衛丞差官校速管糧主事張希賢并各該經  
管人員至京坊訊又詔都察院前失火官吏人等已奉旨速問  
何日久不報今通行查恭明白以聞於是先差巡閱御史趙紳  
原任易州兵備副使趙瀛皆以聞報延久各降一級調外任并



遠治前任管倉主事度上珍已革希賢上珍職為民元登守備地總指揮千戶朱孔陽等有差。壬午。經畧京城內外都察院左副都御史高節奏臣受命經略京城但謂事體之未安經理之未備臣得以忝酌奏請助其所不及耳非有重兵在手專以戰守為責者也今咸寧侯仇鸞乃以京城四郊分布于臣且云平時則修築訓練有警則相機截殺是京城利害以臣一身當之矣及查仇鸞分布人馬之數則止留京軍柔脆者防守九門而自以精粹五萬中選截殺僮虜人有知以一陣衝仇鸞又以一陣趨京師在仇鸞則進退失據在京師則救援無兵昨年之事為鑒不遠乃欲誣臣徒守難矣且臣奉命所得節制者恭侍麻宗等巡捕官軍耳仇鸞又屢為調駐劇不令臣知是巡捕官軍即亦非臣所有為一奸宄乘虛竊發倉卒之間誰為捍

禦宜勅兵部詳議或遵勅諭所聞或從仇鸞所分布麻宗人馬或屬之臣或屬之鳧或屬之兵部其修築城堡訓練兵馬預虛錢糧應屬何人并乞早為裁斷以便遵行疏入上怒其推奸避難命錦衣衛捕送鎮撫司杖訊法司議大節罪比領兵官已承調遣不依期進兵策應因而失事軍機律斬大節復疏辯上曰邇來臨敵以先忘國自愛又何期於戰耶命下詔獄嚴禁之已大學士嚴嵩等因言大節固有罪但法司所擬比似於所犯未合蓋原律謂臨敵時不進兵策應致誤軍機今本犯雖涉推避蓋非臨陣失機之比乞皇上少霽天威赦其一死姑發極邊充戍臣等非敢申救犯人但欲求合公法耳不聽○癸未○陞山東道監察御史黃如桂為太僕寺少卿○裁革蘇州府吳江縣松陵驛○甲申○革隰川王俊柏管理府事俊

柏押勒宗人凡請名封婚祿者必索重賄以致宗室子女過期不獲婚配名封者甚衆屢奉嚴旨奪祿行查執不奉詔故有是命。乙酉。陞南京太僕寺少卿扈永通為南京光祿寺卿。丙戌。開馬市于大同鎮羌堡虜酋俺答與其子脫脫等部落夾衆共易馬二千七百餘匹市竣遣虜質虎刺記等四人出邊加給延綏募軍餉銀二萬四千兩有奇寧夏抽捕新軍餉銀二萬三千四百兩延綏挑選家丁通事餉銀九千三百兩俱歲以為例。兩淮巡鹽御史高鏞議上戶部所覈鹽法事宜謂給事中姜良翰所請每正鹽一萬引外稍加浮鹽二千引減半徵價通計止加一十四萬餘引得價僅四萬餘兩不若部議每引正餘益外包內再加百五十觔照常納價既免加引歲可得銀二十五萬兩其御史楊選欲留司運解部賦罰收買餘鹽查歲

解賦罰止八千兩而選議擬增餘鹽引三百萬亦既不敷工本  
況天時人力歲辦不等原額引不過七十餘萬驟加四倍亦恐  
壅滯難行不若于部議包加一百五十觔外仍加五十觔共二  
百觔以定二引之數前正餘鹽既俱開造此鹽宜令商人自行  
買補赴製入銀運司通前可得銀三十四萬同割沒鹽銀如舊  
解部使兩浙巡鹽御史宿應參入稱浮引之加非便漸益每引  
二百觔分原許帶餘鹽五十觔宜增至一百五十觔計歲可得  
銀一千二萬其杭嘉諸府所置小票鹽稅利甚微大為益法害  
宜亟行裁革部覆俱報可

大明世宗肅皇帝實錄卷三百七十二

大明世宗肅皇帝實錄卷三百七十三

嘉靖三十年五月戊子朔。以霖雨應祈遣文武大臣朱希忠等謝各宮廟。庚寅。陞吏部考功司郎中章煥為南京太僕寺少卿。甲午。孝宗敬皇帝忌辰。奉先殿行祭禮。遣都督僉事沈至祭泰陵。唐王宇溫衛王厚燾各獻戰馬助邊。賜勅獎諭。丙申。咸寧侯仇薦言。臣等奉命選調邊兵四萬。專為衛護京師。而設項兵部議將遼東地方聽總督何棟調遣。存者未半。何以禦敵。請以保定泰將劉環曹鎮等所部官軍六千。練其遼東等處邊兵。不得擅分。惟臣分布調遣兵所駐處。乞勅戶部厚備糧餉。以備支給。詔悉從之。詔以廣東高州瓊州雷州廣西桂林南寧梧州等府所屬及兩廣雲貴王司首領并遼東都司各屬衛經歷俱改入正選。地方不許告遠。人員注選。

○丁酉。大祀。地于方澤先期視牲。命成國公朱希忠代告請。太祖配神。及是日行禮。俱命英國公張溶代。改掌通政司事。兵部左侍郎孫檉為戶部左侍郎。總督倉場。實理西苑農事。陞巡撫江西右副都御史吳鵬為工部右侍郎。右僉都御史王學益為左副都御史。協管院事。○己亥。仁宗昭皇帝忌辰。遣長寧伯圖大經祭獻陵。○咸寧侯仇鸞以疾在告。遣太醫院官診視。仍賜牢膳諸物。○贈故宣府叅將都指揮使李彬為都督。同知仍陞其子國珍為都指揮。同知彬以二十三年。贈房堡陣亡。至是。勘明錄之。○咸寧侯仇鸞言。臣受命為大將。夙夜兢惕。惟安邊滅虜是計。而嫉臣者無所不至。馬市之開。而謂臣畏避。出征商大節之得罪。而謂臣設計中傷。甚有為臣子不忍聞之言。恐一旦加臣以奇禍。陛下雖欲臣而不可得。

臣不知死所矣乞解兵柄以謝人言。上溫旨慰留之。薦又奏在告不得請祭神旗。上曰大將或時不興即令副將代之。著為令。○壬寅。添設戶部浙江江西河南四川雲南等司主事各一員。○裁革廣東瓊州府烏石長岐賓宰三驛移牛嶺巡檢司于烏石驛舊址從提督兩廣都御史周延奏也。○癸卯。命懷遠侯常文濟臨淮侯李庭竹各掌南京都督府事文濟後府庭竹前府。○甲辰。提督兩廣兵部右侍郎周延三年秩滿。廢其子守為國子生。○巡按直隸御史趙錦言直隸淮安至山東兗州數百里間民多流移荒田彌望乞蠲其逋賦寬其重役。其開洪泉壩等夫役請于漕運四百萬石內每石如銀二分。願募仍簡命才望之臣督有司撫綏開墾之戶部覆官可無遺諸逋負請自二十七年以前盡蠲之。漕糧增派夫銀宜行漕運河



路二臣議得旨地荒民逃屢詔撫輯墾闢有司全不奉行仍還有心計才幹官一員量與憲職專往經理俟有績方許別用○降封楚府故崇陽王顯休子英傑為鎮國將軍始顯休以敵敵功兄顯梈賜死至是英傑援革前例請封上謂顯休以逆死難准常例因降封一等○乙巳詔改提督兩廣兵部右侍郎周延為刑部左侍郎巡撫湖廣右副都御史翁溥巡撫江西○侍郎史道大同馬市完并進虜謝恩馬九匹蓄長一通道謂虜自四月二十五日入市至二十八日虜馬尚多以我段希既竭而止俺酋約束部落終始無敢有一人誣譯者南向黃幃香葉叩頭極恭迹頗馴順其查奏所云皆為悔罪自懲之言今秋或可無虞第狼子野心未可必信在我先事之防萬全之計有不可一時或緩一事或疎者其請再市及宣府開市日期望亟

賜裁定施行。取下兵部咸寧侯仇薦言：帝皇柔遠之道在于厚往來，薄俸答進，馬夷俗以九數為敬之至，似宜量破常格，遣官噴勅宣諭，仍從厚賞賚，以嘉向化之心。其宣府開市宜命兵部速檄設鎮諸臣，如大同例舉行。臣惟馬之開本為羈縻之術，則戎戰守不可一日有忘。況夷情既已不常，而部落又非一種，豈能保其久而不變？竊恐邊臣因開馬市遂忘戒心，萬一虜情匪茹，不無有悞軍機。乞勅各邊鎮自今以後務多方哨探加意隄防，常如賊在目前，以蓄戰守之効。至于戶部之供應錢糧工部之修繕器械，兵部之選練兵將，俱乞天語宣示，不可因而怠緩。其各鎮征調八捷兵馬務令依期疾赴，分布信地，駐劄圍操。臣當督各該將領一體嚴備，及將京營人馬用心操練。疏下禮兵二部會覆，為議停當。第開市獻馬實賜原無事例，查女直

都督先年嘗因求討賜以大紅獅衣金帶金帽大帽今寫奏乞  
從厚賞賚宜依前例俺荅賜大紅紵絲膝襪花樣衣一表裏全  
頂大帽一金帶一脫脫大紅紵絲一表裏夾使了頭智及虜質  
虎刺記等四人各青綠紵絲一表裏總降勅一道 命史道遠  
官賚捧頒賜其宣府延寧原題與大同一體開市第恐各鎮未  
諳虜情宜令史道次第徧詣二鎮會同各撫鎮官逐一經理事  
畢回京其一應戰守事宜宜如舊議申飭 上命仍加賜俺荅  
彩幣四表裏餘如擬○丙午○以兵部右侍郎張時徹二年滿  
蔭其子邦伊為國子生○發太倉銀六萬一千兩于保定充募  
兵用○巡關御史李承華奉詔查勘薊鎮修築牆塹土程奏  
該鎮各官曠時怠事通計工程尚不及十一詔停總督河東總  
兵成勳巡撫吳嘉會叅將韓承慶段堂副使劉燾王倫俸責令

尅日修完奏報。己酉。朝鮮國夷人管令金等八人以航海  
值颶風漂至淮安守臣譯送京師詔卹而遣之。庚戌。宣府  
設馬市于新開口堡虜酋把都兒辛愛伯腰卜郎台吉委兀兒  
煥台吉凡五部入市共易馬二千餘匹。辛亥。勅上用諸臣  
議查舉將才兵部疏名上請浙江紹興衛指揮白濬臨山衛指  
揮馬奎等八人與馬已巡按浙江御史王應鍾言濬奎等方以  
失事下獄安得稱才勇。上命兵部陳狀尚書趙錦言濬等係  
都指揮王國賢所薦侍郎史道因而類題臣莊任之始虞人言  
不足信方行各巡按御史查覈而移文未至宜應鍾有是言也  
上宥錦不問令巡按御史濟等及國賢從重問擬以聞。壬  
子。兵科都給事中何光裕奏論南京錦衣衛僉書呂元以庸  
才而躡要職錦衣衛納級總旗王松昌首功而濫襲千戶器之

藪莫此為甚乞行嚴究 上命兵部從實以聞部覆都指揮僉  
書錦衣衛事於例有之元領運六年五被薦書似非躡等松先  
總旗以其父子俱有新虜功故併襲今職光裕言非足得 旨  
錦衣係侍人員員豈容濫陞朕姑奪堂官俸一月月該司官四  
月元革回原衛松下都察院逮治。癸丑 詔停應天府及浙  
江等省加派糧銀。乙卯。兵部覆給事中徐公遠疏陳防守  
事宜一經畧邊務請遣大臣巡行各邊經畫一切備禦之具一  
查革冗軍大木黑窯二廠及牛房故有官軍應役今二廠之營  
建漸少而牛房地畝且歸之高膳監宜各量留原數之半供事  
餘悉轉發操備一安戢兵民山東兵民率驕悍不可制宜其餘  
中立數人為總隊分轄諸兵更相訓戒不馴者治以兵法一修  
舉巡捕京城巡捕官軍原額一萬二千今僅滿五千而老弱者

半之宜嚴加掄選期足原數仍委主事一員同叅將麻宗管理操練得旨經畧大臣不必增說餘如擬行巡捕人馬缺少速為抽選巡年司屬官及叅將往往以人馬私與各官供役其令科臣訪奏治罪○丙辰○兵部覆給事中朱伯辰奏兵戎要務謂薊州猶門戶京師猶堂室今以大將統兵數萬株守京師待其既入而後截殺是舍門戶而守堂室非計之得也宜將寧夏因原遣兵各一枝調發薊州與先調京兵三枝保定兵二枝遼東兵二枝共九枝俱聽總督何棟隨宜分布遇警調遣得旨各邊兵馬業已選調入護茲所議各鎮援兵第令近者聞報啟行陝西道遠不必調發餘如議行

大明世宗肅皇帝實錄卷三十三

大明世宗肅皇帝實錄卷三百七十四

嘉靖三十年六月戊午朔。己未。陞吏科都給事中張秉壺為南京尚寶司卿。庚申。增設神機營坐營官一員專理火器以原任總兵官署都督僉事黃振為之。壬戌命彭城伯張勳弟熊靛祖爵。革大理寺卿李卿李香職間任以赴任違限故也。初大同馬市甫畢隨有虜騎犯左衛者侍郎史道達使詰虜則為中國妖逆蕭芹喬源等實誘致之芹源皆持白蓮教邪術出入虜地為奸其黨無慮百十人散處諸營帳恐虜與中國通為己不利乃賄俺荅左右言芹等有術咒人人死喝城城頽俺荅為所恐動於是道密踪跡白蓮教諸妖張攀隆等五千餘人執之并執芹源等妻子索芹源於虜虜請試芹源使喝城不效則執以與我脫脫告通事曰某曰將自右衛以千騎隨芹



等入試鳴城毋敢掠也會有旨命道徧歷延寧經理市事道以其事聞因言俺酋前赴市甚恭中怵於邪黨臣計料此虜雖未可要其所終而調停曲處得宜尚可挽之以就我籠絡且虜酋惟俺荅為雄其分位宣府境外把都慶愛等五部皆其親枝子弟一有扇動即為門庑燃眉之災視吉囊三子散處河西僻隔者不可同語故今之制馭諸夷要在其一酋而已臣多方操縱已得要領虜雖或于畏死未即執送芹等然妖術回驗端可計日而俟臣今奉命西行竊慮此中事機未定乞勅當事諸臣毋泥常法亦不得執以目前虜情小小出入錙銖相較因而坐失大機務憂深計遠圖融通交羈致俺酋恭順之心後亦猶昨然後馬市不為無益耳其前項妖逆務百方購取無仗留滯虜中以養後患咸寧侯仇萬復言虜素多詐每入寇常蓄謀不發突

出不意豈肯吐露真情使我知備恐虜來犯西別有狡謀戰守之備所當加慎且原議開市以宣大切近京師不得已用為羈縻之術延寧遠遠虜情逆順不足為輕重宜仍留史道於宣大令一意取置邊情用終前績蕭芹等虜法不肯發宜重為賞格縛芹源猷者予百金餘三十金彼其術既不驗而虜又為利是畜亦可以剷除妖氛永絕禍本會虜果犯右衛總督侍郎蘇祐以聞詔俱下兵部議覆虜入當以戰守責諸將史道宜留宣大計處虜情其妖人蕭芹等宜用舊所擬賞格懸購詔悉允行○癸亥○未封妃何氏堯詔遣封為睦妃賜祭葬如懷柔賢妃例殺一等○山東兗州府地震有聲○甲子 命戶部右侍郎葛守禮兼都察院右僉都御史督理宣大山西等處糧餉○工部覆給事中劉體乾朱伯良各奏財用絀乏乞清查內府各監局

人匠止留應用人役悉革其增添冒替老弱者至於陞除官匠  
宜嚴查冒濫以為降革毋得兄食致耗國計得旨凡行○乙  
丑○巡撫寧夏都御史張鏞言本鎮開墾荒田七百三十餘頃  
宜設官專理原任興武營都指揮趙康熟知地利承委勤勞宜  
量加署職一切水利屯田及招撫流移提調各補官員俱令廉  
得專理為便從之○丙寅○陞福建布政使司左叅政王璣為  
都察院右僉都御史充准徐兗州等處招撫營田使○陞順天  
府府尹馬坤為大理寺卿○致仕應天府尹孫懋卒贈都察院  
右副都御史賜祭葬如例懋浙江慈谿人正德辛未進士授知  
縣歷南京給事中數上書 乘輿巡幸又論劾都督朱寧陞廣  
東按察司副使以擅笞錦衣衛差校事逮繫獄調滕縣典史  
後歷陞至今官致仕卒懋行誼端潔居官有惠政清操和易甚

為鄉人所稱。丁卯。發太倉銀萬九千二百兩有奇於延綏充新軍餉。壬申。陞山東左布政使盧紳為順天府府尹。癸酉。吏部擬原任副使王汝楫補山西潞安兵備。上以山西被遣汝楫既以不堪并陞調豈堪是任今更推有才望者以聞。甲戌。睿宗獻皇帝忌辰行祭禮於奉先殿。乙亥。改總督漕運兵部左侍郎兼右僉都御史應槓提督兩廣軍務兼理巡撫。陞應天府府尹鄭璋為南京刑部右侍郎。先是雲南元江府土舍那鑑既殺土官知府那憲朝廷屢命官審勘抗不奉詔蓋縱兵攻劫村寨詔鎮巡官調集漢土官兵討之於是鎮守總兵官沐朝弼巡撫都御史石簡督調武定北勝亦佐等土漢兵分為五哨各監以二司官以左布政使徐督餉兵既集朝弼簡進駐臨安府分部進兵破朱龍寨招降甘莊賊

勢漸盛那鑑乃遣經歷張維及生儒數人詣南美哨監督僉事王養浩所乞降時樾以督餉歷諸哨至南美適與維遇樾迂闇不知事聞維言則謂鑑誠計窮畏死欲自取以為功乃與維約翌日令鑑面縛出城樾親來受降樾所親信及養浩等咸謂夷詐不可信樾不聽如期率百餘人往至元江南門外鑑不出樾方責問間鑑縱象馬夷兵突出城衝之樾及左右志死所領卒僅一二脫者時四月十四日也於是巡按御史趙炳然以其事聞并劾朝弼簡及養浩等俱失事當罪謂樾雖輕率敗謀心實為國當卹却覆得旨逆賊賊官守臣失事官本宜重治始念用人之際朝弼隆勅切責令剋期擒斯首惡逆黨那鑑張維等簡被職聞位養浩等各位俸戴罪勦賊樾卹錄如例已贈樾先祿寺卿賜祭奠錄其子為園子生○調山西副使尹綸於京師

統民兵五千以備調用。貴州者龍許保吳黑苗等既破思州復糾諸寨賊苗隨同湖廣岷爾山苗突出平頭司欲攻石阡府不克還過省漢千戶安大朝等伏兵貓兒國道等之斬獲大半悉奪其牛羊器械於是殘苗益懼原任泰將石邦憲乃購粟四等以苗麻得盤等誘許龍保擒之總督湖廣貴州都御史張岳以聞言苗自去歲殘破亡死十七寨燬焚妻子戮繫殘孽遊魂所餘無幾而乃購結湖苗不時扇動者以首惡漏網故也今兵威既振許保乃為其黨縛至軍門禍根以除眾心解散地方兵禍可冀銷寢其龍許保宜械至京師伏法市曹以昭天討詔許保即於貴州梟之其諸臣功罪通候事寧叢奏。丙子。金星晝見申位六日。先是巡按御史趙紳建議於橫嶺北港口添築營堡募軍守隘兵部覆總督侍郎何棟等議報至是且八

月矣祿始疏覆請蓋兵六百如節年募軍事例給與營房等項銀兩閏支月糧一體操練分布上責其久稽成命停兵備副使許天倫俸令戴罪脩虜佚防秋畢且奏發太倉銀三千兩為所募軍士衣鞋營房之費○丁丑○改巡撫陝西都察院右副都御史鮑象賢巡撫雲南○兵部以各邊劄報甚急請中飭諸臣憑險拒守於內併力堵截於外賊犯一路則各路兵馬星馳應援不許自分彼此失悞軍機及科道官隨軍紀錄功罪仍發銀四萬兩為賞之費得旨諸路通虜之地令各總督鎮巡等官分地堵守仇雋且勿輕出先以兵馬分布要地候警報實即督兵截殺今歲調兵費多各將官務戮力坐挫賊鋒獲有奇功不吝陞賞如或观望逗遛法不輕宥餘如議行○兵部議留運軍萬人防守通州報可已御史沮景奏言若留漕卒防秋計撤四

之期當在十月於時漕河凍阻船不得南來歲運糧必至稽誤不便乃罷前議。庚辰。發太倉銀五萬兩於保定九萬兩於通州充各邊各省入衛進兵糧餉。辛巳。禮部左侍郎程文德奉詔相睦妃何氏塋城因言金山一帶墾地無餘宜與故宜妃包氏靜妃陳氏同窆昨年二妃逝奉 聖諭二妃相近而逝可同一地為墓我 憲廟諸妃皆同處者且省民力一分仁言惻怛聞者感動今墾城甚廣附造更便 上曰 祖宗成法當守王制亦當遵古世婦御妻數俱用九其自今以九妃同墓共一享殿而中為七室所司如諭奉行。壬午。復除應天府尹歐陽整原職。廣西徭種夜越慶遠府城劫庫殺人鎮巡等官周延等以聞 上命逮守備孫文縑指揮王倬李炳及知府閔旦等下按臣訊治。癸未 孝莊睿皇后忌辰 奉先殿行



祭禮遣玉田伯蔣榮祭 裕陵。○增修通州城完賞督理糧餉  
右僉都御史王忬銀三十兩紵絲三表裏巡按御史溫景葵十  
五兩一表裏井管工官員各賞有差。○大學士嚴嵩言近見大  
將仇鸞奏據報遠賊約會入寇鸞欲自領京營兵及民兵以迎  
賊戰却將遣兵分遣于附近追勦零賊又欲聚民間大車載棋  
抄隨營應用及許軍馬食民田禾各一節臣等切惟軍馬經行  
地方各有督餉都御史預備糧草分畫已定今又令戶部官載  
棋抄而行徒見事體煩擾至於縱馬食民稼尤非美事古之名  
將行軍紀律有擅取民一物者即殺以徇寧使虜過田苗食盡  
不可下此一令又今歲調到官兵以其慣經戰陣全賴入衛京  
師備戰今却遣邊兵出外地以待零賊而用京兵兼民兵為正  
營以迎大賊此則臣等莫喻其意云何也伏乞 聖裁謹入報

聞。乙酉 孝穆皇后忌辰遣都督僉事沈至祭 裕陵。丙  
辰。改南京戶部左侍郎駱顯為戶部左侍郎總督漕運兼巡  
撫鳳陽陞陝西左布政使賈應春為都察院右副都御史巡撫  
陝西。壽王祐者楚王英煊各進銀三千兩趙王厚煜進馬十  
匹銀一千兩襄府管理府事陽山王厚頻進銀二千兩益王厚  
燁吉王戴均崇王戴境各進銀一千兩助邊俱賜勅獎諭。兵  
部左侍郎兼都察院右副都御史傅鳳翔卒贈右都御史賜祭  
葬如例

大明世宗肅皇帝實錄卷三十四

大明世宗肅皇帝實錄卷三百七十五

嘉靖三十年七月丁亥朔時享 太廟遣駙馬都尉謝詒代○  
延綏鎮巡等官張愚等言本鎮自國初以來未經開市法宜慎  
始且東西相距千五百里無邊牆為限而鎮城北距大邊紅石  
峽僅九里外即虜巢雖定邊牆而地多平漠于此立市恐召虜  
侮矧延寧兩鎮所與市者惟套虜一部花馬池界在二鎮之中  
有邊城三百餘里可以為據宜合延寧二鎮同此立市限以日  
期先後互吳總督大臣用防秋例駐此以便調度兩鎮撫鎮各  
帶兵馬分布防禦庶事體歸一氣象可現仍乞比照大同事例  
給發帑銀充用勅遣大臣一人前來經理詔發銀四萬兩大臣  
不必遣惟令總督尚書王以旆會同鎮巡官酌議停當如大同  
例行○禮部尚書徐階言頃見仇雋調至邊兵俱分布在外而

京城四面立營者惟京軍班軍此屬僅可拒守未能出戰去秋虜以遊騎直薄城下莫有向之發一矢者虜所以肆然復謀入寇也及今不一創之復令得意去將來虜患豈有既乎臣聞各處勇敢之夫有自備戰馬戎器率家丁赴市願報効者其人馬率驍壯可使乞勅巡視九門大臣悉取錄在官結伍團練如有虜賊大營與邊軍相持於外而其遊騎仍去如秋薄城下即相機調遣截殺有功照例陞賞庶可少挫逆虜之氣得旨先行○己丑○咸寧侯仇鸞奏借民間田車以備戰守 上曰去歲造完戰車專備禦敵如何又盡取民車益增騷擾不必行○庚寅 仁孝皇后忌辰 奉先殿行祭禮遣恭順侯吳繼爵祭 長陵 命戶部進銀五萬兩仍諭起自明年每五年一進銀十萬兩復勅分道遣人購龍涎香無得枉道延擾○以旱災免陝西

延安府所屬州縣田糧。發太僕寺銀八萬一千兩市馬於京師。辛卯。陞尚寶司少卿李圻為本司卿仍加從四匹服色俸級以九年秋滿也。令長陵等八衛官軍月糧防秋日於昌平閱支餘月如故。塔山丹等衛夷人王中等二十八人奏請陞熊都督都指揮等職許之。癸巳。先是南京科道等官奉旨會舉遺才吏部覆議原任御史王璜答如思編脩唐順之刑部主事唐樞山西叅政胡松俱堪起用上曰虛名浮譽庸人可乎俱報罷。虜酋俺荅執我妖叛蕭芹呂明鎮及芹子蕭得玉來獻侍郎史道以聞詔道執芹等并前左衛緝獲妖犯張攀龍等械送法司獄。上嘉諸臣功加仇鳧為太子太傅祿米二百石廕一子為錦衣衛副千戶史道陞兵部尚書仍各賞銀五十兩紵絲四表裏總督侍郎蘇祐而下各發銀幣有差賜

儉答金線通袖衣二襲綵幣四表裡脫脫了頭智各一襲紵絲  
二表裏虜之九芹至邊也。鳶家丁小旗時義實縛以入部議用  
王三例乃陞義指揮僉事賞銀一百兩。以燕河營草場火奪  
戶部管糧郎中董策俸三月。甲午。賜錦衣衛帶俸正十戶  
王受父清母趙氏祭奠給銀五百三十兩。受徽妃父也。乙未  
。陞刑科都給事中呂時中為陝西布政司右叅政。丙申。  
海州衛地震有聲。董卜韓胡宣慰使司加渴瓦寺差都細頭  
目容中五步兒入貢宴養有差始誤夷應貢者例不過百五十  
人至是乃有五百人而以招撫為名者復二百六十人。溢故額  
遠甚禮部申明舊例請以百五人為額數給金寶其餘半給之  
白後以例外至者誠閩吏無人報可。戊戌。羊原任坐倉員  
外郎祝時恭職間住戶部勅其承委召商賈納而遷延踰歲竟

以因緣遷任故也。己亥。陞禮部儀制司郎中林懋和為湖廣按察司副使提調學校。總督漕運都御史應積奏先年黃河入海之道疏通無滯故開青河口通黃河之流以濟運道今黃河入海下流如澗口安東等處俱漲塞河流壅而漸高瀉入青河口泥沙停淤屢塞濬屢塞茲欲使黃河之水不復入河口須鑿澗口以決壅滯疏支河以殺水勢工力浩繁未敢輕議勘得三里溝在淮河下流黃河未合之上淮水清多濁少議者為宜開清河口間三里至通濟橋使舡由三里溝出淮河達黃河且道里甚近工費不多欲除河患無以易此疏下工部覆議從之。庚子。移靈州泰將於橫城改平虜守備為分守泰將寧夏前衛後千戶所為平虜守禦千戶所從寧夏巡撫張鎬奏也。辛丑。中元節遣武定侯郭守乾長寧伯周大經玉田伯蔣



榮駙馬都尉鄔景和分祭 八陵都督查事沈至祭 恭仁康  
定景皇帝中官祭 恭讓章皇后榮仍祭 孝潔皇后至仍祭  
哀冲 莊敬二太子各陵墳。壬寅。雲南鎮巡官沐朝弼  
石簡既督集五哨兵環元江而雙五月一日令南羨哨督兵渡  
江選路通哨甘莊哨各精兵二千佐之那鑑嗣和二哨精卒志  
歸南羨潛遣兵象乘虛銜路通哨我兵不意賊至倉卒燒營走  
監督恭將郝維兵奔入甘莊哨甘莊初望見路通火起衆心已  
惶駭比維蔽至遂大潰督哨副使李維亦適時是賊勢甚熾惟  
餘南羨一哨逼城而軍武定府土官知府翟氏寧州土舍祿紹  
先廣南僮兵頭陸友仁等咸恨那鑑戕主奪嫡誓死不退督哨  
僉事王養浩因激獎之翼日鼓噪攻城賊兵迎戰則大敗遂閉  
門不敢出我兵圍之鑑乞降我兵懲徐樾之敗不應城中樵採

路絕折屋而爨斗米價至銀三四錢人畜多餓死值瘴毒起大  
兵乃復撤期秋末征之朝弼簡以其事聞巡按御史趙炳然乃  
叅論二哨失事諸臣之罪以李維為首維初不欲分兵簡強激  
之則怒罵其使簡以是憾維謂維受那鑑金因沮敗師徒以成  
賊勢故炳然重劾維給事中黃元白遂謂真維顯戮疏俱下兵  
部議覆維當從重治餘功罪宜悉如御史言得旨維憲臣乃甘  
賊賄偵師罪在不赦其先行革職下按臣覈實奏報維藏掖其  
冠帶全戴罪自劾瞿氏祿紹先陸友仁等行撫臣厚加賞賚仍  
給初朝弼會同新撫臣鮑象賢鳩兵討賊以靖地方餘悉如擬  
○甲辰 成祖文皇帝忌辰 奉先殿行祭禮遣武定侯郭守  
乾祭 長陵 給錦衣衛都指揮僉事盧惠營奠銀五百三十  
兩惠靖妃父也○乙巳 代王廷珩奏臣府郡王分封在南者

七府凡欽賜子名勅書悉由臣府轉頒此定制也今襄垣王成  
鏗朦朧奏請以御名勅書徑賜該府按成化九年襄垣王仕堽  
與弟仕堅等訐奏不法各降為庶人仕堅發回大同今子孫甚  
衆賜名原係一事若徑給該府則位大同者將如之何其餘六  
群王府若悉比例奏乞未免紊亂 祖制蓋成鏗聽信撥置以  
孽支冒封已革王爵謂朝死可欺凡百求請皆可以計得者  
上覽其跡內稱賜名為御名下禮部叅閱詔其輔道官罪而寢  
其所奏。壽王祐禧薨賜祭如例命營奠地于西山。戊申。○  
都察院左都御史屠僑六年考滿詔太子少傅己酉先是二十  
八年八月虜以數萬騎屯寧夏虜遣外官軍據險奮擊斬首六  
十餘級奪夾馬九十餘匹虜遂宵遁至是巡按陝西御史姚一  
元劾上其功詔賞總督尚書王以旂銀五十兩紵絲四表裏仍

賜勅獎勵遊擊張隆恭將劉繼先各陞一級恭將等官成勳等  
十四人各賞銀十兩紵絲一表裏失事把總等官張鵬等七人  
以功准贖。朝鮮國王于岵差陪臣刑曹恭判任虎臣等奉表  
及方物賀萬壽聖節宴賚如例。甲寅。陞通政使司左通  
政趙文華為通政使南京太常寺卿陳儒為南京戶部右侍郎  
總督張儲

大明世宗肅皇帝實錄卷三十五

大明世宗肅皇帝實錄卷三百七十六

嘉靖三十年八月丙辰朔。丁巳。祭先師孔子。命吏部高

書李默行禮。戊午祭太社。太稷遣英國公張溶代。己

未祭帝社。帝稷遣成國公朱希忠代。公張溶徐延德侯仇

鸞駙馬鄧景和謝詒大學士嚴嵩李本尚書徐階李默孫承恩

侍郎程文德孫陞陪祀。壬戌。初馬希原議以段布米麥易

慮之牛羊馬匹。于時諸酋急欲易馬。中國亦但具段布應之。而

已及七月初。脫脫執送妖逆蕭芹。因言富虜能以馬易段。貧者

惟有牛羊。請易菽粟。朝議則復難之。侍郎史道疏言。互市原非

可以久恃。黑目前羈虜之術。莫便於此。蓋虜性貪而勢強。抑又

甚貧。凡所資于我者。衆而非鈔。掠則無從得也。其入吾。又莫能

禦之。故歲被其侵。暴茲虜。求互市。與中國以有無相易。馬匹牛

羊被之有也菽粟布帛我之有也各以所有餘質所不足使虜大小貧富皆沿我之有而我邊鎮之人亦無不受其利焉又于中量為恩禮虜雖禽獸亦必以所遇為榮以通為便顧悉留連而不能舍矣仇是以往縱未可期以永馴即三數年有可必者而我乘此間暇汲汲自治簡練武勇繕修險塞充裕軍儲整勅兵械週以歲月將使富強在我則雖進而別畜以震疊威靈亦在所優為矣今之坐談以收成事者其說不過有一二日虜不粒食其易粟將以之食我遁逃一日虜馬且壯將乘市深入夫虜以牛羊來市得粟幾何安能供遁逃之衆且又何受此毒孽而舍牛羊為之需食也其歲時侵犯未嘗欲入而不能而又何惜市以乘便耶實以馬段之易虜之富者利之貧虜畜唯牛羊已爾虜富者十二而貧者十八今不一為通融恐為飢寒所迫

衛法約束有妨大計乞廟謨早斷銷繁未萌為遺疆久遠慮是時俺荅約東西諸部毋犯亭障數使使問市期而朝廷多謂虜欲無厭既易改布復請菽粟恐將來益有難從之請議久不決道復上言曰北虜貪詐自古未聞可以情乎義結之者茲者俺荅又稱雄黷顧乃持求通中國一念耿耿不息而中國不以時應也故邊患甚焉近 皇上特准其請命臣道經畫其事臣於三月臨邊俺荅即傳諭各部禁其南收是以西起延寧東盡宣大環境數千里由三月以迄七月自妖孽蕭芹等誘入二次外便無三五零騎侵擾近邊者臣道質之邊境父老咸謂百餘年來所未有此不獨見其尊奉朝廷遵守信義即其威令之行于各部亦足徵矣為山兀仍功虧一簣今俺荅懇請以牛馬易粟豆蓋欲借是以定請部落之心諸部心定則俺荅內向守盟之



心益專一矣乃是八月初臨邊整備牛羊候旨交易而命久不下且粟豆與段布隨在有之即有缺乏轉輸亦易是在督撫諸臣有地方之責者秉公協力一指揮號召之而已豈真難哉且擺邊之費最為無益其在今日尤謬妄非計若暫停二十日移其所省糧料即可辦此市費其弘賜等堡所蓄衛口之糧今日乃無所用之權亦假借亦足支給至于所易牛羊估充官軍俸糧為利亦博伏惟速賜施行以慰虜衆懸仰以曲全虜首恭順之心邊疆幸甚是時宣大督撫諸臣蘇祐何思等見朝議洵洵沐于利害慮異日蒙首事禍亦疏言不可謂虜牛羊衆非塞下粟所能轉易恐因為啟釁不如勿許咸寧侯仇萬皇威無所執亦變始說請下廷臣集議便宜為行止臣行諸將嚴為之備以待戰守疏俱下兵部議以祐思等之言為是 上以問大學士

嚴嵩言道請以米與虜易牛羊鎮巡官以為不可臣惟今春開  
市之舉彼時兵糧未集權假以緩其入然市甫必施已入捨且  
虜邀請無厭將未莫知紀極即今徵兵四集正宜決戰以挫虜  
鋒不宜任其要挾祇以示弱耳竊欲分布戰守甚當于是上  
下部疏謂虜變詐要求不可柱令大將及各總督鎮巡官一意  
戰守為事已俺荅遣使謝賜帽帶表裏以昨歲犯京師引罪謂  
為朵顏所誘且乞賜職役誥命道以表聞得旨虜乞請無厭史  
道不思處置邊備乃為瀆奏其令即日回京自是虜謂中國不  
足信復時時剽掠境上然嗜馬市利未肯公言大舉邊臣亦與  
之互易不絕以中其心大段畏而陷之無復前時制馭羸糜之  
畧矣既逾年虜好復絕○癸卯 孝康敬皇后忌辰 奏先殿  
行祭禮遣長守伯周大絳給 泰陵 萬壽聖節設醮朝天宮

三日。泰寧等衛右都督歹答兒等差頭目升合兒等貢馬賀  
萬壽聖節宴賞如例。甲子。以明日 孝慈高皇后忌辰  
奉先殿行祭禮。以 萬壽聖節遣武定侯郭守乾長寧伯  
周大經玉田伯蔣榮駙馬都尉鄔景和分祭 八陵都督食事  
沈至祭 恭仁康定景皇帝中官祭 恭讓章皇后伯榮仍祭  
孝潔皇后各陵寢。乙丑 萬壽聖節遣成國公朱希忠行  
祭告禮于 玄極寶殿是日 上不御朝文武群臣具朝服于  
奉天門行五拜三叩頭禮各表賀免文武群臣宴賜節錢鈔王  
府進賀人員及四夷朝貢使國師禪師等賜宴如例。戊辰。○  
秋分祭夜明于夕月壇遣定國公徐延德行禮尚書孫承恩分  
獻。辛未。大將軍仇鸞統領京邊兵馬二萬七千有奇分白  
羊等口分布截殺閱視關隘。壬申。周府湯溪王勤煥薨賜

祭奠如例。大同妖犯蕭芹張攀陸呂明鎮王得道等伏誅。芹等與喬源丘阜劉景陽等皆以白蓮教術幻惑遠近，出入虜地，為姦會，馬市戍恐于其黨，不料乃為逆表，進俺荅謀以左衛獻之虜之鎮羌市完犯左衛也。實芹等誘之，幸其謀早泄，攀龍明鎮等被擒虜至城門不聞，乃引去芹誑虜謂能喝城使塌，故虜復入右衛，試芹術不驗，未幾虜遂執送芹，詔侍郎史道取芹攀陸等諸妖犯悉械送京師，下法司讞其罪。攀陸芹明鎮得道等凡為首惡者十有二人，悉凌遲處死，梟首邊境，沒入其財產，妻子其從惡全理而下死，鈔有差是舉也。大同妖黨畧盡，其脫漏者不及十一，而首惡喬源丘阜劉景陽竟匿虜所不出，後數歲阜等乃大為遺患云。丙子，廣東巡按御史蕭世延等嚴勘崖州等處獲功陣亡漢土官軍嚴鶴等七千二百四十三人，詔

陞賞卹錄有差。丁丑 憲宗純皇帝忌辰 奉先殿行祭禮  
遣武定侯郭守乾祭 茂陵。戊寅。咸寧侯仇鸞言朵顏諸  
夷影克哈哈赤哈丹見陳通事等昨歲導虜犯順今虜已納款  
復行誑惑請亟加征討兵部尚書趙錦言各夷歸順久未必一  
旦盡叛共有一二及側在以方畧祛除之而已若遽興大兵不  
惟玉石俱焚矣 聖朝綏懷之體且恐老師費財或起意外之  
虞請下總督鎮巡等臣詳議其利害于是總督侍郎何棟等議  
稱影克哈哈赤乃朵顏夷酋中國授以都督兼指揮職事一有  
動搖將致諸酋俱叛今中國方惠胡不宜復啟夷釁逼之合勢  
益我強敵且欲進勦必須深入山徑險狹林木叢密兵力難施  
糧運不便一入陷地難保萬全縱使一鼓成功盡除醜類猶且  
不可何者本鎮遠外草肥木煖南窺畿甸惟限一塘朵顏犬羊

也以居此地係我屬夷縱有反覆為患尚小北虜虎狼也若使據此恣其狂噬禍將無極如果剪除朵顏邊地曠遠我軍既難住守北虜窺隙勢且憑為巢穴是撒毀藩籬延寇而自近也為計在矣審連年勾虜實係哈丹見陳通事為之構煽二虜咸中國遁亡狡狡凶忍惡逆滔天罪在不宥容臣等多方擒捕以正國法亦足以警戒各夷使知悔懼部覆以棟等之言為是上乃從之。高寶司少卿徐文繁九年秩滿陞本司卿加從四品服充俸級。己卯。祭歷代帝皇遣英國公張溶行礼侯李熙伯陳奎尚書顧可學孫應奎分猷。陞廣東左布政使張釐為南京太常寺卿。發太倉銀萬二千六百兩于甘肅充新選軍餉。辛巳。大學士嚴嵩言前禮部奏稱。二王殿不選婚等禮。皇上謂古今固不時同而所稟亦有厚薄此君父保愛

之情臣等仰知未即舉行乃 聖意有在非凡愚所及今 二  
王殿下年已長成選婚實惟其期若京府及園建營造工役又  
非一時可成伏候欽定吉日命禮工二部查例舉行臣等又惟  
選婚重事 東宮諸王禮數不同名分所宜先正方可下勅伏  
乞 聖明裁定詔候旨行○旌表陝西等處孝子李寶等二人  
節婦王氏等二十五人烈婦張氏等三人烈女朱氏等二人○  
乙酉○給賞聽征京營官軍萬一千五百人官銀二兩軍一兩  
俱布二疋五軍營戰車官軍四千二百人倭兵營箭手千二百  
人官銀二兩軍一兩俱布一疋防守西山官軍一千五百人官  
銀二兩軍七錢各省選到民兵五枝并防守薊遼二枝各銀五  
錢防守白羊口挑選涿鹿等衛軍三千人各銀三錢 詔兵部  
尚書史道兼都察院右僉都御史協理京營戎政





大明世宗肅皇帝實錄卷三百七十六

大明世宗肅皇帝實錄卷三百七十七

嘉靖三十年九月丙戌朔巡撫河南右僉都御史陸邦以疾乞  
休許之。陛制勅房辦事通政使司通政仗張文憲為工部右  
侍郎辦事如故以九年秩滿也。命原任總兵官張鳳充京營  
練勇叅將。咸寧侯仇鸞言頃聞妬臣者謂臣家丁劫趙時春  
所統民兵營被其殺戮夫兵雖有軍民之分悉臣節制臣何怨  
於民兵而令家丁劫之此由去冬臣欲調遣遣兵而尚書王邦  
瑞郎中尹耕款寡民兵以阻撓軍機不遂故值臣出兵於外遂  
駕此浮詞搖亂國是伏望收臣重權俾得全首牖下。上手書  
慰之曰卿竭忠戍務今秋果賊未犯豈可以群嫉求退宜益盡  
心運思以慰朕望不允辭。己丑。孝恭章皇后忌辰。奉先  
殿行禮遣恭順侯吳繼爵祭景陵。荆府京山王厚燧薨賜

祭奠如例。陞光祿寺卿高澄為都察院右副都御史巡撫河南。陞通政使司右叅議李登雲為右通政。陞工科左給事中姜良翰為都給事中。禮科右給事中烏從善兵部右給事中馬汝松戶科右給事中石鯨俱左給事中。吏科給事中為右給事中。從善吏科汝松禮科良翰鯨俱刑科登之本科。乙未上諭兵部風作竟日防虜之計不可少怠不知連日何如尚書趙錦對言虜住近邊無所向往但今秋高馬肥正彼馳騁之候邊臣戒備不容少弛。上以為然令各邊加謹備之母息毋忽。○京師地震有聲詔二十二日為始修省三日。○戈陽王拱積薨賜祭奠如例。○戊戌。○霜降節遣定國公徐延德武定侯郭守乾恭順侯吳繼爵長寧伯周大經分祭八陵都督僉事沈至祭恭仁康定景皇帝中官祭恭讓章皇后王田伯蔣榮

祭 孝潔皇后彭城伯張熊祭 哀冲 莊敬太子各陵墳。  
錄故兵部尚書兼左都御史王守仁子正億為國子生初守仁  
歷正三品俸餘三年以在軍中未及考滿至是其妻張氏陳乞  
特許之。都給事中何光裕等御史龔愷等劾奏兵部尚書史  
道茲以邊陲多事特起之廢棄之市中任市馬之責正宜宣布  
恩威陰伐虜謀稱 上任使乃敢傳送虜言委靡遷馬市開矣  
即欲易未穀未穀塞矣即欲請封說今現虜表意在請乞而道  
以為謝恩況表文又不像虜撰其設心謂何道不去則馬市封  
冊之議不已夷虜無厭之請難從人懷兩可之疑士無必戰之  
志國是紛紛無日而定亟宜罷黜以為謀國不忠之戒疏入  
上怒曰史道已有旨令回京道未回時爾等何在既有所知當  
不移刻陳奏何專一探試朝廷左初道本欲論薦光裕愷各廷

杖八十餘姑奪俸一年。己亥。經畧紫荆等關都御史於敖等言各州縣殫民財以築塼堡業已落成今欲如仇薦議悉撤都督僉事黃振所建復令改民力何堪乞勅部臣議所以修築之費得旨塼堡既完即不必改造重勞民力詔貴州思南石阡思州銅仁四府屬新設撫苦在叅議管理都勻滇遠黎平三府及龍里新添平越清平都勻興隆黃平等七衛所屬額設右叅議管理。庚子命督理糧餉侍郎舊守禮及經理主事周鎬陳天祐張邦彥李敬回部。工部覆巡按山西御史吳果言各衛所軍器造作濫惡起解愆期皆武職侵費料價所致以後請以每年徵完料價付有司收貯委府州清軍官同該衛所督委局官收買物料成造務令制造如法依期起解報可。大學士嚴嵩以制誥兩房缺官辨禮奏改禮部主事張大復兵部

主事徐學詩為吏部主事戶部主事吳蘭郭東藩大理寺評事  
陸從大為禮部主事進士英國倫嚴杰為中書舍人分送兩房  
辦事。巡按陝西御史姚一元勘上二十九年寧夏失事諸臣  
罪狀言虜於九月內以七千餘騎由寧夏磨口石入至玉泉營  
分為三部肆掠魏信諸堡殺囚人萬無算副總兵孫賢等擇地  
自衛已復割首獻馘擒敗為功指揮吳相等皆观望不前副總  
兵韓欽等聞警不援總兵吉象等雖未後期兵竟回功而督撫  
大臣王以旂張鎬等亦調度無策其獎率孤軍力抗強虜者僅  
遊擊茆隆而已今虜患方殷宜重懲諸債事者於法以懲其後  
詔械副總兵孫賢遊擊趙河守備李隆張世德鎮撫高暘至京  
治罪下指揮吳相等二十七人按臣問擬奪副總兵韓欽等俸  
一年總兵吉象巡撫張鎬各半年總督王以旂三月遊擊茆隆

行總督軍門犒賞。壬寅。陞吏部右侍郎應大猷為本部左侍郎改戶部右侍郎。舊守禮為吏部右侍郎。陞兵部右侍郎聶豹為本部左侍郎。改太僕寺卿高燿為光祿寺卿。以災傷免江西九江饒州等府各州縣衛所田糧有差。仍以九江鈔關明年二季稅銀折補王府祿糧。免湖廣承天襄陽等府州縣衛所田糧如例。仍命所司發倉粟賑之。癸卯。發太倉銀三千九百餘兩於遼東充新抽軍士糧餉。曲周縣強賊李邦珍等糾亡命數十人劫庫奪囚流掠山東鉅野河南大康等縣。轉入直隸亳州。四省騷動。給事中彭範言。今歲淮潁間大饑。不急撲滅。此賊恐釀成大患。疏下兵部。請責守土諸臣及時擒捕。仍命副總督何棟於北直隸山東河南三兵備官所領民兵內各選驍健五百名。委謀勇偏裨統領。隨賊所向。往勦之。得旨。強賊奔

遠為患所過地方官本宜重慮姑令戴罪勦賊如仍观望避事  
巡按御史指名叅奏聞民兵且勿調發。先是山東樂安縣賊  
首孟尚守等聚眾行劫所司捕之急賊賄莒州同知賀朝宣得  
縱去既而以二十餘騎簿日照縣城典史范邦彥百戶李濟追  
逐之賊執二人去已又流劫鄆州樓北門外玄武祠官兵圍之  
縱火焚祠賊盡死火中邦彥二人亦死焉至是事聞。上命巡  
按御史逮莒州知州吳川楫日照縣知縣馮舜田及指揮等官  
張雲漢等九人治罪朝宣追賊發戍邦彥等卹其家巡撫及兵  
備等官以事平姑不問。甲辰。刑科都給事中姜良翰等以  
審錄重囚初覆奏。上以是日行。大享禮賁良翰以刑名瀆  
奏為不敬奪良翰俸半年餘皆四月仍不許陞轉。丙午。大  
享禮於。玄極寶殿先期視牲詣。皇考配。帝及是日行禮。



俱命成國公朱希忠代以 哀冲 莊敬二太子啟遷告 太  
廟遣都督陸炳行禮。丁未 上諭禮部今歲 太享自視牲  
始風喧闕間實以百司不恭雖之遺墳賣之三覆自後凡祈禱  
大享悉準大報行。戊申。廢工部尚書歐陽必進弟必達  
為國子生初必進提督兩廣有軍功得廢子以無子乞廢其弟  
許之奪南京吏部尚書屠楷等俸一月革南京國子監祭酒閻  
拱職聞位以拱赴任遲緩又不遵例自陳而楷等失於查奏為  
給事中何雲鴈等劾奏也。己酉。陞順天府府尹竇一桂為  
太僕寺卿江西道御史呂光洵為南京光祿寺少卿。災傷免  
應天蘇松常鎮寧國太平鳳陽等府并徐邳宿穎等州縣南京  
錦衣各衛所河間開封河南懷慶衛輝彰德南陽汝寧歸德汝  
州諸州縣衛所田糧有差仍許折徵蘇州倉兌軍米七萬石及

扣留輸保定諸倉糧八分之三河間諸倉糧六分之一○甲寅  
○以水災詔淮安所屬州縣及揚州之寶泰鳳陽之泗時五河  
徐州之蕭碭改兌米於德州倉支運二萬石仍如例蠲也

大明世宗肅皇帝實錄卷三百七十七

大明世宗肅皇帝實錄卷三百七十八

嘉靖三十年十月乙卯朔時享 太廟英國公張濬代。欽天

監進明年大統曆頒賜群臣。丙辰 孝潔皇后忌辰遣彭城

伯張熊祭 陵寢。初韓府高平王融埏樂平府鎮國將軍偕

溫襄陵府奉國將軍旭樸各以事降為庶人至是其子女生未

革爵之前者以例乞封禮部議旭樸所犯止于越聞宜從所請

而融埏借陞以姦淫廢不宜聽詔悉許之。以災傷免順天河

間真定保定順德廣平大名水平各府所屬州縣各衛所稅糧

馬草及宮莊屯田子粒有差。丁巳。協理戎政兵部尚書史

道至京以科道會劾乃上疏乞退曰臣衰年病日本不宜重玷

朝班昨歲被召以腥膻犯闕不敢自便迺復蒙 皇上收之既

棄委以經始馬市臣妻子宗黨成為臣危以至遠近大小之臣

及凡與臣共事者蓋真無一人謂其事之可保善終也茲伏  
天威遠憚延寧宣大四鎮市事告成酋虜自妖逆引犯二次外  
絕無一騎明肆侵掠者臣竊自幸可以免罪矣而言者猶攻臣  
不置伏荷 聖明憐念曲賜矜原既生入玉門脫身危地受恩  
深重敢復念身第兩目曠眊益信不辨咫尺委難劾職乞賜骸  
骨首丘壑䟽下吏部言道後慮畫市易有無裨益邊計 聖鑒  
自晰其以目疾乞休似非得已 上覽奏不悅曰道盡心遺事  
其功罪有無爾職司擬評未有定論乃一一以煩主則爾等所  
辦何事道令竭忠協理尚書李默等各降俸一級。己未。戶  
部類覆科道官各䟽議錢穀事宜一四川廣東福建雲南監課  
未有御史巡察以故日就廢壞自後宜勅巡察官一併監理其  
課銀每年量留十分之三以備兵荒餘悉解赴太倉一宣大二

鎮及薊州諸處除常額外預請新增銀兩多至數百萬恐未免  
侵冒宜勅遣科道官查覈仍會同總督及督餉官酌議地方緩  
急宜省宜備以便來年度支一戶部司官差往各省查催未完  
錢糧不無煩擾宜取還部今各巡按御史督徵詔如議○庚申  
○陞巡撫遼東右副都御史蔣應奎為戶部右侍郎左春坊左  
諭德茅瓚為南京國子監祭酒○以災傷免遼東定遼廣寧寧  
遠蓋義海州諸衛所屯糧如例 命浙江蘇松等處織造紵絲  
羅共八萬六千三百疋○辛酉 勅江西弋陽王長子焜管理  
府事○壬戌 命誠憲伯劉世延僉書南京左府事都督僉事  
劉遠僉書南京右府事○以災傷免山西太原大同府諸州  
縣及各衛所稅糧如例○癸亥○陞光祿寺少卿王紳為順天  
府府丞○以苑田收穫實督理農事戶部左侍郎孫禴等絲段

羊酒有差。尚給事中何雲鵬等奏畿輔根本之地。近歲頻遭饑饉。重以虜患困踣。已極。間有中人之產者。又往往苦於芻糧之負。買車輛之輓輸。當此之時。得循吏撫循而休養之。猶懼隳三也。顧今守令不深。惟民困差役百出。甚或賣富役貧。取一培十。民日窮迫。恐且有意外不逞之虞。宜嚴勅守令。悉心子惠。凡百征需用。一緩二有。警圍操無事。解散養民。平和之福。以貽樂利之女。於治道甚便。都察院議覆。上嘉納之。○甲子。○端和恭順溫僖皇貴妃王氏發引。喪儀視貴妃閻氏例。○遷陞兵科左給事中劉體乾。工部屯田司主事胡朝臣。為通政使司左右參議。○丁卯。○以災傷免貴州銅仁思恩二府所屬田糧如例。○發太倉銀二萬兩于薊州充新軍餉。○己巳。○總督薊遼侍郎何棟擒獲孫顏叛逆哈丹兒。陳通事咸寧侯仇薦以聞。詔械

送法司鞠訊告謝 郊廟。○以災傷免山東東昌兗州等府所屬州縣及各衛所田糧有差。○咸寧侯仇鸞言調遣兵開馬市缺一不可調遣兵則我有內恃而馬市可開關馬市則我有遠交而賊黨可散計無出此者但馬市之開倉卒未有定議今欲為經久之計宜將各處當出馬者每匹徵其值二十兩其在南直隸河南山東令委官易買段疋其在北直隸解兵部轉發宣大延寧四鎮鎮各十萬兩計買馬萬匹補給官軍而以其餘者悉送太僕寺發民間寄養以備官軍騎征則一馬之顯徵可得二馬民不加賦而馬可蓄息詔兵部會議以聞尚書趙錦等言調遣兵已有成驗馬市亦誠宜開第所議各省易買段疋未免重科於民而延寧去京師甚遠解馬不便無已則以各省三十分一分本色馬已買在官者截數起解其未買及三十二年分



南京太僕寺馬蓋徵其值至于太僕寺馬徵本色者十七徵折色者十三俱發各鎮令買段足充易馬之用大同八萬兩但三十一年本色馬匹去歲盡已併徵而三十二年徵解或不及宜令戶部發助遣銀八萬兩工部發大工借支銀四萬兩濟之詔如撥行。庚午。改築 哀冲 莊敬二太子于 天壽山。陞湖廣按察司僉事施昱為光祿寺少卿。壬申 誠孝昭皇后忌辰遣定國公徐延德祭 獻陵。陞駐守昌平都察院右僉都御史許宗魯為右副都御史巡撫遼東。革吏部尚書李默職為民先是遼東巡撫員缺默等如何不行用心推舉安有視國若家之意姑記罪即推堪任邊務者以名聞默因具疏陳罪 上大怒曰默受朕簡託長此六卿每事不思竭報徇情市法密行不改簿示以罰乃懷忿忌辱假上疏謝本當重治姑從

寬黜之。兵部尚書兼都察院右僉都御史史道以被論再疏乞休許之。甲戌。經略紫荆等關都御史於放言故事禮兵官稱鎮守副總兵稱分守今保定一鎮耳而總兵官徐珏副總兵朱楫俱以鎮守稱各不相下非體也宜以珏駐保定鎮守紫荆等關統全鎮兵馬而改楫為分守駐易州聽鎮守及巡撫節制報可。乙亥。以防秋畢給賞撤還防守官軍甘肅官銀二兩軍一兩二錢寧夏固原延綏官一兩五錢軍一兩遼東宣大官一兩軍五錢。兵部覆科道等官何雲鴈等條上邊事一酌裁憲臣謂易州通州各都御史宜裁革而以通州事隸之薊州巡撫易州事隸之保定巡撫一議處民兵難以持久其在邳州以向者宜量裁減以省供饋直隸以北者宜就近操演以備調遣一增庠卒謂薊州視他鎮為要衝今下令召募押取軍丁尚

未充足宜增兵樹防嚴為之備一酌援兵謂遠者不可調近者不必調甘肅寧固遠屢絕塞終歲道路此不可調也宣大遼東照常整搦待報啟行此不必調也所當調者延綏一枝耳合行該鎮選足兩班每歲更番預期調入一重邊防調各鎮邊兵精銳者既入援宜即選補以足原額將官當罪者多以立功希免自今請除戴罪立功之令一省軍輸謂一馬之費當卒之三令軍中騎步相相兼使內寬民力而外多健聞之卒詔俱允行于是通州督餉都御史王忬易州經畧都御史於放俱被命回京○丙子○改刑部尚書萬鏜為吏部尚書戶部右侍郎蔣應奎為兵部右侍郎兼僉都御史協理京營戎政○癸未○廣東高州府地震聲如雷 命有司修理承天府文廟儒學 上以獻皇帝在國嘗臨視群學釋奠於先師又特賜帑金 命工修

葺乃親製碑文述 皇考崇儒重道之意遣使勒石之學宮其  
文曰昔我 皇考睿宗獻皇帝受封安陸於弘治八年二月至  
國首臨視州學行釋奠先師之禮命學官講周易賜諸生寶鑑  
顧瞻禮殿損壞命工修葺之易樞星門瓦以琉璃越正德十三  
年殿廡久而蓋圯迺出帑金二百兩命有司重造比麗有加頃  
頃者已升州治為承天府而學仍其舊官師生徒觀官塲奉俎  
豆感念我 皇考崇儒重道嘉惠國之學者人誦家傳至如一  
日馬通守臣奏請於廟後建亭立石請朕製文以恭紀 先德  
嗚呼流風既遠 聖蹟猶存朕心惕焉恭惟 皇考之在國也  
積德行仁愛民禮士嘉言善政不可殫述而於興學尤加之意  
願謂侍臣曰學校人才所出教化所關政治之首務也其亟賜  
金助役無累州民每歲春秋丁祀必遣輔導官齋香行禮時朕

冲年耳目所觀記固已服膺弗失矣續祚已來風夜兢兢高治  
理凡所攸行皆奉 皇考之遺仰見我 皇考真有以契夫古  
聖人繼天立極之道而祐啟朕躬以治所斯民也夫建學所以  
明倫倫莫大于父子君臣明父子之親則天下知孝明君臣之  
義則天下知忠我 皇考港港加意學校正欲教民以忠孝耳  
其時化止於一國而睿見高明規摹弘遠實具帝王之體推之  
天下無難矣昔周文王為西北伯化行江漢而丕顯之謨寶啟  
祚我 皇考視之周文同一撥焉朕嘗觀於孔子言曰文王既  
沒文不在茲乎夫孔子周人也師法文王而以斯文自任其發  
明彞倫之道載在六經為其徒者所當萬世卒循者也顧後世  
教學未明人心弗淑彞倫或幾乎斁矣彞倫斁則治化何由而  
成今諸士居業於斯誦法孔子之言學孔子之道其可不思盡

夫彝倫之實為子盡孝為臣盡忠以輔我國家無疆之治以無  
負作新斯學之意則我皇考聖神在天庶其少慰矣乎朕述  
此文用論茲學之士抑以為人下士者告云

大明世宗肅皇帝實錄卷三百七十八

大明世宗肅皇帝實錄卷三百七十九

嘉靖三十年十一月乙酉朔。丙戌。朵顏逆酋哈丹兒陳通事伏誅。丹兒甘州衛人。史氏子。名進。通事名志九。先年俱被掠。陷虜中。久之。逃歸中路。為朵顏衛夷人所獲。隸酋幹堆板卜等帳下。各為通事。進更名哈丹兒。志九更名昂。及時時引虜於各關口。素盬米酒食。稍不遂。輒挾弓矢嚇奪。為害幹堆板卜等。之。遂令丹兒冒夷酋名入貢。因熟知京師道路。虜節年侵犯。黑各關入塘嶺等處。皆二人導之。二十九年。俺荅謀犯京東。遣頭目伯顏打喇探邊。丹兒指以朔河川道路。北虜移營駐白廟。逼近古北口。丹兒乃詐傳虜兵西犯。以緩我邊。俺荅遂由鴿子洞黃榆溝入。犯畿甸。肉獲甚富。虜德丹兒等乃以所掠男婦及牛羊馬各數百。資之。今歲虜已求開市。丹兒等復往來虜營。誘



煽不遂乃屢誣塞卒謂虜且以四十萬衆入寇京師為之戒嚴  
咸寧侯仇鸞刺其奸狀奏下總督何棟購捕之棟乃移駐白馬  
關廣布耳目偵舟兒等出獵因以計擒之械繫赴京詔法司及  
錦衣衛會訊備得前後諸逆狀遂俱磔于市傳首集示各邊○  
以擒獲叛逆哈舟兒等告謝于 郊 廟 社稷及歷代帝皇  
遣勳戚大臣朱希忠張溶仇鸞鄔景和謝詒王瑾各行禮○丁  
亥○陞吏部左侍郎應大猷為刑部尚書都察院右僉都御史  
於敖為右副都御史駐守昌平州以太山和今歲香錢及明年  
之半抵補 顯陵官軍俸糧及賑濟所屬灾傷入戶○戊子○  
陞大理寺卿馬坤為戶部右侍郎翰林院檢討林庭機為國子  
監司業○己丑 恭讓章皇后忌辰遣中官祭 陵寢○朝鮮  
國王李岷差陪禮曹叅判韓岫等奉表貢方物賀冬至節宴賞

如例。致仕禮部右侍郎許成名卒賜祭葬如例。成名山東聊城人。正德辛未進士。改庶吉士。授翰林院編修。武廟實錄成。進春諭德。歷陞侍讀學士。太常寺卿。管國子監祭酒。事南京吏部侍郎。改禮部。丁未致仕。至是卒。庚寅。岷府善化王譽估薨。賜祭葬如例。廕故總督三邊兵部尚書王瓊子朝翰為錦衣衛副千戶。世襲。初正德中朝翰以父軍功授錦衣正千戶。嘉靖初裁革。至是給事中申价御史徐祚閱視邊。閱言瓊在延綏定邊營等處修築邊塹千百里餘。今花馬池一道田野開闢。人民安堵。數十年不經虜患。瓊之力也。宜旌其功。而朝翰亦上疏陳請。兵部議復。故有是命。輔臣嚴嵩等以哈舟兒等伏誅。具疏稱賀。上手書諭之曰。卿等入賀。具見歸功於上。至意被群邪無上之徒。心猶未滿也。自王三日。冠于汝。獲故繼至國門。

以羞主萬兩莫贖其罪若鳶矢心為主一意殺賊累又密請乘  
春大加搗巢朕累不許蓋為鳶計恐人害之以過後來為國之  
臣耳今之為臣者一律謂之姦固不可皆為之忠尤不可為心  
各亦為類亦多至於卿等直贊事玄尚目之為姦佞或有口同  
心異對人自解者今已死二三矣今日奏告曰謝赫矣 天地  
神祇也寅前小露禮後夫霧霧乃百邪之烈占曰臣蔽主明  
天地不亨甚昭昭矣若諭謝原是禱於 祖宗 先聖帝王祈  
助玄感果賊不敢犯今謝是矣或曰人臣歸功於上君何不歸  
功於 天是則是矣曰行巨細何者非 天恩佑寧猶此事况  
非大戰擒王耶今 郊 廟典成文武大小臣役皆當加進史  
道雖致仕及進正卿彼意猶謂報輕通家陞賚卿等其以此論  
傳示趙錦等今與吏部擬恩奏行勿又致怨至於有祈必謝

帝師雷師當舉法事不可欺玄背恩也于是兵部尚書趙錦等  
具擬諸臣功次以聞詔咸寧侯仇嵩加太傅兼太子太師歲益  
祿米一百石廕一子為錦衣衛指揮僉事總督右侍郎何棟等  
陞左侍郎兼管督理如故廕一子為錦衣衛千戶總兵成勳陞  
都督同知巡撫吳嘉會陞右副都御史副使王翰叅將李朝棟  
指揮楊舟各陞一級家丁洪程周緒宋模百戶副總兵等官李  
朝陽等八人各賞銀有差將官郝承恩羅文芳准復職又在  
直諸臣襄贊密勿陞輔臣嚴嵩子世蕃工部右侍郎仍廕一子  
錦衣衛千戶禮部尚書徐階加少保廕一子為國子生吏部右  
侍郎兼東閣大學士李本進禮部尚書兼管直贊如故禮部尚  
書掌詹事府事孫承恩加太子少保公朱希忠加太子太師左  
都督陸炳加太子太保先任尚書史道及尚書趙錦俱加太子

少保各廢一疋兼錦衣衛百戶侍郎聶豹張時徹陞俸一級各賞銀幣職方司郎中董懋忠陞光祿寺少卿其餘司官周冕等各銀幣有差。辛卯。陞吏科左給事中馬從善為都給事中工科左給事中凌汝志吏科左給事中謝登之俱左給事中戶科給事中張思靜兵科給事中任有齡吏科給事中徐綱俱右給事中從善汝志綱俱兵科登之工科思靜戶科有齡禮科。壬辰。朵顏三衛都督歹答兒等各差頭目升合兒等入賀冬至節宴賽如例。丙申。以冬至節遣武定侯郭守乾長寧伯周大經玉田伯蔣榮駙馬都尉鄔景和分祭 諸陵恭順侯吳繼爵祭 景皇帝中官祭 恭讓章皇后都督僉事沈至祭 孝潔皇后及 哀冲 莊敬太子各陵墳。己亥。冬至大祀天子圍丘先期視牲遣英國公張溶代詣 太祖配 帝及

是日行禮俱遣成國公朱希忠代侯執馬謝詔伯陳圭尚  
書徐階分獻。是日上下御殿文武群臣具朝服于奉天門  
行五拜三叩頭禮免百官慶成宴賜卹錢鈔仍宴王府進賀人  
員四夷朝貢使及國師禪師等如例。○壬寅 孝惠皇后忌辰  
遣彭城伯張熊祭 茂陵 孝烈皇后忌辰 奉先殿行祭禮  
遣武定侯郭守乾祭 永陵。癸卯。改禮部左侍郎程文德  
為吏部左侍郎南京大理寺卿郭鑿為大理寺卿。○甲辰 命  
戶部右侍郎馬坤兼都察院右僉都御史督理薊州等處糧餉  
○乙巳。給事中張承憲奏通者巡撫轉遷太速以致政務隳  
弛百姓受其弊請自今遇有盡心職業勞著聞者二三年間第  
宜加秩增俸俟其資深功懋特為破格超遷仍須當其推補之  
初擇才品相應而資歷稍淺者免之庶得安心效職異日考以

久任責成。疏入。部覆如議。丁未。福建福州府地震。戊申。詔以孝烈皇后升祔。及哀冲。莊敬太子祔葬。禮儀。及更復營制。纂入。會典。從大學士嚴嵩。成寧侯仇鸞。請也。庚戌。鎮守雲南總兵官沐朝弼。進銀三千兩。邊。癸丑。陞禮部右侍郎孫陞。為本部左侍郎。太常寺卿管國子監祭酒。事閔如霖。為禮部右侍郎。

大明世宗肅皇帝實錄卷三百八十

嘉靖三十年十二月甲寅朔○戶部言上年漕糧為水所阻寄  
國徐邳等百有七萬今過運之費且不貲宜將各省下年漕糧  
如寄國數折徵責其原舡原軍以來春運赴通州上納其天津  
臨德等倉亦宜一體運送第天津之通州二日耳若駕數千里  
空船而運二日之糧勞且鮮功宜將運送臨德二倉之船暫留  
搬運給與餽備便詔如儀○總督陝西三邊尚書王以旂等報  
延寧馬市完凡易馬五千餘匹虜酋狼台吉等約束東部落終市  
無諱涉秋及冬三邊絕警蹠下兵部覆今歲九邊功收不戰良  
以馬市羈縻之故宣大督撫及在內文武諸臣業已加恩請賚  
陝西三邊總督撫鎮及各鎮小大奔走諸臣若于疆事者詔賚  
以旂及各鎮巡官趙國忠劉壘吳昇吉象張愚張鏞各銀三十



兩紵絲二表裏郎中等官澆鳳翔等七人副總兵等官王懷邦等六人各銀十兩陞叅將等官徐洪等二十二入各一級赦發配將官林叢蘭等七人贖罪立功其餘都司等官令總督軍門差別犒賚。丙辰。以緝捕功陞左都督陸炳一子為錦衣衛百戶都督同知袁天章一子為所鎮撫陞官校喻傑等五十四人各一級又以理刑勞指揮張相齡周京與旗校陸佐等三人各陞一級。咸寧侯仇萬言薊鎮空虚宜以大寧都司移置其地復慮人情重遷或為大寧所屬外衛班軍免其京操改撥薊鎮防禦詔兵部集廷臣議尚書趙錦等言移鎮未敢輕議其所稱改撥官軍甚當因條為六事以聞一議定區謂薊鎮故設叅將四員頃以虜患分為十區盡地分守區設一叅將今有將無兵似當裁革則原分亦當相度緩急定擬歸併一議設官各區

泰將雖議裁革而春秋領班仍宜添設泰將十員進擊二人分  
班赴邊防守一議營房班軍三萬人人授一室并泰將進擊註  
劄之所共計銀二十萬兩速宜處給一議挑選大寧兩班官軍  
宜汰其老弱而簡本戶餘夫之壯者補之一議分兵大寧官軍  
六萬既改發薊鎮宜令總督鎮巡等官酌量區分銜僻分派戰  
守又春秋緩急異勢春班但以泰將四員各統兵五千赴鎮餘  
盡分類秋班六泰將仍於其中選進擊兵六千責新說進擊二  
員領之與原設進擊六員候警截殺一議撫恤薊鎮被虜創殘  
民皆失業一切賦役宜暫蠲免詔從其議○丁巳 慈孝獻皇  
后忌辰 奉先殿行祭禮○癸亥○陞左春坊左庶子兼翰林  
院侍講學士吳山為太常寺卿官國子監祭酒事○己丑○廷  
臣以靈雪應祈上表稱賀 上嘉答之因製賀雪吟頌賜朱希

忠等七臣。禮部類奏災異。上曰。今歲災變數多。厥有由。召內外大小臣。工宜各思過。當改分質。治理邊防。尤宜加謹。毋得怠忽。致仕兵部左侍郎詹榮。卒。賜祭。葬如例。榮。山海衛人。嘉靖五年進士。以戶部郎中。督餉大同。會鎮兵亂。總兵李瑾欲以城叛。降北虜。導之入寇。榮有機略。密以計誘賊黨馬昇等。一旦盡捕。諸首悉斬之。次日開門迎鎮。巡官入。地方遂定。以功陞光祿寺少卿。歷都察院右僉都御史。巡撫甘肅。調大同。加陞兵部右侍郎。在鎮凡四年。餘召還。佐理部事。庚戌春。兵部尚書缺。榮以疾辭。署印。是時邊事孔棘。上疑其避事。免官。其秋虜犯都城。本兵備極。禍議者謂榮以智免。適歲。遂卒。榮初以定大同亂。知名。及撫大同軍民甚安。之同時。總督翁萬達。總兵則周尙文與榮皆一時之選。繕亭障。治軍實。虜悍之不敢近。迨榮等去。

大同遂無歲不受虜侵暴遺群為虐矣。丙寅。陞南京翰林院侍講學士。教銑為左春坊左庶子兼侍講學士。丁卯。兵部左侍郎彭黜三年秩滿。蔭其子世均為國子生。寧晉伯劉良璽卒。賜祭葬如例。戊辰。貞惠安和景皇后忌辰。遣都督僉事王朝用祭陵寢。壬申。旌表浙江等處孝子王晁節婦吳氏等四人。癸酉。先是巡撫遼東都御史蔣應奎奏。頃者各營開墾荒田。獲稻梁四千餘石。又新開民田。科糧可千七百餘石。請建義倉以貯。營田所獲。專備修造。支給其民糧。徵貯各堡軍儲倉用。充軍月糧之數。戶部覆議。報可。巡按御史李達時勘。上五月間。虜犯大同左右衛。守臣功罪。詔降叅將高表守倫。趙綸。胡朝操。守陳忠。各二級。千總劉爾。千劉堂。崔絳。叅將麻隆。佐擊孫麒。各一級。奪總兵徐仁。副總兵王懷。卞朱漢。任漢。

黃龍體半年遊擊劉潭李桂三月下祀總等官劉漢等三十一人巡按御史逮治。甲戌。建總報大典於大高玄殿七日。上諭禮部曰朕洪承 帝眷邦家久安過者逆醜携二導虜侵犯賴有謀勇之臣憐彼免殘竟秋無事感 天地 宗社之佑茲奉大報停不急之封如例。乙亥。遣成安伯郭應乾等為正使持節翰林院修撰沈坤等為副使捧冊封滿王胤移世子恬煇為滿王妃李氏進封為滿王妃第七子恬胤為安慶王魯府陽信王觀燃嫡第二子頤埔為陽信王襄王祐攬姪陽山王厚頻進封為襄王妃張氏進封為襄王妃周王朝炯世子在鈺為周王沈丘王睦拷嫡長子勤燭為沈丘王夫人王氏進封為沈丘王妃蜀府內江王賓止庶長孫承熒為內江王韓府永福王旭潭庶第二子鎮國將軍融熒為永福王慶府豐林王台瀚

庶長子鎮國將軍萬斌為豐林王夫人葉氏進封為豐林王妃  
苗氏為內江王妃王氏為魯王妃沈氏為徽王妃劉氏為陽夏  
王妃王氏為德平生王妃介氏為滎陽王妃陳氏為慶雲王妃  
時正使懷柔伯施燾傳制不至禮部奏 上讓其違慢命禮  
部記之俟事竣劾奏治罪。陞南京太僕寺卿余胤緒為南京  
大理寺卿南京國子監司業盧宗哲為南京尚寶司卿。道御  
史李一瀚查覈宣大等處客兵錢糧及宣府圍種糧草之數起  
元年二十九年 命寧夏東路叅將鄭獻克副總兵協守寧夏  
肅州叅將何淮元右副總兵分守涼州。壬午。廢禮部尚書  
兼翰林院學士徐階子琨為國子生以擒逆加恩也。癸未。  
裕享 太廟遣戍國公朱希忠代。以明年正旦節遣定國公  
徐延德恭順侯吳繼濟長寧伯周大經玉田伯蔣榮分祭 諸

陵都督食事王朝用祭 景皇帝遣中官祭 恭讓章皇后都督食事沈至祭 孝潔皇后及 哀冲 莊敬 二太子各陵墳。阻翰林院修撰王維禎為右春坊右諭德掌南京翰林院事。發太倉銀二萬六千兩于薊州十八萬八千餘兩于宣府為防禦春班官軍及征調客兵之用仍運臨倉寄囤米十三萬六千餘石于薊州。戶部言今天下歲入糧草折銀及餘鹽價銀共二百萬而各邊所費已六百餘萬 皇帝俯從臣等議處增鹽課徵糧銀廣開納查贖鑲舉天下一切應徵應取之數而盡括之僅供終歲用未歲以後費將安出請覈諸衙門所屬官員儒士厨役官校酌議裁革仍將本部錢糧歲所出入盈縮之數撮其大綱籍遊仰備 睿覽亦使百司庶府咸知此數各為公家惜財凡一切泛用不得任意派取庶可為經久計詔從之





大明世宗肅皇帝實錄卷三百八十

大明世宗欽天履道英毅聖神宣文廣武洪仁大孝肅皇帝實  
錄卷三百八十一

嘉靖三十一年春正月甲申朔 上不御殿命成國公朱希忠  
代行拜 天禮于玄極竊殿文武羣臣及四夷貢使詣奉天門  
行五拜叩頭禮 免百官宴賜節錢鈔。乙酉順天府官進春  
上不御命司禮監攝入。丙戌 宣宗章皇帝忌辰 春先  
殿行祭禮遣彭城伯張熊祭 景陵金星晝見至十一日沒。  
丁亥大同白尚書史道回京虜欲以牛羊易穀立者候命不得  
遂分散為盜無虛日十一月閩人入道三次搶擄人畜甚眾邊  
臣遣人責問俺答則謾應曰諸貧虜無從得食禁不能止如中  
國法雖嚴民間豈盡無寇竊耶我能自不入犯不能禁部下之  
不盜也及十二月俺答有味夫卜吉哥者以道遠赴市彼期俺

答慮分市利令自山西求市山西守臣不應則復叩大同與市于大沙溝九易馬四百匹進馬十八匹請暮虜潛眾襲入復奪其馬匹及掠人口僥其衣而去事聞詔以非時開市又以無備納侮停巡撫何恩及暫管總兵王懷邦俸不巡按御史叢斌已淹答復遣使進馬九匹虜馬三百餘匹求互市請餉收弘賜堡御史李逢時謂詔禁非時市北去逮諸通事于獄于是淹答遂縱賊入掠復攻堡殺人一犯雙溝薦李寨等處恭將尚表守備劉勳禦之皆敗再犯圍山墩及威虜張家等堡敗避擊李桂佐擊米漢兵犯總王舉棄其軍逃警報奮至朝議籍籍咸追咎焉市非計威寧侯仇鸞慮見詭乃上疏曰馬所為欲開馬市者將陰修戰備也內外臣計欲殺臣乃故弛備以招虜欲其早自市約而因以中臣臣無足惜如國事何乞下明詔切責諸臣俾各

脩戰備每鎮選死士萬人以待且用虜如入犯令古北口諸將勿過縱其南下臣當死戰于內不出精兵搗其巢于外且外夾擊破之必矣上曰所論備虜事宜兵戶工三部已經理逾年何尚廢弛如此其各查兵馬錢糧實數以對于是兵部尚書趙錦先覆言京營士馬一十五萬有奇除分布九門入營與守護凌廠者除皆選入大將部下通計營柁出戰之士與各鎮入援之兵不下十萬餘屯又改太寧都司班軍五萬六千發新設十二參遊戍剴鎮戰士闌闌倍於往昔何謂無備且竊欲縱虜深入邊而擊之非計也蓋剴州與他邊不同畿輔重地豈可使虜衝行即盡能擒之而震驚內地搖動根本所喪固已多矣況我兵積弱之後雖嚴法重賞驅之進戰猶若不前而可豫令以勿過守跡入詔以所上士馬數京營行大將在外行總鎮巡各

令加意訓練以待督戰將官臨發奏請。○辛卯時享 太廟遣  
成國 朱希忠代。○壬辰虜入王石匠河縱掠威遠城外 戶  
部尚書孫應奎以咸寧侯瀉柵邊餉不足請再發銀二十六萬  
兩給宣大二鎮軍大學士嚴嵩言用兵以糧餉為先國不可缺  
乏亦不可妄費自虜患來戶部以查取各項銀兩數多任意支  
費全無樛節去春未用兵已抄過煤炒七十餘石孰料數千石  
經今日久泡壞此類甚多即如今次奏內挑選宣大精銳一萬  
用備剿殺曾未出境即欲發銀二十六萬蓋該部惟恐罪之及  
己不顧財之耗費遇事周章不能酌量出入臣計事非緊急此  
銀且未可發于是 上降旨曰邇者查取各省銀兩及加派稅  
糧追徵舊逋目前數有數百萬之積但恐將來難維爾等責在  
理財當督率邊在祝國如家講求節省之策未可任意支費即

如近日備過煤炒熟料可得實用否宣大二鎮原有行糧且所  
調兵尚未發何得又議加增不許上乃復諭嵩各項之取到  
銀非產之地中皆民血也彼亦當加恤收之在庫用濟急乏又  
着重派去歲調遣兵數多用銀數百萬曾未一戰費已至此若  
用以戰又何如費耶一部銀數亟當開奏于是嵩傳諭戶工部  
令籍帑銀出入以聞○甲午免上元節宴以東安縣大水蠲  
糧差一年原任總督漕運右都御史魏有本卒賜祭葬如例  
有本浙江餘姚人為人精敏有吏才而卑隘近利時論少之  
虜二十餘騎自私賜堡入攻陷羊圪塔等堡握燒窯膏殺畧人  
畜甚眾○乙未給賞延綏互市虜酋吉囊狼台吉二人如俺答  
把都兒例各大紅膝欄獅子絳線一襲絳段四表裏金大帽一  
頂金帶一條把總兒台吉等十人如脫脫倒各大紅帽獅子絳

除一襲從總督王以祈奏也 革遼東總兵李琦任命宣府總  
兵都督僉事趙國忠代之以御史趙孔昭劾琦僉養不法故也  
○丙申 命遼東苑馬寺卿張恩移駐本苑兼轄全復蓋州三  
衛軍民苑馬卿原設於遼陽去本苑三百里遼東守臣以三衛  
民繁事多開原兵備僉事不便遙制乃奏請以恩兼之○丁酉  
詔更定邊方官久任陞除格例巡撫僉都御史三年滿  
陞副都御史給以誥命仍廢一子副都御史三年滿陞侍郎恩  
廢亦如之其以侍郎等官總督者三年侍郎陞右都御史右都  
御史陞尚書尚書量加宮保俱留任地方必六年以上始得內  
轉方面知府滿三年者陞二級稍淺者陞一級比之腹裏俱量  
減年資兩不易其地府州縣官令舉人上選二年歲貢三年援  
例監生六年者比願就遠方例赴部選補有治效者一體久任

起擢其才力不及官原在邊方聽調者量於內地降級若處如  
布政則洛恭政運使則洛運司餘倣此例不必更擬邊方。戊  
戌陞太僕寺少卿張翰臣為南京太僕寺卿翰林院兼討王材  
為南京國子監司業。總督薊遼保定兵部侍郎何棟以前鎮  
邊工緊急請於鎮定等六府發卒四萬人應役給事中孟廷相  
言六府去邊遠令其往絲不若顧役御史駉懋卿李承華亦言  
永順二府民力已詘不宜重役兵部覆令保河二府各出夫八  
千人徵真定廣平大名三府銀各一萬四千四百兩順德府銀  
一萬八百兩共是顧工萬四千人之數轉發薊州從之。以延  
寧馬市成賞原任陝西巡撫鮑象賢巡撫賈應春都政孔天徹  
銀幣有差通事猛忽兒等陞一級。己亥。命誠意伯劉世延  
僉書前軍都督府事。伏羌伯毛漢僉書南京前軍都督府事。



夜月食。庚子 英宗睿皇帝忘辰 奉先殿行祭禮遣長寧伯周大經祭 裕陵。辛丑虜侵犯大同益數 上復諭兵部曰虜非時侵犯必遭巨平日時和不戒為虜所窺其令督撫官嚴飭諸將血戰立功有顧望不前者重治之於是仇鸞內不自安乃上書請將營兵出邊徃正其罪 上以問大學士嚴嵩言鸞或知虜有可乘之機宜從其請然須檣斬虜酋方為上功上不許乃下鸞疏曰若零賊無旁卿行第遣將調兵邊勸是時鸞實無意討賊第為大言自解為見鸞橫証既 上寵信深不可問亦欲因事出之以暴其敗缺非為國深遠計也。壬寅陞大理寺少寺丞胡植為本寺左寺丞雲南道御史魏謙吉為大理寺右寺丞 廢大學士嚴嵩孫紹慶為中書舍人紹慶世蕃幼子生八年矣時嵩以二十八年宣府奏捷恩請移廢世蕃

蔡卯改延綏總兵官吳鼎鎮守宣府。甲辰禮部尚書徐階等言臣聞周人愛君奉子孫千意之祝虞運命官諄諄典樂教胄之訓令。皇子年十有六選婚講學竊雖其時然必先行兩立大典使名位素定而後冠婚諸禮可以次及。臣等職掌所司謹昧死請大學士嚴嵩等請免其奏。上報曰：二子各以本禮舉行婚冠何害？今乃逼君不已，謂何？今階具儀奏階等覆言舊例親王冠禮行於奉天門前之東廡，婚禮行于出府之後。今若二王同日行礼恐執事人眾不便，尚旋請以長幼為序。冠先俗王次景王婚期亦然。其出府一節且暫於皇城内先行婚禮。後建有府第乃更議之。疏入。上問大學士嵩曰：出府成婚例也。豈宜暫居宮內？嵩言：先年五王同冠俱出府成婚，以名位相等他日俱當之。國目今事則非前比，雖兩禮未行倫序已定。諸

凡事體須從慎處 上曰二王同體如何又欲分別其以三月  
行冠禮選婚候勅行府等即脩二所不許違慢 選授行人張  
萬紀章迪楊海推官秦梁孫允中所清知縣揭魏賀涇為給事  
中行人杖斯彬王宗茂推官楊敷陳觀衡知縣宋儀望吳遵陳  
學夔毛鵬岐錦朱龍陳瓚吳百朋張守家孫昭輝鴻宋賢李楨  
郭氏敬朱綱金澗徐斌江克用為試御史梁萬紀吏科允中戶  
科造禮科魏兵科海工科清南京禮科涇南京兵科敷儀望遵  
河南道學夔福建道鵬湖廣道觀衡斯彬廣東道錦龍陝西道  
瓚山東道伯朋山西道守蒙四川道昭鴻雲南道賢碩廣西道  
氏敬南州道綱南京河南道宗茂南京廣東道澗南京山東道  
斌南京湖廣道克用南京廣西道○丁未陞巡撫山東右副都  
御史王績為南京兵部右侍郎 宣府邊外虜數叩關求市撫

臣嘗嘗言自開互市大同寇盜不為裹止兩宣府寧然今乘其  
効順之機撫之易耳請無拘臣以一年兩次之期容令路驛開  
布蠹糜虜情於國計甚便兵部覆覆議可行但原限銀無過五  
萬馬無過五十能守此則雖一年數市亦當聽之報可 陞分  
守寧夏靈州恭將署都指揮僉事韓欽署都督僉事充總兵官  
鎮守延綏 錄 西陽和鎮邊墩破葫蘆屯龍州城獲功死事官  
軍喬堂等二十一人段史兒等三十八人胡買等四百二十六  
人田安義等一十二人各陞賞如例。戊申 孝靜教皇后忌  
辰 奉先殿行祭禮遣恭順侯吳繼爵祭 康陵。己酉湖廣  
布政使司左叅政沈愷進表歸病不能赴官撫按官以聞因稱  
其才尚用可乞俟病痊奏起 上以愷曠職日久勒令致仕仍  
詔今後有託疾避事者所司具以實奏 陞吏部文選司郎中

郝良臣為太僕寺少卿 戶工二部奏旨各奏上京遺儲廢糧  
軍軍器用銀實數戶部銀自二十九年十月起迄于是月所八  
白正稅加賦餘益五百萬有奇外各項搭括四百餘萬通計九  
百九十餘萬所出自年例各遣主客兵銀二百八十萬外新增  
軍餉二百四十五萬有奇及脩邊賑濟費共八百餘萬工部銀  
計上食料價共三十四萬五十兩 上以費用過多疑其中必  
有虛冒侵剋者乃分遣給事中王國禎曹本御史徐紳陳觀銜  
各勘實恭勅以聞○庚戌以折穀視牲命英國公張溶代侯仇  
鸞伯陳主尚書孫鏗侍郎孫澐輪視○辛亥裁革上林苑監嘉  
祿署典署錄事各一員 令江西按察司副使鄭世威致仕坐  
赴任違限也○壬子命都察院右僉都御史王忬巡撫山東

大明世宗肅皇帝實錄卷三百八十一

大明世宗肅皇帝實錄卷三百八十三

嘉靖三十一年二月癸丑朔更名西苑御宮為永壽宮 宣大

二鎮大饑人相食兵部以間因請量借軍餉銀賑濟 上切責

本鎮守臣不先上聞令各自陳狀賑濟事宜命原差督餉侍郎

馬坤馳往經理仍發章錢二十萬給之坤解行奏舉主事劉爾

收自贖且言錢數不足免賑請加給十萬報可○甲寅裕王景

王府第○乙卯啓發行祈穀札于 玄極寶殿命成國公朱希

忠代先期諸司禁封并遣御史點齋視牲悉如大報儀 上所

親定也○丁巳祭先師孔子命大學士李本行礼虜大入改大

同鎮差得賸二堡圍恭將孫麒軍而陣虜分兵守麒而以二十

騎迎衝勇濬軍勇力戰潰圍出麒濬僅以身免虜還功二堡不

不乃適○戊午 大任授命茶國公張容行礼 陝西巡按

御史程軌勘上近邊外官軍先後搗巢共斬首五十一級近  
安府所屬新修城堡墩臺共四千五百九十七處 上嘉總督  
王以禘功詔廢其子國子生澄巡撫右僉都御史張愚右副都  
御史供職如故總兵吳鼎原任巡撫鮑象賢部中王大平等資  
銀幣有差○己未祭 帝社稷命成國公朱希忠行礼 建春  
告大齋於朝天宮 虜酋俺荅擺腰等糾驍部落移帳並天城  
平虜寨駐收收報日夕至兵部言徃時虜當冬春之交移營遠  
徃今乃狡悍若是故來遺事大有可虞請申嚴軍令犯臨敵繞  
觀者都總督許斬都指揮以下官總兵得斬兵士并行大將仇  
鸞及該鎮督撫鎮守等官以調到各兵分布防勤務期大捷以  
折虜謀得旨先行○庚申禮部上裕王景王冠禮儀注一吉期  
以三月初一日卯時一前期一日遣大臣以特牲告 奉先殿

行一獻一前期三日各執事官於奉天門東廡演禮一前期一日鴻臚寺設二王冠所于奉天門東廡左順門之北正中設香案二于節案前設冠席二于香案之東稍南西向設醴席二于香案之西稍南東向內侍設帷幄二于冠席之後稍北西向帷中設座椅几案各一別設案二于東階之南具翼善冠皮弁冠九旒冕各二皆以盤盛紅氍毹之置于案具袍服袞服圭帶寫等物各二皆以箱盛置于帷中案上光祿寺設盥洗所一于冠冕案之南西向設司尊所一于醴席之西南東向司尊者各實醴于側尊加勺罩設站于尊東置爵于站進饌者各實饌設于尊北執事者皆立于其所教坊司設樂于盥洗所之南北向一前期一日鴻臚寺設節案于奉天殿是日早皇上具皮弁服御筆蓋殿鴻臚寺奉執事官行叩頭禮畢請陞殿上御奉



天殿文武百官具朝服先行叩頭禮左右侍班序班引各持節  
掌冠官及贊官宣勅戒官俱就拜位行四拜禮候執事官舉節  
案至丹墀中道置定傳制官奏傳制出至丹墀上西向立攝有  
制鳴贊贊跪各官皆跪傳制官宣制曰皇子裕王景王冠命卿  
等持節行禮各官俯伏興四拜禮畢持節掌冠官捧節及贊冠  
官宣勅戒官執事官俱隨詣冠所行禮一至期內侍導 裕王  
暨王各先於帷幄中坐候將至禮部官啓二王迎節樂作禮  
部官同鴻臚寺卿導 二王俱出階下節至持節官各捧節入  
置于案案止 二王隨節入持節官立于節案之東贊冠宣勅  
戒等官立于殿洗所之南禮部官同鴻臚寺卿導 二王俱詣  
香案序前立樂作鳴贊贊行四拜禮畢樂止持節官出與贊冠  
等官同立候行冠禮一禮部官啓 二王就冠席樂作禮部官

同鴻臚寺卿導 二王同詣冠席序坐樂止內侍各二人侍立  
王左右一鳴贊贊行初加冠禮樂作序班引各賓贊詣盥洗所  
各盥笏以次跪手訖樂止各賓坐白東階稍西而立樂作內侍  
揭蓋祇各以盤捧翼善冠坐各賓俱降階一等受之樂止各賓  
以右手執冠掖左手執冠前詣 二王席前稍東面序立同祝  
曰惟茲吉日冠以成人克敦孝友福祿來臻祝訖樂作各賓俱  
跪進冠訖興復位各贊者俱跪正冠訖興復位樂止禮部官啓  
易服 二王各入帷幄易新袍服出禮部官啓復坐一鳴贊贊  
行再加冠禮樂作內侍揭蓋祇各以盤捧皮弁坐各賓俱降階  
二等受之樂止各賓捧皮弁如前儀同祝曰冠禮斯舉寔由成  
德敬慎威儀維民之則祝訖樂作內侍各釋翼善冠各賓俱跪  
進皮弁訖興復位各贊者俱跪正皮弁訖興復位樂止禮部官

啓易服 二王各入帷幄易皮弁服爲出禮部服坐一鳴贊贊  
行三加冠禮樂作內侍搗蓋服各以盤捧九疏冕淫各賓俱降  
階三等受之樂止各賓捧冕如前儀同祝曰冠坐三加命服用  
章敬神事上永固蕃邦祝訖樂作內侍各釋皮弁各賓俱跪進  
冕訖興復位樂止禮部官啓易服 二王各入帷幄易衣服出  
禮部官啓須坐一鳴贊贊行醕禮禮部官啓 二王詣醴席樂  
作禮部官同鴻臚寺官引 二王俱降自東階由西階坐醴席  
東向序坐樂止光祿寺官各舉醴棗置于前樂作序班引各賓  
贊詣盥洗所各搢笏以次盥手訖進自西階各贊者取爵詣司  
尊酌醴授賓各賓執爵同詣席前立樂止同祝曰旨酒嘉薦  
載芳載芳受茲景福百世其昌祝訖各賓俱跪進爵鳴贊贊措  
圭 二王搢圭各受爵置于案教坊司啓樂奏喜千春之曲次

啓進酒 二王各案舉爵飲訖奠爵于案各窮興樂止光祿寺  
官各進饌樂作各饌訖樂止贊出圭撤卓各窮復位一鳴贊贊  
授勅戒禮部官啓 二王詣受勅戒位禮部官同鴻臚寺卿引  
二王俱浴白西階陛詣拜位序立樂作序班引宣勅戒官立  
于拜位之東西向樂止宣勅戒官稱有制鳴贊贊跪 二王皆  
跪宣勅戒曰孝于君親友于兄弟親賢愛民率由禮義毋滋毋  
驕永保富貴樂作鳴贊贊俯伏興四拜興樂止鴻臚寺卿啓禮  
畢持節官捧節出禮部官同鴻臚寺卿導 二王送節出門外  
節行至階下內侍引 二王還帷中各釋袂冕具禮善冠服回  
宮各持節掌冠及贊冠宣勅戒官復命一是日 二王各具冕  
服向竭祭于 奉先殿用樂行禮如常儀畢 二王仍各具冕  
服同詣 上前謝行五拜三叩頭禮次各詣 母妃行四拜禮

皆用樂次景王詣 裕王行四拜禮一次日早 上常服銜奉  
天門百官皆服杯賀致詞云 裕王景王冠禮已成理當稱賀  
行五拜三叩頭禮候朝罷司禮監請 二王各具常服同詣奉  
天門東廡序坐百官皆服行四拜禮制曰可惟御殿門賀俱免  
貴州宣慰使司吉倉宋鍋差人進馬補賀 萬壽坐節給賞  
如例 舉歲例大祈命英國公張溶等分祭各宮廟先期諭禮  
部曰朕承 上天大命主宰夏裔惓惓夙夜豈自放逸惟罷一  
視之儀文 郊廟資以代掃洪荷 天地下鑒 祖宗垂歆諸  
他云末矣足為言獨北賊欺犯本國內逆引近得一二種蔓  
末除况人心咨一忠懷者少臣勞君逸徒空言耳又歲例大祈  
所聞切重其自八日始諸司罷常封停刑禁屠五日○辛酉虜  
二十餘騎寇大用威虜等堡奇兵營坐營指揮僉事王恭師眾

禦于平川墩戰死恭新張騰駐兵助馬堡相去兩舍許開壘不  
去虜遂由高山城輒窺兒南下大掠懷仁縣石井村等處而去  
○壬戌 孝貞純皇后忌辰遣玉田伯蔣榮祭 茂陵 賜寧  
河王奇法書院額名明教從其請也○癸亥直隸鳳陽府地震  
有聲 上以虜患為慮諭輔臣曰錦等曾面卿否有河運謀輔  
臣以示尚書趙錦錦乃奏言臣智識寡昧不能仰副 陛下靖  
虜安邊至意塵宵旰之憂今大將鸞所調入衛兵如毆陽安領  
宣府三千麻隆孫祺朱漢領大同九千餘洪領延綏三千劉大  
章領遼東三千戴倫時領陳延綏四千又督發京營中軍官胡  
悅領前鋒尖兒手一千把總官張俊領家丁三百恭新盧冒領  
選鋒三千又催調京營遊佐等官崔麒鄭紀領甘肅三千總三  
萬八千各路泉鏡畧盡於此官宣大額兵又十二萬餘不在此

數若此可以震兵威矣但運籌著調兵會揣虜情審戎機臣不  
敢不竭其愚若簡徒蒐乘連牙臨軍固封守先士卒絕殄凶類  
則大將事也 上曰疏中言士馬甚多大將其分布逆勦無從  
事機虛糜糧餉諸將有觀望遲縮者御史以名聞○乙丑 詔  
掣回大同大邊二邊墩軍是時虜並塞駐牧邊墩反在虜外而  
人月給糧二石仇鸞言徒費無益弟滋交通漏泄等弊不如盡  
數掣之惟守三邊邊墩傳報烽火便報可○丁巳以是日太上  
道誕兼逢初度景辰建醮于永壽宮九日先期諭禮部停常封  
明傳示百官勿謂弗經歎立榜上 命延綏參將署都指揮會  
事李梅充副總兵官協守延綏○己巳昨歲 上既更定營制  
命收舊內教場名曰內箭營欲以圓棧內使諭所司建一祀所  
並營舍數間中立一臺備御視至是工部遵照請營建 上許

之乃遣公朱希忠告 廟尚書毀陽必進祭司工之神。辛未  
春分祭大明于朝日壇命成國公朱希忠行禮 恭仁康定景  
皇帝忘辰道彭城伯張熙舉 凌寢。壬申 詔修太和山玄  
帝宮湖廣撫按官會計工費當用銀拾萬四千二百五十餘兩  
上命發內帑銀十一萬兩給之 初原任侍郎陸杰提督工  
程 大將軍鸞奏上京城內外分軍戢守之數京城九門九千  
城外八營二萬肆千城上巡者四千出戰一萬二千五百轉弱  
為強軍一萬八千昌平州截殺六千護糧二千西山防守三千  
聽調一萬二千推拽火車備兵三萬城上坐舖外衛官軍五千  
七百二十五人得旨如擬其京營出邊轉弱為強軍仍候臨時  
奏遣。乙亥發太僕寺馬價銀二萬三千兩於燕東市馬。丙  
子 上諭禮部朕兒春半土燥布種恐難滋為農借雨於各宮



廟其命文武大臣或國公朱希忠等各具青衣向帝行禮 湖  
廣守備太監陳德計奏都督蒞華當大祀不敢下撫按官勘不  
如德言禮部請反坐德誣奏之罪 上命鎮撫司逮德訊狀以  
聞華蕙不問 大風揚塵四塞口丁丑登歷代帝王命公張溶  
行禮駙馬駙景和伯陳圭尚書萬鍾趙錦分獻 召新差保定  
知餉主事二員曰部時給事中李如滋御史李一瀚各奏言部  
臣承遺威令不行於有司不如專責巡撫兵備等官令其自行  
督理而以收掌委之易州主事糾察委之巡閱御史事尤易集  
從之 河南撫按官以宗室祿糧缺乏奏乞量留德州倉糧二  
萬石每折銀六錢補之其本年應解京遺糧單餘銀及本省各  
項事例銀俱乞暫免解部報可 兵部上裁革武職條例一各  
衛所官有陞至都督都指揮以上後坐事革任者但許食祖職

俸祿職係盡革其起廢官亦如今職友俸官前俸者革一內外  
衙所試職若職官惟遇例實授者如故有署職獲功止宜實授  
而冒陞者有傳乞越陞者皆減革一武舉署職遇例實授加俸  
後來所陞職級過於所加反折色改支本色者皆改正一內外  
衛所官有年六十以上或例無承襲或功支宗枝未明而置不  
以言者一體查革一舊制斬獲北虜一人南賊三人者陞一級  
以詐得者革一騰驤等衛力士舊有定額間有因事發充又若  
兄為校尉而弟為力士則一家三五役及二三輩者軍有因缺  
年久吏書以姦徒冒名者革報可○戊寅貴州宣慰使安萬銓  
差官貢馬賀萬壽聖節以過期給半賞○己卯更定南北直  
隸印馬御史接差之例北直隸如屯田御史前後更代管事南  
直隸定以三年一差事畢不必候代○庚辰贈故思州府知府

李先簡為貴州按察司副使給造墳費仍廢一才為國子生錄  
其守恩州死事也初虜虜之由成虜犯懷仁也坐營官王恭既  
敗死聞南震動總督蘇祐言虜騎且三萬兵部請行薊保二鎮  
戒嚴并令大將仇鸞選撥人馬防護城門 凌寢 上允其奏  
而心慮之令遣飛騎偵虜犯何地又諸將有能抗禦與戰者否  
因問舊時塘馬報事今如何也蓋是時無以王恭死事奏者俄  
大同巡撫何思以虜退聞 上亟覽其疏則亦不言虜入所在  
且不言虜騎眾寡及出邊駐營遠近 上益疑之趣兵部疾遣  
人馳視至是返報言本月初五日虜以千騎犯弘賜堡初九日  
虜復由榆溝入掠懷仁川十三日虜二十騎復犯平虜奶河堡  
因備述王恭平川散死事之烈及遊擊呂勇劉潭恭將張騰孫  
麒麟澤副總兵王懷邦等諸抗禦不力及逗抗遲縮收 上乃

切責兵部曰虜前後無過二十騎耳爾等乃誅於蘇祐言謂且  
三萬其傾報不言之效明矣輕率若此豈不有悞軍機警疑遠  
邇耶已兵部遂分別地方諸將前後失事狀因言今造方多事  
將且觀望若不申嚴法憲恐無以革偷玩改習以作忠勇之心  
請從重典 上曰虜迫猖獗甚竇由將官怯懦退縮縱之候然  
孫麒劉潭其令錦衣衛差官校械擊永京問王懷邦呂勇焦澤  
各革去職役令姑寇載罪自効後防林舉曰別行奏處仍切責  
總督蘇祐令其調度官軍血戰破虜不許仍前怠玩 大同自  
弘賜堡拒虜市後日苦侵暴虜屢傳言求開市如初無敢應者  
至是復遣前開市時夷使了頭智來求市且云不允則大舉入  
寇通事官林叢蘭者故與了頭智善乃誘入境縛之智曰殺我  
易耳弟恐中國自是無寧期矣于是總督侍郎蘇祐以擒獲功

問叢蘭時以他事充軍詔擇其罪斬了頭智于大同市梟首各  
鎮○壬午兵部覆總督宣大侍郎蘇祐等勘上正月中大同失  
事諸巨罪狀謂虜自初四日犯邊分掠左右威遠高山懷仁山  
冷等處攻屠堡寨殺擄人畜不可勝計迨至十五日乃始出邊  
據報虜僅萬騎且散漫搶掠無復營部而我主客兵馬屯集二  
萬有餘我眾彼寡我逸彼勞若使將士同心奮勇方氣盈欲磨  
殄戮可期乃各擇便自全恬不畏法以致騎虜憑陵若蹈無人  
之境熒蕩蹂慘不可言朝廷平日竭民膏血以養兵將將安用  
哉除巡撫何恩副總兵王懷邦恭將尚表焦澤孫麒劉澤等已  
奉旨降罰邊門外其恭將尚騰賊犯乃其信地逗遛觀望不發  
一矢千戶王奉恭檄權守間警先逃此二巨者當真顯戮恭將  
麻隆朱雲漢李桂佐擊朱漢等株守曹雄等或擁兵偷寇或弛

備殃民當以輕重定罰得旨張騰王舉命錦衣即行前去官校  
一併逮京問麻隆等革去職歟姑許冠帶曹雄等降實級二級  
仍停俸俱令戴罪自効俟有功奏聞

大明世宗肅皇帝實錄卷三百八十二

大明世宗肅皇帝實錄卷三百八十三

嘉靖三十一年三月癸未朔 裕王景王行冠禮命駙馬都尉  
鄧景和告 內殿公朱希忠張溶持節掌冠大學士李本尚書  
徐階贊冠大學士嚴嵩宣勅禮成 上諭輔臣等曰以朕二  
子當塔新今已冠矣當先舉讀習奉載正合婚期 列聖垂範亦  
是此程其示禮臣知之 孝肅皇后忌辰遣都督僉事沈至祭  
裕陵 錄二十九年秋居庸關禦虜功陞賞官軍李塘等二  
百一人○乙酉福建福州府地震○丙戌清明節遣定國公徐  
運德恭順侯吳姓爵長寧伯周大經武定侯郭守乾分祭 八  
陵都督僉事王朝用祭 恭仁康定景皇帝中官祭 恭讓章  
皇后彭城伯張熊祭 孝潔皇后各陵寢 山西地震有聲  
吏部言選人有告就遠方例原為各貢滯者設行之既久而



入資鑄制之徒皆得旁緣他徑循例銓除非朝廷重惜名器之意自今請每歲五月一行告者惟奉貢二途方准收選餘不得混行奏擬詔如議○丁亥代府饒陽王克恭上言國家初興虜為市本為羈縻之術乃總兵徐仁輒自以和戎謂復事無干士馬勇銳恣意取剋夫失士心及降警狎至而仁身為大將一籌莫施復輕疾求避遊擊劉澤說稱虜且貢馬巡撫何思不加審諦輒以游言誑調下勤使者王銳齋幣至邊然竄無一虜諸將惶懼招與為市以欵賞諸物賂之副總兵王懷邦幾為所擒投贖于賊乃兒近者虜滿館舍醉醲飽鮮事之惟謹虜以是益橫諸將且禁士卒毋殺虜殺虜者如殺人之罪至使右衛高山山陰懷仁東主陽和天城間煙塵四起河湟萬狀將來地方莫如終極且宣府亦開馬市今且六七次未聞一有誅蓋彼有人馬

處置過宜故也惟陛下極垂省問以極北門剝膚之災上  
得奏即命巡按山西御史李逢時核實以聞不許隱護徐仁遠  
下錦衣衛獄思懷邦俱革回籍聽勘遂改駐守昌平都御史於  
教巡撫大同命宣府副總兵孫時雍暫代大同總兵事○戊子  
詔大將軍仇鸞師兵赴大同勦虜○己丑陞工部都給事中  
唐禹為布政使司右叅政浙江道御史王應鍾兵部郎中謝東  
山工部郎中曾于拱俱為按察司副史應鍾河南東山貴州便  
提調學校于拱四川南京廣東道御史金濂劾漕運巡撫駱  
顯原任山東巡撫王積各為病失職當罷時積已陞南京兵部  
右侍郎詔解顯任聽調積留用未幾積稱病乞致仕許之○庚  
寅命宣府叅將署都指揮僉事趙日克副總兵協守大同○  
辛卯命少保兼太子太保禮部尚書徐階兼東閣大學士入

閣辦事仍掌部事階疏辭 上優詔褒答不允 陞山東按察使周珣為都察院右僉都御史駐守昌平 巡按陝西御史劉世魁勘上十二年正月套虜出甘肅永昌諸將功罪記下失事守備王福等御史按問套總兵吉象恭將蔡勳俸二月以守備崔麒等頗有斬獲行軍門量賞○壬辰四川撫按官上茶政三事一茶法水利原總屬一僉事統理後益以驛傳職守不專以致奸弊日滋請復舊規改驛傳屬之協堂副使便一年例茶引五萬道額派蔡惟一萬松潘二千餘道行之腹裏今蔡惟松潘興敗淳于引日而腹裏引日則常積于無用請斷自今年分腹裏茶引于松潘二所各視其原數倍之一番僧入貢黃茶宜給以勘合照支仍令所過關隘嚴加盤驗以革夾帶之弊下戶部覆可從之○甲午裁革山東分巡海道僉事一員改青州

兵備餘事為副使兼管分巡 改總督河道御史院右副都御史  
史運鑣總督漕運兼巡撫鳳陽陞山東右布政使謝存儒為都  
察院右副都御史巡撫河南陞南京欽天監正周相為應天府  
府丞掌本監事以九年考滿也。乙未起原任禮部侍郎歐陽  
德為禮部尚書時德方守制 上亟欲用之令服闋即赴任。  
丙申 武宗毅皇帝忌辰 奉先殿行祭禮遣武定侯郭守乾  
祭 康陵。戊戌禮科給事中章造奏 二五年當志學冠禮  
已成宜及時出閣講讀禮部請從造言 上曰此事朕與卿等  
計令舉行何待造言朕方以彼瀆擾當治何乃借之 兵科給  
事中朱伯辰徐陳宣大二鎮給餉選兵慎馬市重事權四事兵  
部覆言故事軍士糧薪本折兼支近以飢荒相仍多支折包於  
官誠便於軍其損宜復舊宣大額軍每鎮不下十萬積薪耗成

且過半吳比因虜犯畿輔徵大同九千宣府三千入衛俱稱選  
鋒夫三人而拔其尤者一人則二人餒三萬人而拔其尤者萬  
人則二萬人餒吳坊杖之彼雖還本然猶以京營將領之往往  
不聽鎮巡節制烏用此精兵為也今欲安京師先固宣大宣大  
額軍耗減之數當別選驍勇大同二萬宣府一萬補之馬市開  
後大同警報日間惟宣府延寧未有反覆宜令守臣熟察虜情  
之順逆以定市議之行止毋得委曲遷就致誤大計鎮巡官當  
許其便宜行事不勝任者更選賢能代之 上曰 祖宗設監  
引令商人輸粟于邊本色常足近年監法大壞以致多支折  
色軍餉日虧爾等何會戶部父科目敢各遣中監及各運司監  
法事宜詳議以聞各鎮挑選兵馬惟入衛之日聽大將分布在  
鎮聽總督鎮巡節制違者叅奏處治其宣大兩鎮之武官吏兵

二部即會議應否更置奏請處分於是二部議土宣府副總兵  
孫時謙中路恭將緊蹙遊擊將軍姚冕大同西路恭將朱玄漢  
皆坐康儒免官○己亥陞河南左布政使曾均為都察院右副  
都御史總理河道○辛丑肅府淳化王貞泓薨賜祭葬如例謚  
端惠 刑部鞠上二十九年寧夏諸將禦虜失事罪副總兵孫  
言遊吉將軍趙河守倫李隆張世德各坐守備不設諭死繫獄  
○壬寅戶部以財用絀乞奏將二十九年開納事例展限一年  
至三十四年終止許之總督劉遠都御史何棟議分前鎮為八  
區區各一恭將領之因上所報將領及開寨營堡主客兵馬之  
數兵部覈如議其第一區山海關控扼海泊倭番驗詰高麗女  
直諸夷入貢時為重地舊有軍三千一遊擊領之後移石門寨  
今宜復設以策應燕河及聽遠前調用各區主兵不足則取之

兩關御史所聞各衛軍容兵不足則總督臨期取之防秋士馬  
詔悉從之○癸卯發太倉銀十九萬兩并懷來倉糧粟米各七  
萬石于大同 論大同平川墩各將領功罪贈死事中軍官王  
恭為都督僉事廢一子正十戶仍賜論祭令從祀故總兵張達  
祠淫渾傷指揮周運輔一厥其餘死傷及失事官軍下巡按御  
史嚴實以聞 發安丘王春副將軍視牆高墻禁位坐殺指揮  
三軌故也○甲辰廣東海寇瓊州殺指揮陳忠言胡松百戶郁  
瑛詔奪失事備倭指揮王克振等俸立功自贖 給山西鎮太  
僕寺馬價銀一萬二十兩市馬○乙巳河南道御史趙鏗提調  
南直隸學校○丙午京營遊擊將軍時陳自言二月三十日將  
所部指揮孫邦兵與虜二十騎遇于大同西路戰教其合敗之  
追奔三十餘里虜二萬騎每至兩日虜知不可放乃遁 上嘉

其勇敢先賞銀五十兩貯絲四表裏孫邦三十兩一表裏陣亡  
及被傷官軍仍令御史勘報。丁未陞福建按察使王昂為河  
南右布政使。斬定遠右衛軍餘徐打成於市初打成被虜逃  
回尋叛入虜至是詐充兀力其山衛指揮納兒蕭勅書馬匹入  
貢事覺伏誅仍沒入納兒原初及所進馬。戊申 命寧夏分  
守署都指揮僉事王誥充左恭將分守迤綏西路。庚戌 命  
錦義左恭將指揮僉事郭都充副總兵官協守宣府。辛亥發  
湯信王府鎮國將軍觀勳於高牆禁位坐越關奏擾虜犯不悛  
故也 陝西沱咂等族番人焦吉等貢馬及方物給賞如例  
命原任東管聽恭將劉錦充恭將提督京城內外巡捕 戶部  
以邊餉日增內帑缺乏乞行兩京及各省撫按等官嚴督所司  
追徵補課得旨 祖宗定制各鎮兵馬自足防禦遠者兵不訓



練不堪戰守任事之巨計欲俾免已責一遇有警率計至年所  
援以故糧餉日繁倘將來調發不已即歲加賦何以給之爾等  
其會同部將三十二年諸鎮調兵並新增數目議其當減與否  
及應用錢糧必如何可以節省俱宜從長計處以間毋違也合  
默致諫軍國大計各省所進國課俱如檄查追○壬子 詔遣  
使存問唐府邸城王彌鉞唐王宇溫奏彌鉞年八十有賢行故  
有是命奪戶部尚書孫應奎俸兩月郎中汪宗凱默為民以輕  
信奸商違例奏開水鄉盜引故也

大明世宗肅皇帝實錄卷三百八十四

嘉靖三十一年四月癸丑朔時享 太廟遣駙馬都尉鄔景和  
代 改直隸河間府知府尹耕為河南按察司兵備僉事仍予  
四品服係令其管領民兵耕自知州趙廢數月中選兵部員外  
郎中知府嘗為給事中李幼滋所劾至是吏部希大學士嚴嵩  
旨復稱其知兵破格改用於是士論譁然給事中張萬紀遂歷  
數<sup>其</sup>枉拔不法及守河間諸僉禁狀劾奏之且言四品方面改五  
品有乖選法請嚴飭吏部以儆<sup>其</sup>素舊章 上大怒命械耕至  
京問該部曰供蕃鞠彼併治之○乙卯 上諭兵部曰虜之易  
戒以吾叛人為虜運者多罪浮於虜今春如此杖舉必送鸞去  
須大一創始可卿其傳諭令必戰勿守如何兵部以示鸞鸞言  
前月遣兵出威遠搗虜戰于泥河斬首二十餘級奪馬駝五百

路遊擊時凍臨敵不勇故未敘大捷耳茲錄焉礪乃作倅運等  
張堅兵至分道出塞用收犂庭功以慰 聖念也鸞每大言虜  
不足平及是督重兵至邊畏縮不敢動大學士嚴嵩既與鸞相  
失乃言鸞不戰非該故 上令兵部傳諭之然白是亦知鸞不  
足恃矣○丙辰 命故廉寧伯劉泰子兄中襲爵○戊午 上  
諭輔臣嚴嵩曰近議朕二子出問一事久未見部跡何也於是  
禮部尚書徐階疏請選官僚具儀節以欽天監所擇四月二十  
五日吉期上 上初許之己而復諭曰今又過夏日能行幾日  
不如七月未旬行為實用時尚書孫承恩掌詹事府事自以宮  
巨職在輔養乃上疏因請 上不悅曰雷久不聲占云臣下辱  
政果迨不奉君命師又此附和未可也 兵部覆刑科給事中  
李如鑑等上言邊事一宣大雨鎮士馬積弱如近日正奇遊兵

缺選於拔兵之內則拔兵弱兵入衛之兵選於正奇遊兵之內則正奇遊兵弱兵惟令邊日募人充伍勿復選鋒入衛邊鎮安則京師安矣一徃時召商中監未有不以帛糧本色者旬餘監之利潤而買窩賣窩之奸滋屯政不修無所刈獲商人又以輓輸不便阻壞釅規而本折相兼閭日支放之法遂廢不講宜下戶部議復一榆林之兵天下稱强者其馬善也近者將日縱使家丁強奪軍馬名曰搶先遂使軍不愛其馬一歲死者至萬七十匹宜嚴禁之一盃甲必視士卒之身大器必稱戰守之用非諸鎮自製無益乞令工部徵巨輸之勿復給以濫惡一邊牆墩臺多為馬市諸虜所毀宜無惜小費加工修築且為室以居大器使一自挑兵在鎮借口京營本鎮之卒不復奉本鎮將願約東此為大弊宜率為邊日申明軍法不得玩愒以妨大計得旨

宣大南鎮新增遊兵四枝仍如前旨會議以閒餘可。辛酉發  
太僕寺馬二千七百七十六匹給保定軍。錄各遺陣亡獲功  
官軍山西四海沿等處劉景明等二十九人陝西清水營徐鯨  
等八十九人永興堡于敬等一百三十九人神木堡張至等四  
十五人平坡墩猛忽兒四十六人固原高蕨等二十人陞賞如  
例。壬戌法司上大同失事將官罪狀佐擊將軍孫麒恭將張  
騰宜斬遊擊狀軍劉潭宜譴戍。上以潭臨陣退縮損傷將多  
駁令再議於是潭亦論死繫獄。癸亥初。駕幸承天問莊王  
朝綱時為世孫侯道左。上嘉其忠命加賜祿米三百石至是  
莊王子在鋌襲爵具疏辭免許之。給固原鎮新軍月糧銀一  
萬一千六百兩。甲子陝西秦州地震有聲。乙丑賜問王在  
鋌初令其嚴束本府宗室郡王以下俱聽恭治先是封兵汝陽

昨城崇善各王府以周至冲却不暇鈴東三月之內越關至京  
有十人而春國將軍安波至欲自刎關前悼王第七男睦謙令  
其諸子妄訴花生等事語皆侵王王乃撥伊王例請和禁約從  
之○丙寅虜二萬餘騎犯遼東前屯自新興堡入守堡百戶常  
祿指揮姚大謨率堡兵二百據三道溝抗虜虜縱其圍之提調  
指揮劉棟圍練指揮劉啓基共率軍舍四百餘盡銳衝之入重  
圍與錄大謨合力戰虜圍不克四人者俱死戎兵傷亡大半虜  
亦創甚備禦指揮王相問報統所部兵四百人赴之與虜遇于  
寺兒山大戰移時殺傷畧相當虜舍去相冒首被重創移營沙  
河驛千戶葉廷瑞調圍練卒百餘佐之相裏瘡欲復戰或曰虜  
充斥如此爾以寡弱卒當之戰必無幸相曰吾家世為將惟有  
此一腔血報國恩耳且虜驕而無律雖眾不足懼明日虜驅掠

人畜歌歸相疾趨出其前邀之戰于蠟釜山虜悉取來相帥麾下殊死鬪已而死竭相勇氣益厲持刀左右擊身被十餘創而死指揮張策百戶程克改胡鎮及麾下士死者無慮三百人廷瑞面受數刀昏仆次日乃甦餘卒無幾無不帶傷者虜遂即日引去事聞 上嘉相忠勇詔贈都督同知蔭一子正千戶賜祭葬如例已復贈策棟啓基大謨都指揮使祿克政鎮指揮僉事子孫各襲世二級及治諸失事官罪忝將郭世勳守備李尚文等各革職聽勘餘不按旨違問總兵趙國忠巡撫許宗魯各停俸令戴罪自效俟秋防畢奏聞是舉也虜酋犯都兇辛愛原謀寇錦義同知有備迺乘虛突犯前屯祿大謨等以孫軍犯其前鋒皆死人心震恐相所幸不過四百連戰二日以必死為期諸將若世勳等多觀望不敢近獨廷瑞毅然率百餘卒佐之甘與

同死可謂烈矣是時虜歲入犯各邊無敢闕者朝廷初開相事  
深所難異故卹典至下凡重傷裨效若高丘崔忠等亦皆級性  
其死事將則下按巨數其官職以報加優眷廷瑞初以死聞故  
不與重傷之賞比贈諸死者規常典加渥有千戶吳天錫以走  
報邂逅為虜所殺乃亦贈指揮使而廷瑞以復甦故恩竟不及  
蓋當時以賞功之典為賞死也外矣○丁卯發太僕寺馬價銀  
九萬六千八百兩陞山東山西河南北直隸諸處市馬○戊辰  
發太倉銀四萬八十兩於密雲補主兵修邊等銀及未領商價  
○己巳令諸邊壯士有願於軍前立功者得不時收用仍懸示  
賞格獲賊一人官一級賞銀二十兩不欲官者賞五十兩招徠  
強壯漢人一人賞五兩三人官一級以上速加得虜中知名一  
人官三級賞三百兩得虜大酋來就者爵以伯賞萬兩漢人在



虜能持虜頭及招徠來歸者賞視此所獲馬畜盡以給之妄殺  
冒功者死首補者與斬獲者同賞從大將軍薦請也○壬申改  
陝西靜寧州隆德鎮原二縣屬固原兵備道遷瓦亭巡檢司于  
金佛峽○癸酉 上親製預告 祖宗及光聖帝王奏歌各一  
貼發太常寺習用○乙亥賜徽王載瑜樓額名樂善從其請也  
南京戶部尚書王榮慶引年乞休不允 大將軍鸞自言四  
月初三日師出鎮川徑行二百餘里至貓兒莊遇虜伏我軍陣  
亡者二十八人傷二百一十二人失馬二百餘匹斬百虜五級  
獲連馬三十匹然尚引時陳例邀賞兵部以為出師代虜以全  
取勝非若旆與虜遇時得以血戰為功也且時陳罪尚未白安  
可遽引為比宜并下御史覈狀 上曰諸將暴露塞上所獲雖  
微勤勞宜錄鸞賞銀二十兩給絲四表裏載綸等三十六人各

十兩時陳勿副。丙子追封襄王厚親祖陽山恭和王見滂父  
榮康王祐揭為襄王嫡祖母周氏為襄王妃曾祖母夫人劉氏  
祖母夫人嚴氏為襄王次妃以厚頻進襲襄康王爵從其請也  
漳 泉海賊勾引倭奴萬餘人駕船千餘艘自浙江舟山象山  
等處登岸流劫台溫寧台閩攻陷城寨殺虜居民無數。丁丑  
御史李承華朱瑞登奏報所開通州等衛所軍士共一萬一千  
六百五十二人大津等衛所軍士共一萬六千四百九十人己  
各分信地防守因條言冒項可慮安插當圖訓練當嚴額當按  
四事兵部覆請行之報可。戊寅陞尚寶司司丞梁敫為本司  
卿以九年秩滿也。己卯廢故大學士張治子元孝為中書舍  
人。庚辰戶部會廷臣議之遺儲三事一淮浙長蘆山東鹽法  
請自三十二年始正鹽仍輸粟于邊每引二百八十五斤照常

服存播鹽內支給外附餘監二引各如正監數令各商於所派  
場分自行收買仍遣望大巨統理之一各省鹽法乞勅巡按御  
史兼理除河東運司與陝西靈州鹽課俱留放祿糧易馬外福  
建運司四川廣東雲南各提舉司分差部儒二員清理務俾  
別宿救以濟國用一請責成宣大屯牧都御史加意經理屯政  
期有成效以省內耗之費其全陝遼東并各省屯田當行撫按  
官轉督所司勸農懇田或量給貧民以牛種管屯衛官有干預  
錢糧出入者罪之得旨如議 雲南臨安府石屏州元江軍民  
府各地震有聲

大明世宗肅皇帝實錄卷三百八十五

嘉靖三十一年五月壬午朔 時虜酋大把都兒黃台吉等嘗  
降三衛諸夷及李家莊之賊勢張甚諸邊相繼告急兵部言夷  
放之患自昔所有第今日邊事種種多可憂者初選各鎮邊兵  
入衛即議募補今大同增兵二萬宣府增兵一萬迄今二年未  
增一卒聞實總副恭遊兵馬堪任戰守者總計不過二三千人  
其寡弱如此推原其故則以養兵之費戶部謂非例不肯發鎮  
臣謂非年例不肯請安之無可奈何則戰守必不支矣自馬市  
興而邊境為虜所壞者十五六萬無從防虞奉 詔書尚未興  
築京軍更三祭以來大將鸞名邊將及通事家丁可以教練之  
今二載未效臨事輒稽京兵脆弱不足恃則邊將所提調何事  
通事家丁所倡率何人且令揀邊兵將明日當遣監甲又明日

請給料糧竭不貲之費而委之何用深可憤惜蓋內外日二未  
有忠誠幹濟獨能播弄文墨飾虛詞逃責而已蔽初各鎮必  
遵節次明詔分軍遠哨野堅壁治垣鍛矛儲箭飽士躬作軍卒  
之氣以野北顧之憂大將必督勵京軍以策勦伐夫智者不謀  
已事夫今不圖即善採無益也 上曰昨議備備已二年百未  
效一內外各官徒事虛言雖能謀國如家者今歲虜未遭徃必  
肆秋犯其令諸司務資修舉如有仍前怠忽誤事者治以軍法  
不宥○癸未靖江王府鎮國中衛約腊為庶人奪春國中尉約  
贈經劉祿一年俱坐違例越奏也 添設西淮浙江等處巡鹽  
御史一員從戶部請也給事中何雲鴈言鹽法之弊廢不在官  
之知設與否顧所以督責之者何如耳國初官未加設而鹽課  
之利無所虧減者法令嚴而人不敢犯也今產鹽地方皆有巡

蓋御史事權宜在都御史下而塩法之壞一至于此則以御史不能盡法懲姦實心興利故也夫不務飭法而務設官未必能救焚而先為民擾即如近時蘇松督儲恭將徐充營曰都御史河南等省兵備山西宣大屯收僉事皆以建言增設廩餼供億皆取之民而所司職務分毫無益於舊又何貴于增也巨愚以為欲塩法無壞當專責之御史欲御史不失職當今都察院第其功能之殿最戶部稽其歲入之盈縮而賞罰勸懲之其都御史勿設便上曰近日添設各官原係言官建議皆救弊修政急其不能舉職乃官未得人非設官之失也塩法都御史吏部如前旨精擇堪任者以聞其非用不當及各官奉職無狀者尔等指竄舉奏○甲申兵科給事中徐公道劾奏戶部尚書孫應奎廢疎自用大同巡撫於教哀病曠職宜罷得旨應奎調南京

工部教職冠帶間住 錄遼東開原及陝西波羅堡等處獲  
功連亡官軍與自武等一百四十六人王用等十四人陞賞如  
例 兵部言京師天下本宣大虜所道也言事機則虜有動作  
二鎮先知之若能戮力出兵虜氣自奪即或內犯亦可星馳入  
拔非如他鎮兵遠道絕也言形勢則二鎮京師門戶縱虜入之  
而與之格危矣今大將欲調陝陽安等統二二鎮之力以自守  
不足而况選其精銳乎此可慮者一也今春諸將雖有徵獲不  
過九牛一毛而虜之蓄忿不少以二鎮之弱而又分其力則三  
軍將解體謂朝廷不復念我矣以解體之卒當逞忿之虜不待  
交鋒可謂寒心可慮者二也諸營挑選之從伍缺既多勢必召  
募所謂驅市人而與之戰虜足賴乎可慮者三也延寧甘肅選  
兵入衛有警尚有諸鎮應援于外宣大捍禦于內也若聚行之

於宣大使虜虛聲求東以誤我師併力宣大宣大必不則虜長驅薄畿輔此可慮者也伏惟留四部選兵于本鎮聽總督總帥用不必預調入關萬一虜內犯即督發入攻不必俟命則兵將有定志而二鎮可保也 上深然之命暫留宣大選兵勿調而呂鸞入京議事鸞不自安已能託防叔不遠宜且還京與諸臣計之其務謀國如家毋有偏執鸞還京兵部乃集廷臣會議皆言先王之待暴客必設重險成周之禦獫狁城彼朔方守宣宣大以固京師兵部策之甚善但令馬市既絕間諜不通二鎮選兵若必待須賊內犯而後入拔勢恐不及大將鸞欲以七月初旬調赴保安懷來以聽分柝其言亦不可忽今當令二鎮兵內聽京營調遣外聽總督鎮巡官節制庶內外不至偏重而二議並行不悖矣 上允之仍諭諸臣務協心幹理以保萬全



無推諉誤事○乙酉陞順天府府丞王紳為都察院右僉都御史清理淮浙等處鹽法 陞雲道御史項運吉為四川布政使司左叅議○丙戌罷百官端午宴○戊子 孝宗敬皇帝忌辰 奉先殿行祭禮遣武定侯郭守乾祭 泰陵○己丑陞山西按察司兵備副使侯鉞為都察院右僉都御史巡撫大同○辛卯 太祖高皇帝忌辰 奉先殿行祭禮 四川九姓長官司土官任鈺太平司土官黃明日等各差人負馬給賞如例 賞御史鄭本立主事任之賢各銀十兩貯絲一卷裹以賑濟官大飢民有方故也○壬辰以久旱命順天府官祈雨百官修省三日 改南京兵部尚書韓士英為戶部尚書 以修築張家灣鎮城堡工完賞都御史王忬銀二十兩貯絲一卷裹知縣蘇繼等五兩○癸巳 仁宗昭皇帝忌辰遣長寧伯周大經祭 獻

陵○甲午江西道御史徐紳言國家財力困絀弊在設官太多如兩淮山東既有巡撫徐於徐州添設招撫都御史漕運河道職守相通復於濟寧別設管河都御史山東德州既有兵備分巡又有民兵僉事北直隸薊城既添民兵僉事而霸州又有兵備專司又如蘇州地方兵備副使管糧恭政皆非額設徒滋煩擾當國家急財之際請一切罷革惟之藩臬郡縣有可合併者京營之衛之士及川廣之師有可罷減者俱宜議處以省煩費跡下部覆各都御史仍舊便餘事當行各撫按酌議制可○臣戶科都給事葉鏗為順天府府丞 黜定遼後衛左恭新署都指揮僉事武勳為民堡僉酷為巡按御史所知也○丙申戶部覆大同撫巨言本鎮軍馬糧窮歲支折色不足以當本色十分之四乞復舊例軍糧兼支本折馬草全支本色從之○丁酉

方澤視牲命成國公朱希忠代駙馬鄔景和伯陳圭尚書孫承  
恩趙錦輪視廩總督三邊兵部尚書王以旅子 簧為國子生  
以禦虜功也 發太倉銀六萬九十餘兩臨清倉米五萬六十  
石於大寧都司給新選官軍○戊戌改南京吏部尚書屠楷為  
南京兵部尚書恭贊機務 福建勦賊李文彪等寇南安提督  
軍務都御史張垣遣兵禦之於巖都嶺取績清軍御史沈寵劾  
奏垣措置乖方自取敗衄且乾沒監課以巨萬部宜論如律部  
覆劇寇未平需才甚急請姑下詔督恒令其悉心撫勦務底平  
定御史所言待事平之日通計功罪以聞報可 發太倉銀二  
萬五千兩有奇給賞朵顏三衛夷人不為例○庚子玉山王厚  
瑛薨賜祭葬如例謚恭安 戶部議覆給事中李如誼上蘇鎮  
軍儲二事一該鎮地方極衝如昌平密雲次蘇州通州次三河

順義良卿涿州房山應備錢糧營以次曾補其地內也不得拔  
例多給一本鎮糧勇商人每以二三月間額銀市之地處道遠  
青多公私兼累今宜以秋冬發銀做和糴之法專責兵備等官  
經理巡閱御史查盤此外不得多差冗官以誼民獲從之。辛  
丑降臨漳王府春國將軍厚堪為庶人發高牆禁住坐匿盜殺  
人故也 夜日犯土星○癸卯夏至大祭 地于、方澤先期  
請 太祖配神及是日行禮俱遣公張溶代公徐迥德侯仇鸞  
大學士徐階尚書萬鏗分獻 靈兵王聰滿會長孫廷北卒賜  
祭祭如春國將軍例雲雲南府地震○甲辰發大僕寺馬二千  
匹於柴荆關馬價銀一萬二千兩於大同○乙巳建州右衛等  
衛女直都指揮十哈剌等毛憐等衛女直都指揮木花等各來  
貢馬宴賚如例○丙午大雨百官上表稱賀 廣八百騎圍映

西紅城子堡二日乃退 修宣春宮○丁未賜錦衣衛帶俸都  
指揮同知陳書妻張氏祭一壇書 孝潔皇后姪也○戊申復  
原任少傅兼太子太傅吏部尚書文淵閣大學士許瓚官從其  
子禮部員外郎即與請也改南京工部尚書潘漢于南京吏部  
泄吏科左給事中馮如松為都給事中戶部右給事中張思  
靜為左給事中戶科給事中戴才工科給事中李用敬為右給  
事中廷相兵科汝松用敬工科思靜刑科才更科 命古北口  
恭將署都指揮參將韓承慶充副總兵協守蘇州 海寇攻浙  
江黃巖縣破之留城中縱掠七日乃去○庚戌 命署都指揮  
僉事墻子嶺恭將周孟昌遼東都司僉書李廣寧覓分守貴往  
俱免恭將孟昌古北口廣運東廣寧前屯柱甘肅西寧

大明世宗肅皇帝實錄卷三百八十五

大明世宗肅皇帝實錄卷三百八十六

嘉靖三十一年六月壬子朔○癸丑大將軍仇鸞言曩者奉詔  
每年調發京營轉弱為強軍六枝成大同宣府蘇鎮以六月  
十月還今已屆期臣謹部著副將孫男恭將黃恩各三十人守  
宣府恭將施克游擊趙應各三十人守大同遊擊肅振許策各  
三十人守蘇州上報曰此事卿等但就營中教練勿令之外  
時上意頗疑鸞擁兵太重稍稍裁制之以節收其權鸞惜不  
知懼也○甲寅毛城等衛女直都督都指揮頭目朵顏等來自  
馮宴登如例○己未以水災減免鳳陽淮安二府所屬泗州清  
河等州縣鳳陽等衛所民屯夏稅有差給事中曹禾御史陳宣  
衡劾上二十九年以後工部造作軍器皆破數多詔都察院通  
查前後經管官跡名治罪時督工主事胡朝臣已陞通政司恭

議恭將周徹劉鼎等方分調各邊防秋都察院奏請追論并治  
監臨部中員外王會顧言等罪得旨近年議造軍器禦廡不三  
年間費銀五十萬兩乃造作無法工匠多為奸利朝臣等必  
有通同故縱情弊錦衣衛其各執送法司訊鞠會等各以原官  
調外已刑部覆言冒破之罪當坐匠役第及官失察亦難辭  
責 上乃命工部驗視各軍器不中者督令再造刻期完奏朝  
臣降一級調外任徹鼎令立功自贖○辛酉廣東高州府雷白  
縣地震○甲子加屯縣鎮年例銀十一萬兩免新兵糧餉從撫  
臣張愚奏也○戊辰 睿宗獻皇帝忌辰 春先殿行祭禮  
賜楚王英煥袖約末宗室仍賜書院名曰熱心以四書五經集  
註各一部賜之俱從所請也 連州左等衛女直都督古魯哥  
等來朝貢馬宴登如例 兵部覆原任南京兵部尚書韓士英

條陳馬政一上江二縣歲出馬給南京諸營民力不堪宜量於江南所輸京師折色馬一千九百餘匹中改本色二十之一給南京營每匹如例補價十八兩類解兵部以充歲數一南京諸營馬當下圩者圩舊在鎮南等衛和尚港銅井諸處濱江曠野收事不便宜令人佃之易以各營教場及京城內外三條街鷄鳴山等場一南京內外守備自正德間增設之故每十日至役馬四百匹歲費昂立以巨萬計今所增守備已革則馬亦宜減一養馬宜順其性夏秋馬等青草而以宿藁予之是空費也宜月給軍銀三錢六分令買青飼馬一各衛草場自嘉靖九年命御史清查徵二十餘年夫奸民期隱豪右兼并幾不可問宜復令屯田御史且覈之一馬戶納馬本部所司既具覈復又歷內外守備及兵科展轉稽淹愈盈月餘以為民累今宜獨令該司



及兵科驗給馬戶亭次口諸營馬隘但以牒報守備 凡營馬不堪即賣馬戶貿易為累甚多宜合每馬一匹量加銀一兩一原編馬戶四十八名歲久消乏乞許該司會同科道添派分上中下三更班馬報可○庚午給事中王鳴臣言王府置田有禁載在會輿馬者宋宣慶收民田為己私業兩陰以勢力把制有使司不得編差徵稅貽累糧里請行巡按御史嚴查侵占均派里甲莊回之稅即乞本府祿糧有司問縱者罪之報可○甲戌建州左等衛都指揮哈達克里哈等來朝貢馬宴查如例命原任分守宣府東路恭將署指揮僉事孫翕克左恭將分守山西太原等處 蔡順義縣城命工部戶部共發銀一萬六千兩巡撫都御史發本縣贖銀充工費○乙亥給大同宣府二鎮太僕馬共千匹○丙子巡撫湖廣都御史屠大山以恭刊

御制承天府廟學碑進呈 上覽之善賜大山及巡按御史胡  
宗憲各彩段二襲恭議劉文光知府孫銓各一襲差來官絹二  
疋 嚴戶部尚書韓士英陞戶部左侍郎方純為本部尚書時  
士英自南京兵部被召未至會南京科道官張承憲金豪等交  
章論士英歷任戶部兵部皆庸鄙闒茸利權委之吏胥軍務聽  
於守備不宜復理別曹 上曰南京科道官親見士英行事所  
言必真士英令冠帶閒住吏部推用不當何有視國如家之心  
其奪堂上官俸三月該司掌印官一年如半年乃改用純 補  
廢原任兵部右侍郎張衍慶次子藥為國子生○丁丑 孝宗  
睿皇后忌辰 奉先殿行祭禮遣王田伯蔣祭 裕陵 未封  
妃王氏薨詔追封為恭僖廢妃喪葬儀俱視懷崇鄭賢妃例仍  
以其父王頊為錦衣衛指揮僉事大將軍鸞自言前在大同督

兵出塞四次斬獲首級八十顆奪獲駝馬牛騾九百九十餘獲  
功人員已勘實久之尚未募緣恐邊日無所激勸 上然之趣  
命兵部行費不許遲延於是陞賞新平堡禦虜官軍張潛等一  
百二十五人大同左衛免日河等處官軍時義等三十九人  
禮科給事中袁洪愈劾秦翰林院檢討梁紉儒自為庶吉士日  
奔走權要交通賄遺時人有不讀書嘗問事之誚吏部文選部  
中白壁招權禦官其門如市所得四方金錢致令姑婦爭覆惡  
言碎語聲聞於外俱宜 斥時萬鏜為吏部尚書萬守禮為右  
侍郎洪愈以鏜守禮不能秉公執法表正屬官乃併論鏜衰老  
貪得及守禮督餉宣大刻削軍儲詎入 上切責鏜守禮令自  
陳狀下壁于鎮撫司拷問亦跡詔降二級調外任詔儒調外任  
既而鏜等各上疏引罪俱留用詔儒乞以原職致仕許之 論

二十七年虜入柔遠等堡官軍失事罪分守莊浪左恭將馬宗  
援守備黃福等諫成降級有差。己卯 考穆皇后忌辰遣都  
督沈奎祭 茂凌 莊表孝子張節一人節婦馬氏等九人從  
巡按直隸御史揭選奏也 廣東雷州府海康遊溪等縣風雨  
震雷有光如毬自西南起廿至中天星散海潮漲溢壞官民廬  
舍及人畜田禾甚眾。庚辰令南京刑部右侍郎鄭漳致仕以  
老疾破論故也 大將軍鸞奏各遣入衛兵經年赴調奔走已  
疲請更選遼東固原寧夏甘肅每鎮新兵三千人 延綏二千人  
與原選兵分番入衛因言臣賦性鹵莽與時寡諧乞解兵權以  
謝忘者 上不許詔用心籌畫防禦以建奇功以其奏付所司  
行之

大明世宗肅皇帝實錄卷三百八十六

大明世宗肅皇帝實錄卷三百八十七

嘉靖三十一年七月辛巳朔時享 太廟遣駙馬駉景和代

分遼東廣寧中左二屯衛新軍八百人戍松山凌河二堡各用  
指揮一人領之聽錦州守備管轄。癸未 詔開軍民納馬事  
例一京衛武學生員有願納銀納馬入監者取武學師生并該  
衛所保結已應舉者納銀二百四十兩馬以十匹未應舉者銀  
三百二十兩馬以十四匹各處軍舍餘到京遇例者如未應舉  
武生之數取卿官印結一軍職犯邊方立功者許贖十百戶鎮  
撫銀一百兩馬以四匹指揮銀一百四十兩馬以六匹都指揮  
以上銀二百兩馬以九匹若已立功一年至四年者各照年限  
贖品遞減仍候立功限滿方許支俸一在外衛外軍舍餘有  
願充承差者印吏役者布政司知印納銀一百兩馬以四匹外

貼銀八兩都司知印及布按二司承差銀八十兩馬以三匹外  
貼銀十兩都司承差銀七十兩馬以三匹布按二司吏與銀六  
十酌馬以二匹外貼銀十兩都司及各府死馬寺行太僕寺監  
運司吏典銀四十兩馬以一匹外貼銀十四兩各司府首領并  
州縣吏典銀二十兩衛所吏典十五兩供於本省府酌免其考  
選候缺恭補一兩京太醫院醫士醫生有願納銀二十兩者授  
以冠帶本部出給劄付冠帶醫士納銀五十兩馬以二匹外貼  
銀四兩授本院吏目送吏部詮註帶銜不支俸官司務兵部以  
太僕馬以議行正德七年開納例條為十二款。上謂其與戶  
工二部例相同政體紛錯仍令會同戶部詳議至是議上上乃  
許之。○甲申 仁孝文皇后忌辰 奉先殿行祭禮遣都督僉  
事王朝用祭 長陵 禮科給事中王鳴巨條陳議處宗藩八

事所司覆行四事一嚴覈實以重宗派各王府初生子女三日後即開送親郡王驗實籍記以憑年終類奏一明妾媵以革濫收郡王年二十五歲嫡妃無所出者許奏請娶妾二人又至三十無出許娶足四妾將軍中尉年至三十無出許娶一妾又至三十五無出方許照例娶足三人二人之數妾媵七非無嗣不許補娶一裁從人以絕濫擄凡宗室儀從所司遵例照品與因徒內通融撥補冊別僉派獲民一稽科價以禁冒費凡各親郡王世長子殤而次子受封或王妃正踰五十無嗣而庶子承嫡者不得再給房價或受封在前而後復改封其原給房價宜追除祿米還官鎮國將軍中尉以下俱從是例仍行各府長史教授等官每歲終覈應還官房屋之數呈部稽考奏報者治以法從之○丙戌錄山西陝西獲功死事官軍鎮羌堡張奉等一百



五十三人平虜城高鐵桶等十二人邵綱堡施得等四十二人  
大柏池堡王宗等五十九人宣府馬市效勞官軍周現等二十  
三人各陞賞有差 給事中王國禎御史徐紳勘上二十九年  
以徵戶部錢糧侵耗之數因恭順天通判李國紀等十六人指  
揮白宣等九人郎中張旦等四人員外郎黃明良等八人主事  
張才等三人各出納不平前後尚書潘漢李士朝夏邦諫孫應  
奎各踪理無狀當治罪下法司逮問并定擬輕重以聞○丁亥  
南京內官監大監楊佑等以薦新騷擾驛遞被劾兵部請申明  
嘉靖六年詔旨禁約實佑等於理詔申明禁約如議佑等實勿  
問○戊子添設太僕寺寺丞一員勿理馬政 詔免山東班匠  
至京徵工銀解部裁革濟南府織染局大使 崇陽王府革職  
奉國將軍榮濟嫡子顯槐顯誠披革前例請封部覆榮濟坐殺

姪廢姻其子不宜例封詔俱降爵為輔國中尉。庚寅 命右  
春坊右中允兼翰林院修撰尹臺翰林院修撰郭譽主考應天  
府鄉試。辛卯 命試御史宋儀望吳遵陳學夔毛鵬陳視銜  
欽斯琳段錦朱龍陳璜吳百朋張守恭孫昭宋賢李頊郭民敬  
俱實授 寧府萬全都司地震有聲。壬辰陞戶部右侍郎馬  
坤為本部左侍郎順天府府尹盧紳為戶部右侍郎大理寺左  
少卿倪嵩為都察院右僉都御史。癸巳以赴任違限革浙江  
布政司叅政曹汴職調任停叅議李龍按察司僉事李廷松俸  
下按臣違問汴先以浙江副使給由中途陞任凡離任八月龍  
廷松違限各二月俱以病為解巡按御史林應基以聞吏部言  
適年在外給由赴部官員率從視律例枉道回籍恣意耽延曠  
廢職業比違限既久人多借口患病苟免罪罰縱被叅問且復

支俸管事考覈不以此為優劣淫逸不困之兩違連以致明禁  
遂為虛文人心全無儆懼矧浙江近日海寇猖狂所在騷動而  
一時藩臬違限者遂至三人外此等守法任事之臣寧緩有幾  
欲求盜息民安慰 九重宵旰之慮不亦難乎宜申嚴法禁汙  
令回籍聽勘罷運松俱停俸下巡按御史提問具奏以懲偷玩  
跡入報可以汙曠職日久勒令閒住○甲午吏科都給事中何  
雲鵬以考察在過請令撫按官籍記所司賢否進呈 御覽部  
覆程故簿書者臣下分任之職舉行黜陟者主上擢斷之權君  
逸臣勞自有定分今記籍上請 宸嚴失大體不可從詔罷之  
○己未以中元節遣武定侯郭守乾長寧伯岡大經玉田伯將  
榮駙馬鄒景和分祭 八陵都督僉事王朝祭 恭仁康定景  
皇帝都督僉事沈圭祭 孝潔皇后中官祭 恭讓章皇后各

陵寢、建州左等衛女直都督柳尚等來朝貢馬宴齋如例  
夜月夜。丙申廢太常寺卿吳祖乾子魁志為國子生以三年  
滿也。以災傷免陝西山西平鳳等府所屬夏稅有差。丁酉  
降吏部驗封司員外郎李棟文選司主事蘇志仁各一級調外  
任初棟與志仁以尚書萬鍾淫轉司屬不公積不能平棟函折  
鍾於公堂語侵辱之志仁亦稱病不理司事鍾遂劾奏棟職求  
進。志仁愉愴不職故有是命。戊戌。成祖文皇帝忌辰  
奉先殿行祭禮遣彭城伯張熊祭。長陵。命兵部侍郎張時  
徹工部侍郎吳鵬各隨大將榮提調兵馬器械從仇鸞請也。  
己亥陞江西右布政使馮岳為順天府府尹。浙江巡按御史  
林應箕奏四月中倭寇竄切地方狀因奏署海道副使李文進  
分巡副使谷嶠僉事李廷松分守恭議李龍顧潤備倭祀總等

官周應禎周奎楊材等各失事當治峪由海道副史丁湛新推  
備倭都指揮張銖皆臨難規避宜並罰於是峪事中王國禎御  
史朱瑞登交章言海洋不靖由朱紇得罪激裁革巡視都御史  
故三省軍民無所鈐轄雖設有海道副使而權輕不便行事往  
往至於狼狽失職如丁湛李文進等已事可驗也請復故都御  
史便跡言吏兵二部覆議國禎等言是但巡視都御史必富兼  
假以巡撫總督之權使之節制諸省方可責其成功其閩浙兩  
省仍各添設叅將一員駐劄遠海地方庶文武各有專職緩急  
無患 上從其議暫設巡視浙江兼管福興漳泉提督軍務  
大臣一員令吏部推堪任者星馳赴任督兵勦賊其兼管巡撫  
等項待賊平議處叅將准添設丁湛罷為民以李文進代之張  
銖革回原銜以周應禎代之仍各同李龍顧問谷嶠李廷松同

奎楊材等住俸戴罪殺賊林應箕禮准專勅官給由離任令奪  
俸三月 陞大理寺右少卿胡叔廉為本寺左少卿左寺丞胡  
植為右少卿。庚子給事中黃元白言京闈鄉試伊邇宜慎選  
主考官如司經局洗馬黃廷用素行不謹恐序當及之有玷文  
衡詔以廷用調南京別用遂改南京兵部車駕司員外郎。辛  
丑戶部議覆給事中王國禎條陳節財用六事一邊軍給賞宜  
視其地之遠近時之久速為差不得令內地官軍援例若乞一  
各邊官軍有斬捕虜首功撫臣即請行賞毋致稽遲一各營衛  
監局光祿寺等衙門所造支文冊類皆收除不清名糧互異宜  
查覈一內府庫局香品布漆等料及各倉場糧草徃徃商牙官  
吏並倚為姦輸納已完必俟價高時始出通關實收楨以毫釐  
動成十萬亦耗財之一樂也宜禁革一請行各鈔關徵銀解部

接濟邊儲候遣少寧仍徵錢鈔本折輪解一召買珍珠及紅花  
康篋等物併入估簿隨時酌定價銀使物價不得騰踴一徹周  
官月要歲會每年終括財賦出入之數登籍進呈以稽盈縮得  
旨鈔閩本折仍輪解餘如議○壬寅改巡撫山東都察院右僉  
都御史王忬提督軍務巡視浙江兼管福興泉漳地方仍勅許  
便宜調發兵糧臨陣按軍法從事巡按御史毋得干預曉沮賊  
中有脅從願降者不得一槩混殺濫及無辜于是並設分守浙  
直恭將各一員以瓊崖恭將署都指揮僉事俞大猷中都留守  
司管標指揮僉事湯堯寬為之大猷溫台寧紹等處克寬福興  
泉漳等處俱聽忬節制 禮部尚書東閣大學士掌部事徐階  
奏請 裕王景王出閣講讀詔釋吉舉行 藩府定陶王詮鑰  
薨賜奠如例謚恭靖○癸丑南京都察院右都御史端廷教卒

賜祭奠如例 夜月紀軍容大星 命甘肅遊擊署都指揮僉  
事孫朝充左恭將分守莊浪地方○甲辰陝西巡按御史劉世  
魁以五月中紅城子堡失事請治恭將馮宗拔守備傅津及鎮  
守總兵王繼祖遊擊馮中立諸巨罪兵部覆擬津革職繼祖戴  
罪視事各聽其中立宗拔罪已前決宜勉再論報可○丙午增  
貴州宣慰司儒學廩額為四十名從巡按御史董威奏也○丁  
未朝鮮國王李暉差陪日工營恭判鄭彥慤上表進方物賀  
萬壽節宴賚如例○己酉以 萬壽節建醮于太高玄殿自是  
日始至八月二十三日 起原任陝西總督都御史張珩巡撫  
延綏珩諭戍六年吏部薦其先任延綏巡撫甚得邊和乞如總  
兵吳瑛例赦罪復官故有是命 陞山東左布政使沈應龍為  
都察院右副都御史巡撫山東



大明世宗肅皇帝實錄卷三百八十七

大明世宗肅皇帝實錄卷三百八十八

嘉靖三十一年八月辛亥朔巡按浙江御史林應基奏報海賊  
攻破黃巖縣治并恭論失事所由曰浙江寧紹台溫地濱大海  
竄倭夷入貢之塗盜賊出沒之藪國初建衛所四十有一設戰  
船四百三十有九並以總督備倭都司巡視海道副使等官控  
制番夷至為周密後以海波不驚或備戒備漸弛伍籍日虛樓  
櫓朽弊遇警輒借魚船應敵號曰私哨而官船廢矣前都御史  
朱凱議招福清補盜船隻勦治有效因量留福船四十餘隻給  
予行狼使分泊海濱常川防守其台州海門衛者寔黃巖之外  
障故以福船十有四隻守之節年所憑恃者此耳近日海警益  
數而海道副使丁湛反將福船盡數追歸其原設官船壞缺又  
漫不料理乃仍雇募漁船以資哨守兵非慣戰船非專業聞警

輒逃全不足時以致羣盜鼓行而入攻熾縣治若蹈無人境耳  
夫事之誅湛當首坐其總督備倭都司周應禎祀總指揮劉堂  
黃巖知縣高材或身為主帥或職任專城遇敵宵奔法當重治  
至於巡守各道副使李文進等知府馬鍾英等亦宜各以輕重  
抵罪跡下部覆得旨應禎鐘材各革職湛先已為民仍與應禎  
等俱下按目連問文進等與鍾英仍如前旨住俸勒贖○甲寅  
鄭府盧江王祐掃獻境內所產瑞各一莖五穗者一本三穗者  
六十詔擇吉獻 廟禮部請率百官以次日詣奉天門賀不許  
再請乃許之 命成國公朱希忠告獻 太廟劄錄報北虜  
俺答把都兒行打來孫等聚眾邊外謀犯喜峯右北諸口軍書  
日夕至時大將軍鸞寢疾兵部議行各入衛遣兵分部諸路者  
問警星馳赴援無待徵調其一切內外軍務請勅協理侍郎及

中軍等官查大將第次題准事例舉行冊務事相 上言之古  
侍郎籍應奎督同中軍官崔麒等申飭原布諸軍加謹防禦○  
丙辰發太僕寺馬二十匹給京營軍千二百匹給保定軍○丁  
巳祭先師孔子命大學士徐階行禮命左春坊左庶子兼翰林  
院侍講郭朴翰林院修撰秦鳴雷主順天鄉試○戊午祭大  
社稷遣英國公張溶代 孝康敬皇后忌辰 奉先殿行祭禮  
遣武定侯郭守乾祭 泰陵 建 壽旦醴與行朝天宮三日  
夜命安平伯方永裕行禮○己未祭 帝社稷遣成國公朱希  
忠代 以明日 孝慈高皇后忌辰 奉先殿行祭禮 詔收  
大將軍鸞制勅將印命侍郎蔣應奎暫掌戎政陞京營遊擊將  
軍時棟為都督發事改戶部左侍郎孫檜為兵部左侍郎兼都  
察院右僉都御史俱提督軍務時鸞病疽甚疏請興赴軍 上

與止之會宣府薊鎮警報日急兵部尚書趙錦乃奏言今強虜  
塵境人心洶洶大將乃安危所係而鸞病不能軍有如庸眾長  
驅貽憂君父不小臣錦不勝犬馬拳拳願親征代鸞督戰疏入  
上謂本兵不富輒出乃詔鸞納還勅印其京營戎政令應奎  
署掌仍命暫設臨陣文武大臣各一員代鸞督戰以陳檜為之  
○庚申 萬壽聖節命成國公朱希忠代拜 天子 玄極寶  
殿 遣長寧伯周大經王田伯蔣榮彭城伯張熊武定侯郭守  
軌分祭 八陵都督僉事沈至祭 恭仁康定景皇帝中官祭  
恭讓章皇后各陵寢 是日 上不御殿百官詣奉天門行五  
拜三叩頭禮各上表賀免宴賜節錢鈔○辛酉慶府真寧王鼎  
樞薨賜祭奠如例諡安惠○壬戌乾先殿成徽王戴瑜獻銀一  
千兩助修太和山 上優詔答之 咸寧侯仇鸞死○甲子

命翰林院編修高拱筭充二王講讀等官 裕王府侍講拱與  
檢討陳以勤伴讀改國子監助教尹樂舞鄭守德俱翰林院侍  
詔侍書中書舍人吳昂吳應鳳景王府講官翰林院檢討孫世  
芳徐濂改國子監助教潘靜深刑臺縣學教諭李秀俱翰林院  
侍詔侍書中書舍人叢怨吳自成。乙丑吏科給事中張承憲  
條陳禁科歛抑奔競重舉劾一事權四事御史金豪亦陳嚴禁  
令留正官酌繁簡謹開節重選官五事皆請申明舊例以重考  
察內留正官言海寇方熾浙直福建地方府縣正官宜留防禦  
酌繁簡言地有衝僻事有難易故處便利即中材可以自全當  
盤錯雖賢者不能無過宜因地廣狹辨材大小隨事繁簡論官  
勤惰斯劑量適均而舉措各當吳部議恣如其言獨浙直正官  
仍宜入覲如例從之 以貴州思南石阡等府番夷未靖免正

官來朝江西鄉試貢院火。己巳裕王景王請出講讀。○壬申  
憲宗純皇帝忌辰 奉先殿行祭禮遣恭順侯吳璉尚祭  
茂陵 望南京大理寺卿余徽緒為戶部右侍郎總督倉場督  
理西苑農事既而罷之徽緒時進表在京會望任當廷謝不至  
御史以聞 上怒曰徽緒不敬恩命其革職冠帶閑住職事且  
令本部官一人帶管早朝道夫非止一人一次侍班者先多不  
至屢次僕容自肆無禮今彼令廠衛視察重治。○癸酉祭夜明  
于夕日壇遣英國公張溶行禮。○乙亥兵部以總督京營戎政  
員缺請令會推且言京營舊制文武大臣俱用提督名銜相制  
行事以防日下擅權亂政者請復舊便 上曰總督京營戎政  
朕所定名忠否存乎人耳何得執行奏改其即推武臣可者二  
三人以聞爾等日久始請又違制姑不完 追戮故成寧侯仇

鸞于市籍其家先是鸞數在上前畫策調兵禦虜皆無效  
上心厭之會諸鎮告警鸞病不能行乃詔收其兵裨大學士徐  
階因密疏薦通倭誤國狀上覽之大驚命掌錦衣衛事都督  
陸炳密訪炳素惡鸞常使人微伺鸞動靜及其左右用事者銖  
兩之姦悉知之鸞且死前一日炳欲發其事恐按驗無實乃陰  
令人誅鸞家丁時義侯榮令亟逃虜中避禍不然且擒義等信  
之各逃至中途炳遣人遮縛之乃悉發鸞初鎮大同與虜私通  
要約虜貨幣諸物虜亦遺鸞箭毒持此為他日不犯大同信契  
義等各承道往來今懼事發逃入虜中欲勾引入犯狀且以上  
聞上大怒即命炳會同三法司擬罪於是法司奏當鸞謀反  
律當追戮奉入得旨鸞背叛朝廷引寇入犯大逆不道神人共  
憤雖仰荷玄域殛死未盡其辜仍剖棺斬首梟示北邊父母



妻子及時義侯榮皆斬妻女孫發功巨家為奴財產盡沒入官家屬流置諸黨惡者發遣發配有差鸞以讀書能文頗有勇畧然貪戾陰狠累鎮兩廣甘肅所至輒與督撫大吏相訐奏既攻殺曾銑起興重鎮會更戍虜騎譚京城西方援兵無至者鸞一軍獨來故上甚壯之鸞又多大言云能出塞驅虜上以是愈益受信特拜為大將軍領中外諸軍事龍任於羣臣無比久之其說皆不售嘗一出軍大同靡有所獲而還又馭軍無紀縱所調兵侵暴京師君民人心洶洶流言日聞上始厭惡之稍裁抑而鸞不為悛改益肆貪縱欲及於禍所謂寵豎不忠小人之乘君子之器者與乃法司當之以謀反則非其實矣大同官軍五百人出塞搗虜勦行三日至涼城斬虜首八級虜裨大至轉戰二百里祀總劉欽旗牌范世傑死之亡卒二百人事

聞 上以諸軍雖有損傷血戰可嘉敕鎮巡官之罪欵等令軍門以優恤待勘至加恩○丙子陝西駝籠等族番人頭目章哈第結初等向木等族番人頭目安巴等各貢馬及方物給賞如例 福建恭將湯克寬請募徐邛盜為兵兵部覆自古亦有畧士於群盜者且克寬父慶嘗用之破江洋賊有效可許從之

南直隸屯田御史張鑑條陳便宜一乞復南京四十二衛教場徐其屯糧計一百二十餘石一鳳陽守備單弱乞以九衛所新舊屯軍定革留守掌印官提督操練一屯田每一分補空丁一名及時耕種暇日操練免其赴軍赴操以示優恤一嚴查勢族侵占及冒報升科者盡沒入官仍撥餘軍屯種下所司議覆從之○丁丑吏部覆浙江道御史李承華條陳考察五事一惜人材言郡吏破指墮者當稽素履辨心跡勿以一時一事槩平生

而永棄之一廣詢訪言考語止憑樞按未必盡公宜將兩京提  
學併各省公差御史所舉刺者併記籍之以憑恭驗一嚴改調  
言不及調簡官多廣緣繳俸及得善地且每降調未幾旋復任  
任不足亦創自今以更正之一定公是言擬註考語須覈真偽  
毋拘異同如一人之身或得此失彼何妨功過並陳或前貪後  
廉無嫌舉刺稍異一集眾論言會朝之言天下智謀之士畢集  
京師凡地方利病民生休戚必有挾策欲言者宜令雜對公舉  
以廣忠益詔悉從之 提督工程工部右侍郎陸杰以太藏太  
和山興工奏留襄陽府及東陽等縣正官免其入覲許之○戊  
寅陞尚寶寺司丞王有壬為太司卿以九年扶滿故也 以水  
災免山東兗州東昌二府所屬州縣秋糧有差 命豐城侯李  
熙總督京營戎政 發太僕馬二百匹給昌平軍○己卯革福

建都司掌印署都指揮僉事田耕職下巡按御史逮治先是漳  
州府傳報贖賊入境布政使岑萬按察使王昂議發兵勦之耕  
適以便宜調軍徵發餉之數於巡按御史曾侃侃以其不先聞  
白乃奏劾耕罪因并及萬昂劾議萬昂本為地方設備騷擾之  
罪耕當坐之詔逮耕問萬策等廩供職 虜二萬餘騎寇大同  
平虜衛分掠朔慶山陰馬邑等州縣攻夷村堡殺虜數千人乃  
糾銳攻山西盤道梁等口欲犯閩南不克

大明世宗肅皇帝實錄卷三百八十八

大明世宗肅皇帝實錄卷三百八十九

嘉靖三十一年九月庚辰朔虜由紅土墩出邊是日弘賜堡有  
虜二萬騎潰墻入散掠大同左右及安東十七衛大同懷仁二  
縣地方尋自鎮州堡進復以萬餘騎入犯平虜仍散掠朔州馬  
邑山陰地方朔州馬邑地震致任大理寺卿葛浩卒贈刑  
部右侍郎賜祭葬如例浩浙江上虞縣人弘治丙辰進士陞燕  
湖知縣召為南京監察御史坐論劉瑾謫為民瑾誅乃起知帥  
武府經歷陞至大理寺卿致仕卒于家浩居官以直節顯及家  
居杜門讀書內行甚修時論許之○癸未以仇鸞伏誅上親  
舉謝典於內殿五日遣公朱希忠張溶侯李熙駙馬駉景和謝  
詔伯陳圭告謝南北郊太社稷帝社稷宗廟先聖帝  
王是日頒詔相告四方百官上表稱賀先是上諭禮部曰逆

臣作亂存心甚險非一日為謀焉帝朕數言不可三衛之代撤  
戒藩籬彼逆所為志圖匪細敢欺天敗人如宋之巨姦今雖加  
罪仍須詰告四方九月四日寅刻祭 郊廟畢簡明即降詔自  
殿發朕不御殿祀部因具儀以請至是行之 孝恭章皇后忌  
辰 奉先殿行祭禮遣都督僉事王朝用祭 景陵 以旱災  
免順天府所屬夏稅以水災免河南開封衛輝彰德汝寧四府  
所屬民屯秋糧各有差○甲申修秋報大齋于朝天宮三日夜  
命英國公張溶行禮 詔全給錦衣衛帶俸指揮僉事王項房  
價銀二千七百六十餘兩項恭僖麗妃父也妃薨 上追悼不  
已故恩眷特厚云○乙酉以没入仇鸞莊田一所賜錦衣衛指  
揮僉事父承武 虜分哨攻山西三關三日不克丙辰乃遁○  
戊子罷重湯節宴○己丑以大享視牲命公張溶代公徐廷德

侯李熙尚書萬鍾孫承恩論視 韓府堡城王融蒸冕賜祭築  
如例謚溫靖。庚寅 上諭內閣曰朕思所更戎政有未當者  
茲與卿等改之 祖宗舊制曰提督團營義與今稱總督同否  
非外出豈可用欽差二字乎又上下六營其名尚在今制以正  
備二兵為名是否又轉弱為強乃驚之逆情宜宣示軍中令勿  
以此把怨必盡力於國其他一切當正者卿等一一議上於是  
大學士嚴嵩徐階李本覆言 皇上更新戎政一一盡善提督  
與總督義本非二其欽差二字乃驚之自稱誠不宜用上下六  
營之名除已兵久宜如 聖制以正備二兵為名又臣等聞欽  
差營制自正兵外五軍營備兵六萬六千餘人神樞神機各四  
萬人今正兵尚不足況備兵乎此宜戎政官查處者也轉弱為  
強兵已奉明詔罷革臣等謹條列未盡事宜以上一故事軍器



當藏之內府有警則給事已復納所以戒不虞也昨鸞建議得  
自製用失 祖宗防維深意宜宣收貯庫如舊聞給一欵定戎  
政聽無首領官六房樞吏鸞欲專擅乃奏請設官鑄印凡事不  
關兵部任私滋弊宜亟行裁革一各營將官皆鸞所自擇多賄  
進者宜令兵部分別才能大加斥汰一各都司班軍賈逃及行  
糧侵耗之數宜詳覈一鸞以京營名邊將且歲調邊兵非經久  
之術乞下本兵部議一徃者京師所募民兵四千鸞并入營中  
軍民雖居事休非便亦當議改 上答曰朕所諭及卿等所議  
與他未盡者令兵部熟計以聞 夜月掩土星○辛卯夜火星  
犯鬼宿西北星○甲午大享 上帝於 玄帝寶殿先期請  
皇考配神及是日行禮俱遣公朱希忠代○乙未提督軍務從  
軍都督府都督僉事時陳言禦戎之策守為上戰次之今各鎮

入衛兵歲有一十八枝所費不貲且多聚于古北口而不可用  
莫若分兵省費之為善也臣與提督侍郎孫檉議以遼東甘肅  
寧固延綏八枝邊兵分別奇正以為戰守以二枝駐石匣營四  
十為奇專備策應古北口二十為正協力守邊一枝駐密雲外  
備古北口內護 凌波二枝駐昌平州二十為正於黃花鎮潮  
海所協守橫額四十為奇專聽策應大水峪河防口并連口一  
枝駐懷柔縣一千為正協同主兵守邊二千為奇策應本邊之  
急二枝駐通州以妨糧道護畿輔如此則虜不得南內地自固  
矣若如往者之計縱虜入內然彼決戰即保成功而塗炭已極  
何益哉又宣大二鎮畿輔藩籬議者皆言調兵過關是葉門戶  
兩守莫與也宜復其故盡掣京營兵遣使外拒永寧紅門四海  
治內扼浮圖峪紫荆倒馬等關則兵勢聯絡內外相應不費用

亦減 上曰縱虜入內逆賊之為也卿言是其如議行 上諭  
工部朕二子將舉婚禮一王留京一王封國宜擇建之處卽查  
例以開部覆封國重典先年王國所建俱內欽定 上乃擇定  
於湖廣德安府知內官監太監曹臻同工部員外郎樓鎮往選  
如例○丙申 上諭禮部朕子裕王景王年已長成理宜婚配  
其悉祿京城內外女子年十四至十六者送諸王館候選欽天  
監擇吉以問 嚴刑部尚書應大猷回籍閔佳先是有益太倉  
庫銀者官庫員外汪有執主事李仁捕得杖而釋之侍郎孫檜  
劾有執等故縱當重論下刑部問大猷奏當贖罪還職不如檜  
言給事中孫元中遂并劾大猷徇私廢法因請遣官巡視銀庫  
而正有執等罪詔黜有欽為氏奪仁俸三月仍歲遣科道官巡  
視銀庫著為令以大猷寬縱失法司本令自陳狀罷之○丁酉

總督陝西三邊兵部尚書王以禘三年考滿 上嘉其經歷有  
功加太子太子尚書兼管總督如舊陞應天府府尹歐陽塾為  
南京工部右侍郎提督柘江南京都察院右僉都御史盧勳為  
南京大理寺卿改山東管民兵僉事為兵備副使駐劄德州補  
蔭故詹事府詹事陸深孫鄰為國子生 巡撫黃州右副都御  
史任輒以疾乞歸許之 兵部覆大學士嚴嵩等奏并條營制  
事宜一議處甲冑戎器一議處戎政廳首領及入衛將領京營  
職銜俱如嵩等議一考察京營將官如中軍胡悅恭將戴倫周  
徹罪宜重論恭將劉鼎陶希臯張麒徐洪說頭楊佐祀斌伍湖  
副將李胤鳴高東元和繼佐擊將軍葉繼文劉芳黃恩及起廢  
將官李琦等宜黜副將孫勇恭將許策施亮雲旨王玉漸漢遊  
擊將軍趙承懋蕭鎮趙應魏氏佐擊將軍卜相李先啓張世武

吳尚賢趙高王三錫伯昂茂鎮趙卿田鎮宜貴從劾一京營班軍驚所以得費逃者有二一則班軍與京軍約十四五萬混同操演易於影射一則工部不時借役得以借口宜令吏部專註一官督之如薊州春以正月初旬上班至五月初旬下班杖以七月初旬上班至十一月初旬下班另為一營統以一恭將而又覓其執役則夙弊可清矣一入衛兵在甘肅者宜罷在遼東宣大者宜留鎮待警入援在迤跋寧國者每歲以二月赴宣大過中地聽總督調用七月移駐懷來保安等處與遼東同入關聽提督分布防杖未盡撤一招募民兵付前恭將左灝就民兵教場訓練其加增糧餉宜量減一京營將令每年防杖畢聽巡視科道舉劾本部戎政大且考察去留一戶部所收京營草場籽粒銀共一萬三千五百九十餘兩宜盡發兵部貯庫出納之

際令戎政大臣籍記備查一各營費馬甚多通查官庫定以有  
家者為馬隊無家者為步隊老弱不堪者不得一藥兒馬一鸞  
所止切如二十九年通州河東徐家店三十年雙山堡翁家沙  
窩三十九年免日河弘賜堡諸處及馬市劬勞官軍皆冒濫不  
實宜裁革一大同原設大邊二邊墩軍一百九十年雖有與虜  
通者而戎軍寔籍為日鷲皆撤還宜趣守臣議復一各省民  
兵入行南直隸地遠人弱宜免山西三關與大同接境歲若邊  
患宜量免其山東河南北直隸迫近京師防秋畢日彼彼處議  
查如原係壯快照數存留原係召募驍勇者就補壯狀名缺其  
原額民兵副使僉事恭將皆革去別用得旨先行將官悅諭撤  
俟下錦衣衛獄治罪餘黜革存留俱如撤發太僕馬一百五  
十匹給居庸關戍軍兵部以武職銓選前從條例不一乃定

擬六事一軍職襲替凡保送優給舍人者即與收襲若長絕次  
襲父祖二輩未襲者先行標按查明具由送府部都察院恭對  
以免本部徃復行查重累貧官一應襲或有犯罪不至革職者  
供報不詳虜有隱匿當令被抄招罪贖未赴部告襲以便稽查  
一舊例襲職不實者及保勘官並罷職揭黃今法輕人玩妄保  
成風當中嚴其例一陞賞功次舊制武選司累年始一類騰不  
若隨時紀載呈堂貯庫庶有據依一令甲軍職真犯死罪典刑  
者或免死充軍者劫盜者永遠充軍者暇與人官斬罪者不分  
監故典刑發遣雖遇赦宥子孫不許襲而今監故子孫例得襲  
職訓衛夫死于市死于獄等身未正典刑已為倖免乃令子孫  
得襲何以懲奸乞令所司具繳詞送部恭酌情罪奏請襲革一  
大選軍日照各官黃選功次之由設為號紙給之使其執此支

俸且為他日子孫製替之信無應。汪應革昭然。日自吏胥不得為姦詔先行。河決徐州房村至邳州新安等處。運道於阻。五千里。御史黃國用以聞。詔督理河漕大臣先議通運。擬以次塞決。疏淺并條列利弊具奏。○戊戌。巡撫寧夏右僉都御史仍舊。巡撫今微。遠目。汪廢該部仍分別功罪酌議以聞。命太子太保英國公張溶掌前軍都督府事。巡撫應天都御史彭顛奏。捕得江洋盜黃永忠。龔十八等。詔即其地誅之。賞兵備副使饒思聰銀幣。奪失事吳淞江所掌印指揮陳大踰職。及金山備倭。王世科等俱下御史逮問。○庚子。禮部奏奉詔為二王選婚。得良家女一千二百人。上命司禮監官同宮人選擇。於是錦衣衛千戶李銘女順天府民王相女入選。部復奏親王婚禮不嫌詳慎。乞更遣官于近地博訪。得旨不必。又據民已有婚各二。



名擇日送進乃定以十一月朔日進 陞雲南按察使潘九齡  
為四川右布政使 海西哈里山衛指揮使汪止仄南河刺衛  
指揮僉事台出帖列指揮僉事兀納哈毛濟衛指揮使家奴指  
揮使兵勒羊建州左衛指揮使鬼里建州右衛指揮同知倪元  
赤各洗改教書以都指揮例得賞遣使失察詔奪副總兵岳懋  
等俸三月下備禦指揮使倪寶等通事十戶梁勳等於巡按御  
史問仍令嚴戒各夷今後有犯者阻回有既犯願首正者許於  
起送本內開列換給 署戎政府右侍郎蔣應奎子繼詔左通  
政唐國相子熙敬以大同鎮川堡等處帶功陞賞給事中凌汝  
志言今狂虜跳梁士氣不振朝廷日懸金爵之賞計功而授之  
人酒不肯用命又况疑詔等乳真小兒從帷間執榜中奪之首  
功奈何今彼聖之士蒙霜露犯白刃畢命疆場之外乎夫應奎

國相身為大臣甘心墮斷以外則為違巨諛詐以內則為子弟  
崇奸有臣如此將焉用之疏下兵部覆驗如汝志言 上怒命  
錦衣衛捕應奎國相杖于闕下黜為民隸詔與敬付巡按御史  
逮問具奏○辛丑浙江巡按御史林應箕以海寇乞請奏免寧  
台溫三府及象山定海等縣正官入覲許之○壬寅改南京戶  
部尚書王崇慶為南京禮部尚書陞刑部右侍郎周正為南京  
都察院右僉都御史提督恭江太僕寺少卿劉大直為都察院  
右僉都御史巡撫貴州南京光祿寺卿危水通為應天府府尹  
以松清東路恭將署都指揮僉事許信為鎮守松藩等處副  
總兵○癸卯巡按直隸御史蔡朴上疏請罷宣府馬市初大同  
馬市罷宣府以虜守約互市不絕至是虜益驕方張家口開市  
畢次日即入常峪口肆掠故朴謂宜罷 上曰各邊開市悉令

禁止敢有劾逆違言者斬兵部亟嚴示諸鎮此一意戰守毋怠  
巡視軍器料道官李用敬狄斯彬等奏上京營前徵所造火  
器弓矢濫惡不堪及官區侵欺糜費狀因請追治督工主事胡  
朝臣都督劉鼎恭將周徹張麒及接官員外張仕梁德主事李  
儒烈副將种繼等罪時徹已下獄朝臣任已降調鼎麒繼已革  
任會用敬等跡入詔捕鼎朝臣俱付鎮撫司同徹訊問任儒烈  
恩繼下工部查其交代時日奏請於是列儒烈坐二月恩一月  
任繼以既降革勿論○甲辰以霜降節遣恭順侯吳繼爵武定  
侯郭守乾玉田伯蔣榮長寧伯周大經分祭八陵都督僉事  
王朝用祭恭仁康定景皇帝都督僉事沈生祭孝潔皇后  
中官祭恭讓章皇后各陵寢周府華亭王勤慎薨賜祭奠  
如例革鎮守兩廣副總兵張經為原衛以提督侍郎應積勦

其持祿縱虐也。己巳陞刑部右侍郎何鰲為本部尚書。命  
兵部左侍郎聶勳協理京營戎政。以廣西徠亂免桂林南寧  
思恩三府及湯朔嘉浦等縣正官入覲。廢故巡撫阮鰲右副  
都御史劉孟孫鍾良為副。子生孟當正德時為劉瑾誣以細故  
下獄荷校暴烈日中垂死罷歸卒于家。至是其子汝輶白狀所  
恩時汝輶業已老乃詔廢鍾良。銓補各京營將領遊擊趙應  
卜相趙泳繼原任總兵。却承恩原任坐營。李煊俱免。恭將原任  
恭將周邦免。遊擊將軍恭將杜漸原任恭將陳言原任副總兵  
武滢俱免。左擊將軍應相承恩。邦俱免。五軍營倭承懋。漸滢俱神  
樞營言神機營。丙午以旱災免平陽府所屬州縣夏稅。有差  
以鳳陽淮安揚州徐州各府州縣頻年大水量。准折徵秋糧  
如二十四年例。仍令所在有司發贖罰銀及預備倉糧。相兼賑

濟飢民 命五軍營遊擊魏氏原任遊擊李珍俱免統領。遣兵遊擊將軍。戊申兵部覆總督京營戎政豐城侯李熙釐正戎政三事。一各營號頭十總把官多寅錄逆黨以避者請考定去留。一鸞調神機營恭將雲冒領五軍營而私以所厚疎松代之。又以胡悅領五軍營正兵徐溥領五軍營備兵皆不由上命令。悅已違問。冒宜令還領神機。松溥宜逮治。一鸞增道各將家丁如副將李鳳鳴一部下至歲糜糧幾萬石。盡宜革奪。以給邊臣入衛者。家得旨。松溥俱謫。戍邊邊將在京者。許月給米五石。在京軍官不得混文餘。皆如檄。

大明世宗肅皇帝實錄卷三百八十九

大明世宗肅皇帝實錄卷三百九十

嘉靖三十一年十月庚戌朔時享 太廟遣英國公張溶代

頌明年大統曆 上不御殿文武百官於奉天門行五拜三叩

頭禮。辛亥 孝潔皇后忌辰 奉先殿行祭禮遣彭城伯張

熊祭 凌寢。壬子 陞浙江布政使司右叅政史懷善為本省

按察使 改工部右侍郎吳鵬為刑部右侍郎南京太僕寺少

卿陞南京鴻臚寺卿鄭曉為南京光祿寺卿 命遼安伯陳德

於左軍都督府僉事原任西官廳叅將署都指揮僉事任俊克

揀練班軍叅將江淮總兵署都督僉事劉遠海州叅將署都指

揮僉事曹世忠俱克副總兵遠鎮守廣西世忠分守通州。癸

丑禮部尚書歐陽德至京 上命仍兼翰林院學士掌部事與

大學士徐階交代紹興王厚焄訐奏其兄淮王厚焄素行不考

別葬其母。繼妃周氏違旨亂倫等罪。下巡按御史勘實具奏。寧夏地震有聲。兵部右給事中徐綱等查上五府所屬及上直旗守等衙宜減革替職改正指揮等官一千七百二十人。總小旗四百六人。力士一百五十人。因言總選錯亂貼黃散失及拜政事例混淆吏緣為奸請如罪氏黃兩例攬造運職文冊仍將節年因軍事宜類編拜政一書永為遵守從之。○甲寅錄山西柝子塢及松樹兒二處獲功死事官軍孫朝日等一百一十三人。劉鎮等二十二人。陞湖廣布政使司右叅政楊大章為南京人。減死戍邊。丁巳陞湖廣布政使司右叅議呂懷為南京太僕寺少卿。陞湖鴻臚寺卿南京通政司右叅議呂懷為南京太僕寺少卿。陞湖廣道御史程軌為江西按察司副使。江西道御史蕭世言為陝西布政使司右叅議。發太倉銀萬有一千六百兩於寧夏添

給新軍月糧。戊午二王輟講。陞兵部右侍郎張時徹為本部  
左侍郎。原任甘肅巡撫都察院右副都御史楊博為兵部侍郎。  
都察院右副都御史王學益為刑部右侍郎。南京廣東道試  
御史王宗茂如奏大學士嚴嵩久叨國柄。擅作威福。以贖貨為  
長策。以弭縫為巧圖。如吏部銓銜之地也。嵩則每選額定二十  
員。州判三百。金通判五百。金天下名區。聽其選擇。兵部將帥之  
府也。嵩亦每選額定十數員。官事指揮三百。金都指揮七百。金  
三邊要地。惟所鑽求。夫吏兵大臣。非不知其柄之移也。一不從  
則禍立至。誠積威之劫耳。是故大目寧負。陛下而不收負。嵩  
也。氣焰薰灼矣。之者熱。根蒂盤據觸之者碎。凡苟富貴保身家  
之徒。無不出入門下。承望頤指。即為之乾子者。不知其幾。若尹  
新梁紹儒輩是也。所畜家人無慮數百。往來郡縣。需索有司。騷



獲駟逸稱不如意則橫被捶楚無敢誰何是天下畏嵩甚于提  
陛下也生辰受賀方物畢陳歲時問遣金帛相屬嘗聞其往  
年被論治裝時有一門官從旁所窺之見其金銀寶玩狼籍盈  
庭謂皆雲南之物遠致萬里不知陛下宮中亦有此器否  
陛下所食大官滋味不過數品而嵩之宴飲則窮海之錯極陸  
之毛靡不備具是天下供奉嵩甚於供奉陛下也所得四方  
賄遺府第不足以容之乃之地為藏深廣數丈金珠寶貨咸實  
其中此豈神輸鬼運哉官斂之於民而之於嵩也嵩視之若不  
善惜而不知鞭朴之苦膏血之盡一路之哭有不勝其慘者矣  
嵩欺天罔人之罪不可殫數此特其梗概耳臣非不知陛下  
之左右皆嵩之腹心一言浸潤刀鋸伏焉而臣顧欲去必不可  
去之故以費必不可生之禍哉良以世受國恩無由圖報而况

測言官之列遇受害之君既知奸惡敢復隱忍以白金即時吏部考功郎中萬家嵩之私人也宗茂併論案附權納賄不可處銓銜之地疏入上怒其忠肆妄言誣詆輔臣令降二級調外任宗茂坐出為平陽縣丞嵩上疏乞休上優詔慰留之○己未發兵部尚書趙錦戍極邊光祿寺卿董懋中口外為民初錦自大同巡撫召入本兵仇鸞有力焉時懋中為職方郎中與鸞表裏為姦錦亦曲意奉之及鸞敗給事中郭銓追論錦前誣事鸞如議湖馬市議分園營皆可指贊成既而不見邊事曰非鸞敗形已露乃稱示旅摺持兩端以自解懋中雖已任然為職方時明奸索爵狀播在耳目臣不敢一二悉數即今聖明在上洞燭逆形若近者蔣應奎唐國相輩皆以鸞黨冒功明正國法中外臣民莫不奉于相度謂焉世道清平之會矣願致亂有源

去惡務本所以掄才選將敘功陞賞以主持于中者本兵職方  
事也錦懸中罪浮應全等數倍而斥罰未及何以示大公于天  
下疏入 上曰錦所言是本不清何以澄流錦久附逆賊朕亦  
素知今充極邊衛軍妻子隨往懸中發口外為民兵部員缺吏  
部會推三四人以上時南京十三道御史王民等薦春原任宣  
大總督尚書翁萬達原任兵部尚書王拜瑞原任三邊總督尚  
書楊守禮原任甘肅巡 楊博等皆諳練戎務宜起用部郎覆  
其章以請乃起萬達為兵部尚書 遼東汎河城遼陽城地震  
有聲○庚申 上以逆鸞就戮下詔稱東一真人陶仲文即玄  
代虜之功命歲加祿米百石仍廢其子世昌為國子生○壬戌  
以旱災減免江西南昌瑞州袁州臨江吉安撫州贛州南安八  
府所屬州縣并南安信豐等所稅糧○癸亥以水災免大名保

定河間順德廣平等府所屬州縣并天津涿鹿德州等衛所民  
屯秋糧有差。甲子兵部覆御史溫景葵條凍四事一邊民凶  
武級者宜令就本都司輸財免其赴京其有能自以財力成堡  
寨者當計所費以官受之一罪廢將官有納銀納馬贖罪之例  
罰輕易犯自今請重從重議贖一邊民能助邊者請表厥宅里  
給與散官復其身一諸臣有能悉心備禦防患未然者請得與  
防秋者同賞罰悉如議 革太僕寺添設寺丞 沿二十七年  
虜入陝西平口山牧羊川等處失事罪降甘肅遊擊蘇勳二級  
永昌守備黃福等八人戍罰有差。丙寅陞南京尚寶司卿盧  
宗哲為南京通政司右叅議大理寺右寺丞魏謙吉為本寺左  
寺丞雲南道御史張兩為大理寺右寺丞 提督軍務侍郎孫  
檜奏各遣官軍入衛時序向寒已照上年例給賞戶部覆今歲

邊防無警且值留缺之當當從省詔從禮言賞之○丁卯 誠  
孝昭皇后忌辰遣長寧伯周大經祭 浹寢 以防秋畢命提  
督侍郎孫檜還京罷守邊卒量地里遠近留戍之 夜月犯井  
宿西廂北第二星○己巳虜酋小王子打來孫等率眾數萬寇  
遼東錦州地方敕虜千餘人總兵趙國忠督儲將率兵禦之虜  
引去○庚午勒遼東巡撫都御史許宗魯致仕罷漕運總兵郭  
琮明任以給事中朱伯辰論其哀殘不職故也 以水災免直  
隸淮安府印徐等州及廣東雷州府正官入覲 廢提督兩廣  
兵部右侍郎應璩子文炳為國子生以三年滿也○辛未令掌  
府軍前衛事恭寧侯陳璘明任以給事中郭鏞論其貪縱為福輝  
李官等所訐故也 改鎮守兩廣總兵鎮遠侯顧寰充總兵提  
督漕運鎮守淮安地方 革甘肅平戎嘉順老稚水溝大通五

應運所。壬申巡按山西御史尚維特言國家設鹽課以裕邊儲立勘合引日以通鹽利俱於南京戶科收貯一遇開中刷給發此舊規也但引日勘合收掌於南京錢糧數目稽查于北部其為難者五若交而通之其為易者十其為說者三五難一稽考難行二事休難通三督責難公四開納難久五清理難遍十易守掌內府易以謹其出納責成戶部易無分其事權請發有定期易為稽考盈縮有成算易於調停領繳如此諸一事易弭其奸欺官商不欺於兩塗易堅其遵守監視引日為通塞易究其科病商以勘合為轉繳易均其苦樂豪勢無憑於城社易杜其占窩之門人心輻輳於輦轂易闢其輸遺之路三說以南京桐板改貯于內府發引開中可省每歲差官之煩若不可請將勘合引日照數添鑄於北如先年都御史王瓊所議又不可則

引日姑請仍舊其勘合條近日欽依事理件數不多造取亦為請添鑄關中用戶部印信鈴之此三說惟上所擇關中既便如是而立為嚴浪勾銷之法自嘉靖三十二年以前勘合引日量其分數多寡許令每年帶領帶繳外嗣是查廢弘治二年例長蘆山東河東運司次年三月終淮浙四月終福建廣東雲南四川六月終戶科於赴銷之日即數上年引日勘合完<sup>若干</sup>有措邊脫漏者行各巡鹽御史追沒之行鹽地方截角退引各該布政司府衛州縣按季類繳鹽院亦查有淹沒者嚴為究治則影射之弊可革如是而立為督責課程之法各運司提舉司每年註銷之日許領次年勘合引日次年赴銷之日令繳上年勘合引日總催官運司以同知副使判官為之提舉司以副提舉為之冊轅令倉場大使等官帶管運司提舉司各掌印官總督之

物專委佐貳擅利分誘該科于註銷限內覈其歲辦本折及引  
目勘合有違浪拖欠者奏請照例停俸降級如是而立為優恤  
高灶之法待高莫如速支掣以安微利之心庶價值以首額外  
之罰懲官豪以絕侵漁之姦待灶莫如時使番休之有節均徭  
雜泛之有辨攤遞派細之有據則高無利利而灶有餘力矣如  
是而又立為成飭貪殘之法運司提舉司官中間有行事乖方  
憐其科目借以優容者又有膏梁乳臭懼親吏事營求敬地者  
此輩卒以不入右選狼籍自棄恃中掣以弭商假公辦鳩灶衣  
冠巨盜恥言之請嚴其科罰多寡照例遞降罷黜大示懲創雖  
砥礪激昂之中未必非曲成保全之意也如是又立為責成憲  
臣之法蓋法奸弊以自司厲而清理事權專之憲職今有馳驚  
高蹤雄談玄理未稅錢穀恥校鉛黃委心司官恣其出入假于



胥吏任其低昂巨也寡昧之謀墜于自用剛愎之病多不訪  
求雖覲大體徒糜供億錙銖細故微絃風裁廢臣也官擢真弊  
漫不察高灶彫瘵什之罔聞用一駿二心計未能較常取盈怨  
聲顯着刻目也增額病商喜於施為減工虧灶濟其節省苟微  
時譽違恤人言醜態若往時詞可恧病臣也憲休不檢為人指  
摘私語內容盼睇姑息養交市譽苞苴慙慙藜藿不分且悲旅  
鬼薰穢相雜實非福氣汙臣也有此五者欲勘合引目之清得  
非倒植以求戎乎請照憲綱事理除清理鹽法大臣出自 聖  
裁每歲鹽御史一年滿聽都察院考察有一於此治以不職則  
風紀可修矣跡入下戶部議謂鹽法開中制之北部引自發自  
南都互為稽察即古內外相維意也毋輕更制餘皆可行詔從  
之 御史徐紳言通者太僕寺以兵興乏馬每歲預徵明年備

用馬給之民力不堪然其勢不可驟免請以三年之通漸減一  
年之徵白三十三年為始預徵次年者免三分之三行之兩年  
漸復全額兵部覆可 詔先行 以河決免徵東安縣馬○癸  
酉忌山西左布政使江東為都察院右副都御史巡撫遼東兼  
贊理軍務 氓王譽榮堯 上輟朝三日遣官致祭命有司營  
藥如例謚曰康 命左府僉書定西侯傅克脫兵官鎮守兩廣  
○甲戌免吳歲兩京決囚○乙亥原任巡撫貴州都察院右副  
都御史仕翰卒在貴州坐征苗無功革職官帶雜事及卒詔復  
原官賜祭奠如例 革石城王府鎮國將軍拱稅為庶人奪其  
弟拱棧拱恩拱楷等俸半年坐黜毆新建縣知縣劉勃故也○  
丁丑北按浙江御史蕭瑞蒙以御史大夫論執事諸巨罪詔下  
金谿縣知縣劉玠等六人於御史問石泰政馬森按察使陳沫

副使譚太初各奪俸一月 以富川縣黑松峒族之亂奪四川  
都司署都指揮僉事易堂俸一年餘謫戍輸贖有差 刑府輔  
國將軍厚塔與都昌王塔有隙夜率家人吳俸等入載塔府邸  
縛載塔劫千餘金以出載塔發狂乃縱火自焚其宮殺一子于  
井溺死埋按以聞詔下法司擬罪俸等處斬餘黨悉皆謫戍厚  
塔奪祿一年。戊寅先是都御史高大節為仇鸞所構繫獄鸞  
誅大節故所部卒石鍾祿九思等伏闕為大節訟冤跡再上兵  
部右侍郎張時徹等因覆言 陛下總攬乾綱昭明賞罰故加  
者雖小必刑過誤者雖大且宥今大節心在國家祇為逆鸞掣  
肘以底于法原情論罪似亦在過誤之除乞俯順羣情還其舊  
服 上怒曰生殺大柄朝廷自有處分爾等敢以小人之言輒  
擅擬覆其今日効於是時徹上疏謝罪得旨降時徹俸二級奪

職方郎中江冕遊鳳翔俸四月員外郎以下二月

大明世宗肅皇帝實錄卷三百九十

大明世宗肅皇帝實錄卷三百九十一

嘉靖三十一年十一月己卯朔 命納 裕王景王妃入宮候

擇吉成婚 建秋報歲典於洪應留宮分遣英國公張溶等祭

告各宮廟○辛巳周府封丘王安湜薨賜祭奠如例謚端惠○

壬午巡按江西御史孫慎劾奏四川巡撫戴賢前任江西左布

政使貪污不職狀章下吏部設二議覆請一行勘一罷斥 上

曰尔等職司銓衡豈應否去留當有定見何為兩可奏請令吏

擬以聞於是部覆奏賢白籍聽勘報可 南京刑部尚書顧應

祥引年乞休不允○癸未改提督軍務兵部左侍郎孫檜於戶

部檜初以兵部侍郎提督薊州改調用薦復原官至是御史王

民論檜疎庸寡謀不堪分閫重寄乃復改戶部侍郎總督倉場

督理兩院農事○甲申祀部疏奏累朝親皇婚祀洪武年間以

父婚子皆行禮禁中將之國而後出外府弘治宣德間以兄婚弟移出外府既成婚而後之國今二王婚禮似當從皇祖之制行於禁中得旨於各府行禮○丙戌命興安伯徐夢賜掌府軍前衛事新寧伯譚功承僉書左軍都督府軍四川都司僉書署都指揮僉事同承芳掌本都司事○庚寅陞陝西左布政使張鼎為都察院右副都御史巡撫四川大同守臣言二月間新平堡泥河威遠諸處官軍數與虜戰前彼斬首八十五級俘四人詔陞遊擊歐陽安二級祀總官劉漢二級餘賞銀贖罪有差○辛卯原任兵部尚書翁萬達卒贈太子少保賜祭葬如例萬達廣東揭陽縣人嘉靖丙戌進士歷戶部主事員外郎中廣西梧州府知府皆能其官陞廣西按察使司副使盡楚督府蔡經討平土合破左江斷藤峽徭蠻有功陞浙江右叅政改

廣西平莫登庸之亂稱首功累陞都察院右副都御史巡撫陝西遷兵部右侍郎總督宣大偏保軍務發宗室充灼叛謀擊虜遁去擢右都御史己酉春虜入宣府逼居庸萬達督戰却之以功陞尚書兼右副都御史尋召入本兵以父喪回籍庚戌詔奪情起宣大總督會虜犯京城本兵得重譴詔復改兵部尚書萬達方病疽結蘆墓間間命單騎就道不四十日抵京時虜患方棘上日夕縶萬達至意避之以問大學士嚴嵩嵩懼失上旨不為申理逆敗兵部右侍郎兼右僉都御史經累案劄諸閔以京察自陳乞罷終喪制上怒疑其避事免歸至是年十月復起為兵部尚書命未至卒萬達切類異五歲能誦書性剛介坦直為於忠孝處國是若其家南北征討諸所謀畫深遠尚至無不措之有功守之可久駕馭將士能盡其才而得其死力



其料敵甚審臨敵每以身先士卒故所至咸以威名著聞庚戌之變上日夜急才親趨占萬達萬達且至不先記謝嵩嵩密使人諭指亦不應是時嵩子世蕃擅權黷貨文武吏入賄其門即諭吏兵部銓右杖無敢撓首慮萬達疆執乃乘上怒媒孽之萬達竟坐廢憂懼而卒隆慶初追謚襄毅至今宮者稱嘉靖中年後邊巨行事邊机宜建言中肯窳萬達一人而已○己亥初八九月中虜之三入大同也巡按御史蔡朴極論諸將懦觀望失事之罪總督侍郎蘇祐則以血戰斬賊聞跡俱下兵部覆言大同洩旬之間虜寇三犯地方殘破誠如朴言第本鎮兵馬先因挑選入衛殘弱兼以飢困值茲大舉眾寡勿敵而各鎮巡官能督率仿過比之裨兵自衛有罪無功者不同且今虜收迫邊正緊急用人之際似宜少從寬貸又不同近歲飢饉相仍加

以兵變遺民無飢生事可憫宜亟選風力科道官相視極恤  
上皆從之詔懸督蘇祐免究巡撫都御史侯鑑總兵吳瑛各奪  
俸半年餘各視功罪賞罰有差仍令選給差給事中一人往會  
督撫諸臣將兵馬錢糧及賑濟修造事宜盡心區畫具奏無得  
虛文候事○丙申 孝惠皇后忌辰遣玉田伯蔣榮祭 茂陵  
孝烈皇后忌辰 奉先殿行祭禮遣武定侯郭守乾祭 永  
陵 上諭禮部朕 皇考舊制承天府今建奉立元祐宮久未  
安神其命侍郎孫溍行祭告禮 陞廣西按察使魏一恭為山  
東右布政使 兵部覆給事中袁洪愈御史李承華條陳六事  
一查大遼東戍馬為京師外敵不宜與諸邊同調入衛請罷宣  
大兵留本鎮防禦上遼東兵駐薊遼之間約賊若內犯則入關  
應撤夫期與戰敗則罰賊若越宣大而犯薊鎮則令提督武臣

扼其前本鎮主兵拒守宣大遼東應援左右夾擊之若越令口以犯遼東則遼東入衛口還鎮自防仍各令謹卞候遼間謀毋為敵所誤一三衛戍之藩籬比來種類日藉安甯不遂徃徃輒為虜用宜令守臣具數何責任牧何地部落幾何宜於何閑撫賞何人為長為副宜賞何物所部何以量賞分次立格每歲春秋賞不過二次責之傾軋有功則優之或奏請注後以為弛其心一薊鎮修邊取之所部軍已自足用火則益以中都河南山東京榆林軍不必更煩八府之民一軍士不用命者宜使將得行法將不用命者都指揮以下總督得行法千百戶以下總兵得行法總副恭遊官得先取死罪招贓罪赦賊賊兵失候軍機總督得恭究宜賞者亦即賂信與千之勿得稽遲一各處馬政官培剋多端宜重禁之分上中下考選吏部鞫涉一昌平順義

懷柔等處殘破已甚宜蠲其所捕馬草等稅及協濟各處駟傳之費宜令太僕寺停徵馬價俟豐年備之報可○丁酉夜月犯鬼宿西南星○乙亥初命江西建安樂安弋陽三王府分官各宗室建安以鍾陵一府附之樂安以石城瑞昌二府附之弋陽以臨川宜春二府附之凡事轉奏行慶賀等禮輪次從尊仍史賜弋陽王印革去管理舊名先是宸濠國除以府事轄令郡王管理而不冠某府二字於上至是各宗遂起爭心訐奏弋陽王長子多根不宜世襲管理禮部因拔山西文城襄垣慶城府例請從之 陞大理寺卿郭釐為工部右侍郎 改南京光祿寺少卿呂光洵為光祿寺少卿 陞銅仁分守叅將署都指揮僉事石邦憲為署都督僉事克總兵官鎮守貴州兼提督平清等衛命代州叅將署都指揮僉事張琮克副總兵分守昌平等處

○庚子 南郊視牲遣公張溶代駙馬鄔景和伯陳圭尚書歐陽德輪視 給事中袁洪愈條上賑濟糧餉恤民三事一大同數被虜患朔州等處瘡痍尤甚宜發帑銀行鷹門紫荆二關各商糴粟輸以賑之仍請疏桑乾河以通糧運一順義縣及大小各流海所黃花鎮等處糧芻露積山野無倉場貯蓄無官攬守支宜增置其調度錢糧惟委之總督便不必添差督餉大目一畿輔諸郡兵繁賦重宜掣其糧役清其驛傳蠲其逋占以賑恤之戶部覆請雁門紫荆輸粟朔州道里遼遠疏桑乾河恐防險固乞下各撫巨條其利病餘皆可行 上是之○辛丑總督湖廣州貴兵部右侍郎張岳以擒獲首惡地方事率奏報詔三省巡按御史覈實功罪籍具以聞初岳于二十九年冬督集三省兵會勦諸苗夷殄其眾入春散兵後遂以援奏是時賊首龍許

保吳黑苗未獲乃借湖廣蠟兩等寨苗兵并其殘黨數百人乘  
虛襲入思州焚掠而去朝議遂譴然謂苗實未平岳虛張功旋  
為欺誑詔切責之奪其右都御史職岳殊自恨未幾將石印虛  
等被羣苗於猫兒囤逐督兵于危塘鬼掠等地窮抄山箐餘苗  
震惧悉求身聽撫獻還所擄思州男婦印信俄而生縛能許保  
以賊八月湖廣兵討諸叛苗平之獲其首惡李通海苗羊仔等  
磔于市於是苗情大定恐恐奉約束刻期入郡邑為市其党有  
訟亦出就官司質平不敢復相仇殺三垂晏然且歲終岳以黑  
苗未獲懲前思州事未敢報諸鎮巡司道官與岳俱停俸如故  
是年八月邦憲以計購烏爾土官田興邦等斬黑苗囊首以獻  
黑苗囊首以獻黑苗初有眾百餘悍鷲冠諸部比臨誅惟餘三  
人悉殲之自多故來凡惡苗有名稱者咸屠刈無所漏脫苗悉

自是遂熄。日士寅以 太祀博制警戒百官 上不御殿命司  
禮監官齋手勅諭禮部戎命官及百執事各加敬奉行 改太  
僕寺卿蕭一桂為光祿寺卿 以愆天免大同左右衛所并州  
州懷仁各州縣民屯秋糧有差仍命撫按官發該鎮煤鹽等稅  
及所司贖罰銀與預備倉糧相兼賑濟飢民 初給事中林懋  
舉御史王氏皆言南京浦子口宜設戰船習水戰以備不虞南  
京兵部尚書屠楷等言留都長江天塹南有新江口營燒水卒  
以扼江洋之險北有浦子口營燒陸卒以遏鳳陽之衝至嚴也  
今浦江口軍不滿二千不能當江口之十一而水戰又非所戰  
不若量選選卒置之江口而於浦口沿江增墩臺十座選軍二  
百人守之長江寇來陸軍協力拒戰絕其登岸之謀北岸有警  
水軍沿江應援新其入江之路庶為長便兵部覆當如楷等言

報可。甲辰以冬至節遣恭順侯吳繼爵長寧伯周大經彭城伯張熊武定侯郭守乾分祭八陵都督僉事沈至祭恭仁康定景皇定都督僉事王朝用祭恭讓章皇后中官祭孝潔皇后各陵寢。己冬至大祀天於圓丘命公朱希忠。丙午免朝文武百官朝服詣奉行門行五拜三叩頭禮各上表賀免宴賜節錢鈔。



大明世宗肅皇帝實錄卷三百九十一

大明世宗肅皇帝實錄卷三百九十二

嘉靖三十一年十二月己酉朔 詔於京城內外并順天等八府選民間七八歲至十四歲者三百人入宮。辛亥選兵科給事中凌汝志戶科左給事中王國禎為都給事中兵科右給事中徐綱為左給事中戶科給事中游震得禮科給事中王鳴臣為右給事中汝志震得戶科國禎兵科綱禮科鳴臣刑科 故戶部尚書兼翰林院學士李廷相子官生孝元以聽選至京陳其父講讀勞且言沮瓚亦戶部尚書廢其子廷柱夫仕卒乞并敘部覆請免孝元候選即為銓補許之 命中都留守陳直言克右恭姆分守貴州銅仁等處。壬子 懋孝獻皇后忌辰奉先殿行祭祀 恭寧侯陳煇卒賜祭葬如例 河道都御史曾鈞奏上沿河方畧白房村集至雙溝曲頭諸處當濬白徐州

高廟至卞州所河諸處當築堤約工費當用銀十一萬三千餘兩有奇已發淮揚餘益并鄰省事例銀兩協濟其諸省解京扣刺河道及南直隸贖罰等銀亦宜暫留以助大工工部覆議上曰河患異常所在有司慢不經心姑記罪候處鈞所請俱從之仍令會同漕運同御史連鑣以實舉行自後可道錢糧別衙門不許擅自動支○癸丑兵部覆御史溫景葵奏十月二十日虜犯遼東錦義地方官軍斬首四十七級各堡將士斬首八級得虜馬二百二十匹戎軍亡者亦三百三十餘人巨慮首功未實未敢議賞其廣寧中屯衛指揮使郝堂等四人久亡尤多守備吳玘等八人次之總兵趙國忠張齊又次之請輕重論賞而追錄陣亡指揮柏鳳千戶張勇程世祿等得旨國忠濟俱勿問洛堂等俸二級奪玘俸半年俱戴罪立功鳳贈都指揮使勇世

祿俱指揮使其子承襲各加陞二級渾亡官軍各卹錄如例  
兵部類奏今年山西鎮防虜功次正二月驢皮寨等處虜九四  
邊縣兵李深遊擊史畧李良巨前被禦之斬首十二級八九月  
開虜舟關三關總兵李深督諸將批險邀之虜不得入至九月  
二十九日虜數萬騎突入神池利氏等堡深率遊擊李良巨丘  
陞杜承勳郭綱郭震等迎戰于野諸溝驅之出境斬首二十二  
級終歲無所損失請優錄諸將及督撫官勞績詔總督蒯祐陞  
從二品俸賞銀五十兩貯絲四表裏巡撫許論陞兵部右侍郎  
兼右僉都御史李深陞署都督同知各賞銀三十兩二表裏丘  
陞等各銀二十兩是時史畧以大同失事被勘李良巨前以失  
事降級詔俱貸而復之。甲寅朝鮮國王李恒以洪武永樂間  
所賜樂器敝壞奏求津管仍乞遣樂官赴京校習以遵 聖朝

禮樂之制許之 朵顏等衛都督影克等差頭目猛可萬等進  
馬賀冬至節宴奏如例 改南京太僕寺卿張翥臣為太僕寺  
卿○乙卯廣東化州地震大柱山有聲如雷○丙辰罷百官  
臘宴○丁巳 命鄭府廬江王祐棹管理府事祐棹於鄭王厚  
堉為堂叔厚堉既廢礼部據撫按官議列上所宜管理府事者  
鄭世子載堉繁昌王祐棹及祐棹 上謂載堉罪人子不當用  
乃特勅予祐棹祐棹即前進獻穀者也 內官監太監杜泰提  
智光祿寺所乾沒內帑銀以數萬計光祿寺少卿馮從謙奏發  
其奸泰亦奏從謙盜用大官食物及誣謗不忠狀巡視給事中  
孫先中御史杜斯彬文章劾泰如從謙言因劾寺卿高耀不能  
覺察四署正通同為奸乞併治詔逮從謙泰于鎮撫司訊鞠科  
道官待問明議處已鎮撫司訊上泰因公侵有從謙挾私奏許

俱屬有罪第所引誹謗曖昧無證佐不足深誅 上竟怒從  
謙諱謗下法司令與泰各候追駈完日擬罪以乞中等黨譏降  
違方雜職鎮撫司官斷獄不當奪俸五月於是法司議從謙當  
坐盜內府財物者律贖徒為民第所指誹謗雖無明據然迹其  
狂悖不恭雖依常典直發極邊衛充軍奏送司禮監奏處 上  
怒未已詔執從謙廷杖八十發烟瘴充軍秦革任以能發謗日  
免罪從謙遂死杖下○戊午旌表福建孝子孫炳等二人烈婦  
王氏節婦陳氏等共十二人 陝西巡按御史姚一元奏九月  
十三日虜七十騎寇寧夏將鼎林泉等入堡殺二千餘人掠頭  
畜以萬計因初失事副總兵鄭獻遊擊胡宗道守備郭田及總  
兵吉象巡撫張鎬等因發鎬奸贖狀 上命革鎬職回籍聽勘  
奪職等官下御史速門住象等俸令戴罪殺賊○乙未工料右

給事中李用敬奏開膠萊新河其畧謂近者河道湮塞深妨國計間之膠萊之間有新河一道在梅運舊道之西乃元人欲開通以避海濤島嶼之險而未成者先是山東巡海副使王猷憫登萊之民土瘠人稀生理不足皆由舟楫不通常按元遺亦鑿馬塚石底以通淮安高賈建新河等門八坐以蓄洩水患導張張魯白堍諸河以濟水道見今淮安之船由淮河直抵麻灣即新河之南口也由海倉直抵天津即新河之北口也白南口以至北口僅三百三十餘里各有潮水深入中有九穴湖大沽湖諸流可引其淤塞未通宜量加濬者一百五里宜深加濬者三十餘里元人用功已開其三今之用功當任其二此皆彰明可見者乞選才望官一二員會同撫按官亟為修葺跡入工部覆行所在撫按詳議其奏報可○庚申陞南京通政使司右通政

鄭大同為南京太僕寺卿。壬戌改南京大理寺卿。盧勳為大理寺卿。吏科都給事中何雲鴈條奏考察六事。一稽考語以防欺。誤言五花文冊所載天下眾官考語中間多有奉利相戾。遷轉不一。吏路為奸。宜令員外主事各一員將造完文冊查對。異同有差。誤者正之。一完進官以懲不恪。言俞墨之吏計當必黜。乃恣意賤削。囊橐盈滿。盈臨期則寄文冊於吏胥。委而去之。又其次者。或中塗託疾。而違候處分。或先欺給由。而預圖規避。此輩只求肥家。原不愛官。若罪止議罷。是縱之使貪也。宜將在此官行原籍。撫按追駐。問擬其以托疾給由。迂迨者。照不謹例。罷斥。一禁饋遺。以敬官。和言來朝。官方多科歛。以充在京饋遺。宜申飭嚴禁。餽者與受餽者。許緝事衙門。不時訪捕。一休治罪。一止許奏端士。風言被語之官。不自引罪。往往歸怨於人。或上狀。



自明或投書反噬宜俱置勿理付所司重論之一種異能以昭  
激勸言 祖宗朝有寔廉實能故事近不奉近行宜議履一節  
法典以肅遠人言往年四川雲南土等夷等官來朝違恨俱將  
旨宥免雖一時懷遠之人但恐教事姑息積玩生奸將來犯法  
更有大於此者自徵請坐罪如律使知創懲部覆從之 命湖  
廣都司僉書署都指揮僉事賀麟見掌中都留守司事 昌化  
王府庶人俊禮以貧無賴詐造其妻楊氏質富人趙輻家因誣  
輻以奸夜率潞城王府中尉俊禮饒湯府庶人兗魚等襲劫其  
家輻前知避匿俊禮無所發怒遂與俊禮共殺楊氏事聞下法  
司按驗得實 上以其敗倫傷化勒俊禮俊禮自盡發兗魚禁  
住高牆命撫按官沿教按實鎮等舉○癸亥 貞惠安和景皇  
后忌辰遣彭城伯張熊祭 凌寢 法司上是歲天下恤刑官

論囚矜疑之數北直隸八十四人南直隸江南七十二人河南  
十九人山東二十六人山西二十九人陝西十四人四川十五  
人湖廣二十三人廣西十八人福建三十七人江西十七人浙  
江十六人雲南貴州八人詔俱免死發戍。甲子禮部類奏災  
異得旨 上天示警災孽見朕深切祇惧其至行內外衙門官  
痛加修省盡心職業共圖治理不許徒事虛文。乙丑陞提督  
四夷館太常寺少卿張鵠翼為南京通政使司右通政。丙寅  
命南京河南道試御史朱綱金澗徐斌江克用實授錄陝西  
死事官軍打磑尸王子受等二十二人白寺口朱貞等二十二  
人陞賞如例。丁卯夜月犯水星。戊辰 命保定侯梁燧璠  
等為正使翰林院編脩明正蒙等為副使持節冊封慶定王台  
瀆世子嘉坊為慶王妃李氏為慶王妃徽恭王厚爵庶第七子

載堡為懷慶王庶第八子載塔為咸平王吉王載均庶第二子  
翊鑾為龍陽王祗王譽樂庶第六子定堽為南漳王庶第七子  
定葉為祁陽王南城兵馬副指揮王化女王氏為岷世子妃北  
城兵馬副指揮栗邦用女栗氏為緩寧王妃淮府南康莊惠王  
兒潞嫡長孫厚熒為南康王晉府永和安簡王知璵嫡長子新  
堽為永和王夫人王氏為永和王妃代府進賢莊惠王俊積嫡  
長子克蛇為進賢王河南莊安王克熾庶第一子鎮國將軍廷  
琬為河南王夫人邊氏為河南王妃周府臨滿莊懿王睦榮嫡  
第二子鎮國將軍勤跋為臨滿王臨汝恭康王同銜庶長子鎮  
國將軍安壽為臨汝王夫人劉氏為臨汝王妃上洛康裕王安  
讓嫡長子睦熾為上洛王夫人李氏為上洛王妃汾西端惠王  
睦棊嫡長子勤堪為汾西王夫人于氏為汾西王妃東城兵馬

副指揮周揖女周氏為唐世子妃西域兵馬副指揮曹鳳女曹氏為伊府安樂王妃南城兵馬副指揮程應奎女程氏為藩府鎮康王妃西城兵馬副使指揮李登雲女李氏為肅府延安王妃。己巳以冬深無雪諭順天府官所濤。庚午補服闋左春坊左中允李璣以原官兼翰林院脩撰。命通州守備指揮僉事王統充神樞營左擊將軍山西恭將署都指揮僉事劉繼元充神机營練勇恭將遵化守備指揮同知劉涇浮園峪守備指揮僉事施相薊州守備指揮使劉乾俱神机營佐擊將軍。辛未兵部覆地輟保定都御史艾希淳等條陳地方事宜一保定兵僅七十八百有奇已有總兵及坐營兩都司領之復增兩遊擊非便乞散歸本鎮其昌州副總兵舊以領沒山定州班軍而設今軍已他屬亦宜省一保定調聚班軍數多宜令遊擊劉環

領建州班軍曹慎領河間班軍就本處練習每歲六月則定州軍移易州河間軍移涿水以待徵發一近以庸患增給保定馬四千餘暫借六十餘皆宜歸之太僕轉免新立遊兵一連軍生盡日繁驕悍成習且有內地奸民逃租稅旨竄入其籍煽誘為非漸生不靖宜令各衛選其壯者訓練而節制之防秋之日分布諸關防守便一柴荆重地宜以茂山衛班軍戍曰右口者改戍木蘭一狼牙溢口接大同之靈丘乃虜所入道宜徹倒馬關把總改免提調增軍戍之詔可○壬申以歲終修謝典於內殿分命文武大臣成國公朱希忠等祭告各宮廟百官俱告服齋潔辦事法司停刑五日 上命禮部傳諭百官曰朕欽承天祐崇事立修今歲春獲非常感恩莫報凡爾內外諸臣宜盡一體大義勿欺勿慢 沾宣濟鎮八月十六日虜二十餘騎掠鎮衝

皇等處守臣失事罪詔奪恭將許實等六人俸半年指揮使董  
國忠等三月皆戴罪殺賊。癸酉大雪百官上表榻賀。陞原  
任南京太常寺少卿王彥弼為都察院右僉都御史巡撫寧夏  
陞兵部職方司郎中江冕為光祿寺少卿。甲戌遣山西民  
兵戍京師者三千人還鎮。乙亥改太僕寺少卿雷禮為太常  
寺少卿提督四夷館起服制大理寺右少卿馮天馥為本寺左  
少卿。命大同西路恭將著都指揮僉事李輔元副總兵官協  
守寧夏。丙子。命京營佐遊擊將軍著都指揮僉事崔麒充  
右恭將分守肅州。丁丑歲暮行大禘禮於太廟命英國公  
張溶代。以正旦節遣定國公徐迺德長寧伯周大經玉田伯  
蔣榮武定侯郭守乾分祭。八凌都督僉事王朝用祭。恭仁  
康定景皇帝都督僉事沈圭祭。恭謙章皇后中官祭。孝潔

皇后各綾寢 錦衣衛帶俸指揮僉事趙汝誠奏乞脩理房價  
工部覆汝誠十戶特蒙恩給房價例不重給 上是之令著為  
定例 是歲天下戶口田賦之數戶凡百六十萬九千三百五  
口六千三百三十四萬四千一百七十四地四百二十八萬三百  
五十八頃一十五畝有奇粟一千八百二十二萬四千七百七  
十四石有奇麥四百六十三萬五千八百二十一石有奇草二  
千五百九十萬九千八百二十八束有奇絲綿七萬三千一百  
七十二斤有奇絹三十二萬四百五十九疋有奇綿花織二十  
四萬六千五百五十九斤有奇布一十三萬三千二百六疋有  
奇土苧六十五斤有奇戶口鈔一千七百五十五萬六千五十  
錢有奇雜課鈔六百五十八萬七千七百五十八錢有奇鹽課  
鹽一百六十七萬一百二十二引有奇鹽課銀一百一十萬三

千八百一十一兩有奇  
茶課茶五十六萬八千九百七十九斤  
有奇  
屯田子粒三百七十四萬二千五百五十石  
有奇  
屯地銀一十四萬八千一百四十五兩  
有奇  
年例金二千兩  
水銀二百二十九斤  
硃砂四十六斤  
八兩  
漕運米四百萬石  
內改折一百六十六萬七千一百六十三石  
實運米二百三十三萬二千八百三十七石



大明世宗肅皇帝實錄卷三百九十二

大明世宗欽天履道英毅聖神宣文廣武洪仁大孝肅皇帝實錄卷三百九十三

嘉靖三十二年正月戊寅朔 命成國公朱希忠代行拜 天子 玄極寶殿是日日食陰雲不見有頃大雪百官以袂覆罷朝賀次日始朝服詣奉天門行五拜三叩頭禮仍上表稱賀免群臣宴賜節錢鈔王府進賀人員及四夷朝貢使仍宴于闕左門巡視浙江都御史王忬奏海防賞格四事一擒斬真倭從賊一人賞銀十五兩次從賊首二十五兩渠魁五十兩一擒斬寇海寇為從者賞銀三兩次劇賊首五兩船主渠魁二十兩首首為眾所服者五十兩其奪獲賊艘大者五兩中者二兩小者一兩俘獲男婦每名五名賞銀一兩若誅戮所俘有功及遞殺來降者沿如律一善用火器擊殺賊不賊首令其引遁及擊破寇

舟于未接之先者大舟賞銀二十兩次者十兩小者五兩若有  
獻奇取捷批亢擣虛者雖無斬獲並以功論一臨陣被創者給  
銀一兩被殺者給銀五兩復其家有先登陷陣而死給銀二十  
兩若哨守官督戰沒于陣者臨時酌請恤典兵部覆如其言報  
丁兵部覆總督戎政豐城侯李熙等條奏戎務四事一精揀選  
今營兵不下十二三萬三人拔一亦可得選兵四萬五軍營定  
以二萬二千一萬屬之總督萬二千分屬四遊擊神樞神機二  
營各九千分屬三佐擊而諸將領千把總俱遊選更調以統領  
選兵二明賞罰每選兵歲給器械銀一兩開時崇禎月加糧五斗約  
歲費銀十二萬餘兩宜審收各省班軍徵其行糧之半給用三  
養銳氣營兵日操率晨出暮歸生計既妨困餒日甚欲求精銳  
殆不可得乞將選兵于三六九日入營以均節勞逸畜養銳氣

其將佐一視教練成否以為殿最四禁詭言京兵偷惰成風一  
遇清竅選練輒起詭言使任事者疑畏中止乞命所司捕治疏  
入大學士嚴嵩等言 祖宗設大營內護京師復令河南山東  
鳳陽大寧四都司軍分春秋班入衛蓋以居重馭輕有防散之  
深意是以百五十年未敢輕變今營兵十三萬數已不多宜訪  
求弊源大加振舉豈可付之無柰只選四萬之眾練之是京師  
所恃止此四萬軍而已其餘十萬之眾悉為棄物費糧餉以廢  
疲羸豈計之得也各入衛兵近年雖有私放折乾之弊每嚴清  
查之令人心尚各知警今若奉旨折乾則 祖宗良法深意一  
旦蕩然恐異日貽累匪細查李熙等既如此建議不為之處他  
日得以藉口誣罪合無准其挑選增給糧餉加意練習務期可  
戰將來免復徵調邊兵其餘營軍仍責令照舊訓練以資護守

不可因而廢弛。上報曰：卿等所謂甚足其揀選軍計費不多，亦須可久費而得濟，方可不惜耳。乃降旨曰：朕更新戎政，設置將領，欲使士馬精強，緩急得用。李熙等受茲重寄，當殫心整理，以副任使其會同巡視科道官慎選嚴練，務堪戢守。其餘營兵仍一体清查訓練，不得諉以揀出，遂爾廢弛。班軍赴京操備，係祖宗成法，豈宜擅更折糧不允行。所議增給銀米，戶部如數給與。一年以後，奏請裁奪已而。兵部選諸將曾經戰陣，劉大章等十二人統領操練，因請命大章等各選所部兵如前議。四萬外再選備兵萬人，令兵部主事方祥、李橋、王遘、王之誥同巡視科道官覆選訓練，詔俱允行。○先是大學士嚴嵩等言：徐、邳等十七州縣連被水患，民饑剝劫，吏不能禁，恐生他變。乞命戶部給發餘監銀兩及徐、淮等倉存留糧米，選差大臣出賑。仍令工

部行巡撫及河道官急將黃河下流設法疏濬令水歸故道百姓有廬室田畝可依得以安堵 上從其言命河道都御史曾鈞濟運都御史連鑣作速勘處以聞至是鈞等奏謂留伶臺至赤晏廟凡八十里乃黃河下流頃為游沙壅塞以致奔潰此是疏濬所最先者次則草灣老黃河口衝決湮沒安東一縣亦當急築既成之後宜築長堤磯嘴以備衝擊又三里溝新河口此舊口水高六尺若開舊口雖有沙淤之患而為害稍輕共開新口未免淹沒之虞而漕舟頗便宜將新口暫閉建置閘座及將高家堰增築長堤原建新莊等閘加石修砌以遏橫流但挑築工料計銀十三萬九百餘兩乞發雜揚游擊二鈔閘并蕪抗二抽分銀兩解用工部覆覈從之已命發淮徐倉粟麥四萬石運司餘盈銀五萬兩遣刑部右侍郎吳鵬往賑之○庚辰 宣宗

章皇帝忌辰 奉先殿行祭祀長寧伯周大經祭 景陵。違  
禮科都給事中楊思忠于午門杖之百箠為民六科官各奪俸  
一年初思忠議 孝烈皇后不宜附廟忤旨後吏部屢以資序  
擬陞悉不允至是科臣表賀正且首署思忠名 上摘表中語  
謂其懷欺不臣遂獲重譴云。壬午。以元旦雪日食不見奏  
謝 郊 廟 社稷遣成國公朱希忠等各行禮。乙酉孟春  
時享 太廟遣駙馬鄒景和代。己丑。總督漕運都御史連  
鑣以新安河口決漕船阻滯皆把總官饋運愆期之故請治其  
罪因言水勢汎溢人力莫施今前幫糧完而船未盡回後幫競  
進而或苦守凍來春新運深有可憂宜勅部臣早為議處且自  
劾督運無功乞嚴戶部覆領運把總等官宜罰治如例鑣新任  
當策勵以責後劾其言船回太遲恐悞明年兌運請于漕運四

百萬石內准折三分之一 上曰糧運遇有事故暫准減折係祖宗舊制但爾等職司國計不於會議之時悉心籌畫乃今糧已交兌方議折解百姓得無重復出銀以致困乎其行各撫按并管糧監允官酌量減折務從民便鑄貸勿治領運官逮問如律○庚寅立春順天府官進春 上不御殿命司禮監官捧進○吏部都察院考察天下諸司官老疾布政使朱鴻漸等九人罷軟叅議劉繼德等三人不謹布政使姚文煇等二十六人中途托疾運使童蒙正等二人貪副使茅鑿等四人酷副使范瑟等二人不及布政使岑萬等十三人詔致仕黜調如例其中途稱病查審有無規避酌量議○辛卯○承天府舊帥元祐宮建安神大顯遣礼部左侍郎孫陞行礼○壬辰○大學士嚴嵩等請及春和舉行 二王殿下婚礼 上從之詔於仲春擇吉



嵩又言昨歲奉旨於各府行礼此固先年親王舊例但臣等思等府第淺窄出府未免與外人易於相接在親王則可今日事體不同臣等再三計之實有未安目今二王殿下合無暫且俱留在內成婚亦於保護為便上謂嵩搖於外議命舉冊立事嵩言此舉天下臣民久所仰望但今婚期已近伏望皇上俯從臣等所請且於宮內成婚其冊內大礼另候欽示舉行上批荅曰出府之不可是害及二王是害及朕卿等明說來嵩對言儲二名分未正而又出居于外雖應得者亦懷危疑府第連接僅隔一牆從人衆多情各為主易生嫌隙此在二王不可不慮者也先朝有太后在上有中宮東宮體勢增重主上尊安今烈後不后至親惟有二王却俱出外此在聖躬不可不慮者也上謂皆不足恤人無能勝天者二

子只依本分待朕命處分方可勿再瀆○繼督陝西三邊尚書  
王以旂上言三邊皆當虜衝恒患兵寡今復抽選入衛邊鎮益  
虛乞量行裁免止令延綏兵萬二千分番入衛寧固甘肅兵各  
一枝以次踐更仍預飭山西鎮巡官屬兵二枝各三千人遇延  
寧有警聽臣調遣兵部言全陝四鎮連歲徵兵七枝入衛今所  
徵兵不過四枝不宜再減以弱畿輔之衝其請山西屬兵俟調  
者如議詔可○癸巳夜望月食○甲午 英宗睿皇帝忌辰  
奉先殿行祭禮遣王田伯蔣榮祭 裕陵○丙申○巡撫延綏  
都御史張珩上言臣向為總督時曾請增修延安慶陽二府城  
堡山寨窩洞墩臺八千餘處編訓居民預除戎器有警即堅壁  
收保著有成績今歲久垣墼圯塞丁壯逃亡臣覲分巡河兩道  
副使朱用官屯倉事陳其學力能解此乞量陞用為奉政其學

為參議令因舊修復以重保障臣復閱全陝地形保安縣西河川有石門鎮石門子甘泉縣北有野豬峽延川縣南有禪梯巖俱套虜深入之路比他鎮為獨重宜各築一城可容兵馬三千至防秋日調遊兵一枝再整步卒三千分發石門鎮石門子以待寧塞靖邊入寇之虜苦虜由鎮靖威武清平入則石門二處所伏兵止六十里可馳至野豬峽禪梯巖擊之又鄜州為南下省城諸路要衝中有全鎮關亦宜相形築城每秋防命一都指揮提卒千人守之其石門四處即令朱用陳其學隨分地修築全鎮關道遠別令兩司官督修期以六月迄工按臣覈其勤惰兵部覆如珩言報可己乃陞用本省右叅政其學為右叅議專督前工○丁酉○巡撫雲南都御史鮑象賢既至鎮調集土漢兵七萬人廣集糧運將尅期分哨進勦元江為必取計逆賊那

遷大懼仰藥死象賢檄百戶汪輔入城撫諭其眾眾咸稽首奉  
命擒斬我土官知府那憲者阿捉及殺布政使徐樾者曰光龍  
光色首以獻鏃子怨輸退可占那所封鑿等村寨并出可質鎮  
沈府印納象十二隻代累歲通賦象賢命闔府官民推那氏當  
立者眾舉前土官那端從孫從仁象賢乃疏言其狀請廢怨貸  
其死命從仁暫統其眾加汪輔以千戶職事督視之其叅政郝  
維猷僉事王養浩都指揮陳繁賀鳳守備賀景始雖失事繼亦  
有勞乞復其俸兵部覆如象賢議從之○己亥○禮部擬上  
二王婚礼仪注言會典所載離戒之詞有二其一云往迎爾相  
承我宗事為承宗者言也其一云往迎爾相用承厥家為承家  
者言也今留京將以承宗封國所以承家戒命之詞伏俟裁定  
廟見古以三月後世以三日蓋首日告祖考而親迎合悉成其

為妻明日夫率以見舅姑又明日與饋於舅姑成其為婦又明日始率以見祖考先從之序如此 累朝率以合巹同日自成化中 東宮納妃始改從古今宜以改者為正朝見與饋 先朝有 太皇太后有 皇太后有 中宮儀文各異今 二王率妃詣 上前行禮後宜於各 母妃前行禮以章婦順又會典 東宮不回門親王回門然未有定期今宜待之國前一月擇日行餘儀如舊 上覽之不悅曰既云王禮自當依典制行又何不同之有今不必欺擾第速降勅冊立太子分別成婚任爾等為之勿煩朕於是禮部遂擇日具冊立儀以請 上以問大學士嚴嵩嵩對昨 御批部疏命舉冊立所司豈敢不遵但前奉 聖諭俟有明命處分臣等不敢復瀆 上乃詔部臣曰豈有朝更暮改之理其遵朕初諭二王一体行禮勿復違擾。

加錦衣衛百戶李銘副千戶本衛帶俸授太醫院醫籍王相東城兵馬指揮○吏科都給事中何雲雁等四川道御史鄭本立等以考察拾遺劾布政使王昺按察使楊沔副使尹綸韓一右郭春震張合沈啓陳珪王繼芳公躋奎恭議蕭世延僉事安如山知府李人龍劉存德王廷幹各貪酷不職宜罷詔珪留用昺人龍存德降用沔致仕躋奎等俱冠帶閑住○庚子○兵部武選司員外郎楊繼盛上疏劾奏大學士嚴嵩言臣先因阻練馬市下獄逆鸞戚屬問官必欲置臣于死陛下特寬其罰不一年間復至今職臣仰荷隆恩思所以報莫急于請誅賊臣方今外賊則胡虜內賊則嚴嵩然未有內賊不去而可以除外賊者故臣請誅則嵩當在剽虜之先也敢以嵩之專政誤國十大罪為 皇上陳之我 太祖高皇帝詔罷中書丞相而立五府

九卿分理庶政殿閣之臣惟備顧問視制草故載諸 皇帝時  
臣下有建言設立丞相者罪人凌遲全家處死此其為 聖子  
神孫計至深遠也及嵩為輔臣儼然以丞相自居凡府部題  
覆必先稟而後起稿是嵩雖無丞相之名而有丞相之權有丞  
相之權而無丞相之貴以故各官之陞遷未及謝恩而先謝嵩  
蓋惟知事權在嵩畏懼奉承而已此壞 祖宗之成法一大罪  
也權者人君所以統馭天下之具不可一日下移臣下亦不可  
毫髮僭踰嵩一有票本之任遂竊威福之權 皇上用一人嵩  
曰我薦之也及黜一人嵩曰此人非我所親故罷之 皇上宥  
一人嵩曰我救之也及罰一人嵩曰此人得罪于我故報之借  
朝廷之恩威行一己之愛惡此竊 皇上之大權二大罪也善  
則稱君過則稱己人臣事君之忠也嵩於 皇上行政之善必

令子世蕃傳于人曰 上故無此意我議而成之又將 聖諭  
及嵩所進揭帖刊行為書名曰嘉靖䟽議敬使天下後世謂  
皇上所行之善盡出于彼而後已此掩 皇上之治功三大罪  
也 皇上之令嵩票本蓋取君逸臣勞義也嵩乃令子世蕃及  
諸義子趙文華等群會而票機密豈不漏泄乎所以題䟽方上  
滿朝紛然已知 天語既下前講若合符契此縱奸子之僭竊  
四大罪也邊事之廢壞皆原于功罪賞罰之不明嵩為輔臣乃  
為壟斷之計欲令孫冒功于兩廣故先置伊表姪歐陽必進為  
總督姻親平江伯陳圭為總兵鄉親御史黃如桂為巡按朋姦  
比黨誘張為幻先將長孫嚴劾忠冒兩廣奏捷功陞所鎮撫人  
冒瓊州一人自斬七首級功造冊繳部其後劾忠告病乃令次  
孫嚴鶴榮替鶴人告拜前劾忠七首級功加陞錦衣衛千戶今



任職管事効忠鵠皆世蕃養子也而假報戰功冒濫官爵以故必進得入工部為尚書圭托疾得掌後府如桂得遷太僕字少卿此冒朝廷之軍功五大罪也逆賊仇鸞總兵甘肅以貪虐論革嘉靖二十九年大同帥張達等敗沒正胡虜寇伺之時使嵩少有為國家之心豈肯用此債帥以寄干城而世蕃乃受鵠銀三千兩威迫兵部薦為大將及鵠冒哈舟兒軍功世蕃亦藉以陞蔭嵩父子于時嘗自誇以為有薦鵠之功矣及鵠勢出嵩上反肆凌侮故嵩嘗自歎以為引虎遺患後知 皇上有疑鵠之心恐其貽累始故設異同以泯其初黨之跡是勾虜背逆者鵠也而受賄引用鵠者嵩與世蕃也此引背逆之姦臣六大罪也前胡虜犯內地深入經時兵法擊其惰歸一大機也兵部尚書丁汝夔問計於嵩嵩乃曰京邊不同勢敗於邊可掩也敗於京

不可掩也且虜能自退耳故汝夔傳令不戰及 皇上逮治汝夔汝夔臨刑始知為嵩所紿是嵩以不戰誤國又以死紿汝夔也此誤國家之軍機七大罪也刑部郎中徐學詩以劾嵩父子革任為民矣嵩乃于考察京官之時逼吏部將學詩兄中書舍人徐應豐罷黜荷蒙 聖明洞察留用戶科都給事中厲如進以劾嵩父子降典吏矣嵩考察外官之時復逼吏部將汝進罷黜此專黜涉之大柄八大罪也今府部之權皆曉於嵩矣而吏兵二部大利所在尤其所專主者嵩于文武官之陞遷不論人之賢否惟論賄之多寡各官之任亦通不以報國為心惟日以賄嵩為事將官既納賄于嵩不得不剝削乎軍士有司既納賄不得不濫於百姓利歸一人毒徧天下此失天下之人心九大罪也 先朝風俗淳厚近古自逆瑾用事始少一變至嵩為輔

臣諂諛欺君貪污率下通賄慙者貪如盜跖而亦薦用奔競  
踈拙者廉如夷齊而亦罷黜守法度日以為同滯巧彌縫者以  
為有才勵廉介者以為矯激善奔走者以為練事卑污成習牢  
不可破此壞天下之風俗十大罪也嵩有十大罪昭人耳目以  
皇上之聰明而若不知者何哉蓋 皇上待臣下之心出于  
至誠賊嵩事 皇上之姦入于至神以至神之姦而欺至誠之  
心無怪乎墮其術中而不覺也臣請更以嵩之五姦言之知  
皇上之意向者莫如左右侍從嵩欲托之伺察 聖意故先用  
重賄納之於 皇上一言一動無不報嵩報則酬以重賞凡  
聖意所在嵩皆預故得以遂其逢迎之巧是 皇上之左右皆  
賊嵩之間諜其姦一也通官司納言之官嵩欲阻塞天下言路  
故令義子趙文華為通政使凡疏到文華必將副本送嵩與世

蕃先聞而後進疏內情節嵩皆預知少有干涉即為彌縫聞御  
史王宗茂劾嵩之疏文華停留五日方上故嵩得以展轉撫飾  
是 皇上之納言乃嵩之驚犬其姦二也嵩既內外彌縫周密  
所畏厥衛衙門緝訪之也嵩則令世蕃將厥衛官籠絡迫 姻  
親是 皇上之爪牙乃賊嵩之爪葛其姦三也厥衛既已親矣  
所畏者科道言之也嵩于進士之初非私屬不得與中書行人  
之選知縣推官非通曉不得與行取之列考選之時又擇熟軟  
圓融出自門下者方補科道至五六年無所建白即陞京堂方  
面故科道諸臣寧忍于負 皇上不敢忤權臣也是 皇上之  
耳目皆賊嵩之奴僕其姦四也科道既入其籠絡而部臣如徐  
學詩之類者亦可懼也嵩又令世蕃將各部之有才望者俱網  
羅門下凡部中欲行一事先報世蕃故嵩得早為斥逐各部堂

司大半皆嵩心腹 皇上自思左右心腹之人果為誰乎此真  
可為流涕者也是 皇上之臣工多嵩之心腹其姦五也夫嵩  
之十罪賴此五姦以彌縫之五姦一破則罪立見矣噫嵩握重  
權諸臣順從固不足怪而大學世徐階荷 皇上之知過宜陰  
抵力排為天下除賊可也乃凡事恆聽命于嵩不敢持正少抗  
是雖為嵩積威所劫然于 皇上亦不可謂之不負也伏望  
皇上聽臣之言察嵩之姦群臣於嵩畏威懷恩固不必問也  
皇上或召問 二王令其面陳嵩惡或詢問諸閣臣諭以勿畏  
嵩威果廉其實重則置之憲典輕則諭令致任以全國休賊嵩  
既去豪傑必出賞罰既明軍威自振胡虜不足平也疏入 上  
怒謂其因諂官懷怨撥拾浮言恣肆瀆奏且本內引二王為詞  
意果何謂令錦衣衛執送鎮撫司拷訊問官以疏詞引二王當

詐傳親王令旨律絞獄具詔杖之百繫獄待決居二歲竟死西市共寃之○辛丑 孝靜毅皇后忌辰 奉先殿行祭禮遣都督僉事沈至祭 康陵○禮部奏上 二王婚禮儀注一定親納徵發冊催妝禮前一日遣官告于 奉先殿如常儀內官監禮部鴻臚寺設定親納徵發冊催妝各合用冠服首飾金銀段匹等禮物于文楼下設玉帛案冊案節案于奉天殿內至日早內官監設彩輿教坊司設大樂于午門外內官設王妃鳳轎儀仗于彩輿之南是日早百官具朝服左右侍班序班導引正副使先于丹陛下正中行四拜禮執事官舉節案玉帛案冊案至丹墀置于中道宣制官稱有制鳴贊唱跪正副使跪宣制官宣制曰今聘某官某子女為某王妃命卿等持而行納徵發冊等禮正副使俯伏與四拜禮畢執事官舉節案玉帛案冊案冠服

等物引禮官引至午門以節冊并玉帛置于彩輿冠服等物以次陳列大樂前導從二門出東長安門外正副易吉服乘馬隨行至妃家行禮一妃家受聘禮前一日妃家設香案節案于正堂中玉帛案冊案左右相向至日禮物至妃家主婚者具服出迎引禮引正使持節副使捧冊執事官捧玉帛至正堂各置于案左右冠服等物以次陳列禮官一員立于左主婚者立于右禮官曰奉制命正使某官某副使某官某為某王行納徵發冊等禮引禮引主婚者詣香案前行四拜禮執事官捧玉圭玄纁主婚者先受玉圭次受玄纁各授執事者再四拜禮畢內官先以官服入中堂進于妃具服訖內官詣冊案跪取冊捧入中堂置于案引禮女官引妃至冊案前行四拜禮跪女官宣冊訖妃受冊以授女執事再四拜禮畢女執事設妃座引禮女官請妃

陞座妃家應賀者行四拜正副使候內官出告行礼畢持節出  
婚者送至門外正副使回朝復命妃家回進礼物從午門入內  
官監官奏聞一醮戒其日內官監設上御座于宮中設大樂  
儀仗于丹陛之東西執膳內官先備酒金爵果盒俟上服皮  
弁服出樂作陞座樂正王服袞冕贊引引由殿東門入詣上  
前贊礼贊鞠躬樂作贊四拜與平身樂止執事者以爵斟酒立  
于御前之東贊礼贊王詣前跪贊播圭攬受爵執事者以爵  
立授王王受爵飲訖以爵授執事者執事者跪受以退贊礼贊  
出圭恭聽戒命隨旨意致戒詞王聽戒詞訖贊俯伏與平身贊  
復位贊鞠躬樂作贊四拜與平身樂正贊礼畢引礼引王出釋  
袞冕具皮弁服行親迎礼一妃受醮戒親迎日妃家先於祠堂  
陳設祭物妃服燕居冠服妃父母同妃詣祖宗前行礼贊酒醑



祝禮畢執事者具酒饌于內進妃飲食訖父母坐于正堂執事引妃詣父母前各四拜父母隨意致成詞妃聽受訖次辭諸尊長禮畢改服翟衣以俟親迎一親迎前一日妃家令親人鋪房親迎日司設監錦衣衛鴻臚寺先設王幕次及儀仗象輅并所奠雁如無鴈則以帛代教坊司設大樂俱于承天門外妃家先設王幕次于中門之外設香案奠鴈案于中堂之中是日王受醮戒訖引禮引王由午門東門出至承天門外幕次易皮弁服引禮請陞輅王陞輅執鴈者後隨儀從前導過御橋樂作由東長安門出至妃家門外引禮跪請王降輅導引至幕次禮官先入至正壁立于東西向主婚者具服出見立于西東向禮官曰某王奉制行親迎禮引禮二人具服引主婚者迎王于幕次之外內官一員具服引王出幕次主婚者請王入中堂王先行內

官具服捧鴈隨入主婚者後行王至中堂主婚者進立于堂中之左妃母立于堂中之右東西相向女執事二人引妃出立房立于妃母之下內官引王至案前內官捧案跪進王以鴈置于案內官引王稍退近東西向立贊禮引主婚者詣鴈案前行八拜禮退復位執事者徹案引禮內官導王先出至中門女轎夫舉鳳轎至中門之內內官具妃儀仗于中門之外執事引妃出內官跪啟王詣轎所啟請揭簾妃陞轎內官啟請王陞轎前行妃具儀從後行王至府降輅候妃至內官跪啟請王揭簾妃降轎入幕次王先行至內殿門東立向西候行合卺禮一合卺其日內官先于玉內殿門之外設妃幕次設王座于殿東西向設妃座于殿西東向各設拜位入座之南設酒案于正中稍南置兩爵兩盞于案上妃入幕次整飾訖女官導妃至內殿門西立東向

贊引二人導王前陞殿女官二人導妃隨陞贊請就拜位王與妃合就拜位贊兩拜王再拜妃俠拜訖請陞位王與妃皆陞座女執事二人舉饌案進于王及妃之前女官司奠者取爵盞酌酒以進王與妃各受爵飲訖女官進饌王與妃皆舉饌訖女官以金爵進酒王與妃皆飲訖女官進饌王與妃皆舉饌訖女官再以盞盞酌酒合和以進王與妃皆飲訖又進饌王與妃皆舉饌訖凡三舉酒饌畢執事者徹饌案贊王與妃與就拜位相向贊兩拜如前儀禮畢王從者餞妃之饌妃從者餞王之饌一朝見第二日清晨王冕服妃翟衣贊引各啟請出宮王乘輿先行至東華門降輿入至 上宮門外以俟妃乘轎至 上宮門外降轎 上服常服陞座贊引引王及妃自東門入王先入妃從之詣 上前王立于東妃立于西宮人以棗栗盤立于妃之右贊

王與妃皆四拜執事者二人舉案至 上前宮人以棗栗盤授妃妃捧置于案執事者舉案妃隨案進至 上前妃復位贊王與妃皆四拜與執事者徹案于東贊引引王與妃出詣 王母妃所居宮候 母妃服燕居服陞座贊引引王立于東妃立于西宮人以暇修盤授妃妃捧至于案執事者舉案妃隨案進至 前妃復位贊王與妃皆四拜禮畢出是日 上賜王與妃宴一 罇饋第三日清晨妃服翟衣贊引引妃至 上宮門外降轎由東門入俟膳至贊引引詣 上前贊四拜尚食以膳授妃妃捧膳置于案復位又贊四拜禮贊引引妃退立于西南俟膳畢引妃出詣 王母妃前妃捧膳置于案贊四拜俟膳畢引出一廟先第四日內官于 奉先殿陳設牲醴祀帛母 廟猪一羊一帛二共一籠是日清晨王與妃服翟衣禮服由東華門入

贊引二人引王二人引妃至 奉先殿詣 太祖高皇帝皇后  
神御前王在東妃在西贊王與妃皆兩拜贊跪王跪妃亦跪贊  
進圭王播圭贊進帛執事者跪進于王右贊受帛王受帛以授  
執事者贊奠帛執事者以奠帛奠于 神御前贊進爵執事者  
以爵跪進于王右贊受爵王受爵以授執事者贊獻爵執事者  
以爵奠于 神御贊前再進爵如前議訖贊俯伏與王俯伏與  
妃亦與贊復位贊王與妃皆兩拜平身次詣 列聖帝后前禮  
俱同贊詣讀祝位王與妃俱詣讀祝位贊跪王跪妃亦跪讀祝  
訖贊俯伏與平身王俯伏與平身妃亦與贊復位贊王與妃皆  
兩拜平身王俯伏與平身妃亦與贊復位贊王與妃皆兩拜平  
身贊執事者捧祝帛各詣燎所贊詣燎位王與妃詣燎位贊禮  
畢引禮引王與妃還宮一回門王將之國前一月擇吉回門其

日內官先將禮物至她家王與妃儀仗導從如常儀王先行至  
妃家妃父出迎王先入妃父從之至正廳王立于東西向妃父  
母立于西東向王于妃父母前行四拜禮妃父母立受兩拜荅  
兩拜畢王申坐其餘親屬見王行四拜禮王皆坐受妃至入中  
堂於父母前行四拜禮父母正面坐受其餘親屬見妃各序家  
人禮詔如擬○戶部奏言 三王歲祿宜如榮王未之國例歲  
支祿米三千石鈔一萬貫詔可○先是戶部因給事中朱伯辰  
奏會議鹽法凡商人報中正鹽一引許帶餘鹽二引各為一包  
各連包索二百八十五斤正鹽開邊南京給引餘鹽納價運司  
給以小票其餘鹽價銀淮南定為五錢五分淮北五錢計歲得  
正餘鹽銀一百十萬餘兩詔下清理鹽法都御史王紳巡鹽御  
史黃國用勘議至是紳國用會奏言其不便謂一正二餘分為

三包每包皆有搬運缸腳包索之費商販無利且包數太多稱掣難周宜將割沒銀量扣<sup>數</sup>作工本淮南定價二錢五分淮北二錢收買餘鹽三十五萬與同額課一体開邊每引許帶餘鹽二百六十五斤仍在運司納價正餘共五百五十斤為一包支掣既免報中之難又無三包之費而正鹽在邊可廣糧草餘鹽在部多獲引價國計邊儲兩有濟矣戶部覆餘鹽既附正鹽同包索諸費價宜仍舊淮南七錢淮北五錢餘悉依二臣議行報可自是淮鹽每歲增正額二分之一引目填積商販不復赴邊而飛輓之利失矣復乃復議革工本而鹽法竟壅滯至今○改服闋南京太僕寺少卿劉學易為太僕寺少卿○巡按湖廣監察御史周如斗奉本省各衛軍器不堪寶用乞自嘉靖三十二年以後每三年為則一年造本色二年徵折色工部覆請從之○

癸卯○陞協理京營戎政兵部左侍郎聶約為本部尚書○蘇州兵備副使劉燾初以邊警從服中奪情起用至是地方稍寧奏乞終制許之○己巳命吏部左侍郎程文德充知貢舉官入院供事以禮部官有二王婚禮故也○提督湖廣川貴軍務兵部右侍郎兼右僉都御史張岳卒岳福建會安人正德丁丑進授行人率同官諫毅皇帝南巡杖闕下調南京國子學正上登極復行人歷司副至禮部主客郎中出為廣西督學僉事以改江西坐前所貢士黜落多謫廣東提舉起知廉州遷浙江督學副使右僉都御史撫治鄖陽改江西進右副都御史總督兩廣軍務討封川文德大猾腦諸巢平之進兵部右侍郎明年平陽懷遠諸獠進攻馬鞍魚窩平之召改刑部為御史奏留不果行又明年<sup>平</sup>連山獠尋進右都御史時鎮筸銅仁諸苗叛



亂朝議請遣大臣一人視師詔以岳等度苗情謂前時主撫守皆非計乃大集土漢兵檄諸將分道進剿斬獲以數千計會有恩州之敵詔奪一官未幾患酋盡殄首惡龍許保等前後就擒三方底定功未上而岳卒其後兵部覈上其功復右都御史贈太子少保謚襄惠賜祭葬如例大學士嚴嵩以兵部員外楊維盛論劾具奏待罪 上賜手勅 嵩跪謝仍乞休致 上曰覽卿陳謝已悉但求去未可辟邪黨比明說逆賊勾虜其本在卿蓋指卿贊直玄修不力沮朕顯然可見朕非內色禽者 崇事 上玄又與宋徽梁武大不同言者皆邀譽賣直卿以此乞休是墮邪計宜安心供職奉順 天休何可去耶○遣工科給事中曹未往勘已故黔國公沐朝輔幼男承襲事○丙午○禮部言親王成婚先設置王成文武職例應本部轉行各衙門

銓選但前奉 聖諭朕二子將舉婚禮一王留京一王封國是  
聖諭明析二王事不同臣等竊惟王府官僚蓋建國奉藩則  
拜進表奏開讀詔赦及 廟社祭祀官員朝賀刑名聽斷等項  
必須專官職掌而長史典寶典儀奉祀審理儀衛等員皆不可  
缺若留在京師則一應稅儀護衛等事統於朝廷自有本部及  
鴻臚寺錦衣衛等衙門分掌比之建國奉藩須備官以行者事  
體不同况 聖諭所稱留京蓋待以繼體之重比之暫留京師  
後復就國者尤為有間前項府僚似不必一縣設置仰惟 聖  
謨淵宏籌慮至熟見令婚禮將舉勅諭將頒伏乞留神裁定  
上命執事官後且在各衙門取用

大明世宗肅皇帝實錄卷三百九十三

大明世宗欽天履道英毅聖神宣文廣武洪仁大孝肅皇帝實錄卷三百九十四

嘉靖三十二年二月戊申朔○乙酉○以冊封 裕王妃告

奉先殿命駙馬鄒景和行禮 天下朝覲官陞辭賜之勅曰朕

嗣繼 祖宗洪業撫御兆民三十有二載于茲矣比歲雖暫免

常朝然裁法庶務未嘗一日少怠深念歲或弗登民受疾苦治

理罔臻夙夜請命 皇天惟以保民是務間者逆臣勾虜協君

兵不鮮備遠近供意天下駭然朕既按正其罪與民休息然念

斯民動擾之易而撫綏之難瘡痍者未瘳窮困者未復加以四

方災聞往往而有而淮徐水患尤甚朕甚為惻然專命天臣俾

往賑恤朕志雖勤而爾在外臣工不聞惜憚于心著實以救民

為意者此豈人臣佐上理平之忠哉今爾等來朝已令所司舉

旌別之典黜其不肖太甚者二三以懲其奉職鮮過者姑令還任爾等尚思朝廷所以設官為民之意體朕所以恤惠憂民之心守法持已節用厚下務俾民克樂遂國可固寧漸則與朕共承 天道者也弗是顧思而或任情自恃殘民隳政國有常刑朕不爾貸欽哉故諭○陞南京吏部郎中何遷為南京光祿寺少卿○庚戌 命太傅兼太子太師成國公朱希忠持節少保兼太子太保禮部尚書東閣大學士徐階捧冊封錦衣衛副千戶李銘女李氏為 裕王妃是日納徵 諭禮部二正親迎受 醮戒於文華殿行禮賜爵如冠儀東向賜坐飲訖跪中輔臣捧授戒命不宜用金龍箋書於是禮官具儀先一日內監設制案於文華殿中捧戒命置于案設香案于制案之南設王拜位于香案前設醮席于殿內西東向設幕次于殿之東箱教坊司設

大樂錦衣衛設儀仗俱于丹陛之東西內官光祿寺官設酒果  
金爵案于殿內西南隅東西是日內侍導王先幕次具袞冕服  
禮部鴻臚寺官啟受醮戒王出幕次導由殿東門入詣拜位鳴  
贊贊鞠躬樂作四拜與樂正贊行醮禮禮部鴻臚寺官導王就  
黝席樂作坐定樂止執事官舉酒果金爵案置于前光祿寺官  
酌酒鳴贊贊搗圭王搗圭樂作禮部官舉爵進王王受爵飲訖  
奠爵于案樂止執事官徹案鳴贊贊出圭王出圭禮部鴻臚寺  
官啟就受戒命位王降席導詣拜位鳴贊贊跪王跪輔臣捧戒  
命授王王受以授內侍內侍跪受訖鳴贊贊俯伏與樂作四拜  
與樂止贊禮畢引禮引王出至承天門外幕次釋袞冕具皮弁  
服行親迎禮詔可捧制命元輔嵩○取太倉銀十五萬兩進承  
運庫買辦金寶珍珠○癸丑 命巡撫山西兵部右侍郎許論

回部協理京營戎政。○甲寅。○以國封。景王妃告。奉先殿命駙馬謝詔行礼。○建春告大熙於朝天宮。三日夜。○禮部會試天下貢士。命少保兼太子太保禮部尚書東閣大學士徐階翰林院侍講學士教銑為考試官。○乙卯。裕王詣文華殿受醮戒行親迎禮。遂出就府。命太子太保英國公張溶持節禮部尚書兼東閣大學士李本捧冊封東城兵馬指揮王相女王氏為景王妃。是日納徵。○禮部擬二王出府各次日。群臣吉服詣府行賀禮報罷。命宣府遊擊將軍全江克右叅將分守大同中路。○初馬市未絕時虜酋俺答黃筓吉等遣夷使賫杓鬼等六人貢馬求市。大同巡撫何思以虜屢寇邊乃羈留其使以聞朝議虜果悔罪能終歲不犯塞後當以禮遣發如順逆無定國典具存當則議處分令嚴餉以俟及是馬市已奉旨罷

革總督蘇佑奏請所以處夷使者詔仍集繫之○丙辰 裕王  
率妃入宮朝見越一日行盥饋禮二日謁 奉先殿俱如議○  
陞翰林院編修瞿景淳為本院侍讀以九年秩滿也○丁巳  
孝貞純皇后忌辰 奉先殿行祭禮遣都督僉事王朝用祭  
茂陵○祭先師孔子命禮部尚書兼東閣大學士李本行禮○  
湖廣羅田縣省祭官陳絳進白兔詔畜之內苑賜緡銀幣○總  
督京營戎政豐城侯李熙奏京營已選兵四萬原議每兵器械  
銀一兩請以時給詔戶部如數給之戶部移之工部工部言本  
部雖司器械出納原無給銀例詔戶部如前旨行○戊午祭  
太社 大稷遣英國公張溶行礼 景王詣文華殿受醮戒行  
親迎禮遂出就府越一日入宮朝見及行盥饋謁 內殿俱如  
儀○陞巡撫湖廣都察院右副都御史屠大山為兵部右侍郎



兼右僉都御史提督湖廣川貴軍務山東按察司副使趙時春  
為右僉都御史巡撫山西○太子少保禮部尚書兼翰林院學  
士掌詹事府事孫承恩以老疾乞致仕許之命馳駟歸○己未  
祭 帝社 帝稷遣成國公朱希忠代公張溶徐延德侯李熙  
駙馬鄔景和謝詔大學士嚴嵩徐階李本尚書萬鏜歐陽德侍  
郎閔如霖陪祭○辛酉○啟蟄行祈穀礼于 玄極寶殿先期  
視牲命英國公張溶代是日行礼命成國公朱希忠代○壬戌  
以 二王婚礼成文武百官吉服詣奉天門行五拜三叩頭礼  
○大季士嚴嵩李本言頌徐邳水患挑濬幾成一夕水湧旋淤  
前功盡棄其或湧或淤若有神使請遣太常官齋香帛往投巡  
撫官祭太河泰山沂山金龍廟等神從之 詔新選女侍父兄  
八十家收充女戶賜給如例○遣工部右侍郎陸杰往太和山

督造玄儀賜坊名曰治世玄岳。○癸亥。○奉安先聖先師神位于文華殿東室。遣成國公朱希忠行禮。駙馬鄒景和謝詔安平伯方承裕輔臣六卿。經筵日講官陪拜。先是九年。上親行禮。聖師十一位。每位銅一。遵亘二制。帛一。太常陳設畢。上行安神禮。輔臣禮卿偕講官吉服立殿門外。俟行禮訖。諸臣入上香。行八拜禮。至十六年。移祀于永明後殿。行禮如初。及是。復自永明移祀文華。遣官奉安。詔命官如前例。候以祭服陪拜。○工部尚書歐陽必進奏。辨楊維禎所論。嚴劾忠冒功事。詔兵部查明具覆。于是武選司署郎中周憲言。臣奉詔查嘉靖二十七年。通政司狀。嚴劾忠時。年十六。因會武舉。未第。咨送西廣軍門。聽用。未及年。餘總兵官陳圭都御史歐陽必進奏。黎賊平。遣劾忠。報捷。授以錦衣衛武所鎮撫。未及月。餘嚴鵠稱伊兄。劾忠病疾。

替職稱効忠曾于軍中斬首七級併功加陞署副千戶幸 聖  
明昭鑒下本部查覈大李士嚴嵩子世蕃乃自創一稿送臣教  
臣依遵題覆臣觀其稿率誕漫支離情節舛戾請得一一折之  
如曰効忠果有勇敢何不咨送宣大而乃于兩廣之遠如曰効  
忠曾考會武舉未第何部中并無本省起送公文今又自開民  
人而不言武舉如曰効忠報捷例授所鎮撫則原籍江西立功  
廣東何不于二處帶銜而肯銜錦衣如曰効忠果鵠之親兄則  
世蕃數子俱幼且未有名効忠者如曰効忠果世蕃之子據當  
時狀止年十六豈遽能戰走親冒矢石如曰効忠果斬首七級何  
軍門諸將俱未聞有斬獲之多者獨宰相一孫乃勇冠三軍如  
此如曰効忠對敵刃創脛臂計臨陣及差委時未及一月何以  
即能飛報軍情於萬里如曰効忠到京以創甚疾故何以鵠替

職之日止告不能拔職而今又控為疾故如曰効忠試鎮撫當替則奏捷功止終本身原無承襲之例如曰効忠功次當併接例當先奏請何止用通狀而逼令司官以行臣因悉心廉訪原未有効忠者赴軍門聽用鶴亦非効忠親弟其報捷及首級皆屬虛控必進係嵩鄉曲壘又世蕃姻親依阿朋比共為欺罔臣如不言陛下何從知其奸哉且自累朝以來未聞有宰相子孫送軍門報効者今嵩不惟咨送軍門而且詐控冒功是大壞祖宗之法者自嵩始彼蔣應奎唐國相輩安得不効尤耶臣職掌所聞不敢隱默伏乞特賜寬正使天下曉然知朝廷有不可倖之功不可犯之法臣雖得罪死無所恨上以其事已下評覈實寃不候處分肆行報復令錦衛執送鎮撫司拷訊以聞已罷寃為氏兵部尚書請約遂以世蕃所屬寃稿具覆而嵩

自上疏乞免鵠官 上優答嵩因諭部臣曰爾等謂茲事無碍朕知已第輔<sup>臣</sup>懋<sup>臣</sup>詳宜特允之以慰其意○甲子○罷親耕禮遣戶部尚書方純祭先農之神○陞順<sup>天</sup>府府尹馮岳為都察院右副都御史巡撫湖廣○丙寅 恭仁康定景皇帝忌辰遣都督僉事沈至祭 陵寢○倭夷犯温州恭將湯克寬等率舟師破之俘十一人斬二十八級餘多溺死巡視都御史王忬以捷聞并上克寬等功詔賞忬白金三十兩彩段二表裏克寬等各二十兩一表裏餘行巡按御史覈實給賞○丁卯 上諭大學士嚴嵩等曰二王講讀朕聞昨秋止將尚書過口二三豈成季業還要自書入經先讀大李熟記徹講方還以中庸等接讀將去卿等點字若何肯仰倚 皇考恩教於至慈之中朕不用力今日何事克善茲不合力李可不又悞矣嵩等對曰 皇上追念

皇考訓恩敬令 二王殿下及時力孝臣等不勝欽仰臣等切惟先書入經乃古皆聖賢教人為學次第臣等昨秋所進書程據舊儀以大孝與尚書每日並讀並講茲謹當遵論而行殿下所書字做臣等每日圈點筆畫端楷日有進益臣等又惟皇上聖賞本由 天縱而 皇考慈教兼至是以 聖孝夙成動為世則今 殿下正當務孝之年蒙 皇上恩教之切膚質涵養自然日就月將而益進乎高明矣○戊辰○礼部條上二王婚後一切礼仪報曰二王講讀於各府書堂三月中旬行大朝常朝俱免第朔望各入宮拜見生母生母併王及妃生辰亦入于生母前行礼服其皮弁不冕者重父前也進賀表箋不用 郊祀雖不陪一体齋戒如礼或遣攝祭更查親王遣例以開祭畢而復免朝則其疏遣中官齋復如儀正旦冬至朕御殿

受賀次日百官常服於各府行礼免賀勿行礼部覆言親王遣  
祭例會典所載止有洪武間 太廟遣皇太子行礼永樂間勅  
皇太子攝祭 宗廟 社稷等神未見親王遣攝之文一應礼  
儀請自 上裁大學士嚴嵩亦言臣思得嘉靖二十八年十二  
月二十四日奉有 聖諭內殿原無黜戚之代今止之遵 祖  
宗舊法但二王或可代行礼係 先朝之例我 皇考比代  
孝宗多久茲迫時或只照例設祭二王子湏習之後行欽此臣  
等議得茲者 二王殿下礼已久習 奉先 太廟之祭宜如  
聖諭一体遣代得旨 太廟 奉先殿遣代俱候命下遵行  
祝稱未可用皇太子例比仍用分封爵稱之○礼部覆尚書萬  
鐘及給事中賀溼等奏請增科額以備守令之選其所增數北  
卷取五中卷二南卷三以待邊用詔取四百人南北中分數如

舊 上諭兵部朕仰思 天佑逆賊殄滅此時訪着之官校乃  
炳指示此功未賞其查議以聞○兵部言仇鵠久懷異志交通  
北虜今禍本剷除邊境寧謐寔 宗社神靈之默佑 皇上至  
誠之感通有非臣下所能贊助者但陸炳之發蹤指示旗校評  
永康等千戶李鉉指揮周宗等緝着効勞委應查錄詔加炳少  
保兼太子太傅歲支伯爵祿永康等各陞二級鉉宗等各一級  
○己巳○陞太常寺少卿雷禮為順天府尹○辛未○金星畫  
見于申位五日乃伏 上以大同教被虜患又連歲飢饉遣給  
事中徐綱查勘邊務及覈應賑軍民數月議處錢糧至是調勘  
實上聞請以大同庫事例贖罰銀六千八百餘兩及借本鎮主  
兵銀四萬八千八百兩有奇委官賑濟之人大同未償騰貴所  
給官軍折色每石僅易本色四斗雖上半年例給本色亦月止



二斗大同舊有牧馬草場今湮沒畧盡而所給科豆三斗則貧軍藉以自養無能及馬窻計本鎮官軍九萬二千人馬三萬五千二百匹請于官軍應支本色月分除原給米二斗量加一斗馬匹除原給科豆三斗量加一斗五升或可少救目前之急又本鎮將領藉口按伏稍以所部東西移從遂支客兵行糧歲費不貲宜嚴禁之又當督責司府官清侵沒牧地以復舊額戶部議覆俱從之○革南京中府僉書寧陽侯陳繼祖後府掌印懷遠侯常文濟任閒住以給事中賀溼論其不職也 命萬全都司署都指揮僉事陳力克左恭將分守宣府西路廣東都司署都指揮僉事李霽克右恭將分守廣東瓊崖○壬申○虜犯宣府新開口恭將史畧禦之敗死虜亦引去○癸酉○陞吏科都給事中何雲雁為太常寺少卿提督四夷館○潭石橋馬房革

場大時管馬房內監張昇等督責其下過嚴而箭手郭清嘗惡之乃篝火燬草事覺詔新清集示昇及戶部委官主事耿隨朝等各贖杖還職○甲戌○會試取中式舉人曹大章等四百名○總督京營戎政豐城侯李熙卒賜祭葬如例○南京兵科給事中賀涇條陳治河事宜一酌挑濬之法以濟新運謂徐州以上河道淤塞宜借撥駟遞夫役及山東河南淮揚羨餘銀兩以助河工一開新河之利以備非常謂自膠州由新以達河滄州僅百七十里中間不通者惟分水嶺十五里耳宜疏鑿新河以省漕運之費工部請下所司勘處報可○乙亥○南京給事中祁清等御史金澗等以例糾劾原任陝西左布政使今陞吏部右侍郎葛守禮原任山東按察司今陞都察院右僉都御史駐守昌平周琬皆濫冒京堂章下吏部覆守禮文行著稱琬才力

可用宜留守禮供職而令琬回籍候勘詔可○丙子○春分祭  
大明于朝日壇遣成國公朱希忠行禮詔以三月朔建祈年  
大與于大高玄殿六日停刑禁屠如例遣公張溶徐延德駙馬  
鄒景和謝詔伯王瑾尚書萬鏜方純顧可學侍郎馬坤分詣各  
宮廟倉祠行禮

大明世宗肅皇帝實錄卷三百九十五

嘉靖三十二年三月丁丑朔 孝肅皇后忌辰遣武定侯郭守

乾祭 裕陵○祭歷代帝王遣英國公張溶行祀伯陳圭王瑾

尚書萬鏜聶豹分奠○陝西大飢詔發本布政司及西鳳等府

倉庫錢穀賑濟仍以本省開納事例銀一萬兩佐之○己卯

命雲南道御史徐南金提督直隸學校○辛巳○陞山東右叅

政王輪為都察院右僉都御史駐守昌平○陞廣東按察使張

元冲為本省右布政使江西右叅政馬森為本省按察使○壬

午 命吏部左侍郎程文德兼翰林院季士掌詹事府事 命

兵部右侍郎楊博兼都察院右僉都御史巡邊○甲申○山東

飢詔發臨清倉粟及泰山香錢賑之○南京兵部尚書屠楷以

疾乞致仕許之 命從軍都督府掌府事平江伯陳圭總督京

營戎政以修築蘭州邊垣工完賜總督尚書王以旂巡撫都御史謝蘭柯相巡按御史張西邨尚簡兵備副使江東等銀幣有差。○乙酉。○革大同遊擊將軍麻隆朱漢任下巡按御史提問罷左副總兵趙臣間住守備指揮郭時徐玄張本胡憲回衛差操以查勘左給事中徐綱劾其不職也。○丁亥。○岷世子定耀請勅管理府事從之。先是河南望寶縣礦徒黃守矩聚眾流劫拒殺潼關衛指揮盛德陝西守臣獲之以聞并奏西安後衛把總指揮吳徵等失事罪詔誅守規梟示未獲者嚴加緝捕吳徵等下巡按御史逮問。○巡按雲貴御史趙錦劾奏大李士嚴嵩曰臣伏見今年正旦日食災異非常又山東淮徐間連歲大水四方地震疊見章奏變不虛生必以類應臣愚謹以天意驗之人事醜虜驕橫時肆侵陵關臣怯寵擅作威福真若影嚮

之不謬者昔我太祖高皇帝罷丞相散其權于府部諸司而  
總之于朝廷 聖祖所為萬世慮者至深遠也 成祖文皇帝  
時始命鮮縉楊士奇等七人入直內閣然初皆編修待詔等官  
終永樂之世亦不過春坊李士之職取其足以代王言備顧問  
而已洪熙中楊士奇等始以東宮舊恩兼領保傅景泰中王文  
復以保傅之重兼領冢宰于是內閣之權日以重而 祖宗之  
微意寔以失矣 列聖相承循為典故議者以為今之內閣  
無丞相之名而有丞相之實非 高皇帝不設丞相本意當然  
時諸臣雖身居冢宰與謀議猶未敢招權市寵公行賄賂故  
內閣之權雖重其弊猶為未極頃者夏言以貪暴之資厠跡禁  
靡今大李士嚴嵩復以奸佞之雄繼登台陽怙恩寵以張其威  
權假刑賞以行其愛憎事無大小咸專于己人有少違必中以

禍於是百官望風懾息天下之事未以聞于朝廷先以聞于內閣白事之官班候于其門請求之路輻輳于其室如銓司之黜陟本兵之用舍尚書每先白嵩許可而後具題其清要之職優厚之地非內閣之私人與通賂者則不可得邊臣苟失事必扣起軍糧行賂嵩所賂入則順指諸司曲為擬議無功者受賞有罪者免刑体勘之臣覩冒濫而不敢上聞執法之司知寬抑而莫能伸理至于宗藩勛戚之封襲文武大臣之贈謚亦惟視賄賂厚薄以為遲速予奪而莫之顧諸凡中外臣寮或以遷除致謝或以出入覲道大者千百小者數十奇珍異綵水運陸輸者則又視為常例其他希寵干進之徒妄自貶損稱呼非類頌美功德奴顏婢膝于其前而廉恥掃地者則臣所不忍言也 陛下天縱聖神乾坤剛獨運自以為予奪由宸斷題覆在諸司

閣臣不過稟擬取裁而已而不知諸司之題覆則已先受其風  
旨閣臣之稟擬莫非兩行其胸臆群臣敢怒而不敢言 陛下  
何由而知之今言雖莫迹于天誅而嵩猶得以播其惡者蓋言  
剛暴而踈淺其惡為易見嵩柔佞而奸深其惡為難知嵩窺伺  
逢迎之巧似于忠勤諂諛側媚之態似于恭順能值私人布列  
要地以探諸臣之動靜而先發以制之故少敗露又善以原賂  
結 陛下左右之人允深宮起居意向無不先得故多稱旨或  
俟 聖意所發因而行之以成其私或因事机所會從而執之  
以肆其毒使 陛下思之則其端本發于朝廷使天下指之則  
其事不由于內閣幸而洞察于 聖心則諸司代嵩受其罰不  
幸而遂傳于後世則 陛下代嵩任其咎嵩之術誠巧矣以  
陛下聖明所以傾心任萬人屢言而不疑者豈誠以嵩為賢也



自嵩輔政以來惟恩怨是酬惟貨賄是好政權悉歸于掌握而各司皆不得其職群臣憚陰中之禍而忠言不敢以直陳四方習貪墨之風而閭閻日見其愁急頃自庚戌之後醜口陸良臣見陛下嘗募天下之武勇以足兵矣竭天下之財賦以寧邊矣搜天下之遺逸以任將矣行不次之賞莫測之威以風示中外矣重兵戰之功寬損軍之法以展舒諸臣矣而封疆之臣竟未見有能制醜虜之死命而紓宵旰之憂者何哉蓋緣權臣行私將吏用倖以剗剗為得計以營求為有能遂至朝廷之上用者不賢賢者不用賞不當功罰不當罪使下款致太平則群臣不足承德于左右款遏戎寇則將士不足禦侮于邊疆財用已竭而外患未見其底寧民困已極而內變日虞其將作蓋右者雖中材之主輔佐得人猶可以小康而無患今陛下躬秉至

聖憂勞萬幾三十二年于茲矣而天下之勢其危如此非嵩之  
奸邪何由以致之臣願陛下觀上天垂象之顯察二祖  
立法之微念操柄之不可使移思紀綱之不可使亂將嵩早賜  
罷黜以應天變疏入滿待罪乞罷上溫旨慰留不允乃手批  
錦疏曰錦疏可疑具明誇君上情罪欺天錦衣衛亟發官校械  
繫來京問嚴鵠前職無有邊礙非慰嵩情非可為令邪長正沮  
可乎其仍照前行令鴻臚寺官諭嵩以朕意即入直贊後錦械  
至下詔獄杖四十擬贖徒降雜職用特旨黜為民○己丑○周  
府瑞金玉勤煥薨賜祭葬如例○庚寅武宗毅皇帝忌辰  
奉先殿行祭禮遣都督僉事沈至祭康陵以廷試天下貢  
士命少師兼太子太師吏部尚書華蓋殿大學士嚴嵩少保兼  
太子太保禮部尚書陳閣大學士徐階禮部尚書兼東閣大學

士李本吏部尚書萬鍾戶部尚書方純兵部尚書聶豹刑部尚書何鰲工部尚書歐陽必進太子太保都察院左都御史屠僑掌詹事府事吏部左侍郎兼翰林院學士程文德通政使司通政使趙文華大理寺卿盧勳翰林院侍讀學士教銳克讀卷官陞工科左給事中謝登之刑科左給事中張思靜俱都給事中心吏科右給事中戴才工科右給事中李用敬戶科右給事中心游震得俱左給事中刑科給事中李敏兵科給事中朱伯辰俱兵科命分守大同北西路左叅將張涑克左副總兵守協守大同○辛卯○清明節遣英國公張溶武安侯郭守乾長寧伯周大經玉田伯蔣榮分祭八陵都督僉事王朝用祭恭仁康定景皇帝都督僉事沈至祭孝潔皇后哀冲莊敬二太子中官祭恭讓章皇后各陵墳○策試天下舉人制曰朕聞

后克艱厥后臣克艱厥臣者是上下之職均有甚不易之理昏才之主亦多此之上者曷不自勉諸邪朕承 皇考 皇妣近澤所鍾丕荷 上天明命簡畀后職勉法 祖宗敬 天愛民由胞及與未嘗敢忽何為臣者無克艱之恩每懷欺于謗甚至勾沙漠以為骨肉但逞劫主之逆不顧胞與之害此其至大者他皆可例馮君免臣芳都能言諸口心身力行甚少先行其言之聖訓視作空言矣尔多士身未居于位而心志正在明白地聞見久矣必有不易之論直直列于篇以對○壬辰○廢故大學士楊一清曾孫祖植為國子生初一清男紹芳等俱以他恩出身而三品考滿恩尚未錄授至是宗植援例陳乞許之○工部左侍郎吳尚德三載考滿廢其孫淮為國子生 命戍國公朱希忠掌後軍都督府事○癸巳 賜故大學士楊士奇祠額

及春秋祭文從江西按察御史蕭端蒙請也。○甲午 賜貢士陳謹等四百三人進士及第出身有差次日賜宴于禮部命國公朱希忠主宴。○丙申。○巡按山西御史李一瀚奏虜自二月兩犯河曲老營堡諸處因叅署西路叅將事守備曾懷忠坐營千戶楊秉礼河曲知縣丘華損軍缺事罪俱當問總兵官李涑趨戰愆期致虜得利巡撫許論轉官未赴亦難辭責復言總兵官蘆駐偏頭關後畏俱孤懸乃東移寧武去河凡二百餘里何以備援此失事勢一也禦東軍士蘆為一班併力防守今分兩班月一更換前者歸不俟代後者至每愆期此失人力二也往河水將凍將領督軍敲冰以通河流拒絕渡馬仍于河岸疊水澆水此如堅城以遏長驅今皆無之此達天險三也國家置將養兵本以禦侮保塞而諸將泄泄若此何所用之事下兵部兵

部言懷忠宜革任東東札華俱付巡按御史逮問沫等俟勘至處分總兵駐劄地方請令總督撫按官履議許論已被召協理京營若侯勘明恐妨營務得旨論履任管事餘如擬已總督侍郎蘇祐等履議偏閑迤西當防者止在冬春河凍之時而鴈門一帶實大同唇齒虜騎南下之衝總兵官當仍駐寧武隨警東西調度俟冬月河凍則拘機潛赴偏閑設伏防守詔如議行命遂安伯陳璉掌右軍都督府事○丁酉 賜狀元陳謹朝服冠帶及諸進士寶鈔次日謹卒諸進士上表謝恩○戊戌○戶部言屬者屯田御史陳效古清查大名廣平二府乾沒收地得三千一百二十五頃有奇宜如所定上中下三則徵課解太倉銀俸以給京營馬芻收之費其潼關衛收地五十頃每年徵收麥粟卽入潼關倉為官軍月糧報可○兩廣提督侍郎應楨等

言嶺西左叅將駐肇慶兼管雷廉相去幾二千里控制既遠策應尤難海南右叅將駐瓊州與雷州隔海直止五里去廉州不及五百里乞割雷廉二府轄右叅將而令左叅將兼管韶廣兵部議復從之。○辛丑。○陞尚寶司司丞陸瑋為本司少卿。○巡按直隸御史黃李瑞上言居庸關鎮邊城連終橫嶺虜所必由乃止戍卒五百餘人迄選增至千人城東北隘口止二十人迄選增至二百人並給營房衣糧添設總管官一員其鎮邊守禦千戶所舊屬白羊宜就近改屬橫嶺守備使兵部議覆從之已乃給新募軍士履甲及營房衣鞋銀三千餘兩如李瑞言。○壬寅。○改禮部左侍郎孫陞為吏部左侍郎陞兵部右侍郎楊博為本部左侍郎巡撫陝西右副都御史賈應春為兵部右侍郎。○癸卯。○左給事中徐綱言大同邊牆自東路平遠堡至了角

山止延袤六百八十餘里其堡大人多堪以防禦者九百三座  
堡小入少應歸併者四百一十二座俱置委官督工修理擬七  
月初起工計用糧萬三百二十餘石即于防秋行糧支給銀萬  
三千三百九十餘兩請發內帑給之兵部言七月防秋非與作  
之時請即以閏三月與役七月報完帑銀如數給發報可 命  
武安侯鄭崑掌南京後軍都督府事豐潤伯曹松食書左軍都  
督府事○吏部尚書禹鏗九年秩滿遣中官賜羊酒鈔貫加太  
子少保○改兵部署郎中徐陟為尚寶司司丞○授第一甲進  
士陳謹翰林院修撰曹大章溫應祿編修○甲辰○宣府報虜  
數萬騎牛青邊口入犯遊擊孫邦丁碧與虜戰却之邦亦被創  
上嘉邦碧奮勇禦敵俱賜金幣陣亡及被傷者並加優恤尋  
又寇宣府深井堡副總兵邢都戰沒官兵死傷頗多巡撫御史



蔡朴以開升泰總兵官吳勝邊防怠弛罪當首論參將許寶廉宗李欽遊擊祁劬張西教按兵不援而巡撫都御史劉傑督理失善繼督侍郎蘇佑調度無功厥罪惟均乞通行懲究得旨鼎身任主將至虜深入本宜械治姑梳其戮登軍門取死罪伏勦虜立功後秋防跋奏處置等侍俸歲罪視事祐奪俸三月令策勵供我賜都諭祭六壇有司營築立祠春秋致祭。丙午。○建祈年歲典於供應雷壇九日停刑禁屠如例又以春深未聞雷雨諭禮部祈禱遣公張溶徐廷德駙馬鄒景和謝詔伯陳圭尚書歐陽德顧可李方純侍郎馬坤太僕寺卿張舜臣詣各官廟倉祠行礼。○兵科給事中朱伯辰言臣伏觀高皇帝定鼎金陵于時即築外城聖慮宏遠蓋為萬年之計文皇帝移都北平審邇邊塞頗有城無郭都則以締造方始未暇盡制耳邈

因虜警 聖上俯俞言者之請修築南閩臣民甚幸緣將事之  
臣措置失當毀舍敎財拂民與怨且所築僅正南一面規制偏  
隘故未成旋罷臣竊見城外居民繁夥無慮數十萬戶又四方  
萬國商旅貨贖所集宜有以圍之矧今邊報屢警嚴天府以伐  
虜謀誠不可不及時以為之國者臣嘗履行四郊咸有土城故  
址環繞如規可百二十餘里若仍其舊貫增卑培薄補缺續斷  
即可使事半功倍矣通政使趙文華亦以為言疏俱下兵部  
會戶工二部議 上以二臣言問大季士屢嵩言南京有外城  
成祖定踴北京以草創未暇及此今外城之築及舉心所同  
果成亦一勞永逸之計其握墓移舍等事勢所不免成此大事  
亦不怨恤耳臣詢知南閩一面昨歲與築功已將半若因原址  
修築為力甚易 上曰 成祖時非但外城未暇還有本重如

九廟者今頤四面與之乃為全筭不四面未為王制也嵩對  
誠如 聖諭請示部臣遵行已兵部會戶工部覆入具如伯辰  
文華言請命總督京營戎政平江伯陳圭協理侍郎許倫錦衣  
衛掌衛事陸炳督同欽天監官同臣等相度地勢擇日興工詔  
從之

大明世宗肅皇帝實錄卷三百九十六

嘉靖三十二年閏三月丁未朔○裁革廣東增城縣烏石驛○  
己酉○太子太保兵部尚書總督陝西三邊軍務王以旂卒以  
旆應天府江寧人正德辛未進士以知進選御史歷陞兵部右  
侍郎辛丑詔兼左僉都御史總理河道遯南京都察院右都御  
史歷兵部尚書提督營務尋以尚書兼右僉都御史總督陝西  
三邊前後禦虜擒斬以千數其所繕障塞堅壯可恃西人賴之  
至是卒賜祭葬如例贈少保謚襄敏廕一子為國子生○辛亥  
○陞禮科右給事中李敏刑科右給事中王鳴臣俱左給事中  
兵科給事中徐公邁刑科給事中李幼滋郭鑰俱右給事中敏刑  
科鳴臣鑰俱工科公邁吏科幼滋戶科○民兵營參將左顯疏  
乞養病 上讓顯託疾避難下兵部恭治言顯罪當革職提問

詔革去歲紙姑與冠帶仍領民兵不許推避。○壬子。○吏科請以主事等官考選科道詔以為啟奔競不許。○癸丑。○發太倉庫銀十三兩於睿雲三萬兩於昌平專備容兵糧餉。○乙卯。○陞禮部右侍郎閔如霖為本部左侍郎太常寺卿管國子監祭酒事吳山為右侍郎。○陞河南左布政使謝九儀為都察院右副都御史巡撫陝西。命成安伯郭應乾僉事。中軍都督府事分守大同北東路右叅將集澤分守肅州右叅將崔麒俱克副總兵官澤協守宣府麒協守延綏。○丙辰。○兵部等衙門尚書聶豹等言臣等欽遵于本月初六日會同掌錦衣衛都督陸炳總督京營戎政平江伯陳圭協理戎政侍郎許論督同欽天監監生楊緯等相度京城外四面宜築外城約計七十餘里臣等謹將城垣制度合用軍夫匠役錢糧器具與工日期及提督工

程巡視公理各官一切應行事宜計處停當逐一開具并將羅城規制畫圖貼說隨本進呈伏乞 聖裁施行一外城基趾臣等踏勘得自正陽門外東道口起經 天壇南牆外及李興王金箔等園地至蔭水卷牆止約計九里轉北經神水廠樟鹿房小窩口等處斜接土城舊廣禧門基趾約計一十八里自廣禧門起轉北而西至土城小西門舊基約計一十九里自小西門起經三虎橋村東馬家廟等處接土城舊基包過彰義門至西南直對新堡北牆止約計一十五里自西南舊土城轉東由新堡及墨窰廠經神祇壇南牆外至正陽門外西馬道口止約計九里大約南一面計一十八里東一面計一十七里北一面勢如椅屏計一十八里西一面計一十七里周圍共計七十餘里內有舊堪<sup>址</sup>固者約二十二里無舊址應新築者約四十八里間

有遷徙等項照依節年題准事例撥地給價務令得所一外城  
規制臣等議得外城牆基應厚二丈收頂一丈二尺高一丈八  
尺上用甃為腰牆梁口五尺共高二丈三尺城外取土築城因  
以為濠正陽等九門之外如舊彰義門大道橋各開門一座共  
門十一座每門各設門樓五間四角設角樓四座其通惠河兩  
岸各量留便門不設門樓城外每面應築敵臺四十四座每座  
長二丈五尺廣二丈收頂一丈二尺每臺上蓋鋪房一間以便  
官軍棲止四面共計敵臺一百七十六座鋪一百七十六所城  
內每面應築上城馬道五路四面共計馬道二十路西直門外  
及通惠河二處係西湖玉河水出入之處應設大水閘二座八  
里河黑窯廠等處地勢低窪潦水流聚應設小水閘六座城門  
外兩傍工完之日擬各蓋造門房二所共二十二所似便守門

人員居處一軍民夫匠役臣等議得修築工程除地勢高低修補不一臨時另計外查得先年築城事例每城一大計該三百餘工今周圍外城該七十餘里及門接外水閘敵臺馬道運送物料等項工役頗繁應用夫匠人等數多所有運料車輛并人夫匠作合令工部雇募其運土築城兵部將備兵班軍分為二班撥發與工部雇募夫役相兼做工夫匠工食查照節年估定銀數支給班軍行糧之外日給藜菜銀二分俱于請發銀內動支其備兵原無行糧今議上工日期照依班軍一体支給及照丈尺工數如敵臺門座長短厚薄不齊亦各隨宜分俱以前項工大計人扣日以稽工程一錢糧器具臣等議得概瓦木植及夯杵梯板等項除工部見有著外其門座外閘等項各用石料及添造概瓦增器用雇募夫匠工食各軍藜菜等費約用銀



六十萬兩相應戶兵工三部度給俱量見在貯積多寡出辦戶部度發二十四萬兩兵工二部各度發一十八萬兩共足前數俱送順天府貯庫戶部專差司官一員掌管同該府佐貳官一員收支如有不敷聽臣等臨時奏請事完通將用過銀兩數目備細造冊奏繳一督理官員臣等議得前項工程事體重大各該督理內外官員必須專委責成方可濟事今擬請差內官監官一員兵工二部堂上官各一員掌錦衣衛事左都督陸炳總督軍營戎政平江伯陳圭各不妨原務提督修築都察院工科各請差給事中御史一員往來工所巡視糾察奸弊前項諸臣仍各請勅一道欽遵行事兵工二部堂上掌印官每三日輪流一員前往工所看視其日逐查點軍夫管理工務驗放錢糧等項戶部劄委司官二員兵工二部各四員錦衣衛千百戶二員

京營叅遊官二員各照職掌管理其分區催饋等項聽提督大臣選委五城兵馬及各衙經歷等官與同各該官匠協力幹濟臣等仍設法稽驗務求堅久但有修築不如法三年之內致有坍塌者查提各催工人員及原築工匠問罪責令照依原分地方修理其各官應得廩給戶部查照一体支給疏入得旨俱允行○進封襄王厚頰嫡母妃王氏為襄惠王妃○發太倉銀一萬七千七百兩有奇於大同鎮為修邊軍夫行糧○丁巳命兵部右侍郎賈應春兼都察院右僉都御史總督陝西三邊軍務○陞南京太常寺卿張鏊為南京大理寺卿○補蔭故戶部尚書張璠孫嘉蔭為國子生○黜原任福建按察司巡海副使柯喬為民以捕獲沿海道番奸人不候命輒斬之故也○庚申○兵部覆於事中徐綱條奏邊務四事一大同原額官軍十二

萬六千二百餘人各營分設以有定數今缺至三萬八千餘人  
頻年隨補隨逃營伍甚虛乞先將極邊平遠等堡缺于軍附近  
衛所軍餘選補餘者備開籍址上兵部以憑發冊清勾其各營  
多用官軍悉令退出以補其缺一大同左右雲川玉林威遠平  
虜六衛距鎮二百餘里而正奇遊兵皆駐鎮城勢又偏重乞移  
副總兵張沫駐右衛遊擊李桂駐威遠其松樹靖虜二堡極邊  
而操守官職卑軍少宜與山陰聚落二城守備更調防禦仍抽  
選精壯軍餘每堡各足八百名一各城堡器械缺壞者多乞于  
山西行都司及諸衛所閔給一大同諸營缺馬一萬五千餘匹  
乞發太僕寺寄養馬三千匹及銀四萬八千兩給之報可○辛  
酉○詔革諱府樂平王府輔國將軍旭桐襄陵王府鎮國中尉  
旭檀爵為庶人發高牆禁住降襄陵王府奉國將軍旭棕旭楠

鎮國中尉旭相為庶人停韓世子謨璵長洲王融峻長樂王融  
煇慶陽王謨墊襄陵王府國等將軍偕漁偕泚旭摘旭拊旭揚  
旭檄旭杓鎮國中尉旭榕祿米各一年革襄陵王融焚祿米三  
之一仍勅諭韓王融燧改過守法管末宗室初襄陵王融焚用  
鎮國中尉旭檀等謀疏連宗室二百六十餘人奏許韓王兼并  
山田市肆虐殺無辜招集無賴諸奸利隱隱事証以有不軌圖  
韓王亦擬襄陵王諸宗室充淫不法事奏之 上以事干宮壺  
遣內監官張朝往同撫按官會勘合得其狀旭桐嘗齒父傷指  
檀倡議証許綜桐黨惡行凶楠王刀筆融峻等及偕漁等各  
不法罪狀融焚扶私逞忿証及親王而亦多為不義韓王貪得  
嗜利任用匪人兼并恭橫事各有跡餘皆証妄故削奪罰戒有  
差其所占官氏山田等地各給主入官諸除置黨悲俱論如列

○徽王載瑜以修理祖塋請 上命工部查例工部言王府墳塋原無重修例先年吉王給人夫三百五十名趙王給銀二萬二千四百餘兩俱出一時特恩其後因河南撫按官會奏各王府工程重疊民力不堪有詔停止仍命該部自後有違例奏請者不許朦朧具覆今徽王所請應否給夫給價臣等不敢擅擬 上不悅手詔詰責該部竟用趙王例給價○刑部左侍郎兼都御史吳鵬河道都御史曾鈞等奏言黃河自古為患其治之之術不過疏濬塞三法而已比年淮徐水患議者謂海口積沙壅閣下流所致今臣親歷其地販鬻之舟往來無滯乃知積沙之說出自傳聞無容議矣惟草灣老黃河口劉伶臺宜挑濬築塞使水復故道不致橫潰三里溝新開河口迎納泗水清流可以避黃河之衝墊宜創建閘座以時啟閉但工費不貲乞于常

鎮二府錢糧數內量給接濟臣又惟黃河西來萬餘里匪納百川古疏九河以殺之猶莫能支今自河南以下全派經陸出清河匯淮以趋于海而無所分其流益壯其勢益決徐邳一帶頻年衝潰湮淤之患皆上流少分殺之故也宜于徐州上流至河南開封等處地方相度舊道擇其便利者疏濬支河一二處以分殺水勢為永圖之利疏入詔如議惟分殺黃河上流令鵬鈞會同河南撫按官勘處以聞○壬戌○是年三月初五日虜犯延綏攻圍墩臺總副兵李梅出兵禦之戰沒遊擊李玘被重創官軍死者四十八人傷者百二十九人事聞詔責巡撫張珩總兵韓欽姑歲罪任事贈毒後軍都督府左都督仍賜祭塋賸一子指揮僉事世襲立祠祭致賜珠銀三十兩紵絲二表裏死傷官兵優卹如例○甲子○銜府新樂王厚棟范賜祭塋如例○

陞南京光祿寺卿鄭統為南京太常寺卿。乙丑。○建京師外城與工。遣成國公朱希忠告太廟。遂勅諭提督城工等官曰：古者建國必有內城外郭以衛君守民我成祖肇化北京郭猶未備。蓋定鼎之初未遑及此。茲用臣民之議先告聞于祖考。爰建重城。周圍四羅。以成我國家萬世之業。擇閏三月十九日與工。唯茲事體重大。工程繁浩。特命爾總督京營戎政太保兼太子太保平江伯陳圭少保兼太子太傅掌錦衣衛事左都督陸炳協理京營戎政兵部右侍郎許論工部左侍郎陶尚德與同內官監右少監郭揮提督工程錦衣衛都指揮使朱希孝指揮僉事劉鯨監督工程。其各照四周地面協心經畫分區督築。務俾高厚堅固。刻期竣事。用永壯我王度。欽哉。已有命吏科左給事中秦梁浙江道御史董威巡視工程。○陞巡撫江西右

副都御史翁溥為兵部右侍郎。○陞翰林院侍講學士敖銑為太常寺卿。管子監祭酒事。○辛未。○寧夏衛地震。○壬申。○福建羅原縣地震。有聲如雷。○癸酉。○戶部言京營牧馬草場額徵子粒銀一萬三千五百餘兩。近為總督戎政官奏留贖軍公用實濟。已私宜速改正。上命查牧馬舊規。以聞。已。戶兵二部因言宜查牧地復收政資採青之利。裁請給之。端。上以兵馬正在訓練。不當收議。仍令屯田御史清查牧地。俟其完報。別議以聞。○甲戌。○海賊汪直糾漳廣群盜。勾集各梟。倭夷大舉入寇。連艦百餘艘。蔽海而致。南自台州嘉湖。以及蘇松。至于淮北濱海。數千里。同時告警。○乙亥。○賊攻破浙江昌國衛。屯據凡五日。叅將俞大猷以舟師攻之。始去。



大明世宗肅皇帝實錄卷三百九十六

大明世宗肅皇帝實錄卷三百九十七

嘉靖三十二年四月丙子朔時享 太廟先期禮部請遣親王

行禮不允仍命成國公朱希忠代。以久旱禱雨于內殿停刑

禁屠六日。兵部尚書聶約言大同需修邊犒軍銀一萬三千

三百九十兩已得旨令戶部屢發而戶部議為本部職掌款于馬

價內查給今邊工方興經費既急臣等不敢及覆瀆請已議取

太僕寺馬價待發但兵馬錢穀各有司存今本部馬價所餘不

及二萬戶部自常額外各省庫藏所積頃歲一切搜括起解無

非為濟邊之用而臨事復阻怯如此乞勅令協心共濟國事

上以為治詔各鎮修邊銀遵原議給發不許互諉。巡視浙福

鄰御史王忬條上海防事一一禁近海豪民通引倭夷以絕禍

本二照各邊例惟以奮勇血戰為功不以損傷 軍為罪三選

調閩浙兵相兼採習以資防禦四通行兩廣南直隸巡撫操江  
官遠行哨探分布兵舡彼此夾攻五兩省守巡兵備官查照原  
定地方常川駐劄以便責成六寬禁令以開自新如脅從賊犯  
准令投首積年渠魁亦聽歸降七閩浙魚舡量議收稅并議漳  
州橋房拖欠稅課及查理鹽課以助軍餉八濱海頑民接濟夷  
寇及走漏消息者乞以正犯處之極刑全家發邊衛充軍部覆  
俱從之○光祿寺卿竇一桂奏工部原借本寺銀三十四萬餘  
兩今供應不敷請補還令工部言部貯寺儲俱朝廷錢糧邇因  
大工繁興通融措用豈宜責償第即既稱缺乏請以節慎庫見  
銀一千六百餘兩待追完通負共廷玆萬兩還之報可○丁丑  
○陞南京太常寺少卿錢邦彥為南京光祿寺卿南京禮部郎  
中歐陽衢為南京尚寶司卿○兵部給事中游震得上言理財

恤民事宜國家費有常經賦有定制今司計者既徵常賦又開事例又時括借加派其取之民者無遺策矣而太倉一歲之入不足以供一歲之出乞下部臣覈每歲出入之數朝廷當明布儉德以示天下然後修復屯鹽鹽政及招人開墾荒田寬其稅額使農多而粟廣則財用自足一淮浙各有巡鹽御史復設都御史十年九牧民不堪命至幾編派補商病民尤非善政宜稍為寬蘇以恤民隱奏入得旨鹽法都御史去留該部集議未聞餘如震得言已廣西道御史霍冀奏亦請革裁鹽法屯牧營田都御史上曰各官係言官建議添設未幾又請裁半似此紛更國是何由而定吏部會同戶部備查先年何人建議及各官有無裨益應否裁革從公定擬具奏尚書萬鏞等言兩年言官黃如桂趙錦朱伯辰等日觀時艱故各建議設官乃今各臣

任事以來或沮于時勢之艱虞或妨于事體之牽制在常職不無小補之勞在地方未收弘濟之效故復議裁省宜如所請令都御史王紳王達王璣俱回籍候 上以其議示大學士嚴嵩嵩言言官論事皆無深慮偶有臆見任意陳奏該部不審可否畏奉言官一槩題覆准行及行而窒礙輒又議革者非止一端似此議論紛更甚非政體今次有旨令從公看議則又依違兩可却為之解釋曰或沮于時勢之艱虞或妨于事體之牽制又曰在常職不無小補之勞在地方收弘濟之功夫特簡憲臣專勅行事豈為常職既云未收弘濟之功則有負朝委任即當參究罰治豈只順從裁革收回聽用緣初推奉之時該部未能為官擇人如先年王瓊趙鏐亦係添設清監理法都御史彼皆于監政有濟不為徒設今官不得人幹理無效而坐得美陞又無怠

之罰人心何以知警 上以嵩言為是批示部曰天下大政屬  
之六部言官意見或有異同部臣當執可否以為行止爾等何  
每事輒與題覆以致方行遽改甚非政體今奉旨會議又徇情  
回護專事依違姑不究王達等俱裁革回籍聽候其行事有無  
成效今所在巡按御史覈實以聞○戊寅○經畧邊務兵部右  
侍郎楊博言昌平陵寢所在如駐守都御史若無事權百凡  
掣肘宜割涿霸宛平良鄉房山同安永清東安武清灤文安  
保定大成及昌平順義懷柔共十七州縣並境內衛所屬之昌  
平都御史易以提督兼巡撫名目與順天巡撫勢相犄角總督  
官開府劍州居中調度其昌平副總兵亦乞加以鎮守名目節  
制 天壽山翠華城黃花鎮居庸關等處以便戡守至于黃花  
鎮原非虜衝而渤海近切近賊巢宜移黃花鎮參將駐渤海時

令其往來督理移勦海所守備代之又鎮邊長峪橫嶺三城最為要害今止設守備一人把總二人權輕兵寡不堪戰守白羊口僻在一隅虜所不至反設遊擊一人守備一人殊為失策宜將白羊口遊擊移駐鎮邊城分所部各千人助守鎮邊長峪橫嶺三處白羊口止留守備亦足防禦矣仍勅宣府守臣相度山後道皇陵路程速議修守毋分彼我其永安翠華二營缺馬二千二百五十匹乞令太僕寺給之軍下兵部尚書聃豹等言昌平都御史本逆寫奏設令欲割順天巡撫所屬隸之則事權體統未免分裂况順天永平自虜患以來已增設總督軍門又於沿邊分為八區各置叅將遊擊不為不多矣使人懷其濟畿備自保無虞臣以為昌平都御史可革但責之順天巡撫令秋防移駐其地見任都御史王翰伴回京聽用但改設副總兵亦

足專護 陵寢餘皆如博議詔依部擬 博又言古北口潮河川及鎮邊長峪橫嶺三城為虜入要害乞於古北潮河列亭彰築城垣于三城再宜增置叅將盜兵防守仍先檄提督時陳移兵二枝駐近地為援報可○禮部言 二王講讀舊規開以二月八月初旬輟以五月十一月初旬今有閏三月請于四月輟講不為例內侍書官每日啟王溫諫仍日書百字送內閣圈註講讀等官每半月恭謁各府起居如王更欲授書進講及質問疑義字法各官亦得自效詔可○陞湖廣右布政使鄒守愚為河南左布政使四川左叅政黃光升為廣東按察使○己卯○陞江西左布政使蔡雲程為都察院右副都御史巡撫江西 命左春坊左庶子郭朴兼翰林院侍講學士掌管院事○山西忻州定襄縣縣地火有聲如雷○壬午○初山東江北連歲



水旱飢民蠡為起盜劇賊時州時愷馬愛等各聚眾數百人流  
叔沂邵開燒燬加口鎮地方甚彼其害巡按直隸御史李逢時  
以聞詔停山東淮安撫臣沈應龍連鑛及兵備等官俸令尅期  
平定至是山東麥收甚穰飢民多歸就業應龍等復檄許群盜  
自首于是賊勢衰耗諸首惡多就擒應龍等以事平具聞詔斬  
所擒獲諸盜而貸其自首者命應龍等支俸如故然應龍苟冀  
無事諸賊束手雖免蹟章灼皆貸不問而民間受害家屬稍行  
捕報即痛治以刑由是賊黨驕矜良民喪氣而所在剽掠公行  
矣○癸未○寧夏地震有聲○丙戌○浙江舟師破賊于松門  
港把總夏光等擒賊四十四人斬首二十九級 上諭輔臣嚴  
嵩等曰建城一事固好但不可同力傷財枉作一番故事如下  
用土上以磚石必不堪久須圍垣以土墜築門樓以磚包而可

承重一二年定難完朕聞西面最難用工者茲經始不可不先  
思及之嵩傳示在工諸臣平江伯陳圭都督陸炳侍郎許論等  
圭等覆言重城四面原議用土堅築其築口腰牆及各城門始  
用磚砌惟西面地勢低下土脉流沙稍難用工宜先完南面由  
南轉東北而西以次相度修理 上允之令嚴嵩督工匠以漸  
修築毋致虛糜財力 上又慮工費重大功不易以問嵩等嵩  
等乃自詣工所視之還言臣等今日出視城工時方修築正南  
一面自東及西延長二十餘里詢之各官云前此難在築基必  
深取實地有深至五六尺七八尺者今基築皆已出土面其板  
築土有終起一二板者有築至四五板者其一最高至十一板  
蓋地有高低培墊有淺深取土有近遠故工有難易大抵上板  
以後則漸見效矣 上諭答曰卿等以上義具聞謂委難重然

既作之必果持久方可但土質恐未堅或曰且做看此非建大事者之思也又或仍以原牆說正先作南面待耐力都祿時再因地計度以成四面之計或同圭等一詳計之於是嵩詹圭等議覆京城南面民物繁阜所宜衛設今丁夫既集板築方與必取善土堅築務可持久築竣一面總挈支費多寡其餘三面即可類推前此度地畫圖原為四周之制所以南面橫闊凡二十里今既止築一面第用十二三里便當收結庶不虛費耐力今擬將見築正南一面城基東折轉北接城東南角西折轉北接城西南角併力堅築可以尅完報其東西北三面候再計度以聞報允○丁亥○陞吏部郎中黃養蒙為南京太常寺少卿○戊子 命五軍營副將署都督僉事劉大章充總兵官鎮守宣府○海寇犯太倉州攻城不克分衆四掠燒燬閭廡廬舍是時

有失舟倭四十人突至浙江乍浦往來平湖海鹽海亭之境縱橫肆掠焚戮慘害官兵前後遇之皆敗凡殺把總一指揮四千戶一百戶六縣丞一旂傷官兵無慮數百人凡十有六日竟偪杆奪舟而去○庚寅○錄陝西神木堡等處斬虜功陞賞官軍張瀚等百四十九人○壬辰○選投行人王正國殷正茂謝江俱為給事中行人李邦珍李一經中書舍人曹光李守仁詹理何廷鈺俱試監察御史正國禮科正茂兵科江工科邦珍浙江道先福建道一經廣東道守仁河南道理陝西道廷鈺雲南道○癸巳○以災傷命改山東沂州并郯費滕嶧鄒五縣預徵三十三年至三十五年本色馬每匹折銀二十兩○海寇破松江上海縣○申午、未封妃王氏寵賜既曰莊詔喪禮如睦妃例○總督京宮戊戌平江伯陳圭奏城工重大乞留中鄂河南山

東班軍當詣薊鎮者併工修築報可○丁酉○改南京吏部尚書潘樞為南京兵部尚書秦贊機務○海寇攻吳淞江所南淮所俱破之分兵掠江陰○經畧邊務侍郎楊博請以蘇州倉漕糧六萬石仍運本色其十八萬石俱改折色以從民便報可先是戶部議革各邊主兵馬草令其採收自給巡撫山西都御史趙時春言本鎮地狹丁少而徭役供辦實倍他鎮具今春冬用兵不休諸將敗亡接踵臣等日夜撫綏百方積聚猶恐不足以固離至而振積衰況可為此削奪之舉乎如以用度匱乏故從節省宜以本地民納草束姑從臣等徵解支給不敷之數當放先遼東撫臣馬文升罰積糧草遺意于各紙賈贖罰折草補支仍于屯軍處分積穀草以廣軍需待儲蓄稍充容臣等自請裁省以裕國計從之○戊戌○御史蔡朴言曩時守臣於大同

弘賜諸堡外增築鎮堯等六堡內有墾地五百四百頃建城募兵且耕且守而移北東路恭將駐得勝堡北西路恭將駐助馬堡各適中調度以為應援可謂得策後都御史何思謂其孤懸難守故改學內地若以大邊難守而併之二邊二邊難守而併之內邊則地司削而勢日蹙豈善計哉乞命守六堡如故又四海治永寧舊牆單薄乞亟命增繕並築敵臺五十一座仍于大小紅門柳溝口外適中處所增築空心敵臺三座其北路獨石一帶塞垣王巨宜先設敵臺四十四座計需銀七千九百餘兩請以萬全都司所貯事例銀充之又大紅門原設巡檢一員後移隆慶以致本口竟無盤緝請仍設本地以便巡禁兵復如其言得旨俱如擬○己亥○宜春官與工○魯府樂陵王健概覓賜祭屋如例○庚子○江北海掠海州殺二百餘人浙江倭互

百餘攻破臨山衛乘勝西犯松楊知縣羅拱宸督處州兵禦却  
之賊浮海走恭將俞大猷以舟師邀擊斬首六十九級 命恂  
守甘州左副總兵姜應熊掛印充總兵官鎮守寧夏○甲辰○  
倭攻福寧州峯嶼所破之大掠而去

大明世宗肅皇帝實錄卷三百九十八

嘉靖三十二年五月丙午朔。丁未。夏至。大祭。地于方澤。先期視牲。命英國公張溶代告請。太祖配神。及是日。行禮俱命。成國公朱希忠代公張溶。徐廷德。大學士徐階。李本。分獻。選進士萬浩。姚洪。漢李桂。徐景。郭敬賢。梁夢龍。王希烈。南軒。姜寶。王學顏。趙祖。鵬。胡汝嘉。馮葉孫。應鰲。孫鉦。徐師曾。將。四。雖。方。萬。有。蔣。博。李。宸。張。九。功。吳。可。行。陸。泰。馮。自。強。張。葵。言。王。文。炳。晁。東。吳。王。詠。俱。改。庶。吉。士。送。翰林院讀書。命。掌。詹。事。府。事。吏。部。左。侍郎。兼。翰林院學士。程。文。德。教。習。己酉。倭寇圍恭將。楊。克。寬。恭。政。潘。恩。僉。事。姜。廷。頤。於。浙。江。海。鹽。政。城。不。克。縱。火。焚。城。樓。及。民。屋。數。百。間。而去。壬子。孝宗。敬。皇。帝。忌。辰。奉。先。殿。行。祭。禮。遣。武。定。侯。郭。守。乾。祭。泰。陵。癸。丑。倭。寇。復。入。上。海。蹂。躪。剽。



縣市知縣喻顯科逃匿指揮武尚文及縣丞宋鰲俱戰死賊屯  
縣中七日縱火焚官民廨宇廬舍畧盡。乙卯 太祖高皇帝  
忌辰 奉先殿行祭禮。丙辰總督倉場戶部左侍郎孫楨以  
疾乞致仕許之 兵部尚書鼎勅申定防秋事宜一練選營兵  
將各營軍士逐一清查簡選精銳者務足各將原領正兵之數  
令其統令訓練常如臨敵及適宜抽取軍士令本管官旗認辦  
使兵將相識緩急有賴一分布邊兵荊州一鎮古北等口極為  
虜衝議將保定所選兵馬二枝真順更番民兵一枝達官都司  
軍一枝山東河南民兵二枝俱聽總督侍郎何棟隨宜調遣其  
陝西延綏寧固遊兵四枝俱已調赴宣府隆永等處專聽總兵  
時陳恭練七月入關分布駐劄遼東遊兵一枝與河東西舊  
遊兵二枝循常輪番入衛遇警一併應援俱聽時陳調度萬一

醜虜侵犯近京東則宣府遼東西則山西大同各除正旅二兵  
分有信地外其奇遊兵馬當不候撥調趣行督發盡數入關策  
應一互相應援如虜寇侵犯路潏陣聞警即發奇兵星馳應  
援如分投入寇又須酌量緩急不得顧彼失此一爰養士卒大  
小將領痛懲夙弊將各軍糧料布花犒賞等項一一及時給軍  
俾沾實惠一嚴哨瞭墩軍夜不收等役宜建立墩臺以便樓止  
厚加廩餼以資養贍使墩軍司瞭望夜不收專哨探定以晝烽  
夜燧之法優以死傷卹錄之典飛報得實以致戰守成功者將  
原哨人員陞賞如例一申明賞罰令各該將官止以血戰為功  
奮勇當先百剴賊鋒者雖有死傷不論損軍之罪如畏懦失誤  
軍機及賈奪功次等項一照律例問擬一修堡鍊兵宜勸相居  
民修築墩城塔理戰守事務團結保伍乘暇訓練一廣開邊路

宜嚴殺降之禁厚招來之賞詳安插處分之例宥犯邊出禁之  
罪別有殺虜建功者不吝陞賞一習利軍器中國長技全在火  
器宜行內外將領教練舉行一熟察地利裁軍遇敵不能擇地  
捷險往往為虜所乘宜令各將官應該策應地方從宜通歷周  
覽相度險易遇警疾趨屯據以便戰守得旨先行 總督宣大  
侍郎蘇祐等言宣府頻被虜患新榆林等大堡七百四十五座  
應脩孤懸小堡五百二十座應併仍勅所司將城垣壕塹如法  
脩濬編立保甲繕兵明法以慎彼防從之○丁巳 仁宗昭皇  
帝忌辰 奉先殿行祭禮遣長寧伯周大經祭 獻陵 淮安  
府知府張敦仁上言淮徐連遺水旱請將漕糧折銀蠲免及鳳  
壽諸倉糧錢糧欵徵帶徵者皆蠲之又淮安大河邳州三衛守  
禦東西二海所官軍俸糧歲為七十餘兩請如先年例暫留

鈔開銀數萬兩或撥運司鹽銀給之戶部議覆京儲至重不得  
盡免上年漕糧折銀仍令起解今年已徵在官者起運未徵者  
姑俟秋成同鳳壽諸倉錢糧如數帶徵其官軍俸糧當以鹽銀  
一萬二千兩給之詔如擬錄大同涼城兒等處斬獲漳之功  
陞賞官軍王祐等百七十四人有差巡按陝西御史劉世魁  
以虜犯紅城子恭守備傅津遊擊馮中立指揮朱賢及鎮守甘  
肅總兵官王繼祖罪詔停繼祖俸二月津等付巡按御史逮問  
○庚申總督宣大侍郎蘇祐報虜犯大同恭總兵吳瑛副總兵  
趙日恭將復澤張洙麻隆佐擊朱漢不能防禦罪上命瑛等  
姑停俸戴罪任事俟秋成舉奏奪隆等付巡按御史逮問祐  
又言先年糧邊城為無益宣府之遺千有餘里一鎮之軍不過  
七八萬西里七八十人豈足守禦人分科信地人不敢離虜聚

而多戍分而寡勢自不支一處潰入十里之守俱為 設虜既入遣我兵反彼此擺邊之失也臣以為兵少不足以守邊不若聚而守堡各路步兵盡分衝要堡寨并力固守馬兵則屯劄要害相機戰禦其各城入衛兵暫駐懷保隆永侯領虜果東犯徑自入據大同新舊敵臺堪據者各設長鎗大器簡精兵協力哨守其各營兵馬亦分地駐守察賊所向即移軍以遏其衝亦制虜之一策也兵部言邊牆為己戒之業一旦舉而棄之似為可惜隨宜脩補量撥軍夜地瞭尤可為百目之先至若延齡入衛兵乞如前議令七月入關若待警報恐不及事 上從部議。壬戌倭賊攻浙江乍浦所陷之知縣羅拱辰督兵來援賊引去流剽秦化軍化等處恭將湯克寬追圍于獨山民家以火焚之賊半死餘眾奪路走避于海 起服闋原任禮部左侍郎王用

賓為吏部左侍郎原任刑部左侍郎揚行中為戶部左侍郎塔  
智倉場督理西苑農事 虜五百餘騎犯遼東上翰林堡副總  
兵岳懋遊擊蘇澄督兵禦之虜走出塞懋等追奔四十里及于  
小長山斬虜四十七級事聞 上命賜懋澄各白金三十兩貯  
絲二表襲其餘功罪下巡按御史覈奏 命分守寧夏左恭將  
王贊克左副總兵協守甘州○癸亥韓府襄陽王府春國將軍  
把柱收買涼民女生二子融燧融圪一女融堞已封鎮國中尉  
餘未封事覺詔奪把柱祿三之二革融燧官職追奪詔命冠服  
房屋從人等與未封者止給婚資口糧如擅婚子女例○甲子  
經畧道務侍郎楊博條上薊州保定二鎮事宜一清兵馬之本  
源將各營補過軍士賞過馬匹修過軍裝并虜曾否入犯有無  
獲功失事軍馬訓練有無精銳月一開報虛文襍報者以軍法

重治二正兵馬之紀綱責成兵備官不時巡邏各區凡兵馬錢糧邊備一一按覈修否每季上之幕府俟歲終奏請黜陟三嚴兵馬之稽考衛所閫營恭將守備各發印鈴尺籍令填註官軍姓名年貌及馬匹年齒毛色候撥首撫按巡歷查閱以杜虛冒侵剋之弊四蘇兵馬之困憊預處糧芻以時給散毋乏軍興致令失所詔可 添設金山恭將一員分守直隸蘇松等處防海備倭○庚午南京兵科給事中賀涇奏上年海寇突犯浙東未遭挫衄今歲向端醜類連艘內訌以浙省防禦漸密乃泊守甯山窺蘇湖等郡竊惟番都根本重地海洋密迤鎮江京口乃江淮咽喉瓜埠儀真又漕運門戶今賊勢狡猖防制踈畧萬一黠寇匪茹橫掠而西將致根本震動運道艱阻為害非淺歎也矧今西北疲於邊烽而瘡痍未蘇中原因于飢饉不獲符不靖其

財賦供億所仰給者唯東南數郡已爾復被寇燹若此真可寒  
心且考嘉靖八年十九等年皆因海寇竊發添設總兵官駐劄  
鎮江事平而罷今請暫設此官俾督飭上下江洋控制淮海并  
轄蘇松諸郡庶事權歸一緩急有賴南京廣西道御史汪克用  
亦以為言兵部覆總兵官如議添設令駐劄金山衛節制將領  
鎮守沿海地方調募南北徐邳等處官民兵以克戰守其標江  
都御史勅內未載海防并當增員上命暫設副總兵一員提  
督海防應用兵糧巡撫并標江官協議以間標江都御史勅書  
不又更換餘如所議已乃命分守福興漳泉恭將湯克寬克海  
防副總兵提督金山等處上諭兵部南牆之築賊之餘孽豈  
不懷逆計者內外皆須加嚴自昨大妃已又三年今秋必須慎  
防尚書聶豹等對言遼東屯紮二鎮數報斬獲軍威稍振重城



之築刻期可完 上仍命各鎮嚴加備禦毋忽○辛未朝鮮國王李珣遣陪臣李鐸等來獻咨紙十張宴資如例仍降勅答賜銀幣○癸酉套虜久住山微窺伺寧夏顧巡官王亭弼等募已量番本鎮正奇遊兵及中衛官軍防守河西其玉泉大壩等處分拓遊兵策應仍調滿鎮兵馬於河東花馬池地方防禦報可○甲戌 命延綏遊擊將軍李珍固原遊擊將軍施霖俱充左恭將珍分守寧夏西路霖分守山西東路

大明世宗肅皇帝實錄卷三百九十九

嘉靖三十二年六月丙子朔○丁丑總督京營平江伯陳圭請發子粒銀修造營廳器械戶部復議留前銀湊支馬草兵部言如戶部議則工費無從處辦宜仍依圭請且今營操犒賞費無所出請并令戶部給之上以讓戶部戶部請以順天保定二府子粒銀萬三千五百餘兩盡輸兵部供脩造犒賞之需報可○戊寅南京科道祁清徐斌各奏言遍因山東徐邳歲荒特斡聖慈遣重巨賑恤第今天下被災之地不獨山東徐邳為然若南畿山西陝西順德等府及湖廣江浙所在凶歉或經歲恒喘赤地子里或大水騰溢畎畝成川或草根木皮掘剔無餘或子女充殮道饑相望其歸德滕沂諸處則盜賊公行道路梗塞大江以南蘇松濱海諸處則倭夷狂噬井邑丘墟饑饉師旅交

興昏至非破格蠲贖不足以甦民窮而延國脉也乃京師之帑  
藏既虛各省之糝括已竭額外之徵求未已軍興之供億尤煩  
工作之役蝟興挑河之費日廣司農方慄慄朝不給夕百方謀  
畫求所以生財者未得也而蠲賑將安所取耶臣等愚昧求所  
以阜國安民者莫知計之所出竊謂熈眉已及改絃難跋似當  
于汰冗費省繁文加之意且下司農通行內外諸司議所以  
揀目前垂永久者戶部覆各處災傷自奉欽命賑貸外其餘宜  
勅各撫按官多方賑恤至於軍國調度臣等日所籌料今京營  
正備兵止十二萬計兩旗手等衛官軍大興等衛民兵武驍等  
衛新軍乃二十萬其他官校廚匠勇士旗士又數萬皆仰給官  
食光祿寺歲派銀二十四萬兩連歲額外奏討又十餘萬內府  
洪用如黃白蠟昨歲坐派一十七萬五千餘斤而又召買一十

八萬五千餘斤沈速香坐派一萬五千餘斤又召膏一十四萬二千餘斤諸所數率蓋可類推其無用之兵無事之官無名之支無益之費不可勝紀總太倉銀庫一歲之入民屯糧賦商鹽稅課不過二百萬餘兩京邊歲用大約以五百萬兩計入火出多無可抵補而近來繕造撫兵修城濬河衣裳賞賜皆出歲額會計之外將來利用益不可及又安有餘裕以佐百姓急哉宜如清等議通行兩京各部院科道部屬大小臣工及各省撫按官令各條上冗費繁文病國傷民者本部總摺所陳審較取中議為定制庶徵求可減而民困可蘇耳疏入報可 巡撫李貞都御史王夢弼言本鎮僅二三百里乃三百受敵官按伏者東西奔馳終歲勤苦然不出百里外乞無拘追例給以行糧料草因請發帑銀應用部議按伏兵馬行糧料草於迎敵對壘時全

給餘月半之請給以太倉銀一萬兩佐其支費從之○庚辰旌表福建等處孝子方重杰節婦羅氏等二十人 巡撫山西都御史趙時春疏陳邊務一併力拒戰先年撥邊餉為失策宜止守墩堡仍屯大兵據要害以備應援每營務足五十人一鎮約立三四營選官兼領設法教練輸大營之精騎往來巡邏以聯聲勢隨虜入之多竄走報起援以遏賊鋒一振肅紀綱議將平日逃亡軍士及臨陣失陷將領者務盡法例以齊眾心成功大賞不吝千金畏怯妄報即行軍法一節省行糧該鎮守武備閑老營軍士各存本處操備免其更調軍無更戍之勞官省行糧之費兵部議覆報可○辛巳禮部會議王府庶人口糧如成化十三年例則過多如嘉靖四年等例則過少今當視中尉歲未減三之一歲給米七十石妻妾子女及使女皆衣食其中不必

計口更給庶人口糧既定則擅婚者減庶人三之一得五十石  
傳生者減庶人之半得三十五石增損適中兵至於安勝之數  
宜如律年四十以上無子者乃聽娶妾有子則否議者又謂限  
其妾媵不若限其子女竊以為限其人數又不若限其口糧今  
宜備查見在庶人傳生等食糧名數自今為始除子女未出幼  
者從父及女將出嫁者給婚資從夫養贖外其子應請口糧者  
查其父生子多寡三子以上者無問長子眾子並與半給若止  
一子二子俱與全給傳世以後半給者如故全給者仍查其父  
生子多寡定擬如前庶幾下有一定之志上無難堪之恩通行  
各王府著為例此後有違例妄請者坐之奏可 南京工部右  
侍郎歐陽塾三載積滿庶其子銑為國子生 錄虜犯宣府西  
路新開口堡死事功恭將史畧贈右軍都督府左都督濟一子

指揮僉事賜祭奠立祠如郭都例守備任鎮指揮楊倫各加贈  
指揮同知附祠仍量給奠費子孫陞祖職一級並准世襲官兵  
死者恤錄之 是時虜勢甚熾朵顏諸夷挾以恐喝中國不時  
索賞額辦不給守臣乃奏留山海高稅銀佐之諸夷益驕肆遵  
卒出塞輒捕而束縛之叩關取贖諸將校苟幸無事每歛軍資  
贖之去其有不得贖輒殺所執卒恬無顧忌也按御史蔡揚金  
白其狀請下守臣詰問所部酋部令執作孽惡夷送中國正法  
不則閉關炮育嚴兵往問其罪兵部覆請令各該將領于撫賞  
時宣布朝廷恩威以諭之俾如御史言報可○壬午諭總督漕  
運兼巡撫鳳陽都御史連鑣于外任坐地方災盜匪不以聞故  
也 戶科都給事中王國禎言頃者經畫大同給事中徐綱議  
增本鎮兵馬糧料戶部請以先年尚書梁材查出餘銀及多發

去各堡募軍銀共十萬餘兩給之臣等以為前銀雖有此數恐  
歷年既久已需別用又綱言屯田糧草及牧地秋青草俱已折  
銀徵收而部臣指以為本色綱言山西額解銀止五十一萬三  
千兩而部臣乃言五十四萬八千餘兩此其處報互異之大較  
也且京運年例銀三十八萬三千兩內九萬五千八百餘兩係  
抽補兵馬糧料今部臣以抽補文兩未到即如數扣留止發年  
例銀二十八萬七千兩是於三十八萬之中已減九萬餘兩其  
餘九萬餘兩錢糧有加增之名無加增之實矣凡此皆宜覈實章下  
戶部戶部覆奏先年餘銀及募軍多發銀俱未見支銷其山西  
額解五十四萬并本鎮屯收糧草亦無減折事例已行巡按御  
史查奏但國禎以鎮兵單弱加給本色事不宜緩宜再給發太  
倉庫銀四萬七千兩報可已而徐綱言山西額解及本鎮屯收



糧草皆漫以災傷減折且所議乃仰遵明命處給見在兵馬糧料如以山西額解不得減少亦宜撤彼處守臣速為徵解其屯政之政則責成撫臣加意脩復庶於經費有濟復下部議覆如綱言之 發太僕寺馬價銀四萬八千兩于宣府買馬○乙酉改賑濟淮徐刑部左侍郎吳鵬為兵部左侍郎兼都察院右副都御史總督漕運兼巡撫鳳陽○庚寅總督宣大山西軍務兵部左侍郎蘇祐六年考滿陞都察院右副都御史兼原職管事○辛卯經畧邊務侍郎楊博上言鎮邊官專轄一方軍務皆其統理今薊州總兵官成勳制內止稱節制恭將所統官軍巡撫吳嘉會知內止節制分守守備等官而副總兵遊擊未經開載俱宜增入以重事權緊荆關馬水口沿河口大龍門三處密近畿甸地廣且衝而馬水口原設守備未奉初書何以展布宜

給初責付本官行事沿河口大龍門二處各止立總管亦難責  
成宜改設把總其萊樹巷口城垣既築尤宜添募官軍多置客  
兵防守黃土嶺關外連連東鉄廠諸堡正當虜衝兵馬單弱防  
禦甚疎大毛山提調既有長谷駐旅營統轄聽調已足防守宜  
將黃土嶺營官軍仍聽一片石提調官轄庶為適均又廣昌縣  
南直柴荆倒馬二關北接宣大二鎮誠為重地而守備權輕宜  
改設叅將官兵數少仍宜將紳夫抽選轄足三千之數聽其統  
領防守分據險要方為得策兵部議覆 上悉允之○壬辰  
睿宗獻皇帝忌辰 奉先殿行祭禮 巡撫應天都御史彭黈  
巡按御史陶承學等言倭勢日熾非江南脆弱之兵承平熟嫻  
之將所可辦者請得以便宜調山東福建等處勁兵及知巡視  
浙江都御史王忬督發兵船犄角攻勦疏下兵部覆山東陸兵

不燭水關福建海滄月港亦在威嚴豈能分兵外援宜令黠等  
就迫調處州坑兵一二十名仍通宜募所屬濱海郡縣義勇鄉  
夫分布防禦并請命王圻互相應援其應用兵船糧餉器械火  
藥許徵發在所支用南京著兵部事尚書孫應奎亦言倭夷剽  
掠漸迫留都沿江津隘已議調官軍防守應用甲仗糧餉乞命  
南京戶工二部給發 上俱允之○終已陞刑部右侍郎王學  
益為本部左侍郎巡撫雲南都察院右副都御史鮑象賢為刑  
部右侍郎巡撫河南右副都御史謝存儒為南京兵部右侍郎  
山西巡撫都御史趙時春以庸犯交營堡偏頭關自効不職  
并奏總兵官李涑恭將孫竇守備高嵩石馬應期夫事罪且言  
遊擊麻祿轉官不候交代擅離職守乞正其罰詔宥時春涑停  
俸六月竇等二月○甲午以侵盜沿邊未單論率夏中衛左所

百戶方瑛罪斬副千戶等官張翥李瑛削職為民 經畧造務  
侍郎楊博言薊鎮往歲建議合數村築一空堡不惟收歛無及  
亦且勞費不貲乞如甘肅地方五七家共築小城中立一墩上  
蓋樓房天棚設欄馬墻塹壕懸道板橋大村令其左右夾峙各  
築二墩或四墩六墩隨處可築數人可守而費不過百金分置  
步兵與土人相兼按伏賊小人可以邀擊其昌平等六州縣被  
虜殘傷不能舉役乞發真定等府所輸民夫銀一萬兩助之報  
可 博又言開州薊鎮平山營起至昌平居庸關沿河口止修  
完邊牆墩臺已踰太平冷口關外極衝邊牆亦已增築其未完  
邊城萬四千三百五十六丈墩臺九十二座附牆敵臺一百三  
座房二百一十三間乞命總督鎮守官嚴督所司及時修治以  
固保障候巡關御史劄奏狀可博尋以事竣回京疏辭憲職許

之。丁酉，荆王厚烜薨，計開輟朝三日，遣官祭葬如例。戊戌，起服闋，原任都察院右副都御史孫世祐巡撫雲南，原任右僉都御史楊宜巡撫河南。庚子，設陝西鞏并堡新建倉大使副使各一員。辛丑，孝莊睿皇后忌辰，奉先殿行祭禮，遣恭順侯吳繼爵祭裕陵。壬寅，補廢故太子太保吏部尚書唐龍孫廷佐為國子生，以其子汝楫登第，復例乞補故也。癸卯，孝穆皇后忌辰，遣長寧伯固大經祭孝陵。甲辰，順天府尹雷禮條上恤災六事：一通派良鄉固安諸州縣水災重大，請下撫按官查覈賑恤蠲免；一通來戶部運餉，派取府屬州縣大車渡民，非便，自今宜運軍餉，宜官募大通橋等處車戶，厚給工價量蠲課差，人自樂從，不必重派民車；一府屬州縣自賦役正供外，有內府及部寺歲派之，一切蠲除，以固根本。一

永樂間取浙江等處富民贖京師號廂民後因供輸浩繁移徙日眾乃於原籍每戶徵銀三兩助之令戶以解銀漸多移為違用每縣止給三百兩而廂民所供辦實數倍之宜復舊制以厚廂民 一宛大二縣僉派殷實人戶供辦 上用諸物原非本等絲役宜平準其直以時給與 一所屬州縣額派內外衙門阜隸門子幾四千人各項京差官又於額外取阜隸幾二百人乞查議酌損以蘇困憊章下戶部戶部言各州縣車不能輒罷但當厚其工直其有損折官債其半富民銀乞入邊儲不可盡給廂民餘如禮言詔從部議

大明世宗肅皇帝實錄卷三百九十九

大明世宗肅皇帝實錄卷之四百

嘉靖三十二年七月乙巳朔 時享 太廟命成國公朱希忠

代 禮部以 萬壽聖節請令 裕王景王入宮行慶賀禮

上曰二王非羣臣比且未奉 廟殿之造姑俟明秋行 汝都

察院右僉都御史倪嵩為本院左副都御史協理院事 時九

門列營以備戰守 命戶部左侍郎馬坤督理給軍糧餉 宣

府前鎮守臣各報虜將入寇兵部會議虜駐商都地臨宣薊如

果人犯必由古北口若冷口則辟在東隅喜峯則路經朵顏比

之右北似為稍次若自宣府入犯西必由橫嶺鎮遼東必由黃

花鎮張家口自大同入犯東必由廣昌直趨紫荆西必趨寧鴈

直抵山西今諸要害俱有正奇兵拒險設伏以待然薊州密迤

京師備宜周密慮溝橋畿輔喉咽尤須預防乞命提督時陳疏



入衛兵分布昌平懷柔侯警過勘宣大山山西副總督鎮巡官  
整飭戎師如虜犯京東則遼東宣府京西則大同山西各率奇  
遊兵入拔其冷口喜峯應援付之遼東橫嶺馬水防守李之山  
西保定正兵駐通州奇兵駐良鄉山東河南保定侯調民兵各  
移駐德磁易三州近地以俟策應而京營聽調官軍則令副將  
蕭漢副懷柔徐勇赴順義趙卿赴通州與入衛兵互為聲援恭  
將李光啓趙應二營赴薊鎮助守扼塞遊擊劉岳袁潔二營赴  
盧溝旋橋防護仍命陝西守臣潛師擒虜巢穴榜諭屬夷毋俾  
助逆再勅紀功給事中一劄回也聞御史姓核功罪總督陳圭  
候近京有警以兵往合時陳協戰上曰營兵留護京師蕭漢  
等止勿調陳圭帥師當請何地與時陳合兵防護事宜議明具  
奏餘從所擬兵部覆議時陳兵分駐昌平順義懷柔若虜犯古

北橫嶺奮力迎敵過其入路陳圭駐郭門與八營連兵堅守耳  
調山西老營堡遊擊劉承惠以兵赴良鄉仍分時陳兵一枝抵  
通州與保定正奇二營原赴良鄉通州者屬圭統領策應詔俱  
從之仍命禮科給事中王正國隨營紀功○戊申 仁孝文皇  
帝忌辰 奉先殿行祭禮遣武定侯郭守乾祭 長陵 晉府  
奉國將軍表觀以越閏革為庶人禮部議宗室來京無問事情  
輕重俱發高牆奏詞立案為法未免過嚴故不能盡法若酌量  
行勘具奏論沿行法漸至過寬而越閏日眾計其驛遞需索所  
得倍於歲祿及勘又從末減是以無復畏憚請自今越閏者先  
革為庶人然彼行勘情有可原則為請復仍查所過需索革祿  
示懲如無迫切事情不啓各王不告有司輒聽撥道而來者盡  
法如例奏可 巡撫應天都御史彭鵬巡視浙江都御史王忬

各以倭寇出境浮海東遊來間倭自閏三月中登岸至六月中始旋留內地凡三月若太倉海鹽嘉定諸州縣金山青山錢倉諸衛所皆破焚掠上海縣昌國衛南漚吳淞江乍浦崧嶼諸所皆為所攻陷崇明華亭青浦象山嘉興平湖海鹽臨海黃巖慈谿山陰會稽餘姚等縣鄉鎮焚蕩畧盡向來所稱江南繁盛安樂之區騷然多故矣。己酉掌錦衣衛事左都督陸炳請祭旗纛之神於射所從之卽遣炳行禮。命太僕寺發奇養馬一千匹給大水谷新設遊兵。辛亥命兵部發帑銀二萬五千兩分犒陝西八衛邊兵仍賜提督時陳銀四十兩遊擊丁碧孫邦陳鳳朱玉等各十兩。壬子發太僕寺馬一千九百二十五匹給近畿入衛兵。戊午陞大理寺卿盧憲為南京刑部右侍郎左少卿馮天馭為都察院右僉都御史協管院事。陞刑科都

給事中姜良翰為廣東左叅政 福建道監察御史陶欽臯論  
勅南贛巡撫都御史張垣南京提督據江都御史蔡克廉各不  
職宜罷詔俱回籍候勘 振督陝西三邊侍郎賈應春言各者  
錢糧本自足用今士馬消耗而糧不足者法令廢弛催督怠緩  
政也臣先任陝西巡撫見各衛府民屯糧完者十二員者十八  
兩官糧管屯官不問催督上之人又無以懲之其惰益甚臣請  
著為令自今糧草未完三分以下者管糧管屯官停俸五分以  
上者府州縣管糧官降調衛所管屯官革管事二司管糧管屯  
及府衛州縣正官俱停俸七分以以上府州縣管糧官革職衛所  
管屯官調衛二司管糧管屯及府州縣正官俱降調其司府州  
縣官陞遷給由行取必完過八分以上者方許離任戶部覆如  
其言報可 廣南僉谷祀都兒等大與入寇分道由大同弘賜

堡等邊境合眾下渾源州東祀塞丘廣昌等處。己未中元節遣定國公徐迥德恭順侯吳桂裔長寧伯周大經玉田伯蔣榮分祭八陵都督僉事王朝用祭恭仁康定景皇帝都督僉事沈全祭孝潔皇后及哀冲莊敬二太子中官祭恭讓章皇后各陵墳。上諭禮部朕丕承父天母地洪苞大道帝師匡扶內完殫滅外虜平寧恩佑加隆勿謂爾君弗似巨憚之義當為民先茲月下旬及八月初旬高玄等帝壇修景慶等儀諸司止常封生辰免賀毋得違怠。庚申未封妃褚氏薨詔祭禮如睦妃例賜號曰景。壬戌成祖文皇帝忌辰春先嚴行祭禮遣長寧伯周大經祭長陵。少保兼太子太保禮部尚書東閣大學士徐階三年滿遣中官齎賜羊酒飲費進柱圍給諸命。陞太僕寺少卿黃如桂為大理寺

左少卿 設山西神池堡倉利民堡倉平刑關倉大使各一人  
巡撫直隸御史陳學夔上言渤海所鎮關城黃花鎮口門家  
峪灰嶺口青龍橋石峽峪諸隘俱廢入要害已各增兵防守鎮  
邊城東北街馬跑泉為高崖口劇衝乃止列卒十八人請分奉  
將王臣所部原募兵千人守之分選勇畧指揮千戶統領且遣  
兵艱苦軍需告乏更乞發帑銀萬三千三百五十兩補前借脩  
邊銀募兵者其軍士月糧勇衆准令常支本色以贍之兵部覆  
議許之。癸亥 賜勅蔡諭魯王頤坦賢孝王父端王病嘗藥  
禱神請以身代居喪臥苫酸粥者期月徒跣扶輿百里哀經三  
千又捐千金及湖數頃以賑飢有司以聞故有是命。甲子陞  
撫治鄆陽都察院右僉都御史沈良才為大理寺卿廣東左布  
政使談愷為都察院右副都御史巡撫南贛河南右布政使史

褒善為南京都察院右僉都御史提督松江 兵科都給事中  
王國禎等言迺者海氛弗靖巨等日聞彼中當事諸臣及南京  
府部科道章奏凡夷寇交讐之由羣兇狡譎之態黨與分布之  
廣城池失隘之多官民屠戮之慘與夫兵將柔脆之實國賦虧  
損之虞 祖宗根本重地驚惶震撼之情巨等深切殷憂周爰  
咨度求所以俾廟謨銷彼患者謹列三事奉命籌國計者擇焉  
一明委任機不並悉權無兩在海防要害以一重巨任之足矣  
乃命旅江與巡撫協同行事平居既苦於牽制臨事又易於推  
諉非計之得也宜稽往牒相時宜酌定歸一以專任而責成之  
便且近日登萊亦傳倭警凡瀕海郡國將來恐俱不免其山東  
遼東巡撫亦乞賜以專劾俾無海防令亟於先事圖之一重事  
權昨歲因黃巖之破復設巡視浙江都御史惟是經理海上事

宜諸凡黜陟臧否之權一功不與是以錢糧出納動支為難司  
府奉行多見窒礙有如都御史王忬所陳者亦何以展其極為  
責之底蹟哉請如各省例更為巡撫浙江兼理海防職銜更如  
賜之其福興漳州等府軍務仍令提督如故一獎才傑訪得寇  
入之初凡守土諸臣莫不心喪胆落旅奔鼠竄而私嗚知縣準  
拱辰六合知縣董邦政乃能手握孤軍深入重地獨當勁敵立  
有戰功即其忠勇一節策超恒品乞不拘資格量量濶濶海地方  
一官俾得展竟底裏為一方保障跡下吏兵部議覆海防宜屬  
之應天巡撫巡視浙江都御史宜改初加撫銜其浙江省錢糧  
原屬應天巡撫者當仍其舊勿易拱辰邦政請加以按察司僉  
事職銜仍各贖原任地方巡撫就近委用得旨王忬令提督軍  
務兼巡撫浙江并福興泉漳地方應天鳳陽山東遼東巡撫部



御史以本職兼理海防各別給勅書行事羅拱長董邦政添註  
浙江按察司僉事餘如擬行 虜移營窺柴荆指揮袁鏞遇於  
廣昌縣石門村敗沒。己丑套虜數萬騎寇延綏由米脂川入  
南犯鄜州甘泉等處 巡撫山西都御史趙時春言老營堡須  
驍將新任遊擊劉承惠不足任請以立功副總兵王懷邦代之  
詔復懷邦冠帶領職罷承惠候用 總督陝西三邊侍郎賈應  
春言各邊以間諜不通每虜欲入寇絕不知所向往是以無所  
不備兵分勢寡往往敗事大虜將內犯必會眾聚兵曠肉賂馬  
傳前登旗形常先露而中國被虜之人亦多臨墩傳報頗有左  
驗若使邊臣如意招撫要以官賞誤計散遣務結其心今偵虜  
糾聚向往道路時日預來潛報戎得專力為備其視泛然散守  
者功相千百也乞命鎮巡諸臣遴通事人等惠心招致應時犒

賞如得虜情實因致成功者即將原報人役定為首功擒斬五十級以上殺百戶予三百金百級以上殺千戶予五百金百五十級以上殺指揮予千金世襲其招誘通事等役並加陞資又總兵以鎮守為職而巡撫則替理軍務至統攝調遣又總督事也今宜申明職守如督理不同調度失宜總督任之防守疎虞軍餉不繼姦弊不釐責在巡撫若訓練不精兵革不利士馬不強至於畏縮殘害罪在將官其有推鋒破敵奮勇血戰之功撫臣不符同其賞如撫臣身督戰陣躬冒矢石及設策出奇指揮方畧者別議賞以為任事者之勸兵部覆與如其言從之。戊辰金星晝見四日乃伏。己巳虜入寧靜巷口散掠大峪南溝等處急攻揀箭浮圖等峪開南大震。辛未固原遊擊陳鳳亭東遊擊朱玉率兵拔紫剌時虜前哨已有越浮圖峪而南者鳳

王夾擊之虜馳去鳳王督眾急追之過浮圖守者其辱搗鳳王  
曰猶緩恐不及賊俟旋軍饜之不立馬而去及虜於三家村大  
戰竟日殺傷過當壬申虜欲北迓慮為鳳王所躡乃以驍騎來  
戰賊鳳王兵其眾分適自廣昌紅沙坡石門峪大金井等處北  
迓是時虜氣甚恣中外戒嚴京師懲於庚戌之變人情恒懼及  
聞鳳王力戰退虜上大悅乃不俟勘報命陞二人者俱著都  
督僉事仍各賜白金四十兩文綺二表裹漣亡重傷及獲功官  
軍優恤陞賞如例

大明世宗肅皇帝實錄卷之四百

大明世宗肅皇帝實錄卷之四百一

嘉靖三十二年八月己亥朔 虜分兵東北蔚州西關平刑關  
入掠代州繁峙縣等處 汪湖廣道監察御史鄒懋卿為太僕  
寺少卿 汪雲南右布政使王鈞為廣東左布政使湖廣按察  
使閔欽愛為河南右布政使 陝西兵出塢虜巢於牛兒營斬  
首一百一十六級獲馬三百匹 詔發太倉庫銀五萬兩給大  
同客兵糧餉 陝西督撫官賈應春等言寧夏鎮入衛邊兵頻  
年赴調往返罷勞乞精選寧夏奮遊兵一枝與遊擊羅賢兵馬  
一枝固原鎮舊遊兵二枝與遊擊陳鳳兵馬一枝各務足三千  
員名以從每歲更番入衛便報可 丙子以靈丘王聰隔年輸  
八十賜初遣官存問 虜酋小王子率眾由宣府獨石入犯赤  
城滴水崖等處攻毀七堡焚戮甚慘凡四日驅掠人畜而去

淮陽都御史連鎮巡按黃國用各言侮寇掠淮安新興海門呂  
四等場詔革守備陳律指揮李顯王桓職與千戶馮仁百戶賈  
勳州同知陳姓等俱下按臣逮治賞獲功大使袁希乾百戶周  
俊等。丁丑祭先師孔子命禮部尚書兼翰林院學士歐陽德  
行禮起朕閱戶部尚書張經為南京戶部尚書應天巡按  
御史陶承學孫慎以倭寇既避詳覈地方失事類未因分別諸  
臣功罪以聞謂備倭都指揮王世科兵備副使吳相知州熊榜  
知縣喻頌科指揮張弓等各有地方專責寇至不能禦當罪厥  
任都指揮韓璽守備解明道大倉州判官金汝州等各有率兵  
追勦擒斬焚溺之功當錄得旨相停俸戴罪管事世科并弓榜  
等付按臣提問具奏廣東肇慶府德慶州東西二山強賊李  
朝卿等四十餘眾據山為亂巡按御史郭文同以聞詔提督總

兵等官尅期勤之。戊寅祭 大社 大稷遣英國公張溶代  
溶行禮倉遽科官知其厭忌不敢跡入 上手批曰遣官如此  
陪官可知訪執事者可知是何禮法君逸臣勞之義何在溶動  
臣之首報以世祿攝化不敵他任可推姑蜀備一年今微被命  
代攝者務加敬慎毋得慢神欺君二王今方成人俟三年後命  
攝監禮官宜事事舉劾毋得怠視 秋分祭夜明于夕月壇命  
逆安伯陳鏞儀尚書萬鏗分獻 山西太原府地震有聲。已  
卯祭 帝社 帝稷遣成國公朱希忠代公張鎰徐廷德馮  
昂景和謝詔伯陳主大學士嚴嵩徐階李本尚書萬鏗歐陽德  
侍郎程文德聞如霖浩祭 未封妃張氏薨詔喪禮如母妃例  
賜號曰常 黜太子少保吏部尚書萬鏗及兵科右給事中朱  
伯辰為民時提督撫治鄧陽都御史黃峽鏗會官推通政使趙

文華可任伯辰疏劾文華非媚奔競龍賂日童不宜復玷臺憲  
有旨令別推而以伯辰章下部文華因言通政使在朝廷左右  
將事例不推外今鍾意在出臣又嗾所親言官諭劾期必去巨  
而彼快且鍾前為右都御史後以侍郎起用進尚書乃通計前  
俸考滿事涉欺罔又以不得一品為咎上遂怒鍾并伯辰黜  
之而留文華供職如故 巡按直隸御史陳學峻言虜越大同  
趨浮圖峪總兵徐珏巡撫艾希淳副使畢竟容防禦無策總督  
何棟按兵不拔大同巡撫侯斌總兵吳瑛賊入不能沮遏越境  
不能邀擊均宜治罪 上命諸臣如戴罪防勦候事寧分別功  
罪以請 壬午 孝康敬皇后忌辰 奉先殿行祭禮遣玉田  
伯蔣榮祭 奉陵 癸未 萬壽聖節遣定國公徐廷德恭順  
侯吳繼爵長寧伯周大經玉田伯蔣榮分祭 八陵都督王朝

用祭 恭仁康定景皇帝都督沈至祭 孝潔皇后中官祭  
恭讓章皇后公浚瀋 孝慈高皇后忌辰 奉先殿行祭禮  
復原任吏部尚書李默職趣令之任管事時廷臣會推都察院  
左都御史屠橋刑部尚書何縻南京都察院右都御史周延  
二持旨用默。甲申 萬壽聖節告祀 大子 玄極寶殿  
命成國公朱希忠代 上不御殿文武百官朝服詣奉天門行  
五拜三叩頭禮各上表稱賀免百官宴賜節錢鈔賜王府進貢  
人剪及四夷朝貢使宴于闕左門 朝鮮國王李埏遣陪臣史  
曹恭判朴仲原等來賀 萬壽聖節貢馬及方物宴奏如例。  
丙戌山東即墨縣地震聲如雷 套膚驛廨近半月餘近廢諸  
州縣為所屠掠且編乃移營中部以賑涇原關中大震會霖雨  
連日夜虜乃由安塞保安趨肥都河遊 河南歸德府柘城縣



盜師尚詔反詔撫按官督兵討之尚詔本藍徒初以私敗作姦  
結山東嚮馬賊攻剽遠近隣里畏之官府不能制由是黨與漸  
盛人皆知必為亂先任巡撫都御史謝存儒苟幸無事假以總  
保長令提諸鎮民補盜尚詔遂擅德民訟肆為虐虐民甚苦之  
而無敢忤者至是守臣欲誅之事泄遂反七月二十六日夜攻  
入歸德府劫庫獄殺檢校董倫焚掠城內外居民屠戮甚眾次  
日午方鼓行而西攻破柘城辰邑等縣巡按御史霍冀以其事  
聞因劾存儒苟安靖遠養寇遺患及歸德知府尹一仁守備謝  
居防禦無策俱宜罷黜詔存儒一仁居俱革職回籍聽勘 山  
東盜李自名等百餘人流劫鄒縣濟寧鄆城泗水等處剽劫漕  
糧船隻殺傷運軍撫按官沈應龍馬薦以聞詔守臣相機剿捕  
○甲午祭歷代帝王道公徐廷德行禮伯康圭都督凌炳尚書

羸弱歐陽必進分奠。丙申 憲宗崩皇帝忌辰 奉先殿行  
祭禮遣恭順侯吳玘詣祭 茂凌 性太僕寺卿張訥巨為都  
察院右僉都御史提督撫治鄆揚河南賊師尚詔攻圍大原縣  
都司尚先路指揮李瑋等以宣武睢陳兵援之與賊戰于鄆凌  
官兵敗績。丁酉吏部左侍郎兼翰林院學士程文德三年考  
滿廢其孫光裕為國子生。戊戌以災傷詔免山東兗州東昌  
濟南青州所屬州縣稅糧有差仍命有司設法賑濟先是廣西  
桂林平樂福鍾潯潯潯殺知縣張 毅傷百戶曹恩焚劫歲  
無虛月提督兩廣侍郎應璫總兵官顧寰督兵追剿至是討平  
之凡擒斬四百八十四俘虜男女三百四十四牛馬器械甚眾  
守臣以捷聞並上僉事茅坤恭將王寵未昇都指揮鍾坤齊恭  
政策誦百戶吳通等功狀 上嘉諸臣勞績命璫廢一子入監

請書仍與憲各賞銀四十兩貯綠二表襄坤陞二級龍坤齊各  
一級昇銀十兩謙已去任陞一級致仕通等給賞有差 增設  
浙西抗嘉湖恭將一員分守其地以福建行都司署都指揮僉  
事張宗克之復於三府增兵備副使一員以常州府知府陳宗  
慶陞任。己亥少師兼太子太師吏部尚書華蓋殿大學士嚴  
嵩几年滿後再歷二考遣中齋賜銀幣寶鈔珍饌羊酒廢其孫  
點康為中書舍人 治四月中海寇破福寧州羣嶼澳當事諸  
臣非停總督備倭指揮戴冲霄俸六月海道僉事徐老啓汪垣  
各一月指揮張璽百戶陳鉞等付按臣連問。庚子授故少傅  
兼太子太傅吏部尚書武英殿大學士劉忠孫紹恩為中書舍  
人族大臣身後錄廢例陳已也 巡按御史趙炳然錄上倭犯  
浙江地方失事諸臣罪狀謂恭將湯克寬俞大猷海道副使李

文進俱有斬寇功可贖分守恭政顧中孚分巡僉事李廷松知府劉懿梅守德功不掩罪備倭都指揮王欽月輸犯總指揮張璣知縣林大梁而下百八十八人俱僨事當問死事指揮陳善道米陳滿朝犯賊馬呈圍及千百戶典史等官一十九人宜卹錄詔克宥姑宥不問大猷奪俸與文進俱戴罪勒賊中孚懿等各奪俸二月欽璣大梁等付按臣逮問其奏善道等令有司立祠致祭陣亡被兵者賑卹之○辛丑河南諸軍擊賊于霍巖集毛葫蘆吳浴二軍衝其前鋒賊縱騎圍之攸兵無敢進者副使曹邦輔從及驅之誅其最倣者士卒皆競赴敵賊不支遂潰斬首四百餘級坐檣百餘人奪獲輜重馬駟車輛無算賊奔臨潁西華等境敗眾稍補集比至大康賊勢復振○壬寅南直隸巡撫都御史彭黈巡按御史孫慎給事中王國棟南京給事中張

承憲南京御史趙宸宋賢先被各上禦倭方略顯填言三事  
一南匯所吳淞江劉家河鎮江宜增置把總四員防守 一調  
太倉鎮海二衛中所官軍移駐吳淞 一土民有擒斬獲功按  
之職銜仍復其家 國損言七事 一因民心凡急用軍需悉  
聽動支在庫無礙官銀不得派徵小民其宣布德意招集流亡  
諭安遷徙優卹蠲賑等項亟議施行 一廣責成督率沿海鄉  
民團結訓練約束策應應設敵樓柵欄墻垣壕塹量力修築務  
足防禦 一議添設抗嘉二府守備一員屬金山副總兵節制  
備倭都司駐劄定海兼轄定海海寧二把總屯兵控禦 一選  
將材不分兒任閒住職任崇卑如果智勇出 詳開奏窮蹟以  
憑推用 一精揀鍊通查正餘軍丁定為二等以備戰守各責  
副總兵恭將依法訓練不時試開 一重賞罰查照先年擒斬

倭賊流賊事例定為賞格准與逆叛不願者給賞船主渠魁另  
行超格議處 一寬法禁除通番大船及販易接濟應禁外其  
捕魚樵採無礙海防老編立字號驗放出入 承憲言六事  
一調募拔兵水陸夾勦 一申飭賞格軍法以作用命 一立  
保甲法團結鄉民協力戰守 一正將領有司失事罪及贖卹  
死於兵者 一朝鮮貢使至日賜物令宣諭日本國王數以縱  
惡寇邊之罪 一招撫歸正以散黨與 宸言六事 一宜行  
浙直福建撫按官嚴督所司建立城垣順民舉事務堪保障  
一宜行各府州縣隨宜招募使人自為戰家自為守如果殺賊  
有功照官軍例賞 一各該官軍嚴加選汰將精壯克沒令統  
領人員用心操練多方熟驗及嚴更替賣放役占之弊 一倭  
寇狡獪又善操舟戎兵乘勝長驅深入海洋恐墮其計不宜窮

追 一江北之兵不習舟楫不宜暑濕勞師費財顧彼失此務  
求長策以裨實用不得聚調 一處造戰艦及連珠烏嘴火銃  
之類操演習熟以備攻擊 賢言五事 一直隸金山衛近設  
副總兵浙東西俱設恭將第未有主將節制宜設總兵一員統  
顧之 一錢塘江口宜增道守備 一捍海塘宜增築高峻雜  
植剌棘列兵防守 一募土人習水者為篙師有力者為戰卒  
仍調溫處坑兵或山東長鎗手有警則隨機策應無事則分投  
教習 一兩浙蘇松防守漸嚴寇必蔓及兩淮山東宜各行備  
禦兵部議覆 上多采行之 汪通政使司右通政羅廷筠為  
太僕寺卿 汪直隸蘇州府同知任環為督飭蘇松兵備山東  
按察司僉事。癸卯晉王新地辰西河王長子表相有孝行父  
母有疾弥日不解帶感雙鶴之祥詔賜勅獎諭 汪福建按察

使范欽為雲南右布政使



大明世宗肅皇帝實錄卷之四百一

大明世宗肅皇帝實錄卷之四百二

嘉靖三十二年九月甲辰朔禮部進明年大報等祀日冊。已詔發寧化王府鎮國中尉表格及其子輔國中尉知禮俱高瑄禁住奪知瑄知燦知燦祿米各半年格以細故殺妻子及婢媵等計二十餘人燗順父毀其嫡母致令自盡而瑄等復送愆毀及內外姻親撫按官會勘奏報故有是命。丙午虜萬餘騎入大同平虜衛入犯山西神池利民等堡巡撫山西都御史趙時春帥馬步軍自出禦之至廣武諸將皆會是時虜縱掠八旬堡忽謀者報曰有虜騎二十餘去此兩舍許疾掩之可盡得時春探甲欲馳搃兵李洙等固止曰虜悍狡未可易公弟駐此洙當督諸將盡力抗敵必不貽公憂時春大言曰虜知吾來必邀少緩即追不及兵捷臂而前及虜於大虫窟虜伏兵四起洙

太息曰公速去吾死于此矣時春霖眾而奔虜欲取時春沫等  
殊死遮關遂巡虜騎益眾沫與其子松及大同叅將馮恩避擊  
李桂神池守備孔廣偏頭守備高遠太原指揮陳金中軍尹忠  
祀恩俞禪皆戰死沫所將全軍皆沒時春倉皇投一墩守哨卒  
以繩引之而上乃免虜尋引去 河南賊師高詔引眾自永城  
而東攻掠宿州擬乘虛犯鳳陽取高牆罪宗奉之官軍急追及  
于直隸五河縣賊奪舟分其眾為水陸營以待都恩尚先詔督  
眾四面環擊須臾水陸營皆破賊遂四散奔潰不復能軍○丁  
未 孝恭章皇后忌辰 奉先殿行祭禮遣都督王朝用祭  
景陵○戊申陞吏部郎中劉養直為通政使司右通政提督騰  
黃 陞刑科左給事中李敏為都給事中吏科右給事中徐公  
適左給事中戶科給事中藍璧兵科給事中黃元白刑科給事

中丘預達俱右給事中敏公邁元白預達俱本科壁兵科○己酉霜降節遣英國公張溶恭順侯吳繼爵長寧伯周大經玉田伯蔣榮分祭八陵都督王朝田祭恭仁康定景皇帝都督沈全祭孝潔皇后哀冲莊敬二太子中官祭恭讓章皇后各陵境唐府新野王宇滉薨賜祭葬如例韓王融燧恭奏襄陵王所鎮國中尉旭棟旭被奉國將軍融端儀廣王廷憲王廷巨與其妻妾出遊夜醉旌死平民詔旭棟等革爵候勘廷憲等下地按御史建問宣大山西保定總督鎮北官蘇祿等各奏屬從紫荆關浮圖峪分突山西取道宣大諸鎮兵前放邀擊之于廣昌堂丘代州蔚州至磁窯口為伏砲所中而去捕斬仇三百九十有五虜以八月七日出塞乞錄劾勞諸臣功地按宣大御史毛鵬言虜自七月十六日入境至八月初七日始出

以二十餘萬之眾經二十餘日之久地方遭其殺戮搶擄殆無餘類臣訪將總督蘇祐督山西總兵李涑及遊擊趙綸劉承惠恭將殷尚質麻祿等兵馬合營廣昌禦虜于永安堡賊縱精騎衝其四面數日而大同總兵吳瑛等壁土黃溝宣府總兵劉大章等壁黑石嶺皆閉壘觀望莫敢犄角是以戰各失利賊遂無忌應州洋源廣昌蔚州等處被其荼毒恠不恠言及賊既飽欲而還則取其畸零病棄凍功告捷其敗喪則減百而為一其斬獲則增十而為千互相效尤公為欺罔因循不改將不知疆事所終矣臣謹按守土文武諸臣之罪若總兵吳瑛劉大章者當服上刑也撫侯鉞劉燾總督蘇祐法亦難貸已朝廷速正其罰其餘副將守地而下臣當詳覈事狀分別功罪蹟具以聞山西巡按御史李一翰亦以神池失事總兵李涑等敗已具奏因恭

山西巡撫趙時春玩寇無謀以兵子敵繫時之瘡痍未復西路之潰敗繼聞大將駢亡匹騎不返所當重究兵部覆稱寇入雖不無鹵掠而諸巨力戰殺虜過當俾之失利引去寔上天垂祐陛下威靈所致請釋吉告謝論功行賞上曰今歲醜虜擁眾犯官諸官兵拒遏出境奮勇衝擊斬數多仰荷立祐恭舉謝典誠勿容已諸巨効有勞勩兵部分別奏請陞賞其失事者令各按臣覈實以聞禮部因請以奏謝次日百官吉服詣午門行五拜三叩頭禮報罪閑住南京後軍都督府掌府事懷遠侯常文濟以母病疏乞仍于南京帶俸侍養允之○壬子錦子坪草坡巴哂等族番人監列等來朝貢馬及方物宴眷如例○癸丑總督張儲巡撫應天侍郎彭黈以江南連年饑寇兵餉不給乞暫留布疋船料事例折糧民壯弓兵銀以濟軍興又言

太倉上海嘉定被患特甚宜破格優卹撫屬兌軍糧未每於年終徵完俟兌兩運船多至次年三四月始至水次時海潮風汛事要可虞乞勅漕運都御史將減存未運兌在糧船先撥於上海嘉定崑山海鹽常熟江陰丹徒諸處於年終兌載章下戶部言布足船料事例折糧銀皆內府太倉急需非所敢議惟去年巡按御史徐落籍報蘇松常鎮四府實在銀二十八萬兩有奇可備軍餉其優恤太倉嘉定上海及漕運兌載事宜請如默識報可○甲寅建秋報大典于大高玄殿七日停刑禁屠正封如例 陝西西寧衛地震有聲如鼓○乙卯江西右叅議王喬齡奏獻皇帝始封之國舟泊龍江聞德烏以萬數集江柳向舟鳴噪江西按學副使李夢湯奏述於文集可考其事神異宜錄付史館禮部議復詔可○丁巳福建莆田縣地震有聲如雷○

戊午行大享禮于 玄極寶殿先期視牲告請 皇考配 帝  
及是日行禮俱命成國公朱希忠代 致任前軍都督府署都  
督僉事孫堪卒加祭一壇贈都督同知 改刑部右侍郎鮑象  
賢為兵部右侍郎兼都察院右僉都御史提督兩廣軍務兼理地  
撫。己未戶部言光祿寺自頃歲以來庫餼匱乏臣等已請發  
太倉庫銀十三萬兩有奇工部補還原借本寺銀三萬兩有奇  
而本寺所收各司府厨科果品雜糧牲口銀又十萬兩有奇今  
甫數月緡稱不敷請再以太倉銀二萬兩給發供應仍遣寺屬  
官二員於江南北地方查催積逋本寺錢糧至於酌量撙節釐  
革首破諸槩是在寺臣矢志効忠以裨國計耳得旨銀兩准支  
用查催錢糧本寺官卅道令各撫按作速徵解 以充傷免河  
南開封河南彰德衛輝懷慶南陽各府屬州縣及各衛所稅糧



屯糧有差仍詔有司設法賑濟併以河南兌運米三萬石改兌米二萬石折銀起解。庚申南京左軍都督府掌府事南和伯方東卒賜祭葬如例。以灾傷免大同府所屬州縣皮衛所稅糧有差。辛酉以諸邊報捷奏謝。郊廟社稷。歷代帝王命成國公朱希忠英國公張溶駙馬卬景和謝詔平江伯陳圭大學士徐階各行禮。兵部尚書聶勅等錄上諸巨禦虜功以總督蘇祐為首何棟次之總兵劉大章戰功為最提督時陳興遼東副總兵岳懋遊擊孫邦丁碧王允中王重祿蘇澄山東河南恭將李逢時吳旂兵備張社郭鑿十里入衛又次之徐珏雖能守閉而失於應援未可言功宣府巡撫劉臺督恭將李賢歐陽安力挫虜鋒功當與劉大章並論保定巡撫艾希淳力拒浮圖保金重地山西大同巡撫趙時春侯鉞遊擊王懷邦功罪

相當御史陳學夔登泮策舉都給事中王國楨歷有建明左給事中徐綱都御史艾朴經畧等盡悉著勞勤督儲郎中范克瀾主事張愉張守宗贊畫主事王扇山西右布政王崇石恭政傳學禮兵備副使馮九德趙大綱等咸裨邊務副總兵張淩遊擊朱雲漢指揮馮芳等斬虜獨多副總兵焦澤恭將殷尚質遊擊周邦坐營張鎮許經達官劉淮等次之勇士犯愆王介李繼致郭周奮起行伍力折虜衝並宜旌異大同十總張成守倫王堂等一百八人協力戰守保定恭將高金守備夏宗禹等三十二人効勞防禦均宜敘敘其陣下千總李時表鎡土官蕭文兒鎮撫張弟史書等並宜優錄宣府聽撫夷人拒虜陣亡尤宜撫賞至失事副使畢竟谷敘事蔣勳恭將麻祿全江守備許昭訓張勇宋朝和縣唐紀等罪俱當問保定都指揮白蘭等十八人失律

尤甚 上曰今歲大虜寇關諸臣拒過斬獲多功勞績佑陞兵部尚書兼右副都御史照舊總督仍陞一子錦衣衛千戶問棟各賜白金五十兩文綺四表裏大章陞署都督同知璽希淳俱陞右副都御史仍鎮巡地方陳懋各白金三十兩文綺二表裏邦等各白金二十兩珥姑准贖國楨等各白金十兩彩幣一表裏網朴學峻各進條一版允瀾等榮等各白金十兩凍等各陞一版澤等各白金十兩懷邦准復職條介等陞所鎮撫堂等查叻咸金等分別犒賞時鏘等各贈官祠廕竟容勲各停條六月昭訓褫職祿勇等各戴罪任事江朝等革任聽勘蘭等建問鼎豹加大子少保仍陞一子錦衣衛千戶侍郎楊博翁溥各陞條一版賜白金二十兩文綺二表裏郎中謝蓋金陞條一版協司郎中朱國華而下各賜白金五兩承差史人各賜銀布撫賞夷

人如議。壬戌命禮部左侍郎閔如霖兼翰林院學士同教習庶吉士。癸亥兵部右侍郎許瀚三載秩滿廢其子倭立為國子生。河南諸軍分道追賊指揮袁際擊之於蒙城縣都指揮張國彥擊之於高立十字河各有斬獲諸有名賊首多被俘。賊師尚詔乃棄車械散其徒而逃賊起且四十餘日九破府城一州縣城八堵燬鄉鎮殺幾千餘萬人三省為之震動至是乃平。洛原任巡撫宣府右副都御史楚書秩一級調外任書以查盤料道官劾其侵盜官銀並多不經之費下巡按御史勘明故有是命。甲子吏部右侍郎葛守禮三載秩滿廢其孫黜為國子生。以災饑詔免廢鳳淮揚四府所屬州縣及各衛所稅糧有差仍勅有司出贖金賑濟。增設分守直隸通泰等處恭將一頁注都端守備鮮明道為署都指揮僉事克之。魁

督前邊保定軍務侍郎何棟奏懇兵起幽忠督恭將李廣倫禦  
楊照于獅子口追虜出境斬獲五十級國忠先以失事停俸戴  
罪乞宥之併錄其功詔復國忠俸仍賜白金四十兩廣等十兩  
○乙丑倭協守荊州永平等處副總兵韓承慶為著都督僉事  
充總兵官鎮守山西 給錦衣衛帶俸副千戶王燿房價銀一  
千二百兩燿莊妃弟也○己巳武舉開科取文曠等九十名○  
辛未淫禮部右侍郎吳山為本部左侍郎左春坊左庶子兼翰  
林院侍讀學士郭朴為右侍郎 倭賊百餘由華亭縣滌缺登  
岸流劫戚水涇金山衛等處自六月中大舉倭東遊江南稍寧  
惟崇明南沙泊失風倭幾三百人舟壞不能去懇兵渴克寬僉  
事任寰列兵守之日久未克至是倭警又作遠近震恐

大明世宗肅皇帝實錄卷之四百二

大明世宗肅皇帝實錄卷之四百三

嘉靖三十二年十月甲戌朔時享 大廟命英國公張溶代

欽天監奏進明年大統曆頒賜羣臣 漕浙江左叅政潘恩為

雲南按察使 戶部以河南山東歲飢盜起請發臨清倉米七

萬石以三萬石自衛河達衛輝賑河南以四萬石賑山東仍知

撫按官出官銀數萬兩於隣近州郡糴粟賑民及立均糴之法

以平時值從之○乙亥 孝潔皇后忌辰 奉先殿行祭禮遣

都督王朝用祭 凌寢 山西忻州及定襄縣地震有聲 吏

部左侍郎兼翰林院學士文德上言今直隸河南山東徐邳淮

鳳等處方數千里水災異常民不聊生流離載道言官屢陳賑

恤該部亦有題覆然未見持議歸一未聞旦夕進行何也臣惟

今日內帑不必發也大目不必往也臣聞救荒莫便乎近其人

莫不便于拘以常格巨愚欲於兩直隸二省各遣行人齎詔諭  
宣佈德意慰拊顛連飭令各州縣官宣力殫慮自為賑給聽其  
便宜處置凡官帑公廩贖納勸借苟可以濟民者一不限置又  
近日戶部申明開納事例亦暫許就本地上納演其所有粟麥  
黍菽之積可救飢者皆得輸官計直視其例之相合官為請部  
劄兩投之自撫按以下凡諸常事悉暫停輒一意賑恤督責諸  
守令夙夜從事仍各造冊登記金沽之數定為等則以課殿最  
以憑黜陟而撫按守巡之賢否亦是稽焉則數十里因急之民  
咸或更生之願矣跡入得旨先行已遂命行人侯東萊賈勳往  
諭○丁丑山西榆次交城二縣地震有聲 陞右春坊右諭德  
兼翰林院侍講康太和為翰林侍講學士掌院事○戊寅臨漳  
王府春國將軍載瑄與盜師尚詔通未發而覺御史崔箕上其

事詔下趙王勘明奏處。己卯總兵湯克寬督師漳等兵擊南山沙倭敗績亡卒四百餘人。以災傷免順天保定真定河間順德廣平大名各府所屬州縣及各衛所秋糧并宣府遼東屯糧有差仍發京通二倉米三萬石於順天府臨德二倉米三萬石於真保定諸府賑飢各以本處贖銀佐之。以災寇免浙江台州紹興寧波各府所屬秋糧其海鹽平湖二縣各免運米准折銀徵解仍命有司發倉賑濟。庚辰建秋報大典於洪應壇九日停刑止封禁屠如例。巡撫浙江都御史王忬言官兵追逐倭夷焚毀五十餘艘擒斬七百餘人海警暫息乞頒恭將命大猷副使李文進谷嶠恭議顧問僉事李廷松所停俸許之。辛巳空南京大常寺卿鄭曉為刑部右侍郎。癸未南京修理皇城興工。乙酉空南京太僕寺卿鄭大同為南京太常



寺卿。戊子流缺倭移舟泊寶山總兵滿克寬引舟師追擊之  
及於高家嘴燬其舟斬首七十三級生擒十四人。錄九月中  
山西神池堡死事功總兵李涑贈少保左都督廢一子指揮使  
世襲大同恭將馮恩遊擊李桂贈都督僉事涑子松贈指揮同  
知各廢一子指揮僉事世襲賜諡立祠祭英視張達例守備孔  
竈中軍官尹忠陳金高遷王章俞輝等附祀貽費治奠各襲陞  
其子二級其大同總兵吳瑛以失事視職明任大同副總兵張  
涑等准贖偏閩恭將孫贊等革任。○庚寅晏常二妃發引。改  
封副府故永定王載城長子嗣鉅為世孫賜勅管理府事。致  
仕總督漕運右副都御史連鎮卒賜祭奠如例。陞巡撫延綏  
都察院右副都御史張珩為南京兵部右侍郎。巡撫甘肅都  
察院右僉都御史王誥三載考績陞右副都御史仍原任。○辛

卯 誠孝昭皇后忌辰遣恭順侯吳璉爵祭 獻陵 以苑田  
收獲賜督理侍郎楊行中等彩幣羊酒 山西巡撫都御史趙  
時春奏擒獲廣間張彥花等十二人詔梟示於邊陲盤詰百戶  
王經等各一叛。壬辰陞宣府恭將張堅為署都督僉事充總  
兵官鎮守大同命古北口恭將周益昌充副總兵官協守永平  
山海倭三百餘人突犯上海縣太倉州等處復入常熟縣福山  
港知縣王缺率民兵禦之倭乃引去。癸巳連安王宸瀚薨賜  
祭葬如例。己未陞左春坊左允中李璣為左諭德兼翰林院  
侍讀右春坊右允中尹臺為右諭德兼翰林院侍講翰林院脩  
撰郭馨為司經局洗馬仍兼脩撰 兵部議武舉鄉試三次中  
式者准徑起送會試永為定制從之 以嶺南妖逆 賜字錦  
衣衛事左都督陸炳白金線幣仍陞廢其子副十戶經為錦衣

衛指揮使南鎮撫司管事百戶張大明進一級旗校畢欽等各  
二級。丙中 賜東一真人恭誠伯陶仲文所建廟橋額黃州  
府城隍廟曰成靈徽州府壽鄉山三官廟曰顯應黃岡縣三臺  
河橋曰通濟 故伏羲伯毛漢嘗被恭提未勘及卒乞恩禮部  
議洪武間公侯祭奠之典甚隆蓋以待開國功臣至永樂間始  
令承襲病故者與祭二壇而年如襲未久者與一壇所以貴其  
爵也若官府事有功加太子太保以上者各有加祭則所以勸  
功而為事者祭奠與無所以罰罪備載會典惟未詳所為事若  
以被劾明住為為事則都督例與祭六壇徵明住者猶與二壇  
而侯伯乃祭奠與無輕重似不倫又本以才能推用雖經輪劾  
其爵祿未嘗絕乃不惟革其管事所加祭遂并本爵應得恩典  
盡削之反不與無才可惟及年如襲未久者為以論法似太嚴

若以犯罪恭視為為事則犯有輕重勘有虛實恩典一槩削奪論罪似太混又為事者之事若并革其祭則罪非自造命未追奪不革其祭則本從大貴而妻獨蒙恩情理似未安自今公侯伯官府事有功微被劾問住者宜止削其官事有功所加祭仍與本爵應得例奠及祭二壇若恭提罪重勘實果碍倫理開行檢者并本爵祭奠一槩削之其罪狀頗輕勘問無實者當與問住同論未經勘實病故者減其半奠正與祭一壇其夫人命未追奪者似當不革其祭兩祭文內亦應并及其夫以示恩從夫得庶幾 祖宗責爵之義與罰罪之法並行不悖吳詔如議 補廢故少保吏部尚書文淵閣大學士彭時曾孫德順中書舍人習字出身 命山東河南中都入衛班軍仍遵舊制春班以三月初至八月終選杖班以九月初至來歲二月終還付戎政

大旨督之凡工作毋許擅役初兵部因庚戌虜患議併各入衛軍為一班俱四月初入京十月初放回及仇鸞誅兵部奏詔議營制乃請仍分兩班春班以四月初至九月終還秋班以六月初至十一月終還另為一營專設恭新統領恭練至是總督戎政平江伯陳圭請復舊制兵部議覆從之刑科都給事中李敏恭圭狗偏見攬事確因言兵部尚書鼎豹心知其非顧乃依河題覆不能執奏夫大臣狗國之義跡入上以問大學士嚴嵩言祖宗時令各都司分定春秋二班入衛欲其往來無缺蓋有深意存焉自二十九年虜患兵部以營兵未練議將班軍兩班俱併於四月初入衛十月初放回此專為防秋一時權宜之計耳圭以近日虜警少息兩併班赴京來則俱來去則俱去其餘月日京師通無班軍在營奏欲照舊分班赴京奏旨先行訖

令給事中李敏却以併班為示然分班乃祖宗定制陳圭所言似非一己私見伏乞聖明裁斷上從嵩議。丁酉南京兵科給事中賀涇廣東道御史金豪以河南流賊師尚詔欲犯鳳陽留都因忝南京兵部尚書潘漢庸劾誤事及本部右侍郎原任河南巡撫李聰謝存儒當巡撫時養寇貽患俱宜罷黜以固根本重地詔漢致任存儒錦衣衛械繫至京問巡按山東御史馮薦言山東衛所官軍設於濟兗東三府者以方內地設於青登萊三府者以備倭寇自永樂初輪發調發京恭而有司怠玩軍糧下足脫逃數多額匱元數班恭之缺如故今沿海一帶倭寇登岸已將青登萊三府官軍留備倭寇濟兗東三府照舊輪班仍要清糧餉以足軍倉嚴司補以充營伍兵部議廢從之改南京戶部尚書張經為南京兵部尚書恭贊機務

命原任駐守昌平都察院右僉都御史王翰以原職巡撫延綏  
陞南京吏部郎中洪朝選為四川按察司副使提調學校  
戊戌 上問大學士嚴嵩外多無食何以嵩對言 皇上憫惻  
窮民特蒙賜問臣不勝仰戴夫今歲之飢山東之兗州東昌濟  
寧北直隸之河間廣平順德河南之開封歸德江北之徐邳淮  
鳳為尤甚近日四遠飢民來京求食一時米價騰貴流民飢極  
兒女棄置道中茲蒙 皇上煮粥給錢救活民命誠非常之恩  
也臣祇衍德意請以太倉米數萬石平價發糶或可稍紓目前  
之急其山東河南等處當多發賑德二倉米給賑 上允之復  
曰出米固急本汝忠憤又我思必有斃諸途者不少暴骨道路  
亦宜與以處之嵩言溝中之瘠誠所不無請仍勅戶部在京行  
五城御史在外行撫按官各督率有司查覓掩埋至於出米一

節中問恐有市行舖戶多買轉賣以索高價宜勅錦衣衛訪者  
禁革嵩又言發米出糶雖米價稍平但四外飢民有身無一錢  
者未免仍坐斃道路請於十萬石內以八萬石出糶濟在京軍  
民二萬石勅戶部委官運赴城門外各廠每早召集飢民人給  
一升庶得並霑實惠 上曰朕意正是此行不如是亦徒事虛  
文耳令以六分照前四分給四來實者○己亥 上諭戶部  
錢法未通亦宜計處便民戶部言錢法不通由輕重二弊未能  
迭相為用臣等請以新舊諸錢定為二則上則七十文准銀一  
錢中則倍之官司收稅亦准此例不得輒有增損仍勅御史廠  
衛覺察沮壞錢法者治之 上曰錢法周小民目下之急且不  
必深文凡係嘉靖制式以七文易銀一分洪武等式及前代雜  
錢加倍違者科罪 遣禮科給事中王正國嚴八月中虜犯延



賊文武諸巨功罪時總督侍郎賈應春言將士拒戰積巢斬虜二百三十八級巡按御史吉澄言虜深入未陷綏德延川延安甘泉洛州鄜州中部宜君諸州縣殺千七百六十餘人掠千九百七十五人於是兵科都給事中王國棟疏言應春奏捷澄以敗間得喪懸殊乞遣官核實上然之乃命正國往○庚子獲河南賊首師尚詔於山東莘縣是時迪逃賊黨散擒於山東河南及江北鳳陽諸州縣者在有之巡撫河南都御史楊宜悉錄其名以聞且以地方平定報因請以山東江北諸所獲賊悉械送河南會鞠之上以宜平賊有功進俸一級賜白金四十兩文綺三表裏命山東鳳陽所捕賊即於在所誅之將領以下功羅達勘具奏○辛丑新築京師外城成上命正陽外門名永定崇文外門名左安宣武外門名右安大通橋門名廣渠

彰義街門名廣亭。壬寅總督副達保定兵部左侍郎兼都察院右僉都御史何棟三年考滿陞右都御史仍兼兵部左侍郎總督如故。廢故火保兼太子太保禮部尚書翰林院學士黃家子懋升為國子生初家杖滿已廢長子懋學至是懋升復以其父侍講讀贊直授汪鉞事例陳乞。上以家在直效勞特乞之不為例。總督漕運兵部左侍郎兼都察院右副都御史吳鵬三載考滿陞其子燧為國子生。命原任副總兵署都指揮僉事王懷邦兄右恭將分守宣府南路。有倭舟失風飄至興化府南日舊寨登岸流刳千戶葉巨卿把總指揮張棟督舟師衝擊倭走蘆山知府董士弘糾民兵檣戶與棟等圍而殲之。是時海洋並岸諸島多柘寇舟有真倭阻風汎不獲歸者有沿海居民搶江南旋侯來歲倭至者未幾南日寨復有三舟登岸。

棟士弘擊之引去擒賊數人皆真倭比泉州州兵巡海攻賊於  
石圳澳深泥灣處等處凡舟戰擒賊四十餘人則皆浙江臨海  
福建漳浦廣泉揭揚等縣人蓋江南海警倭居十三而中國叛  
逆居十七也

大明世宗肅皇帝實錄卷之四百三

大明世宗肅皇帝實錄卷之四百四

嘉靖三十二年十一月癸卯朔陞南京都察院右都御史周延  
為南京吏部尚書 詔試御史唐理何廷鈺李一經李應時曹  
光李守仁李邦珍俱實授○甲辰 諭工部鑄洪武至正德紀  
元九號錢每號一百萬錠嘉靖紀元號一千萬錠 陞協守寧  
夏副總兵李輔為署都督僉事掛印充總兵官鎮守延綏 湖  
廣龍潭安撫司土夷黃俊黃忠等作亂占據奉節雲陽三縣土  
田聚黨十餘款土夷居民以百數搃督侍郎屠大山以聞并劾  
守備王倫指揮杜過李宏及四川重慶兵備副使曾子拱湖廣  
叅政王朝賢副使孫宏軾失事罪詔大山督兩省官速行勦捕  
王倫革任杜過等停俸曾子拱等戴罪任事候事寧俱奏○乙  
巳前妃常熟俸復由上海七龍洪登岸流劫三林莊南匯所吳

松江所及嘉定縣地方至十九日始去。丁未 恭讓章皇后  
忌辰遣中官祭 陵寢 提督兩廣軍務侍郎應禎奏廣西田  
州土官岑芝死子太壽方四歲偽孽莫葦冒岑姓及土官岑施  
相煽搆亂乞命思恩守倫張啓元暫駐田州鎮之報可。戊申  
賜朝鮮國明年大統曆百兩 秦王懷遠類奏各中尉女請封  
選婚禮部議郡王孫男 祖訓有六世以下世授奉國中尉之  
文孫女則縣君鄉君之號止於曾玄而五世不須及焉蓋女至  
五世親屬疏遠封號錄秩難以槩授況女既有歸其夫家足以  
自贍稍加光寵即足為恩今請授以宗女宗婿名色仍給冠服  
婚資宗婿視文職宗女視命婦出鎮國者冠服七品併婚資給  
百金羊豕各十出輔國者八品九十金羊豕各八出奉國者九  
品八十金羊豕各六並取給有司其宗婿就各府冠帶謝恩免

其赴京仍聽自便不必隨眾朝恭有司以禮相待復其雜徭如  
有志科舉者聽就督學官試照如議行 改南京工部尚書孫  
應奎為南京戶部尚書 庚戌冬至大祀 天子圓丘先期視  
牲請 太祖配神及是日行礼俱命成國公朱希忠代公張濬  
伯棟主大學士徐階李本分獻先諭希忠等各加恭慎辛先諸  
臣禮部尚書歐陽德監禮視察 以冬至節遣定國公徐廷德  
長寧伯周大經玉田伯蔣榮武定侯郭守乾分祭 諸陵都督  
王國用祭 恭仁康定景皇帝都督沈至祭 孝潔皇后 哀  
冲 莊敬二太子中官祭 恭讓章皇后各陵墳 辛亥冬至  
上不御殿百官朝服詣奉天門行五拜三叩頭禮上表誦贊  
免宴 賜節錢鈔王府進賀人員及四夷朝貢使仍宴于闕  
左門 甲寅 御製重修太岳太和山玄殿紀成碑文遣中書

官往勒石先是侍郎陸杰言本山白興工以來始現霞光三日  
壬子年秋七月現三公峯至金鎖峯是日又數現天柱峯麓三  
公峯顯定峯蒼龍嶺方丈巒替冬十月現皇崖峯澗下及三公  
峯良久乃散前此八月琉璃嶺雪中發五色祥光縈繞而剡州  
府獲楠木一株圍八尺有奇於宜都水中此與永樂間瑞應何  
異請降御製勒碑于山門前從之○乙卯靖江王府宗室經萬  
越嗣至南京守臣以聞禮部議頃來宗室放恣數年之間赴京  
者二十餘人又有至再至四者欲驗識送發高墻廣西八千里  
外往復甚艱鳳陽守臣又數告高墻供給缺乏以此止請革為  
庶人使園首改今蓋復不悛請先勒為革為庶人有司於者城  
中蓋造閤宅一區多其院落繕以高垣外設總門令為等移家  
安置其中晝夜扃鎖五日一啓例給口糧毋使失所若其悔罪

自新王府及有司會請釋放此外有悖違 祖訓如嵩等所為者並恭送闕宅如例奏可 朝鮮國王李暉遣陪臣刑曹參判李澤等來賀冬至併獻倭俘三人禮曹參判金澍等謝恩併獻咨紙十張各有馬匹方物宴費外各加賜仍令順齎勅書銀幣賜其國王及領兵官有功者 連浙江平湖蕭山奉化三縣城福建福清惠安二縣城。丙辰淫總理糧儲巡撫應天兵部左侍郎彭黈為南京工部尚書。丁巳大學士嚴嵩言臣聞近日民間無錢行使蓋因去歲禁止鉛錫薄錢止許用嘉靖及本朝制錢稅課司抽分等廠專收嘉靖錢別錢不收以致錢不通昨蒙欽命工部鑄錢甚好但一時不克濟用間內庫積貯嘉靖錢及本朝制錢甚多其前代稞字舊錢大板兒等年久亦恐泥爛合無初下該庫查發百十萬令該部給與在京文武官員及



各軍士折支俸糧亦可省數十萬之銀如此則錢自流通而民稱便矣 上從其言出內府所貯新舊銅錢八千一百萬文折給文武官僚並軍糧。己未陞河南布政司左叅政高瑾為南京太僕寺卿。庚申 孝惠皇后忌辰遣叅順侯吳繼爵祭茂陵 孝烈皇后忌辰 奉先殿行祭禮遣武定侯郭守乾祭永陵 從慶王萬材請追贈其父台汝為王與妃王氏開塋合築汝先生革爵遷省城後以恩詔回府冠帶閑住既卒萬材為請禮部議汝未有改過之實難以復爵第父以子貴或與追贈以伸子情昔魯王擅伊王換親 高皇帝子棗行不飭議以荒厲今宜勅翰林院擇詔法中與汝素行相符者開擬上請庶情法兩盡從之。辛酉陞江西右布政使方任為都察院右副都御史總理糧儲巡撫應天。癸亥兵科都給事中王國禎等

言薊保為京師肘腋而宣大則其項背疑急輕重與諸鎮迥異  
臣等竊見當事諸臣所為措畫味于機宜而乖於事體者九事  
其一總督自庚戌虜闖近畿乃設薊遼保定總督大臣蓋為屏  
杆計謂宜妙選賢哲文武兼資負天下之望者而乃以衰頹巧  
偽之何棟任之今歲幸古北口霖潦河溢不則幾有業歲之禍  
且薊州僻在一隅非督臣所宜居請罷棟而選才望大臣代之  
仍移駐密雲以便控禦二總兵往者大同總兵吳瑛再失事薄  
罰之已失刑卡乃復代以貪婪暴戾之張聖是賄遷并選望也  
若何禁遏將之不培克也其薊鎮總兵成勳貪庸尤甚并宜罷  
斥別以忠勇者代之三巡撫今歲虜再入大同山西被禍尤慘  
李溧之死全軍覆沒而巡撫都御史趙時春者乃妄自誇張誑  
誕因而不及且其舉動使僕僕人心怨憤宜亟為更易之四形勢

宣大西關屏敵宣大守固則諸關保無虞矣今歲虜徑越大同  
直趨開輔兩鎮諸臣罪且不細貸罰為幸詎容論功而乃冒膺  
旌賞隆渥之典臣恐異日虜騎縱橫將以宣大為遊戲場矣請  
諭宣大總督鎮巡諸臣以倖恩不再俾嚴守外邊用蓋前夫五  
兵馬邊兵入援已有定額迨者總督何棟復動調遼保多兵以  
防薊鎮至使白石揀箭等口防兵不過獅兵數十捉衿見肘為  
虜所窺且調各省民兵助薊聲援遠近規避多後秋期無益遣  
防徒糜糧餉宜命新總督臣一心簡練主兵諸所選集徵調以  
漸聚之六關溢問由廣昌趨紫荊之途磁窰口最為險隘寧靜  
口亦號沈塞乃虜得踰越之者非地利之難恃實人謀之未臧  
百蓋督振狃于因循兵將習于驕惰或有驗而不修或有墻而  
不守燃眉莫救屢輸當懲請下巡關御史亟勘議之七哨探今

歲秋加大同山西報言套虜東渡追獲則雲在巢庫夏又雲西  
搶迄無定詞及虜離高都而犯柴荆也僉報大眾俱西未幾獨  
石雲州又有萬虜然竟亦未知為何箇何部也若是而求其畜  
料幾先量敵制勝必不幾矣請勅總督鎮巡諸日多方遣謀厚  
立賞格務深哨遠探得虜之要領以收未戰先勝之策八功賞  
今歲督撫奏報功捷乃於此按諸臣亟加糜師兵部因而敘賞  
及之夫將士出萬死一生復有徵績而言官安坐分之既非事  
体况是端一開將來必且雷同附和以希恩澤而邊疆之弊朝  
運終不得聞兵前者臣於延綏巡撫張珩奏詞恭發兵部迄今  
置而不覆豈以言官同賞為宜然耶恐非大臣體國之忠計也  
請自今遣臣奏捷有敘臺巨功者臣等得重勅之九營兵近年  
調邊兵以守畿輔今歲又擧遣兵以守關柵夫國營兵馬數非

不多累世之所恤養者謂何頻年之所選揀者謂何乃一遇寇警輒稱無兵又欲借遠方罷勞之卒以為倚恃則朝廷版百姓之膏血而終年養此無用之眾何為者哉乞申諭戎政大臣設法訓練遇有外警即分布諸郊往來調度庶幾禁旅精強不失祖宗居重馭輕之初意跡下兵部覆成勳誠宜罷張堅勳會推總兵國禎時亦在列寂無一語今既奉成命復詆毀欲斥之是視廷推為兒戲易置大將如堅子也至于宣大逼臨虜穴遣長無險且其守備單薄戰兵不過四萬而欲令其力守外邊俾虜不南下難矣故莫若守內閉夾擊可必成功餘如所議得旨先行革成勳任閔任堅調用國禎復上疏言張堅原無威望以千金賄嗾此大小臣工所共知者夫何可掩當廷推前且為職方部中言之尚書聶豹執不可易而乃誣臣前日不言豈忘之

即夫事惟求其是而已如其不可雖朝定議而夕論乍何嫌  
翻異如必以成事不說設使不幸誤用渾敦驕抗亦將任其播  
惡付之結舌耶則朝廷置耳目之官何所用也且臣等以今歲  
虜薄深剝歸番宣大諸臣使謹其微而該部乃謂二鎮軍薄難  
禦大舉宜使守內閉夾攻夫責以固守地方尚慮違怠況可開  
其縱賊之路示為當然乎且單薄築如薊鎮又可縱賊使入不  
問總鎮諸臣罪乎而彼于何地設閉夾攻之也則惟有守京城  
已爾夫初逆跡狼狽賊取浮譽項跡疆圍多故起于廢棄由臬  
司小臣不二年筦兵本不務集思廣益矢忠報主而驕盈乖  
刺日甚一日矯誣白私不畏公議有臣如此將焉用之得旨言  
官建議部臣題覆各宜虛心為國毋滋爭擾聖令革任閑住○  
甲子追諭嘉靖十七年宣府失事罪原任副總兵劉江指揮向

知邵邦以守備不設律處斬指揮登事等官劉環孫昂侯朋茂  
邊○乙丑汪鑑督漕運兼巡撫鳳陽等處兵部左侍郎兼都察  
院右副都御史吳鵬為南京都察院右都御史 汪南京通政  
使司右通政張鶚翼為都察院右僉都御史巡撫貴州 改南  
京國子監祭酒茅璜為國子監祭酒 汪雲南按察使潘恩為  
江西右布政使 兵部覆三十一年十月虜犯遼東錦州諸將  
功罪詔賜恭將李廣等白金各十兩百戶張承武等准贖千戶  
朱良臣等免兇指揮黃恩等奪俸一月馮世臣等三月李應春  
等付巡按御史逮問○庚午提督兩廣軍務兵部右侍郎兼都  
察院右僉都御史應攢卒贈兵部尚書賜祭葬如例積浙江遂  
昌人嘉靖五年進士授刑部主事歷知府布政使汪右副都御  
史巡撫山東調山西汪兵部右侍郎總督漕運尋以本職兼右

僉都御史視師兩廣至是卒于官積和雅有度外無矯矯聲迹  
而內貞介自持不隨人俯仰居官務實政雖與時多忤然所至  
民咸稱之。卒未原任吏部尚書李默起召至京疏謝 上命  
益展才猷以副委任



大明世宗肅皇帝實錄卷之四百四

大明世宗肅皇帝實錄卷之四百五

嘉靖三十二年十二月癸酉朔 謝禮部禱雪分命大臣詣各  
宮廟如例 大學士嚴嵩言自古帝王莫不以豫建太子為首  
務臣叩奏密對雋以為請 聖衷淵邃久未施行中外臣民引  
領顛望謂此大事置而不講臣等何以辭其責請及開歲之首  
諏吉舉行 上曰卿此跡自解是矣恐非安上敬君之道昨景  
命次日何物奸逆造言朕躬弗豫久聞沸騰謂今諸事皆仲文  
與嵩為之如立太子第二人不言即一言朕無不行者故敢為  
此欺 天欺朕併害卿等專因立脩之情已甚明矣連日不聞  
訪獲主使者安得不重治朕承 天眷卿第安心力贊毋昧細  
邪敢有借此欺覆者重加以刑所司知之○甲戌 命它運京  
通倉米十五萬石於宣大二鎮十二萬石於昌平鎮給明年軍

餉以歲荒匱買不及從督撫官奏請也 命增給紫荊倒馬居庸諸關隆慶諸衛防守軍士冬月糧銀二錢〇乙亥旌表山東等處節婦陳氏等十二人烈女李氏一人 東一真人恭誠伯陶仲文奏山東濟南府齊河縣有道士張演昇建大清橋巨已募銀一萬五千餘兩助工近聞潘河得龍首一重千金又突出石沙一脉長數丈若有神助迄今尚未報完已捐內帑以終大工 上令給銀一萬四千兩 大學士嚴嵩言戶工二部稱鑄錢一千九百萬錠合用工料銀三千二百八十二萬七百七十兩有奇而戶部太倉庫貯銀止有一百五十三萬六千兩已自不敷京邊歲用之數工部節慎庫貯銀止七十萬兩盡數以鑄錢尚不及十分之一但行之各省又恐擾民況今時值災荒為之尤難奏內欲將嘉靖通寶量為依式鑄造陸續進用合無俯

從所議得旨既工料不敷每年陸續造進各省不必行。丙子  
慈孝獻皇后忌辰 奉先殿行祭禮 以玄岳工成遣英國  
公張溶往行安神禮恭誠伯陶仲文往建醮尚書顧可學自請  
與仲文俱從之己乃以工成頒賞效勞諸巨命工部右侍郎陸  
杰回部管事廢一子入監讀書仍賞銀四十兩貯絲四表裏巡  
撫都御史屠大山馮岳沈良材各三十兩二表裏巡按御史胡  
宗憲朱瑞登同如斗各二十兩一表裏提督太知山太監王佐  
四十兩三表裏。己卯巡撫山西都御史趙時春補獲廣間患  
彬白言免筭以聞詔即處決梟示。庚辰改刑部右侍郎鄭曉  
為兵部右侍郎兼都察右僉都御史總督漕運巡撫鳳陽等處  
陸右春坊右諭德兼翰林院侍講尹臺為南京國子監祭酒  
陸太常寺少卿何雲鵬為南京右通政。辛巳授監生崔健

錄為太常寺博士帶俸辦事黜錄正一真人張彥頊瑑也。壬午周府昨城王府奉國將軍安渡坐持刀戕凡辱習親王等罪詔發禁高牆。崇王載境為叔懷安王厚嫌故內助周氏請封。後襄府棗陽王妃單氏例禮部議親王安賤有出者得成夫人。此定制也。其後親王生母得請封次妃郡王子將軍生母遂得請封夫人。賚緣倖恩寔從始如單氏子為將軍而得請封為妃。踰制甚矣。今周氏止生二女亦遂被此以圖僥倖。及今不節。後將無妃請自後親王之妾有子者許即封夫人。其子已襲封親王而嫡妃不存者許請封為次妃。郡王之妾其子已襲封郡王而嫡妃不存者許請封為夫人。仍請初知會不給誥命冠服。及裁減身後祭葬。此外毋得濫請奏可。癸未禮部以歲終當遣官冊封宗室而畿甸災傷驛遞艱阻請移來年四月應古者

孟夏封諸侯之禮詔可著為令 給錦衣衛帶俸副千戶褚江  
張子成各房價銀一千二百兩江晏妃父子成常妃姪也。甲  
申陞南京大理寺右寺丞趙大祐為大理寺右少卿太僕寺少  
卿郝良臣為太常寺少卿提督四夷館 應天巡撫都御史彭  
黠巡按御史孫慎以薊松常鎮四府近遭倭患民居流徙請蠲  
大倉州京庫銀三萬六千二百兩有奇嘉定縣京庫銀八千四  
百兩有奇上海縣京倉銀五萬八千九百兩有奇其餘四府所  
屬州縣積逋二十七年至三十一年錢糧皆停徵又言南方衛  
所言邊者成腹裏者運制也自適年以松江所運船二十隻改  
派金山衛及青島二所代運邊腹互失其職宜復舊制章下戶  
部議京庫銀不敢議免其積逋錢糧白光祿寺物料并三十一  
年以前補足外皆可贖征運船舊制宜改復如贖等言報可

先是兵部尚書鼎鈞請令科道官會議各邊總督鎮巡諸臣優劣疏名上聞請旨默涉報可於是六科給事中王國禎等十三道御史胡宗憲等各論劾總督何棟總兵徐珏副總兵崔麒張淩巡撫吳嘉會艾希淳劉璽趙時春各不職當黜調薦舉兵部侍郎楊博許論南京兵部尚書張經宜任總督大理寺丞魏謙吉應天府丞李珊太僕寺少卿鄒懋卿布政使王崇恭政劉廷臣張煥副使曹邦輔宜任巡撫副總兵周蓋昌岳懋王寶何淮恭將歐陽安龔業馮登孫潮宜任邊方總副詔下吏兵二部覆議得旨棟准致仕璽降一級調外任時春回籍聽調嘉會希淳俱番用珏麒革任回衛淩回衛聽調博聽益昌等酌量推用

望協守遼陽薊州副總兵官岳懋周蓋昌俱署都督僉事克鎮守總兵官懋大同益昌薊州命署都督僉事棟鳳恭將孫朝

馮登俱克協守副總兵官鳳正綏朝序夏登大同。乙酉御史  
蔡朴言宣大趙川平遠等堡適當要害原設塔守把總權輕請  
改設守備總理各城堡守備宜分隸本路恭將提調以便節制  
部覆先行 峽西鎮巡官賈應春等疏言峽西遊擊三員所領  
軍不滿二十兵分力弱徒增騷擾乞併為一營仍補足三十之  
數以一遊擊領之而汰其二刺員別用報可。丙戌建總報歲  
成大典詔諸司停封事十四日 詔以陝西臨鞏二府屯田改  
屬分心灑石道僉事兼理。丁亥 貞惠安和景皇后忌辰遣  
恭順侯吳繼爵祭 陵寢。戊子雪文武百官表賀 琉球國  
中山王尚清遣陪臣長史梁炫等來貢馬及方物宴賚如例。  
庚寅改南京戶部右侍郎陳儒為刑部右侍郎 命兵部左侍  
郎楊博兼都察院右僉都御史總督薊遼保定等處軍務 學



山西左布政使王崇為都察院右副都御史巡撫山西河南右  
叅政劉廷臣為右僉都御史巡撫宣府 陞四川道御史孫文  
錫為南京大理寺右寺丞 陞宣府叅將歐陽安為署都督僉  
事充總兵官鎮守保定命馮蘭谷叅將龔業大同左叅將殷尚  
質俱充副總兵官業協守薊州尚質遼陽口 乙未立春順天府  
官進春命司禮監官漆進 丙申陞南京兵部右侍郎張圻為  
兵部左侍郎陞江西左右布政使陳沫為都察院右副都御史總  
理糧儲巡撫應天 陞禮部署員外郎陳善為廣西按察司僉  
事提調學校 戊戌南京禮部尚書王崇慶三載秩滿廕其子  
田為國子生 己亥以天職建醮於內殿停封事二十八日  
詔取太倉庫銀十萬兩御前用 辛丑歲暮行大裕禮于 太  
廟造成國公朱希忠代 以明年正旦節遣叅順侯吳桂爵長

寧伯周大經王田伯蔣榮武定侯郭守訖分祭 諸凌都督王  
朝用祭 恭仁康定景皇帝都督沈奎祭 孝潔皇后 哀冲  
莊敬二太子中官祭 恭讓章皇后各凌墳 望翰林院編修  
嚴訥為本院侍讀以九年秩滿也 南京兵科給事中賀涇條  
奏拱衛番都七事一議事權凡地方有警南京兵部會推知兵  
大臣一員在江南則居新江口等處在江北則居滁和浦口等  
處居中調度相機勦捕二簡官軍各營軍士宜汰其老弱補以  
精壯仍選謀勇者為把總無事常行訓練有警征調防勦所司  
以時閱視評勳支地租營房銀犒賞三濬城濠通濟等十三門  
兵馬通衛有為民居妨礙者拆毀神策等三門壕河有填淤者  
濬沿四肅門禁守門軍士原給器械宜專官查驗整理五詰姦  
細京城內外及徐滁和地方宜編立保甲嚴行稽察六處搭船

水軍戰船宜徵沙船改造其骸衝樓船當量存之七重應城池  
河新營所鑄飛熊三衛勅巡視官聽兵部節制江北有警亦聽  
鳳陽撫按官調遣 上從其議 巡按直隸御史孫慎勘報倭  
夷殺掠吳淞嘉定地方論巡撫彭黜恭政翁大立六合知縣董  
邦政副總兵湯克寬指揮劉重光不能防禦已正其罪陣亡鎮  
撫胡賢重傷指揮黎鵬舉並宜優恤得旨倭奴侵擾諸巨督守  
無策黜停俸四月大立二月邦政等姑宥之克寬停俸戴罪殺  
賊立功餘從所議 錄寧固二營入衛官軍紫荊關禦虜力戰  
死事功陞詹恩職二級門祿齊趙漢等六十二人各一級世襲  
俞恩等一百四十三人各賜銀兩陳原兒徐紀贈官附祀 湖  
廣川貴巡按御史胡宗憲應宿麟王本固秦苗寇渠魁龍許保  
吳黑苗就戮餘黨悉平戴罪諸巨如總督侍郎張岳巡撫都御

史任轍先已病卒其湖廣四川貴州撫臣屠大山張素王學益  
兵備副使趙之屏恭將李英等七人功俱尚錄恭議劉望之僉  
事龍遂布政使周家等三十八人恭將石邦憲守備吳時春等  
亦當并錄先任都御史萬鏗首議有勞乞加敘磨得旨岳轍准  
復原職仍給應得卹典大山素學益各賜銀三十兩紵絲二表  
裏之屏英等陞俸一級望之遂各銀十五兩米等十兩邦憲二  
十兩時春等俱准贖鐘磨一子入監讀書 漕河工完詔陞總  
理河道右副都御史曾鈞為工部右侍郎兼右僉都御史視職  
如故工部員外郎彭澄望一級主事欽拱極陳元球包應麟副  
使譚起宇天龍各陞俸一級郎中梁思主事鄭述陳茂禮諸擘  
各賞銀十五兩紵絲一表裏兗州府同知王棟等各十五兩漕  
運都御史吳鵬三十兩二表裏御史成子學李逢時黃國用各

十兩一表裏工部尚書歐陽必進二十兩二表裏仍令禮部祭  
告河神

大明世宗肅皇帝實錄卷之四百五

明世宗肅皇帝實錄卷之四百六

嘉靖三十三年正月壬寅朔 上不御殿命成國公朱希忠代  
拜 天子 玄樞寶殿大武百官朝服詣奉天門行五拜三叩  
頭禮各上表稱賀○先安賜降錢鈔○建元旦吉照了大高玄  
殿停封事二十八日○詔錦衣衛達六科給事中狄思靜等各  
珽杖四十以賀雖中夫提 萬壽字故也○以宣大歲荒暫增  
工本追及鹽引價銀二萬三千一百餘兩為軍餉○甲辰  
宣宗帝皇帝忌辰 奉先殿行祭禮遣恭順侯吳繼爵祭  
景陵○丙子陝西西固城地震○丁未侍享 太廟命附馬都  
尉鄧宗和代○景嶺島夷寇掠桃林關口奉將李我購得首惡  
道漢并所掠男女總督侍郎楊博請禁道漢欲俟虜入而時械  
赴喜峯口宣示以善諸夷許之○壬子康妃杜氏薨妃 祿王

母也禮部隨上喪禮儀注尚書歐陽德等因言 崇禎皇妃薨  
或未生皇子或子非居長而受封之國或子立為末宮而先薨  
俱與今不同惟或化中淑妃紀氏薨所生皇子倫序居長與妃  
子體相類但仗時皇子尚幼而今 裕王既已成婚禮宜持服  
主喪送葬出城儀節稍異力議輟朝五日 裕王主喪遵孝慈  
錄斬衰三年欽差大臣題至開塋掩壙利謝 后土并用工部  
官送葬儀仗人數皆增于舊 上覽之謂大學士嚴嵩等曰部  
擬用 憲廟淑妃例大不同且 裕王不需服斬衰嵩等對  
憲廟初有悼恭太子在前淑妃之子居次正與康妃今日事體  
相同故禮部擬用其例喪禮必子為主 裕王殿下須服斬衰  
以視饋奠之事 太祖御製孝慈錄序文曰庶子為其母斬衰  
三年部議遵用此也 上復諭尚持斬衰服三年當遵若父之

尊高古臣考洪武七年貴妃孫氏薨無子 太祖命吳王濬服  
慈母服斬衰三年主喪事皇太子諸王皆服菴是年孝慈錄成  
遂為定制自後久無是事故未之講及茲當垂訓作則于後伏  
乞仍命 陛下茲日哀杖入哭 凡筵其後居府盡三年之制  
上意猶未以為然力批部疏曰輟朝五日不合一切所擬俱非  
禮之正其考賢妃薛氏例酌議以聞于是德等復上儀注一聞  
喪自本月十四日起至十五日止輟朝二日不鳴鐘鼓 上服  
淺淡色衣服于奉天門視事文武百官各具淺淡色衣服烏紗  
帽黑角帶朝服欽命 裕王主饋奠之事一 裕王聞喪率妃  
入宮素服哭盡哀行曰拜禮視小發大發成服後朝夕哭臨三  
日以後每日一奠通前二十七日而止仍于燕居盡斬衰三年  
之制以伸子情一初喪 御祭一壇皇妃共祭一壇祭王并妃



祭一壇公主共祭一壇涇簡王妃壽定王妃共祭一壇裕王并妃共祭一壇是日內使陳汝祭饌拜位如常儀內導引官導裕王并妃詣拜位贊曰拜真酒讀祝贊曰拜舉哀興哀止望瘞禮畢一奠黃是日陳汝祭儀以祝文及誥冊文置于靈前內導引官導裕王詣靈柩前贊曰拜興平身贊跪執事者以贊進于王之右贊受爵獻爵者三贊讀祝請祝者取跪跪讀訖贊宣冊宣冊女官取冊立宣訖贊俯伏興平身贊四拜禮畢奠祝及冊一七七百日周年二周年每次御祭一壇皇妃共祭一壇景王并妃共祭一壇公主共祭一壇涇簡王妃壽定王妃共祭一壇裕王并妃共祭一壇在頃王并妃行禮儀如初喪葬後遣中官墳園行程裕王禫服日遣本府中官于墳園致祭一間塋域祠后土道內官行禮一辭靈後引前一日御祭一

壇皇妃共祭一壇景王并妃共祭一壇溼蘭王妃寺定王妃共  
祭一壇六尚司共祭一壇內官內使共祭一壇 祿王并妃共  
祭一壇王平妃行禮儀如初喪一發引落奠祖奠竟奠 御祭  
各一壇 祿王祭各一壇儀如初喪是日執事先以方相橋輦  
車駝馬鼓樂真字綵亭以次排列于玄武門外內使捧銘旌魂  
帛導引柩出玄武門外喪夫抹柩就舉內官以魂帛置小車中  
祿王步送至京城門外路祭畢還宮文武百官先朝祭各穿素  
服烏紗帽黑角帶隨方相後行至路祭處所致祭而還一過門  
內門還中官行禮外門遣太常寺官行禮一路祭 祿王祭一  
壇皇親并駙馬各祭一壇公侯伯文武衙門共祭一壇俱于京  
城門外 外命婦共祭一壇丁鼓捷迤西一靈柩前儀仗內使女  
樂二十四人花檣雲柳女隊子二十人女將軍十人一靈柩至

墳園奉安 御祭一壇 裕王祭一壇 護喪中官行禮祭畢祀  
享首整埋墳中女類玄纁玉璽匣五枚下棺并以銘柱魂帛直  
棺上蓋六五棺之內傍下葬日文武百官先朝祭一下葬遠奠  
御祭一壇 裕王祭一壇 護喪中官行禮 一掩壙畢祠后土 護  
喪中官行禮 一掩壙畢迎靈輓至享堂行安神禮 御祭一壇  
裕王祭一壇 護喪中官行禮 踊入 上曰報朝以十七日為始  
謚字止如例擬請焚黃乃制命非王可行其仍以常禮從事餘  
如議部復奏皇妃焚黃儀傳訛已非一日蓋自 景朝或所生  
皇子及親王或司禮監官行禮皆拜而獻酒跪而讀祝乃奉用  
上等謚之儀而未思賜謚為制命其祭大稱 皇帝遠諭與上  
尊謚迥然不同也今既奉旨以常禮從事當改議賜謚如賜祭  
禮讀祝宣冊皆平立不拜 上報可仍令著為定規如不係賜

謚者臨期另擬以聞遂兩謚 妃為榮淑康妃冊曰朕惟自古  
人君之于妃生既錫以封號沒必加以美謚此古今之通義也  
爾廉妃杜氏早膺淑選事朕有年皇子誕生宜延設社偶嬰一  
疾遂爾長終爰念勞勩載錫嘉號茲特謚曰榮淑爾靈不昧朕  
茲寵光後十三年 裕王嗣統乃追尊 妃曰 孝恪皇后云  
○改總督湖廣川貴軍務兵部右侍郎屠大山為南京兵部右  
侍郎○陞巡撫河南右僉都御史楊宜為南京戶部右侍郎總  
督振儲○詔發太倉米給各處就賑饑民百里以內至者人三  
升遠者處加至二十升而止○河南撫按官以本省歲荒所徵  
折錢五十四萬餘石不足以充藩祿請量留臨德等倉起運折  
銀與推廣事例補之因言唐府郡王祿當從周府例始封者授  
米一百石內以七十五石折色每石銀五錢以二十五石本色

粟米九百石俱折銀三錢五分釐封者粳米一百石粟米四百石本折兼支與始封同將軍中尉王君儀賓及周伊二府鎮國將軍俱全支粟米每石折銀三錢五分于三石中積一石備以待補給戶部覆河南歲漵祿米以八錢徵收以五錢三錢五分放支卽一歲所入尚有折積在庫者可以輔相灌注而罰金商稅亦足以助其不及何至屢請起運之賦乎今當為之量處以保定各倉報價三萬二千餘金與之其他議俱可從之○乙卯上諭禮部曰朕第三女將下嫁已命皇貴妃沈氏為養母一切禮儀其皆遵生母故事○以水災停徵淮安鳳陽二府起運免改本色米七萬五千餘石○陝西階州地震○罷百官上元節宴○吏部言先年方面官考察才力不及者例以原職赴部調簡自回籍聽降之法立而吏有終身淹廢者矣且方面有司同

一考察而一則舉從寬處使猶得以拾級而升一則既絕其赴部之期又重以降級之罰使各官無階自進而本部無缺可補聖世平明之治不宜如此乞仍復舊例以廣器使之途庶野無棄才人知自勵得旨考察不及官員如議一體赴部以原職調簡○丁巳詔停邊選事例先是以邊方乏才每歲春許北方舉貢監生減半就選既而邊吏有缺吏部拘了一年一選之例不時得補而正選守部者又以年次不當補邊方反致停壅于是公私掣肘稱令不便尚書李默等乃言我祖宗創制以歲六選其法最為精密頃年酌行遠方事例已非舊制今加立邊選名已門徑愈多吏道益難非但承用不便而已上亦以為然遂命罷之○戊午英宗睿皇帝忌辰奉先殿行祭禮遣太宰伯周大經祭裕陵○陞巡撫湖廣右副都御史馮岳

為兵部右侍郎兼都察院右僉都御史總督湖廣川貴軍務河南左布政使鄂守愚為都察院右副都御史巡撫河南○辛酉祈穀視牲遣成國公朱希忠代○以挑林閑口失事奪燕河營參將何鎮俸二月指揮黃推等下巡按御史問○癸亥命萬全廣東都司字印者都指揮僉事嚴範莫如嵩俱充參將官範分守宣府東路如嵩分守廣西柳慶○甲子選授中書舍人郭立彥行人間望雲顧弘谿丘楫推官陳嘉謨陳典徐應萬鶴知縣丘岳黃謙張益張師載為給事中岳吏科嘉謨典謙俱戶科應禮科望雲弘谿俱兵科益楫俱刑科立彥工科師載南京吏科鶴南京戶科中書舍人崔棟行人楊美益丘文學邵惟中助教陳九成鄒倫推官李鳳毛潘季馴王極知縣丁業尹庭馬斯臧陰秉暘荀頤王用賢左柱葉恩張師价徐敦張術馬試監察御

文業河南道鳳毛浙江道季馴江西道極福建道庭湖廣道斯  
臧廣東道兼揚廣西道美蓋山東道林九成俱山西道穎用賢  
俱陝西道倫四川道柱雲南道恩南京河南道師侷南京浙江  
道敦南京江西道文學南京福建道惟中南京廣東道循南京  
陝西道○廢授太常寺協律郎各義金為太常寺典簿義金字  
太常寺寺禮部右侍郎徐可成之徒也可成疏言供祀辛勞兼  
歷三品十有五辛乞恩廢其徒義金禮部以為非例詔特許之  
○丙寅啟蟄行祈穀禮于玄極寶殿命成國公朱希忠代○  
孝靜致皇后忌辰奉先殿行祭禮遣彭城伯孫熊祭康陵  
○戊辰倭寇自太倉南沙潰圍出海轉掠蘇松益州縣時賊據  
南沙五月餘官軍列艦于海口圍之數重不能破軍中多疾疫  
乃佯棄畝舟以道之間壁西南隙賊遂行出○湯系威衛都督



影克織金疋線一襲線段二表裏先是影克父革蘭台守邊有功朝廷于常額給賞外屢增永改勞之歲以為常至是影克以送歸人馬功授例求加賞 上許之仍令邊臣省諭今後不得噴授○己巳初直隸安慶府推官郭未朝以三年滿當給由撫按官因杖捧 萬壽聖節表入京既行忽稱疾棄表歸會聞行取之報乃就道于是巡按御史問來徐拭金澗交章劾未朝棄置表文不致并數其任內貪暴無狀不當濫與行取之選有旨令吏部陳狀尚書李默侍郎王用賓葛守禮具疏引罪且請罷未朝詔革未朝職為民所犯賊私行巡按御史驗治仍切責吏部曰行取官員係用人重典爾等玩法行私濫用匪人默任在未朝行取之後姑不完用宿等各奪俸二月該司郎中職在專理欺蔽為奸降雜職外用了是文選司郎中楊載鳴坐貶為福

建將樂縣典史○辛未降原任荊州道兵備副使劉燾一級調  
邊方用燾特丁憂回籍巡按御史慕揚企追論其貪縱不法當  
罷部覆惜其才勇詔俟燾服闋之日降調邊方用○應天巡撫  
都御史彭黉以倭患孔棘請令蘇松常鎮四府得納承差如各  
省例并權閩門商稅留三十一半以前應解本色布銀以充軍  
費從之○清理四川雲南鹽法戶部主事陳惟譽言七事一雲  
南黑白安伍等井鹽課無異而折價有高下又有計閩不計閩  
計月計小盡之別五井提舉司則又有折布之例宜革布為銀  
銀供足色師井鹽課并巡檢司之折課布者河尼只舊二井之  
折俸者皆以入官各井有額徵續增新增加辦加閩後閩課銀  
多家以地產豐瘠為差妄字頓並二井酒水不足難引日難減  
而價值可省有計小盡與銀不如式者罪之一革黑井安寧井

本司提舉一員白井副提舉一員黑井安寧井各監課司副使一員而以山井鹽課司官吏改置了石縫井一雲南鹽法雖有叅政兼理撫按督察而地方查濶按視未周可以安寧井屬之安晉黑白井屬之河海伍井屬之金滄各附近守巡兵備官得以時稽察一雲南文冊但有造引鹽斤之數而新增井口與折價解部者不載無所叅考可循塚籍記使不得為奸一貧民稱貧不能償至有以面滴准逃金井斷與者夫井滴窳戶所業以供國課藉全有負何得取償于此宜痛禁之一雲南課窳既無侵免田糧亦無可差財力而所司科擾多方致損正課今自本俟外不得復一有所委一白井提舉梅鶯貪婪不法宜削職下所司按問詔俱可○發太僕寺馬五千匹于居庸紫荆等關先給宣大入衛官軍并發馬價三萬兩于山西獨馬補騎操之缺

○以三年考滿詹禮部左侍郎閔如霖子道亨總督倉場戶部  
左侍郎楊行中子鉉工部右侍郎郭鑿子治統俱為國子生

明世宗肅皇帝實錄卷之四百六終



明世宗廟皇帝實錄卷之四十七

嘉靖三十三年二月壬申朔禮部言宰府宸濠既以反誅其大宗宗廟已毀小宗支屬猶存始封之王不可無祭而已毀之廟不當復建此所謂禮之變而當議廢者也始本部議請獻惠二廟每一易世歎定一節王奉祀蓋即本有之廟而定祭祀之禮將以息覲覲爭執之私耳今諸宗室各執一說紛紜奏擾在樂安則曰惠王小宗之首在建安則曰獻惠有服之孫在弋陽長子多缺則孰父管理故事一定不移難言各有據然皆不知毀廟無復建之理而即王有不可論之公蓋私而不能斷之以義者也臣等竊惟獻惠二王琦所各有享殿而樂安弋陽建安諸府各有家廟乞令每遇歲時正旦清明中元霜降冬至等節各府司左儀賓一員詣享殿致祭其餘品節即輪流供辦而視文序

列諸王之名庶祭既不贖而追遠之孝可伸惟獻王則每歲立  
奪用古者祭先祖之義各府各設位于家廟致祭而以始封郡  
王配食其祭儀俱從生者制度不得僭用親王禮樂無情說得  
盡而公亦不踰其原設齋即鋪排屠戶廚役及添撥校尉諸人  
盡人裁革每年有司于均徭內加徵銀一百五十兩三府敷授  
分顧回府以供祭費其樂工十二戶每府分管四戶以給私祭  
遇有迎詔勅進表箋及冠婚諸大禮則十二戶通行供事毋致  
逃竄永無撥補其禮生有司臨期撥用事畢即回毋得占悞得  
旨先行○建春告大齋於朝天宮三日夜○祭高詔革韓府襄  
陵王奉祀安惠王樂戶均安惠王公封平涼王堯庶子國除韓  
憲王徙居平涼乞以次子襄陵莊穆王冲味奉惠王祀 英廟  
許之給守園官校至冲味孫安穆王徵鈔復請得供祀樂戶徵

鈴囊韓王驅燧以樂戶非郡王所宜用議請裁革 上以惠王  
故不許既而徵鈴長孫旭禮與韓王相奏計不已詔議旗枝樂  
戶本出一時特恩不可為例請以枝射附入平涼衛專司惠園  
掃除不得聽襄陵王私役樂工量留十二戶供事餘悉罷革每  
歲時惠園祭享韓王自遣儀賓一員行禮從之○初淮莊王元  
妃吳氏生嗣王厚燾繼妃周氏生紹興王厚燾周氏後莊王十  
歲薨列葬青山度原厚燾長以母妃不耐葬歸怨厚燾因訐其  
陰事厚燾亦滴厚燾諸不法狀 上以繼妃別葬非禮令即遷  
周氏祔葬王墳仍諭厚燾改行親睦毋得再行奏擾○改密雲  
湯守副總兵為分守定昌控擊為副總各責地守之以堵子竊  
東西為界西至黃花鎮接境番番副總兵來至山海關遼東  
接境番定昌副總兵俱聽總督鎮巡節制○中戌改湖廣湘倫



張筮竹彈為筮竹水馬驛栽葦磊石瓦口二驛及汭陽州陽名  
湖亭二河改下小卷河泊所三鐘祥縣赤馬野豬湖河泊所一  
汭陽州道州武昌縣長沙縣稅謀局五從湖廣巡撫屠大山奏  
也○乙未諭去羊九月剿平強賊師尚詔等功罪賞山東巡撫  
沈應龍鳳陽巡撫吳鵬各銀四十兩紵絲三表裏副使邦輔三  
十兩二表裏僉事王之誥李才參議俞維屏副使焦璉李懋李  
憲卿參議黃洪毗莘縣知縣江文式都指揮尚允紹李塘各二  
十兩一表裏指揮汪思孝民兵劉林傑二級林仍賞銀二百兩  
贈死事歸德府檢校董綸為本府同知舉人陳闡詩為鳳陽府  
同知仍各立祠祀之量睢州知州王祇職同守備謝居歸德知  
府尹一仁俱下巡按御史問令僉事章煥赴部候調除各賞罰  
有差董綸大谷人既入府城知府及守衛官皆道綸卒民兵巷

戰被執垂死猶手刃數賊其妻賈氏及一姪一僕皆從綸死陳  
閻詩柘城人尚詔索其名約克城之日必生致之刻以為帥  
既而衆擁閻詩至不屈賊斬其家屬數人以脅之閻詩知不可  
脫詔曰必欲我行勿縱火勿殺人則可賊許諾令人簇馬上擁  
之行聞詩遂不食三日至鹿邑自縊○發太倉銀二萬兩於宣  
府完運米二萬石充餉○丁丑祭先師孔子命大學士徐階行  
禮○陝西蘭州地震○命巡直隸御史毛鵬勘上三十二歲十  
一月虜寇萬全右衛及洗馬林堡諸將失事罪狀詔總兵劉大  
章策勵防禦守備王佐張世勳等各革任逮治有差○戊寅祭  
太社稷遣定國公徐延德代○己卯祭太社稷遣成國公  
朱希忠代○建大祈盛典三日遣大臣定國公徐延德等祭告  
各宮廟○庚辰倭寇由上海甬浦逸出攻松江府官兵追戰敗

績縣丞劉東陽死之。○辛巳春分祭大明于朝日壇遣駙馬都尉舒景和代。○孝貞純皇后忌辰 奉先殿行祭禮遣武定侯郭守乾祭 茂陵。○癸未令南京刑部尚書顧應祥致仕初應祥奏三十二年重囚應決之數比得報已過冬至二日應祥輒以奉旨在前便宜論決時南道御史李尚智為監刑官事竣聞人言非之則大悔乃與給事中賀澂交章劾應祥始既遷延奏報以悞行刑之期繼復任情自恣以復元陽之氣病老失職不宜復處位且言應祥所以敢於專決者其說實受之刑部尚書何鯨鰲亦宜並治鯨鰲疏辯 上置鯨鰲不問而下應祥事於吏部部覆應祥老病恍惚徒知遵命為重而不知冬至之後例當覆請與監刑官均當以過誤簿罰得旨應祥既有疾許致仕該司部中劉一中與尚智不早據例奏請各奪俸三月。○甲申陞兵

部右侍郎翁傳為本部左侍郎召總督三邊兵部右侍郎賈應春回部視事○陞山東左布政使汪大受為都察院右副都御史巡撫湖廣○命署都指揮僉事通州副總兵曹世忠充左副總兵協守甘州宣府叅將李賢充副總兵分守薊州建昌營口○甘肅總兵王繼祖巡撫王誥遣降人王真率卒百餘人出塞搗虜首那木孩巢斬首三十三級事聞詔賞總督賈應春反繼祖誥各銀四十兩綵幣三表裏王真陞二級賞銀三十兩所獲功次令處按御史亟勸以聞○勅襄陵王府奉國將軍偕沐自盡以子刃宗姪輔國將軍旭檜故也○丙戌兵部覆原任巡撫鹿天能御史彭鼎奏去年九月倭賊流劫華亭南泖上海吳松江等處諸守臣功罪狀初賊入副總兵湯克寬兵備僉事任震松江府同知都文奎等迎戰皆不利後克寬追賊於黃山敗

之環等各叢兵自守難無折獲功境內以全罪亦有可原者  
上是之命赦環文奎等罪各舉勵供職充寬功罪俟覆勘議處  
○己丑英國公張溶祭玄嶽還復命自言當祭時天氣晴明和  
風披拂方初獻神殿南有爐峯忽出五色光殊彩四燭至祭畢  
始隱隱徐沒因繪神光圖以獻報聞○庚寅 恭仁康定景皇  
帝忌辰遣都督僉事沈至祭 陵復○陞貴州按察使鄭綱為  
湖廣右布政使○壬辰命恭順侯吳繼爵僉書左軍都督府事  
豐潤伯曹松掌南京右軍都督府事陞南京錦衣衛僉書署都  
指揮僉事方恩為署都督僉事僉書南京右軍都督府事○乙  
未祭歷代帝王遣定國公徐延德行禮○發太倉銀七萬兩於  
大同七萬八千兩有奇於宣府二萬七千兩有奇於山西五萬  
於昌平七萬兩於易州充兵餉○丙申清明節遣恭順侯吳繼

爵武定侯郭守乾長率伯周大經王田伯蔣榮公祭 八陵都  
督僉事沈至祭 恭仁康定景皇帝都督僉事王朝周祭 孝  
潔皇后及 哀冲 莊敬二太子中官祭 恭讓章皇后各陵  
塋○丁酉贈故戶部尚書督理西苑農事張潤太子水保謚恭  
肅賜祭如例潤山西臨汾縣人弘治十五年進士授河南宜  
陽知縣遂授給事中陞順天府丞都察院僉都御史巡撫順天  
寧夏仍回院管事九年秩滿陞副都御史大獄罷歸十年餘以言  
音薦召復原職陞兵部侍郎工部尚書丁憂服闋召起為戶部  
不赴以疾乞致仕許之未幾卒年八十餘潤端雅有度居官一  
志奉公所至有聲績而剛正自持屢躓不受其德字恂恂恭謙  
好禮知人至今稱之○巡按直隸御史孫慎劾奏新陞南京工  
部尚書應天巡撫彭黜身居重任不能出死力以扞地方乃縱

賊盤據南汝杜門高卧至屢趣之進兵點不得已一至太倉散  
千金以募勇士日給廩餼所慶又以千計魯一天未發俄已退  
還南京矣未幾而工部尚書命下點不候交代遂封其印綬寄  
之應天府一切軍務俱置不理樂於脫一己之患害而忍於視  
百姓之魚肉遂使諸賊偵知調度無人東馳西突殺掠不可勝  
計乞重治以警人臣偷安避事者疏入 上怒命錦衣衛械繫  
至京鞫問之尋點為民○戊戌海西弗思等衛女直都指揮艾  
因卜魯等來朝貢馬宴齊如例○安鄉伯張坤卒賜祭葬如例  
子鐸嗣○己亥陝西甘州地震

明世宗肅皇帝實錄卷之四百七

明世宗肅皇帝實錄卷之四百八

嘉靖三十三年三月辛丑朔 孝肅皇后忌辰遣長寧伯周大經祭 裕陵○陞工部左侍郎陶尚德為南京刑部尚書巡撫遼東右副都御史江東為兵部右侍郎兼都察院右僉都御史總督陝西三邊軍務○詔發太倉銀四千三百兩賑上林苑蒼育等署饑民○命石塘嶺叅將署都指揮僉事段堂充副總兵分守通州○革代府饒陽王充懋爵送高牆禁住初充懋數以事侵代王廷埼恐得罪乃詐以陳言邊事為名先暴揚縶巡官之惡 上為之連擊巡撫何思總兵徐仁等充懋益驕遂與代王互相奏訐代王奏充懋暴悍險賊挾私凌長及毀銷金冊占法罪因殿辱公差等事充懋亦持王陰事累疏自訟利口捷給前後勘官至首畏充懋口及其黨鎮國將軍俊棨等終莫能決



及巡撫侯鏡奏奪其祿充燕怒不肯承出不遜語 上乃違司禮監少監王臻即訊臻至興山西撫按三司官會皆不直充燕臻使人驗問其故祖祀金冊果失所在而問官前後為充燕所抑奪者三命惡少匿充燕府中首至是皆發其代府陰事獨侍衛左右與民權估爭利及霸占山場王不能禁他事皆誣臻等還白狀因言大同極邊之地宗室繁衍俗習刁悍所賴延倚一人約束之而充燕自負其才辦黨與足以鼓煽是非搖惑觀聽屢與爭抗煩瀆 宸嚴大獄屢興連年不解使獲得行其計各府效尤日漸多事將來貽禍不淺既入下三法司會議如其言上乃詔暴充燕罪廢錮之奪俊棹祿一年仍勅諭代王廷倚令改過守法○癸卯山東官軍捕得濟南盜李自名等四十餘人巡按御史劉錫以聞因言曹濮兵備副使董德明沂州兵備

僉事任布祖等功可贖罪東平知州方弘靜千戶陳公正當賊  
伏境內時見知故縱罪當追論兵部覆奏詔德明等免究弘靜  
公正下御史問○以浙江兵荒暫停今年照刷文卷○甲辰改  
南京兵部右侍郎屠大山為兵部右侍郎兼都察院右僉都御  
史總理糧儲提督軍務兼巡撫應天初吏部請以江西右布政  
方任代應天巡撫彭黥未任以憂去復以江西左布政陳洙代  
之會黥被劾得罪 上命再推忠謹堪任者以聞大學士嚴嵩  
言洙已陞任 上曰卿謂代黥有人不知其人才猷能勝黥否  
且今地方危急一日不容縱賊又恐其人遠不能猝至柰何卿  
可同尚書默詳議默因言蘇松巡撫所轄一十二府州地遠不  
便無轄况當軍興之際調兵轉餉難責一人請添設提督軍務  
大臣一負責之判賊而令巡撫洙專督糧餉 上曰總督與巡

撫並設未知當否其再會同兵部詳議以聞於是然等退復與兵部諸臣計之皆言兵糧兩分行事未便不若依近年浙江添設提督軍務都御史例令提督巡撫合為一人庶責任專而績效可勉其都御史洙暫令回籍候補上以為然因改大山於應天應天巡撫兼提督自大山始○以南直隸太倉州上海華亭二縣被兵准改徵兌運米折色有差○乙巳陞江西左叅改岑萬為廣西按察使刑部山東司郎中盧夢陽為福建按察司提學副使○丙午造大祀十二章衮服升服○命工部右侍郎陸杰無都察院右僉都御史督修顯陵時太和山工將報完因復有事校思殿使杰替之○丁未陝西寧夏銜地震有聲○兵部覆總督薊遼等處都御史楊博奏易州井陘大名三道皆重備邊而所屬地方煩簡夷險各異卒遇有警恐顧此失

彼請自今專以紫荆關屬易州道倒馬龍故三關屬井陘道順德府所轄閭隘屬大名道并將畿內及山西府州縣衛所分隸之每歲秋防仍令井陘道暫駐曲陽大名道暫駐順德以備不虞詔可○戊申先是民間行用濫惡錢率以三四十文當銀一分後益雜以鉛銅蕩劣無復形製至以六七十文當銀一分校偽者或剪楮夾其中卒不可辨是歲因給事中李用敬言乃詔公私用錢唯以國朝及前代制錢相兼行使凡嘉靖通寶錢以乙文作銀一分洪武等字號錢與前代雜錢上品者俱如嘉靖錢例乙文用其餘視錢高下或十文或十四文或二十一文准銀一分其一切私造不堪濫錢悉行禁止犯者置之法是時小錢行用久弊革之小民頗稱不便俄又出內庫錢給文武官俸不論新舊字號又錢美惡患以乙文折算由是諸以俸錢市易

者亦悉以七文抑勒予民民益騷然屬連歲大侵四方流民就  
食京師死者相枕藉議者咸謂錢法不通所致於是御史何廷  
鈺條陳時政疏內及之請許民用小錢以六文當銀一分其  
庫貯舊錢給百官俸者宜如前詔分高下品等差不宜俱比嘉  
靖代為準疏下戶部覆稱濫錢非制法所當禁若官為全用之  
是開私鑄之門以王者利柄假盜賊也且方下厲禁未期月更  
之法全不信民無所措其手足其內庫所貯錢由門攤稅課而  
入原以七文折收故不宜增數給俸第責令司稅凡收錢務擇  
取高等者耳鈺所陳八事多迂漫猥瑣難施行者初下戶部久  
不覆時戶部山西司郎中劉爾收精悍彊記諳習錢穀故事尚  
書方純深所委信鈺乃詣爾收邀覆其疏爾收性矜忽酬接不  
以禮廷鈺已啣之矣及覆疏見格而錢法一款尤為抵逆廷鈺

不務憤乃詆訐爾牧事已自用不念百姓之急前 陛下成諭  
該部搏節爾牧謂朝廷自不惜財視如泥沙不節之實無名之  
費不可殫舉今茲帑藏迫且窘矣既以之貸光祿復以之輸內  
府而贖贖戶部搏節何也其詞涉誇設無人臣禮請亟斥之以  
懲不敬因請併治純 上大怒曰朕取太倉銀未百萬牧爾謂  
朝廷視財如泥沙其曰不節無名蓋謗朕言修耳光祿日用飲  
食亦豈過用小臣訛上無禮如此其走杖之百黜為民純姑貸  
之錢法且從民便以朕紀元者七文易銀一分洪武等號十文  
前代三十文行之十年再議然諸濫惡小錢以初禁之嚴雖奉  
旨開行竟不復用而民間乃競私鑄嘉靖通寶錢與制錢通行  
以至于今○己酉陞總督倉場督理西苑農事戶部左侍郎楊  
行中為南京工部尚書風子監祭酒葉瑛為南京吏部右侍郎

山西右布政使蘇志皋為都察院右僉都御史巡撫遼東○初  
兵部議定犯罪軍官子孫革襲之例已奉旨行矣至是騰驤左  
衛舍人喬應龍以高祖千戶喬順存洪武中論死例當革襲乃  
自言臣祖當國家開創之初以縱征被刑與洪熙後承平犯法  
抵罪者不同故子孫數輩皆得承襲今一旦革罷恐非朝廷所  
以卹錄軍功之意疏入部臣深直其言因請以應龍為例凡軍  
職犯罪典刑或監故充軍者係洪武永樂間已經承襲俱仍舊  
洪熙以後犯罪者始查革詔可○庚戌陞光祿寺丞孫植為本寺  
少卿○免蘇松二府三十三年應派料價充海防軍餉○辛亥  
上諭吏兵二部朕惟連年自戍成逆賊入犯之後凶荒四歲  
百姓饑窘已甚良用惻焉今秋災惟恤民養軍為要二者得人  
雖患亦不害吏部行各被災地方有司加意賑恤其能惠養有

方勞績彰著者奏聞擢用貪殘殃民者處以重典兵部行各邊鎮巡將官撫愛軍士整飭兵政嚴謹隄備各務責實遵行如或悞事必罰無赦吏部因上言救荒四事一停逋欠謂今被災地方雖屢奉賑貸之詔而有司追徵積逋不為停止此無異以勺水救燎原得不補失今雖不能盡蠲諸京邊糧餉之供其係存留及遠年逋負者宜暫行停徵候秋穰日更議一清獄囚謂饑窘之年百姓糊口不瞻矣而復淹禁囚徒責其贖鍰是既踣而益以重負連繫之術也今宜令各處訟繫貧民凡原審有力監追日久者俱改從發配的決或從稍有力例輕減毋致瘦死橙杆以傷和氣一懲貪墨謂尺絲半粟皆民脂膏貪吏徃徃駕言公用漁獵不禁以充私橐及事一敗露反得以科罰例送部降用是誨之也今宜嚴為之禁凡有科罰不論公用與否皆以墨



論具有巧避科罰名稱而貽累里甲者一體治罪一戕暴橫謂  
災荒之鄉多有惡少乘機劫奪甚使商賈閉途閭閻杜絕為平  
民患害非細而况不逞群謀漸不可長宜令各處撫按嚴督兵  
備等官以法收捕毋令滋蔓得旨俱如議行○壬子工部右侍  
郎兼都察院右僉都御史陸杰卒以督修顯陵及太和山工  
詔贈工部尚書賜祭葬如例○癸丑詔鎮守雲南總兵官沐朝  
弼襲封黔國公初朝弼父紹勳娶夫人李氏無子妻賀氏生子  
朝輔朝弼紹勳卒朝輔襲爵生子二人融鞏夫人陳氏出也朝  
輔卒融鞏尚幼詔許融承襲優給授朝弼都督僉事代鎮其事  
未幾融鞏俱夭母夫人李氏奏請襲爵事下撫按官勘實許之  
○巡撫浙江兼管福興泉漳都御史王忬以三十二年九月後  
倭寇二次犯興化府南日舊寨及十一月後泉州府兵出洋勦

殺石州澳深泥灣等處賊船事聞因叙上諸文武將吏功罪謂  
興化知府董士弘泉州知府童漢臣保障有功當旌獎把總指  
揮張棟先敗後功宜准贖千戶葉巨卿百戶張養正死事宜卹  
錄得旨棟赦勿問士弘漢臣俱養以銀幣巨卿養正下撫臣優  
卹○諭南沙縱賊罪革浙江提督海防副總兵湯克寬備倭都  
指揮梁鳳職俱帶罪立功以通泰叅將解明道代克寬福建備  
倭都指揮盧鏜代鳳初賊自南沙出海轉掠嘉定上海間克寬  
等莫敢前但伺賊入海則督陸兵登岸則督水兵故與賊相左  
以觀望塞責於是巡按御史孫慎奏請逮治上以用人之際  
姑薄罰之○甲寅 武宗毅皇帝忌辰 奉先殿行祭禮遣王  
因伯蔣崇祭 襄陵○陞戶部右侍郎即虛紳為本部左侍郎總  
督倉場督理西苑農事翰林院侍講學士康太和為南京禮部

右侍郎巡撫江西右副都御史蔡雲程為南京兵部右侍郎○  
乙卯以唐王宇溫年七十有行誼賜勅獎諭○以四方災異兵  
荒建為民祈佑醮典七日命文武大臣英國公張溶等祭告各  
宮 廟各處巡撫都御史祭告 山川等神○陝西鞏昌府  
地震○停分理蘇松等處海防浙江按察司僉事董邦政休令  
其戴罪殺賊坐擅離信地致賊猖獗為巡按御史孫慎所糾也  
○詔福建巡按御史邊備倭都指揮張輝至京問停分守嘉抗  
叅將張淙俸戴罪殺賊俱坐陞任回籍為巡撫王忬所劾也○  
丙辰陞江西布政使司右叅政張永明為河南按察使○發太  
僕馬價銀一萬六千兩于陝西鬻馬兌給固原入衛官軍○丁  
巳議開膠萊新河遣雲南道御史何廷鈺齎勅視之○戊午未  
封妃彭氏薨追封安妃喪葬如例○己未海西并建州雙城等

衛女直都督阿台等來貢馬宴費如例○庚申改原任應天巡撫右副都御史陳珠巡撫江西○陞巡撫陝西右副都御史謝九儀為戶部右侍郎左春坊左諭德兼翰林院侍讀李璣為國子監祭酒○發太僕寺馬價并缺官柴薪銀三萬五千兩於河南一萬五千兩於山東市馬備各鎮用○詔留諭戍副總兵梁臣於薊鎮立功贖罪以總督楊博薦其知兵故也○辛酉初尚書彭黈自巡撫陞任以內地撫臣例不候代為辭故聞報輒解印坐規避得謫御史徐栻因言近日寇盜紛紛所在旁午即腹裏興邊方不異若猶執泥前規徑許解任則前之者既踴躍於息肩而後之者或趨趨於就道是使地方空存虛銜而倉卒他虞無所倚賴非所以弘濟艱難為生民保障長計也今宜令各處總督巡撫不拘邊腹遠近凡遇陞遷丁憂宜去任首領一體

候代不得擅離其或降調革職者許巡按御史以便宜行事不在此例疏下吏部覆可從之○桂陽獠賊適天通等坐與居民爭田繫藍山縣獄久之得釋文通遂聚衆糾連山賊千餘人作亂拒傷官軍巡按御史朱瑞登以聞因請治藍山知縣古時俊失出重囚及守備柳桂指揮俞鍾瑞等不能得禦之罪詔時俊等各停俸戴罪視事仍令撫臣亟圖撫勦毋緩○南直隸續至寇二千餘人自南沙登岸分掠蘇松諸處叅將湯克寬帥兵擊敗之於採淘港斬首百八十級○癸亥禮部尚書兼翰林院學士歐陽德卒德江西泰和人嘉靖癸未進士初知六安州遷南京刑部員外郎會上擇諸臣有文行者列侍從改翰林院編修充經筵官稍遷南京國子監司業歷南京尚寶司卿太僕寺少卿鴻臚太常寺卿尋以太常卿掌國子監事數月擢

禮部左侍郎改吏部左侍郎兼翰林院學士掌詹事府事充會典副總裁教庶吉士以母喪歸從服中起今官召直無殿德字度宏粹孳孳講學務以真知實踐為主接引後進如恐不及其才具敏晤施于有政率當事理協人情措畫所及即可傳之永久在禮部嘗議建儲二王婚禮及裕王母康妃喪儀雖時與上意忤然上察其持止卒優容之海內士大夫方想望其風采會病卒士論甚惜之詔贈太子少保謚文莊賜祭葬如例○甲子太子少保都察院左都御史屠儵九年考滿詔加太子少保○乙丑陞江西道御史李一瀚為江按察司僉事○蘇松倭寇掠民舟入海趨江北岸薄通泰等城焚掠各鹽場餘衆有漂入青徐界者山東遼東俱震○丁卯陞吏部左侍郎王用賓為禮部尚書○庚午陞工部右侍郎郭望為本部左侍郎改南京

刑部右侍郎盧勳為工部右侍郎陝西左布政使唐時英為都察院右副都御史巡撫陝西○叅將俞大猷督兵勒普陀山倭寇我軍半登賊突出乘之殺武舉大斌等三百餘人

明世宗肅皇帝實錄卷之四百八

明世宗肅皇帝實錄卷之四百九

嘉靖三十三年四月辛未朔時享 太廟命成國公朱希忠代  
士中陞翰林院編修潘晟為本院侍讀以九年秩滿也○癸酉  
湖廣撫按官以辰州新建督府疏請兵費戶部議將該省隣近  
派剝秋糧應天五百二十三石徽州二千三百石寧國八  
百石太平一百六十三石廣德二千二百四石池州七千八百  
石江西二萬六千二百一十石俱改安慶廬州二府以抵湖廣  
原運之數從之○癸南京戶部尚書孫應奎于梧為國子生以  
三年滿也○甲戌遣蕙城伯孫永爵等為正使翰林院編修張  
春等為副使持節冊封淮王厚燾庶弟四子載域為華容王徽  
恭王厚燾庶弟九子載垣為延津王慶府弘農恭定王台評庶  
長子鎮國將軍彞樸為弘農王夫人王氏為弘農王妃真寧安



惠王森擇嫡長子倪煥為真寧王夫人王氏為真寧王妃壽陽  
端懿王轟梯嫡長子倪燠為壽陽王韓府通渭端順王融煥嫡  
長子謨尚為通渭王遼府沅陵榮簡王寵洙庶第二子鎮國將  
軍致批為沅陵王夫人周氏為沅陵王妃廣元康僖王致榘嫡  
長子憲熾為廣元王夫人周氏為廣元王妃益府金谿莊惠王  
厚煌庶第一子鎮國將軍載學為金谿王夫人梅氏為金谿王  
妃弋陽端惠王拱積庶長子多焜為弋陽王夫人胡氏為弋陽  
王妃兵馬指揮傅鶴女為衡府漢陽王妃兵馬指揮潘豹女為  
寧陽王妃兵馬指揮王舉女為昌樂王妃成都左護衛指揮同  
知林傑女為蜀府內江王妃兵馬指揮陸應麟女為代府棗強  
王妃○ 上諭禮部曰今春雨澤因降雷未發聲且四方異災  
旱澇不同勿專謂爾咎所致人臣之義可盡廢乎舊曰天人

代君一身能徧諸務耶臣原有分理之責况忠貞者又以臣勞  
自責未可專一欺誇各要實盡厥勞於是遣英國公張溶等祭  
告各宮廟侍帝封九日○陝西平林家山等族番人叩愛亦竹  
秀等栢林七占等族番人阿刺等各來朝貢馬及方物宴賚如  
例○詔發京通二倉米賑順天府屬飢民其流民就賑者命有  
司設粥食之○乙亥都城內外大疫 上聞之諭禮部曰時疫  
太甚死亡塞道朕為之惻然其令太醫院發藥戶部同錦衣衛  
官以米五千石煮粥療濟用副朕好生之意死者官給蓆藁令  
所在居民收瘞之詔下貧民全活甚眾遠方聞者爭來就食戶  
部尚書方純以人多食少請益發廩以賑之報可○是日雷始  
發繁○陞廣東按察使黃光昇為四川右布政使○湖廣衡永  
等處盜起統戡官民巡按御史朱瑞登以聞因請治失事官罪

詔下旨揮范燁通判李初等吏指揮胡用中等戴罪剿賊○錄  
陝西靖邊營雙山等堡獲功陣亡被傷官軍何致等一百三名  
陞賞有差○初御史趙宸以閩浙倭亂奏請專設一巡撫於福  
建詔下吏○二部會議至是覆言閩兵替戰乃浙江外援惟一  
撫臣兼制乃便策應比因都御史王忬巡歷福建而浙江偶有  
瀝海之失議者遂謂遙制之難殊不知福建雖患倭未如浙之  
甚第令海道諸臣得人任比有餘若復設巡撫則津泉兵力獨  
有所屬浙不得調用久之又將議設總督閩益多事矣詔從部  
議○浙江倭寇自海鹽趨嘉興叅將盧鍾等帥兵禦之稍却次  
日復戰於孟宗堰官軍敗績亡卒千人都司周應楨指揮李元  
律千戶薛綱宋應瀾等俱死之賊乘勝入據石墩山分兵四掠  
○戊寅陝西鎮城及山丹衛永昌衛等處同日地震○倭寇攻

嘉興縣陷之盡焚沿河運船○辛巳以禮部左侍郎兼翰林院學士閔如霖掌翰林院事○倭寇攻嘉興府城副使陳宗夔帥兵禦却之焚其舟賊避入乍浦與長沙灣寇合犯海寧諸縣○上于陝西秦州等處地震○陞吏部右侍郎葛守禮為本部左侍郎改禮部右侍郎郭朴為吏部右侍郎陞南京大理寺卿張整為南京工部右侍郎○揚州衛千戶洪岱文冒齡秦州所千戶王烈督兵援通州至西門外一里橋遇賊戰俱死之○癸未榮淑康妃杜氏發引○上諭輔臣嚴嵩等曰大慈恩廢地錦衣衛奏請作射所金鼗鼓擊未宜也第宜幽靜改建玄宮而別以大興隆地為射所何如嵩等以　上諭示工部及都督陸炳炳覆言大興隆地逼近禁城恐金鼓之聲日徹御前不便即今安定門外有已廢東西官廳等隙地宜將宣武門外民兵教

塲移徙于此而以本衛射所移於民兵教塲其大興隆故地洪  
臣寺漸次平治以先年射所原立神祠移建于中崇奉香火及  
馬演輦演象點視撥差之所得旨允行○甲申土魯着天方國  
徽馬兒罕魯迷四地面番王速壇沙母沙法兒等各遣人來朝  
貢方物宴賚如例○陞禮部祠祭司胥郎中劉斯潔為浙江布  
政使司左叅議○乙酉莖 榮淑康妃杜氏於金山○浙江倭  
寇襲破崇明縣知縣唐一岑死之○丙戌陝西秦州禮縣地震  
○戊子浙江慈谿縣民家地湧血高尺餘○己丑發太僕寺馬  
價銀一萬五千兩于保定募軍并修葺紫荊倒馬二關邊牆墩  
臺○庚寅廢戶部左侍郎馬坤于祭為國子生以三年滿也○  
御史黃國用上言監政六事一專掣放以免壅滯令南京管理  
抽分御史並理掣鹽事務凡一單商人齊至即為掣放務與儀

真相等而添設運司副使一員于儀真掣鹽一定分撥以絕奸利各商齎到報中勘合取其坐商原係某商朋合資本非中途增價轉買供給即撥生商買補支掣豪民不得誣訟一均丁力以省偏累請于清丁之年嚴覈兩淮運司富安等三十場制為畫一之法務在總無遺戶戶無遺丁以足原額其徭役惟以丁為則一酌優恤以杜紛擾兩淮運司淮揚二府官移文南京戶科令發後湖淮揚二府總冊查自嘉靖元年以前至黃冊無可查之年止即以此年窳田窳糧總數籍記戶科泰對付運司二府為祖遺窳糧永與優免仍行各州縣將窳戶嘉靖二十一年新冊田糧亦為籍記總計新舊糧各若干應免應派數若干為祖遺者及窳田者止輸國稅其貧民田者無論年歲久近畝數多寡賦役悉與民同一停開墾以裕煎燒窳丁富者爭開草蕩

為田谷多草少不足供芟海之費宜亟禁止一嚴稽察以防侵越將江西南安贛州三府盡復淮鹽如湖廣掛號之例每引收稅二分戶部覆其言可行而以嚴稽察停開墾均丁力三事復下所司議。壬辰建州并海西左等衛女直都督方中等海西因河等衛女直都督歹答兒等各來朝貢馬宴賚如例。癸巳上諭輔臣嚴嵩等曰朕雖廢一早朝此心勝于一坐常念邊方之事用人為重聞總督蘇祐年向良矣卿等盍擇所以代之。嵩等傳示兵部覆言祐素號知兵頃又以功蒙賞故未敢輒議棄置比聞其精力不逮壯時誠如 聖諭詔遂罷祐回籍而以兵部右侍郎賈應春陞左侍郎兼都察院右僉都御史代之。○虜寇宣府嵩峪等堡。○甲午增設鹽城縣洋麻港口海州東西二所祀總官各一負從鳳陽巡撫鄭曉請也。○乙未山西太原

大同二府地震○周府河清土腔稜薨賜祭墓如例謚榮僖○  
御史李逢時以江北寇警聞上從部議令鳳陽巡撫鄭曉嚴  
督將領戮力蕩平仍聽其以便宜調徐州兵用事寧列功罪上  
之○丙申代王走圻疏言大同邊郡苦寒頻遭虜患且歲比告  
歉邊儲匱乏請將祖遺大同府蔚州等處牧馬草場膏腴田歸  
之官籍其歲入輸送給餉戶部言山西歲逋代府祿米二萬有  
奇請即以此田所入摘補上從其議仍嘉王有讓賜勅褒諭  
○清理福建廣東鹽法戶部主事錢嘉猷上言六事一清產鹽  
之地溥美泗州涪州惠安四場多私販鹽于泉漳二府屬邑宜  
即其地重招商之法商人主者各籍記姓名造船編號就場告  
引每鹽一引四百斤納稅銀二分各場私設鹽埕俱全納課如  
折米事例加倍起科不者即行掘毀一反私販之鹽汀漳二府



本閩鹽額地後以南贛軍門暫借吉贛行鹽因而廣鹽盡布江西復蔓延于汀建而二府額鹽遂從此廢矣漳州所屬八邑濱海者三負山者五興延汀二府通道而柳營江原設批驗所以通官鹽後改所為巡檢司故潯洒浯州東坂鹽埕竹嶼等場團鹽私行甚盛今漳浦縣江都橋壆鹽或可以黃崎鎮事例召商處引定課輸官或以潮東等處勘過納銀鹽丘并潯美洒州等場各官鹽許于漳浦各縣官司告票到柳營江巡司盤驗掛號每鹽一千納稅一錢照運各縣發賣完日告銷一別滯鹽之弊福建鹽商自嘉靖十四年以來改造溪船計船以載鹽不用包縛橫索以量艙不事稱掣船既日更月易艙又以大為小縱商人夾帶之私開委官賄賂之門甚至傍豎幫板底加襯木名雖一船所載倍之宜令如淮浙之例俱用草包每引以二百斤為

則懸秤稱驗溪船如不可改則但加課銀四十餘兩一處牙稅之銀如廣東事例每銀一兩抽牙銀三分一船可二十餘兩一歲可二千餘兩以二分增入課程同餘課銀上納以一分給牙人半終則牙行俱從官鬪撥一明職守之分水口分司本運司佐貳官之事而今往往偏之郡縣之吏責任不專政務怠廢今宜歸之運官以十幫為率滿者賞不及者以差黜罰如盡無人然後選有司代一立巡鹽之職請裁省廣東鹽法道僉事而於閩廣共設巡鹽御史兼清查寺僧屯種錢糧詔如議惟御史不必增設○丁酉以京師城外工完遣成國公朱希忠告 太廟錄管工諸臣功蔭內官監右少監郭揮弟姪一人為錦衣衛百戶進提督京營平江伯陳圭太子太傅索錦衣衛事左都督陸炳太保仍各廕一子為百戶兵部尚書蘇豹太子少傅工部尚

書歐陽必進太子少保仍各廢一子為國子生陞兵部右侍郎  
許論為左侍郎加正二品服俸原任工部右侍郎陶尚德同左  
侍郎郭鑿各增俸一級陞都指揮使朱希孝為都督同知指揮  
僉事劉鯨為指揮使吏科給事中秦梁為通政使司右叅議浙  
江道御史董威為大理寺右寺丞賞戶部尚書方純兵部左侍  
郎翁溥各銀二十兩紵絲一表裏大學士嚴嵩于世蕃陞工部  
左侍郎照舊帶俸侍親徐階李本各廢一子中書舍人成國公  
朱希忠歲加祿米五十石通政使趙文華陞工部右侍郎仍掌  
司事兵工二部職方營繕郎中謝孟金王一夔各陞二級陞任  
員外汪道昆劉景韶李儵宋國華等戶部主事高光等工部帶  
俸左侍郎郭文英順天府府丞徐杲及中書欽天監等官各陞  
賞有差已革任兵科給事中朱伯辰以倡議功准冠帶閒住已

命染威仍無原官管工如故○虜自宣府散溝堡潰墻入大掠而去○戊戌朝鮮國王李峘遣陪臣工曹叅判權輒等奉表文謝恩貢方物宴賚如例○發太僕寺馬價銀一萬六千兩于遼東買馬補給入衛官軍○以工部右侍郎盧勳兼都察院右僉都御史提督顯陵祔恩殿工程

明世宗肅皇帝實錄卷之四百九



明世宗肅皇帝實錄卷之四百十

嘉靖三十三年五月庚子朔陞南京太常寺卿鄭大同為南京大理寺卿改南京吏部右侍郎茅瓚為禮部右侍郎陞翰林院侍撰沈坤為右春坊右諭德嘗掌南京翰林院事○南京兵部尚書張經等言國初洪武間以倭夷不靖遣信國公湯和經畧海防凡閩浙濱海之區陸有成守水有戰艦故百餘年來寇不為害其後法弛弊生軍士有納料放班之弊于是強富者散遣老弱者哨守戰艦損壞亦棄不修以致寇得乘之而入請行各處巡撫嚴督所屬預集兵艦以守要害追捕納料軍士以實行伍清理積歲料數以造戰艦又言南京營卒逃故數多邇來倭寇宸隣防守缺人乞將各衛所原報冊籍凡義男女皆有名者一體遷收入伍待事寧之日去留再議仍請添支兵部草場銀

及南京戶部糧草折銀共二萬兩委官于京城內外及宿部等處招募驍勇充為前鋒召原任指揮韓璽路正督操以備征調下兵部議覆從之○鄭世子載堉訐奏管府事虛江王祐禔不法狀上以其事屬私忿而妄引進香為名惡之詔先削奪載堉冠帶令撫按官勘實以聞○辛丑以地臘節設醮于內殿七日○以災傷詔以淮安府屬州縣改兌糧八千六百俱准折徵○壬寅倭寇自崇明進薄蘇州府城大掠○癸卯陞兵科左給事中游震得為江西副使整飭贛州兵備○薊遼遼外夷人忙戶等一百四人以饑寒詣總督侍郎楊博請降博受之疏請留之本鎮分充金復等衛戍兵兵部議夷心出沒不常宜如舊例解京轉發南方送之○葬太僕寺馬價銀一萬二千兩于保定買馬補給總兵標下及奇正二營漢軍○甲辰免百官瑞陽

節宴○陞兵部職方司郎中謝孟金為陝西按察司副使○丙午 孝宗教皇帝忌辰 奉先殿行祭禮遣武定侯郭守乾祭 恭陵○山西和順縣人左文英獻瑞兔一詔賜白金綵幣遣之○建州右等衛女直都督真哥等來朝貢馬宴奏如例○丁未 方澤祝牲遣成國公朱希忠代○烏思藏輔教王闡化王闡教王大乘法王大寶法王各差國師番僧劄吧旺魯等來朝貢方物宴奏如例○倭入崇德縣大掠而去○戊申 陞南京光祿寺卿錢邦彥為南京太常寺卿○發太倉銀二萬兩米四萬石給宣府主兵○初通州三里河之役賊兵僅百餘人鹽稅及脇從者千餘人時魯將解明道擁重兵居城中揚州府同知朱裒儀真守備張壽松軍城外鳳陽巡撫鄭曉議發兵往援檄原任都指揮月輪將之輪辭以非朝令不至曉乃更檄



而淮運判馬俞原任儀真守備陳津往會千戶洪岱等合戰城  
內外兵無一策應者岱等孤軍敗岱與千戶文昂齡王烈皆死  
至是曉上疏言狀因請治明道等畏怯輸推避之罪得旨洪岱  
文昌齡王烈俱贈指揮同知子孫陞襲疏明道與壽松等職各  
戴罪立功輸令巡按御史逮至京問○己酉 太祖高皇帝  
忌辰 奉先殿行祭禮○改戶部右侍郎謝九儀為兵部右  
侍郎○兵部覆巡按御史孫慎言浙江江北諸郡倭患方殷蘇  
松二三月間所在告急皆經畧失人軍令不嚴所致乞勅巡撫  
屠大山收召忠勇之士申明悞軍之罰仍榜諭沿海居民有能  
奮勇殺賊者如軍功陞賞所許俵器悉以與之計擒首賊者許  
奏陞指揮僉事世襲一切軍費悉送使宜區處督糧於政翁大  
立無事令往來蘇松常鎮備給糧餉有事專任松江以便調度

詔以其議爲大山舉行仍起令赴任不許遲緩○庚戌曆刑部  
左侍郎王學蓋子世種爲國子生以三年滿也○調原任湖廣  
按察司副使張景賢整飭淮揚兵備專理海防時海寇未靖總  
督漕運侍郎鄭曉及直隸巡按御史李運時共疏請添設兵備一  
員專任泰州以防通泰海州海賊出入之路吏部覆從其請因  
調景賢爲之仍列銜于湖廣○增設延綏鎮城中軍坐營官一  
員裁革大同松樹堡守備官○辛亥 仁宗昭皇帝忌辰遣  
長寧伯周大經祭 獻陵○壬子大祭 地于 方澤  
先期請 太祖配 神及是日行禮俱命成國公朱希忠  
代○詔發南京戶部銀二萬兩爲蘇松備倭兵費○發太僕寺  
馬一千二百五十匹充給定州達官步軍○乙卯陞雲南左布  
政使汪尚寧爲南京光祿寺卿工部營繕司郎中王一夔爲湖

廣按察司副使○詔復以侍郎賈應春提督陝西三邊命協戎  
政兵部左侍郎許論兼都察院右僉都御史總督宣大山西等  
處軍務初應春自三邊召佐本兵尋又移鎮宣大以代者江東  
未至久留不發御史胡宗憲等因言東沿海寇患病未有蒞任期  
而三邊去宣大遠非可旦夕免期至者今時已入夏秋防伊邇  
而兩鎮總督俱以陞調去任無固志非所以一統令安邊鄙也  
臣謂宜留應春仍總督三邊其宣大負缺即于近地推補趨令  
之任庶彼此調度得人邊防有賴 上以爲然因有是命○  
論廣寧新興營松山等堡失事罪以千戶蔣鎮等以巡按御史  
問備禦楊照急將李廣免究百戶蘇漢臣以所部有功准贖○  
樂平王府鎮國中尉旭構旭構坐偽造印章冒支祿糧詔革旭  
植爵爲庶人旭構奪祿一年○夜望月食○丙辰虜寇水溝墩

寧夏叅將王寶帥兵拒却之詔賞寶銀十兩○丁巳以漕運愆期奪總兵官顧寰以下俸有差○給事中王國禎賀涇御史溫景葵等以倭寇猖獗逼近留都各上疏乞調兵給餉及推選總督大臣重其事權如往年征勦華林麻陽諸寇故事下兵部集建臣議俱稱因薦南京兵部尚書張經堪任總督調兵當遣御史及本部司官各一員賫太倉銀六萬兩往山東調發奏留民兵一枝及青州等處水陸槍手共六千人給軍裝銀十兩令叅將李逢時許國督赴揚州聽經調度給餉當取之南京戶部銀五十兩臨德二倉銀五萬兩及截留起運米二十三萬石其記功賞之各巡按御史賞格與違功同凡斬首一級者擬陞一級不願陞者賞銀一百兩有能擒斬首惡王直等者授世襲指揮僉事如直等悔罪能率衆來降亦如之其部下量授世襲千

百戶等官俱填註備倭職事議入 上允行之乃命經不妨  
原務兼部察院右副御史總督南直隸浙江山東西廣福建  
等處軍務一應兵食俱聽其便宜處分臨陣之際不用命者武  
官都指揮以下文官五品以下許以軍法從事○戊午巡按山  
西御史宋儀望請疏桑乾河通宣大糧儲言桑乾河發源于金  
龍池下窈域驛古定橋會衆水東入盧溝橋一千餘里在大同  
則卜村稍有亂石在宣府則黑龍灣有石崖頗險其險與亂石  
不越四五十餘里水淺處亦深二三尺誠旣鑿之為力甚易當  
時撫臣侯鏡常駕小舟至懷來過卜村喻黑龍灣坦行無虞又  
自懷來載米三十石逆水而上竟達古定橋則河足使漕有明  
徵矣時朝廷新行完運之法山谷崎嶇率三十石而致一石部  
臣謀所以易之未得其便及儀望疏下兵部任其可行且稱都

御史趙錦嘗使人逆柔乾河水行千里直抵大同城下若稍加  
疏鑿不惟通漕且固可以捍虜詔會工部計之工部謂遠河重  
役請俟詳勘舉行遂報罷○庚申江北倭寇攻如臯縣不克○  
辛酉陞都察院右副都御史倪嵩為戶部右侍郎以兵部右侍  
郎謝九儀協理京營戎政○增設把總官一員于秦興縣周家  
橋防守逆操江都御史袁善請也○陝西守臣奏捕得虜中  
奸細高登等七人詔斬以徇○癸亥夜彗星見北斗天權星傍  
○甲子命遼東遊擊將軍署都指揮僉事楊紹充分守薊州古  
北口等處叅將○巡按浙江御史趙炳然奏三月三十日以後  
官軍禦倭失事狀部覆叅將俞大猷一敗于普陀山叅將盧鏜  
及把總丁經等再敗于孟家堰宜重治其嘉澗諸處失事當坐  
叅將張淙知縣鄧植及知府劉慤副使陳宗夔李文進謝士南

李廷松姜廷頤等罪而督撫王忬調度失策亦宜並罰陣亡指揮李元律等宜陞級贈官立祠如例得旨卹錄死事官軍依擬王忬姑令竭力平寇以請地方盧鎧等俱載罪立功○道福建道御史溫景葵兵部主事張四知徃山東募兵禦倭○乙丑兵科都給事中王國禎等言比本兵議上禦倭方畧款以重賞招降賊首王直等臣竊疑之臣聞勝國末海濱多警東南巨寇有秩至漕運萬戶及行省叅政者且叛服不常迄終無救何者其心不厭而爵祿不足以款之也故至今議者以招撫家為誤國較鑒具存奈何復款勅之今四方群盜所在竄起皆幸朝廷不誅無所創艾就使部議得行降一王直未必不生一王直將來貽患更有不可言者且古帝王所謂招撫不過曰脅從罔治耳渠魁未嘗宥之也使渠魁來歸既宥之復賞以爵是賞以勸惡

人誰不為夫使吾民皆趨為惡之利非國家之福也疏下兵部  
覆言海峽賊與山賊異山賊有定業可以遣將出師攻而取之  
海嶼賊乘風飄忽瞬息千里急之則遯去乘間則復來有非兵  
力所能取必者臣聞王直本倣人故與浙人徐惟學李大用輩  
道者入海既而悔之嘉靖二十九年八月中嘗為官軍捕斬海  
寇陳瑛主等及餘黨二三百人款以自贖而是時有司不急收  
之遂貽今日大害故臣等欲倣岳飛官楊么黨黃佐故事懸以  
重賞使之歸為我用以賊攻賊非敢輕授王爵以示之弱也  
上以國禎等言為是令總督張經一意勦賊脅從願降者特以  
不死賊首不赦○丙寅選授中書舍人陳耀文朱文漢行人高  
敬學紀公迪推官操守經袁世榮知縣孫濟湯日新為給事中  
太常博士楊惟平中書舍人嚴杰文希儒行人侯東萊推官符



允中黃正色楊儲知縣曾承芳王用康李正彞沈陽屠仲律為  
試監察御史潘吏科守經戶科日新禮科世榮敏學兵科公巡  
耀文刑科文漢南京戶科承芳河南道用康浙江道允中江西  
道王彝福建道惟平廣西道正色山東道杰陝西道陽四川道  
儲貴州道東萊南京浙江道仲律南京湖廣道希儒南京廣東  
道○山東益都縣地震○丁卯陞兵科都給事中王國禎為廣  
東布政使司右叅政○己巳命太僕寺調發永平府所屬州縣  
種馬一千匹兌給曹家寨官軍

明世宗肅皇帝實錄卷之四百十一

嘉靖三十三年六月庚午朔命署都指揮同知詹祥署都指揮  
僉事李壽茂鎮各先京營各將祥視衛五軍鎮總督京城內  
外捕盜○辛未夜彗星漸西北行犯文昌○壬申陞大理寺卿  
沈良才為兵部右侍郎順天府府尹雷禮為工部右侍郎○詔  
復設管河郎中一員於江南既而罷之竊謂運侍郎鄭乾奏糧  
船過淮愆期皆坐鎮江以南內河淤阻之故乞特遣一部臣督  
帥有司疏通河道章下工部議以為便從之吏部因言江南舊  
有水利郎中一員兼管鎮江運道後因權輕不便鈐轄乃以其  
事專責之巡撫今復設郎官他日又將以為不便矣上曰管  
河郎中既有前旨裁革罷勿遺其經理運道事宜仍着成巡撫  
故○詔籍京師召募民兵充巡捕軍統餉民兵羊祜各將左衛

復原職回衛聽用初庚戌歲後召募民兵四千為一營於西教  
場操練專為京城防禦該各將一員管領用灑為之至是且四  
年而民兵逃者千餘人灑奏請勾捕兵部因言此輩俱係為合  
應募之人非有尺籍伍符無從清勾且見在亦多老弱宜行減  
汰所餘精壯不敷一營今京營巡捕兵缺宜以以蓋之保附籍  
應後以資實用灑先以稱病奪職茲已年餘足以示懲宜令復  
職回衛候補從之○癸酉大同總兵岳懋率所部兵巡邊駐滅  
虜堡會虜萬餘騎犯五堡五衛咸寧等處懋迎擊之深入至青  
玩塔陷虜伏中我軍大潰懋力戰而死巡撫御史毛鵬以其事  
聞因劾奏巡撫復執反副總兵馮登泰將朱雲溪郭震守隘任  
壽劉甯等各大事罪狀疏入下兵部議請卹錄懋而果治諸有  
司罪者曰言宜大為裁輔重鎮近者兵疲調遣民苦輔輸加之

机鋒類仍笏報下給一旦驅鐵辛疲馬以耗點膚取敗固且夫  
承折相魚朋月閱支祖宗成法也此法下復恐宣大終無安  
枕之期乞并下督臣謀慶得旨懋贈少師左都督賜誥壯陞  
一子世襲指揮使仍為立祠致祭秩等始各令戴罪視事其二  
鎮軍需缺之多係管糧官促盜已費者令巡按御史清查不足  
者令總督評論謀慶○乙亥瘡兵部尚書聶豹姪棟為國子生  
○丙子命改折浙江嘉善縣兌米三萬五千餘石以贖焚運舡  
故也○丁丑改應天府府尹卮永通為順天府府尹○瘡授故  
大學士彭時魯孫德順為中書舍人初時孫秉珣承瘡未仕而  
卒以德順補之○瘡故禮部尚書歐陽德弟呈為國子生故事  
身後錄瘡惟閣臣有之至是以德子紹慶請錄其父侍直勞特  
准加瘡不為例○命太僕寺發順天府寄養馬一千匹保定府

種馬二千五百匹給保定奇兵管官軍○革靈丘王府奉國將軍後裔為庶人坐牧責殺人故也○戊寅帶犀順天府府丞徐果九年考滿陞陞太僕寺卿仍帶俸供事果近後也○己卯陞戶科左給事中李用敬為都給事中戶科右給事中李右溢禮科右給事中藍壁兵科右給事中黃元白為左給事中戶科給事中既成德工科給事中曹禾為右給事中用敬壁俱兵科切滋禮科元白刑科成德吏科木工科○雲南楚雄府安寧州地震有聲○庚辰廢刑部右侍郎陳儒于一龍高園子生以三年滿也○漕運侍郎鄭曉奏倭寇類多中國人其間有勇力智謀可用者每善首自無策遂甘心從賊為之嚮導此非包荒會殆早圖臣憂必為腹心憂今謀者一曰復市舶使一曰乘誅勒使夫諸路軍威未振羣賊懲創未深即復市舶恐非國家御處之

體傳如所殘既皆我良善官兵所殺又皆我遁逃必盡誅勸恐  
傷朝廷好生之德臣愚欲乞 聖明廣收武勇申命各撫按等  
官於軍民白衣人中每歲查舉素有膂力胆畧智謀者十數人  
以義尊名色月給食米一石令其無事率人捕盜有事領兵親  
賊立有功勞量該官職奉請陞授若從文階則授試巡檢武階  
則授試所鎮撫但許捕盜殺賊不得經收錢糧接理詞訟仍照  
文武官員事例考察考選有犯者依律問罪如此則片善寸長  
皆需半食暴夫悍卒漸受條籠不惟中國之人不為賊用異日  
且有將材出於其間其在分從賊者特揭榜諭許令歸降遣還  
故土有擒斬賊徒者如例給賞才力可用願報効者委用別地  
立功贖罪使有勞績亦與叙遷不然恐數年後或有如盧循孫  
恩黃巢王仙芝者蓋至滋蔓難撲滅矣臣又聞洪武中倭奴數

寇東南倚海州縣是時浙江一省既遣信國公湯和築城又遣魏國公徐輝祖江陰侯吳高鍊兵又遣都督尚萬揚文劉德出戰又遣都督於顯出海巡倭此皆上公元侯謀臣宿將猶且逆之數年未得寧息復遣兩雄反趙雄始撫沿海漁丁島人鹽徒蛋戶籍為水軍至數萬人又遣萊州府同知趙秩禮部員外郎呂洲宣諭倭奴迨至洪武二十五年之後海幸始靖則凡自今可以解散賊徒者固宜勅下兵部亟為謀慮不得泄泄然付之無何而已疏下覆部謀請以其奏下總督張經酌宜行之報可○錄擒勦四川苗夷碑魯等功賞兵備副使陸稔泰謀鄭克濟銀幣○福建官兵捕得漳州通倭賊蘇老等三十餘人誅之○壬午陞應天府府丞李珊為本府府尹○發太僕寺寄養馬一千匹及調取真定河間地方種馬四十匹兌給定州河間二營

遊擊兵發馬價二萬兩於人同買馬補各防秋官軍○癸未歲  
羊湖廣別門州州判一員靖州新寧縣縣丞一員柳靖二州及  
遠安安化枝江興山巴東石門安鄉臨德華容常寧衡山鄧縣  
永興興寧桂陽宜章會同盧漢一十八縣儒學訓導各一員武  
昌縣高翎湖孝感縣汪泉湖河泊所大使各一員沔陽州漢津  
解縣丞一員寧鄉縣稅課局大使一員盧漢縣河漢巡檢司巡  
檢一員○賜故涕衣衛指揮僉事趙汝誠祭葬汝誠淑妃父也  
○兵部以宣大薊鎮詳報虜衆將入寇劄請勅總督成政等江  
伯陳圭等部督營兵分屯各關廟待虜果潰口入薄閉廟則  
總兵時陳追勤於外主拒守於內中外夾攻務求萬全主因言  
營兵素未見虜乞如故事徵調邊兵四枝用為先鋒 上是之  
令兵部議行部覆杜歲調取邊兵者以京師重城未完南關居



氏繁富聞警恐易動搖而主是時總戎方數月將不識兵亦唯  
貴戰故也今屹然重城即足自固而營兵操練日久又非不教  
之兵以此待虜虜必不敢復萌深入之計主亦不必復借邊兵  
以自衛且陛下更新戎政者四年矣正期營兵日強可以漸省  
邊兵入衛之費今大將方議出戰乃無一將一兵可衝鋒者是  
京營數十萬衆將爲用之況不守邊關而守京師又最近却不  
守而守京城撤門戶之扞蔽而也兵堂與以爲衛此逆意誤國  
之左計可復踵而行之矣入得旨爾昨言賊果潰口入薄閭廟  
主當拒守於內今又言虜決不敢有深入之萌詞涉反覆其意  
何主嚴調邊兵原爲入衛京師今既稱當守門戶其今時陳分  
布要害力遏虜衆使不得潰口而入陳主止令防守京師○甲  
申錄四川旭架臘爾等處斬賊功陞雷指揮石承弼等官軍三

百四人各有差○倭寇由吳江轉掠嘉興署都指揮僉事夏光  
督兵禦之督王江涇兩陣賊衆鼓譟而前我兵大潰光流矢死  
○乙酉陞周子監祭酒李玘為南京吏部右侍郎巡撫山東右  
副都御史沈應龍為南京刑部右侍郎改南京大理寺卿鄭大  
同為大理寺卿○陞宣府副總兵署都指揮僉事焦澤為署都  
督僉事先總兵官鎮守大同○丙戌 睿宗獻皇帝忌辰 奉  
先殿行祭禮○命山西開納武職例指揮僉事減三十金署正  
千戶以下減四十金署百戶以下減五十金以補轉輸之費○  
虜酋把總兒台吉射書宣府城中乞開市中臣以聞兵部言虜  
反覆多詐昨總兵岳懋被其誘殺茲復襲逆驚勾引餘謀故設  
疑事以扼我宜謹備之 上以為然趣令諸鎮嚴兵為守戰計  
有覲望疎虞者罪之○命宣府東路參將署都指揮僉事田世

戚光副總兵協守宣府○旌表天下孝子二人雲南蒙化府舉人  
范運吉節婦七人江西南昌縣民李鎬妻壻氏中命長淮衛軍  
阮儒妻嚴氏廣東番禺縣民馮久傑妻陳氏四川成都縣民張  
萬銀妻黃氏江西新建縣民全曰榮妻孫氏直隸太倉州民陳  
全妻時氏湖廣孝感縣監生張楚英妻王氏烈婦一人雲南趙  
州生員趙瑛妻王氏○戊子虜百餘騎犯宣府克虜臺官兵擊  
走之○南京太僕寺卿呂懷乞致任許之○陞戶科給事中  
凌汝志為應天府右丞○戶部覆雲南巡按御史黃中奏請保  
土官越境置田以松侵奪之端復之官頭給馬丁以均體恤之  
惠俱從之○己丑命錦衣衛械擊原任宣大總督高書蘇祐大  
同巡撫都御史侯鏡至京問以總督評論書兼巡撫以刑部右  
侍郎陳儒兼都察院右僉都御史往大同賑恤軍士時岳懋新

此唐日也聚左右等衛乘我軍飢急聲言大舉論上既告急兵部言宜大為秣數月不給士馬物政者枕藉於道乃先任督撫漫不省憂致貽今日之患罪不容辭上怒遂逮問祐等命戶部發太倉銀十萬兩推大臣實心能任事者賑之仍區畫召買以濟不給吏部推儒忠實可用逆命儒性儒因奏舉戶部郎中新學書兵部員外郎紀璠自隨仍請加發銀五萬兩從之○以虜寇歲得堡奪守恪杜椿等倭二月恭將丁洋等各戴罪管事○夜望星行入近濁始沒○壬辰上諭吏部曰朕聞大同邊務壞甚巡撫官必須得人方濟緩急可阻王行古副都御史巡撫山西只請理軍務時忤方巡撫浙福吏部因請陞徐州兵備使李天寵為都察院右僉都御史代行報可○甲午兵部議度雲南撫按孫世祐等言土官傳報因其先世有功亦國家勳摩

造椒以覓治夷之法不容奢看比歲保勘承贖供不及時並外  
則苦入京之煩費內則度各族之仇爭故土合多無濟既遇警  
征調其部卒莫肯用命者乞照洪治以來土舍贖職納米折銀  
之例量增其數每石當銀五錢若從三品定慰使富者原納米  
八百石今增二百石該銀三百兩自知府而下至檢討典史驛  
丞鹽課司副使以次遞加輸布政司題奏承贖免其赴京布政  
司每歲輸銀於部轉發太僕寺貯以備馬其有甚者稍從減免  
而留庫能赴京者仍循舊規其或无世有罪而為之後者請贖  
則視前所增倍之例至四十年終止詔可○乙未 孝莊睿皇  
后忌辰 奉先殿行祭禮道士田伯蔣榮祿 裕陵會京師大  
兩平地水深數尺餘崇至德勝門外不能進而還詔以七月二  
十日補祭○命戶部右侍郎馮坤督防守九門京營兵糧餉○

內申兵科給事中。能正茂論劾。新陞南京刑部右侍郎沈應龍。貪庸不職。當罷。詔令回籍聽勘。丁陞廣東提學僉事胡汝霖。死直隸。是學御史徐而全。為按察使汝霖。江西南全。山東俱仍提調學按。○丁酉。孝穆皇后忌辰。遣駙馬都督僉事王朝用祭茂陵。○哈密頭目滿刺馬黑麻。打力哈即等。差人來朝。首為宴奏如例。○添設揚州府同知一員。專駐瓜州。督捕江海盜賊。從漕運都御史辭晚奏。也。○工部奏上新金鋪商之籍。因徧乞為難乞。更令五城御史從公覆閱之。上曰。近午京城軍民坐乞鋪。予前累逃亡者甚多。差官僉送。又放留後。貧去留不公。是所全。酒部中再加審實。貧唯無力者免之。仍令五城御史嚴查。富予金補。有倚勢營免者。重治。○戊戌。以京城淫雨。深浸墻垣。慮令命。戶部發銀賑濟。工部濬渠洩水。○陞高寶司卿王楠為

為南京太僕寺少卿

明世宗肅皇帝實錄卷之四百十一

明世宗肅皇帝實錄卷之四百十二

嘉靖三十三年七月己亥朔時享

太廟命駙馬都尉鄧景和代○金川寺演化禪師差都綱頭目  
番僧阿藏等來覲貢方物宴奏如例○陞江西按察司使馬森  
為山東右布政使○命太僕寺調取寄養馬二千匹于京營四  
千匹于居庸關兌給各軍○庚子陞刑部河南司署郎中江治  
為廣東按察司僉事提調學校○命浙江道御史閻東提調北  
直隸學校○詔加發太倉銀十萬兩于宣大賑濟命刑部侍郎  
陳儒覈二鎮屯田及需餉常用本折事宜以聞○廣東番賊糾  
倭寇千餘剽掠海上官軍擊敗之擒賊首方四澤等餘黨遁去  
○壬寅 仁孝文皇后忌辰 奉先殿行祭禮遣都督僉事沈  
玉祭 長陵○陞福建左布政使劉米為都察院右副都御史



遷撫山東改南京國子監祭酒尹臺為國子監祭酒○兵部覆  
延綏巡撫都御史王綸言本鎮把總坐堡指揮等官多驍健可  
用者一遇失事成邊遂以淪廢請自今改擬本鎮衛所聽其隨  
帶家丁自備馬裝人多則更之一營少則附隊各營以備截殺  
搗巢之用有功具奏贖罪報可○癸卯賜英國公母太夫人曾  
氏祭葬從其請也○丙午以山東兗東二府直隸淮揚徐州旱  
災量減漕河夫役有差○以久雨逼惠河溢命有司脩築開濬  
堤岸○蘇州倭寇流劫至嘉善縣轉趨松江出海叅將俞大猷  
擊敗之于吳淞所擒七人斬首二十三級○戊申庵故河南歸  
德府陣亡檢校董論子良臣為國子生○西苑產嘉穀三穗雙  
穗百十有五本會鄭府盟津王子祐榘復獻嘉穀雙穗者七十  
八本 上命擇日告獻 祖廟禮部請宣行史館率百官賀

上報曰一本二穗舊稱不瑞 天錫玄麻不可慢忽今年夷狄  
作亂大水疫荒皆謂上之人所致任事之臣全不盡心處置何  
以智為○已酉建啓祀典至八月二十六日止停常封○辛  
亥巡撫直隸御史徐紳言國家戎馬之制種牧以青犍生寄養  
以備征兌蓋必種額不虧然後歲俵可辦歲俵既辦然後征兌  
之用取足焉故倭惜種馬所以桓牧園濟戎事也往正德中征  
勦流賊暫借種馬給軍然當時止一行之自嘉靖二十九至以  
東患開借兌之端沿襲至今馬政日壞今勢不能盡罷則當悉  
按畿內七府凡種馬五萬三千七百有奇每歲調遣官軍畿內  
當給馬有幾除正兌寄養馬外尚應借兌種馬有幾定于五月  
初籌計地理遠近與用馬多少而預慮之遠者或二三羣內借  
兌一匹近者或之一群內借兌一匹選委府官一員部送兌軍

爲林諸費令應揀群之內量行津貼但有傷損撥來可補不得偏舉一人又如本群先年兇軍次年雖有善馬不得援兇若應揀教群俱不堪兌則今朋產諸帶津貼如前若各邊取兇甚急或有親望遠悞者管馬官聽臣叅治不得輒將別州縣馬匹代兌如此則法既必可行而民亦不重困矣臣又思之寄奉馬匹本以專備京操故歲取二萬而用有餘乃今各邊奏討頻仍外圍空虛專憑內廐然則苑內僅寺星羅密布于外者宜皆虛設乎臣謂自京師之外惟宣大極疲遇有奏討宜量給餘則勿許各邊苑寺廢弛者宜亟行撫臣整理先補種類以裕芻生之源次查草場以清芻牧之地而又專委守巡一員時加稽察則廐牧充于塞上而內圍不至空虛矣疏入兵部優具言皆可行詔如議○壬子宣大總督許論奏比得降者言虜賊糾衆將寇

閩南不可無備臣按古北紫荆兵險足恃惟在廣西連懷保一  
帶諸口可通大舉屯成單弱乞將宣大遊擊胡吉楊世臣所部  
士馬一駐懷來一駐陰慶與保安永寧二營並列僅賊果內犯  
則四營已先據險在邊諸營復尾其後臣率標兵與大同遊騎  
等營直走其西北路分守之兵及新撫夷兵合營徑趨其東如  
此雖閩東有警亦可朝呼夕至下兵却覆可從之○癸丑中元  
節遣駙馬都尉勳景和長寧伯周大經王田伯蔣榮武定侯郭  
守乾分祭 八陵都督僉事沈望祭 恭仁惠定景皇帝陵寢  
都督武寧王朝用祭 孝惠皇后中官祭 恭讓章皇后及  
京沖 莊敬二太子各陵墳○發太官銀五萬兩于宣府○戶  
部尚書方純等言大同鎮主客兵餉巡撫總督屢疏請已未嘗  
不與計其通融支費宜有贏餘然猶時時告乏則以該鎮歲荒

穀價踊貴四倍于舊故也請命侍郎陳儒以訪鎮支給額例與經收文卷參考詳確庶不負臣等為國籌邊之心也

上責曰爾等既言大同連歲災傷穀豆鮮收屯糶亦係被災無征之數乃扣作實在不邑給與何也其令儒與巡按御史嚴實以聞○乙卯官兵敗俘寇于長碓南海中焚其舟生擒十三人斬首十八級○丙辰 成祖文皇帝忌辰 奉先驛行祭禮遣長宰伯周大經祭 長陵○取太倉銀十萬兩進內府○禮部奏 萬壽聖節在適至期乞 命 裕王 景王詣乾清宮前行拜賀禮得旨二子一有服制今歲暫免○陞國子監司業林度撫為南京國子監祭酒四川道御史部尚簡為南京大理寺右寺丞○陞工科左給事中王鳴臣為都給事中吏科右給事中甄成德為工給事中工科給事中王鶴吏科給事中張萬紀

禮科給事中王正國為右給事中鳴臣成德鶴俱戶科萬紀禮  
科正國兵科○運漕糧六萬石于昌平鎮充主客兵餉○成午  
上諭戶部宣大二鎮錢糧缺乏必思何以計處豈可俱為虛  
文其令陳儒會同督撫官詳覈見在兵馬若干合用本色芻糧  
若干屯田及各項銀兩堪以支給者實有若干不足者即為虛  
補時宣大總督許論奏乞軍費而部臣以國用缺乏執奏不可  
故有是命○命駙馬都尉駙景和安平伯方承裕吏部尚書李  
默禮部尚書王用賓左都督陸炳入直西內史部左侍郎掌詹  
事府事程文德禮部左侍郎掌翰林院事閔如霖吏部右侍郎  
郭朴禮部右侍郎吳山撰文皆以替乏條也是時  
上奉 玄蓋駕一日諭輔臣曰朕惟自古君臣若元首之與股  
肱未有不將一之闕也卿等直替事

上玄勲戚止朱希忠一人茲命親巨卹景和方承裕增李默王  
用賓陸炳同卿等直亭仍捧侍從文學之職四人下之直尺撫  
述文帙于是卹景和等五臣咸入內直輔臣乃以程文德等庶  
詔已未命發內帑銀一萬兩于山東脩東嶽泰山

神廟從陶仲文請也○辛酉秦府沂陽王秉燧慶賜祭葬如例  
謚曰莊靖○癸亥戶部度翰林院侍讀學士森調工科右給事  
中曹禾刑部主事郭仁奏請量蠲浙直被倭郡邑田租從之○  
乙丑以兵荒量免淮安鳳陽府衛及通州如皋海門屯糧并改  
折海州山陽鹽減錢沐陽免米有差○從總督張經奏起原  
任貴州總兵白浪及廣西都司都指揮郭經等俱充並擊將軍  
往田州歸順南丹東蘭那地調練兵五十人合師至浙直禦倭  
○丙寅徽府嘉定王厚燁嘗時祭葬如例謚宣惠○戊辰戶部

請催督起運各省存留餘銀以濟京邊之急又言臨德二倉夏  
稅秋糧自三十三年為始每石折銀錢令大戶買米上納其  
近地自運本色者聽從民便俱免之○以水災免大名內黃二  
縣稅糧





明世宗肅皇帝實錄卷之四百十三

嘉靖三十三年八月己巳朔命總督漕運侍郎鄭曉督修如臯海門泰興海州鹽城等處城池寨堡添設掘港把總官一員備盜○庚午南京太僕寺卿章燠言比者江南之變起于內地游民利賊重貨爲之鄉導而我兵倉卒無備徒手搏戰于瀟滕沮洳之鄉故每出輒敗夫兵者因地形者也今六七郡間千村百落皆爲戰場敵形至難制也而郡縣且相率閉城使各鄉兵當賊左矣爲今之計莫若急築城堡于諸鄉以固守併力于郡縣以待戰郡縣有備則賊不敢散掠而謀沮諸鄉堅守則兵不必偏分而力裕人人自爲戰守小入則其地當之大入則併兵禦之中道則設伏擊之出海則舟師邀之大功可成昔 皇祖嘗命湯和視海上擇要地築數十城以備倭而東南安堵此其驗

也。又今所患不在無兵而在于兵之不畏將。新設軍門止以空文遙制數千里外如兒戲耳。故其法莫如重將。重將當自軍門始。使叅佐偏裨一票于約束而後兵可使亂可定也。夫西北諸邊一切軍食皆有司先期部署以聽督撫之調度。故其精神聯貫如臂使指。猝有緩急可咄咄而辦。今政體不素定而郡縣之與督撫相視如客主。然臨變則上官漫督之而主者亦漫應之。軍情之苦樂不體官帑之出入無措。或一人兼數人之食或數日無一餐之飽。或一家而數役迫之。或一人而數官臨之。是目腹間已成吳越。况百里之外哉。故欲決勝員先定政體。凡軍中之需賞功之費一一會計所出貯之別藏。使軍門不以煩有司而有司不以煩民。上下相體遠近相維則萬全術也。臣又聞訓練之兵萬人一心弱可使強強可使馴。今議者率稱調兵非久

計也少發之則不足多發之則用度不繼久駐則老師費財暫駐則兵散而賊復入急之則怨寬之則驕而爲亂臣愚謂訓練土兵漸罷客兵便若土兵必不足宜募廣西湖廣山東近海之丁壯及有罪謫發者居之海壖及諸河通海之地給配偶予田宅使之土著而忘其鄉是城堡之外益以藩籬計無便此者臣又聞外賊易見內賊難知今以海外蠻夷而深入內境凡我之動靜曲折無不知者誰爲之也又其始至千人四布無一知者及鳴號而須臾畢集賊固善匿匿之誰也此東南之大變皆姦民釀之也夫治外賊以兵治內賊以誠有如今之郡縣得人如龔遂者示寬大有恩信問疾苦時拊循彼反側者將反本而呼天何變之能生且天下寧獨倭夷可爲亂哉夫海上多壯士善者負氣任俠而不肯下人否者憑恃險阻而恣睢暴戾我能制

之則爲我用不能制之則爲賊用故安反側收豪傑乃治亂之機不可不深思不可不預待疏入兵部請以其言下督臣張經採行詔可○辛未以萬壽聖節加恩廢成國公朱希忠恭誠伯陶仲文各一子爲錦衣衛百戶大學士嚴嵩子工部侍郎世蕃添註本部管事徐階兼太子太傅武英殿大學士李本太子太保文淵閣大學士餘官如故嵩辭以世蕃非科目出身不當與聞部事上嘉其誠懇許之希忠等疏辭皆不允○癸酉改授原任錦衣衛帶俸指揮僉事張道爲本衛正千戶世襲道父容故太監張永之弟以永誅劉瑾功廢授指揮僉事至是以非軍功革襲容上疏爲道乞恩上從部議特許其降級世襲不爲例○甲戌趙府襄巴王厚燾薨賜祭墓如例謚端順○乙亥改廢秉一真人恭誠伯陶仲文子世昌爲錦衣衛百戶先是世

昌已廢爲國子生至是仲文疏乞改廢百戶而以姪孫陶仰代  
廢入監從之。復設霍山縣十羅坂巡檢司。虜十餘萬騎分  
道入掠平虜衛等處。丙子 孝康敬皇后忌辰 奉先殿行  
祭禮遣懷柔伯施燾祭 秦陵。丁丑祭先師孔子命大學士  
李本行禮。以明日 孝慈高皇后忌辰 奉先殿行祭禮。  
以 萬壽節遣長寧伯周大經玉田伯蔣榮成安伯郭應乾清  
平伯吳家彥分祭 八陵都指揮同知王極祭 恭仁康定景  
皇帝都督僉事沈至祭 孝潔皇后中官祭 恭讓章皇后各  
陵寢。戊寅祭 太社稷命駙馬都尉謝詔代。 萬壽聖節  
命駙馬都尉鄔景和代拜 天子 玄極寶殿 上不御殿百  
官朝服詣奉天門行五拜三叩頭禮上表稱賀。免晏賜節錢  
鈔 朝鮮國王李垣差陪臣戶曹參判金鎰等來朝賀貢馬及

方物宴饗如例。己卯祭 帝社稷命駙馬都尉鄔景和代。庚辰紫荊閔諜報虜至朔州川散掠 上命兵部檄薊遼保定各鎮巨嚴兵備之。辛己贈故崇明知縣唐一本爲光祿寺寺丞立祠祀之并廢其子爲國子生初崇明新城成一本決計徙居而本所守城千戶高才翟欽者阻之未幾倭寇突入舊城一本且戰且罵諸將梗議誤事者遂爲亂軍所害以陣亡計于撫按官久之其事始露云。山東兵捕得流賊郭守己等伏誅賞有功指揮顏濟文以下有差。癸未倭寇自嘉興還屯柘林等處進薄嘉定縣城會募兵衆將李逢時許國以山東民槍手六千人至與賊遇于新涇橋逢時率其麾下先進敗之賊退據羅店鎮官軍追及之擒斬八十餘人。甲申秋分祭夜明于夕月壇命駙馬都尉諒詔行禮。遼東巡按御史王光祖勘上三十

二年閏三月至八月虜犯上榆林堡及高臺平虜蛤蚧河獅子口等處我軍前後斬首百五十餘級因請錄總兵趙國忠等功治千戶朱良臣等罪 上從部議陞國忠一級賞巡撫江東銀二十兩紵絲一表裏備禦蔣承勳等銀十兩指揮張大文等准贖良臣等按問陣亡指揮千百戶厲錦粟宗周王應辰等贈秩陞襲俱如例。乙酉虜自朔州遞出邊守臣以聞英國公張溶等以虜進退不常疑有詐乃條議嚴警備慎城守分職掌申軍法四事上之 上恐其驚疑人心令所司令所司候臨期請行。○丁亥南京兵科給事中賀涇奏應天巡撫都御史屠大山哀病不堪重寄乞諭令大山自圖進退或暫予告歸別選大臣忠壯有心計者代之吏部覆請詔許大山回籍仍令巡按御史勸其有無託疾狀以聞。○增設湖廣斬黃德安三衛所守備官一



員于黃陂縣駐守。奪浙江備倭署都指揮僉事盧鏗職戴罪殺賊坐赴任稽遲故也。○戊子戶部言往者修邊諸費俱出于各鎮邇來率以工務浩大奏發戶兵二部國儲馬價銀補之財日耗而邊事日廢自今各鎮請修邊者毋得槩發內帑必不得已以十分爲率戶部七之五兵部二之五仍籍記以備清查無得容所司冒破有旨修邊銀既會議明確其令各邊臣遵守勿復奏擾。己丑上諭輔臣嚴嵩等戶部訪買龍涎香至今未有祖宗之制官朝所用諸香皆以此爲佳內藏亦不多且近節用非不經也其亟爲計奏嵩等以示戶部部覆此香出雲廣僻遠之地民間所藏既無因而至有司所得以難繼而止又恐真贗莫測不敢獻者有之非臣等敢惜費以誤上供也疏入上責其玩視詔旨令博採兼收以進。庚寅憲宗純皇帝忌

辰 奉先殿行祭禮遣廣寧伯劉允中祭 茂陵。起聽勘原  
任駐守昌平州右僉都御史周玘總理糧儲提督軍務兼巡撫  
應天。陞撫治鄖陽右僉都御史張舜臣爲南京大理寺卿。  
山東兵復追擊倭寇至採淘港乘勝深入伏起殺兵大潰溺水  
死者千人指揮劉勇等死之初新涇之捷李逢時功最許國恨  
逢時與之同事而不先約己乃別從間道襲賊欲以分逢時功  
會暮大雨劉勇等兵先陷沒諸軍繼之皆倉卒不整遂大敗。  
壬辰浙江巡按御史趙炳然類奏四月內兩浙官兵于石墩等  
處先後擒斬倭寇二百餘人乞錄原任叅將盧鏜都指揮劉恩  
至指揮劉隆張四維及聽勘指揮潘鼎副使李文進陳宗夔功  
治失事領兵僉事羅拱辰備倭把總周光翰崇德知縣蔡本端  
罪而陞贈陣亡都指揮周應積百戶梁瑜趙軒朱璽等如例兵

部覆請從之。因言石墩火爲賊巢，乞加賑卹。得旨：文進等各齎銀幣，島復原職，拱辰策勵。光翰等下御史問餘悉如擬。甲午，祭歷代帝王遣駙馬都尉謝詔行禮。預發太倉年例兵餉銀四十五萬兩于各邊。兵部覆浙江巡撫王忬言：嘉善崇德桐鄉德清慈谿諸縣濱海無城，及浙西閔廂嘉興東北閔廂皆當預築城堡以屏郡治。第公私告匱費無所出，惟辨復監生生員吏農及贖罪充軍罪犯，宜暫破常格令其納贖，庶可少濟公家之急。又言浙西叅將張淙病怯不堪任，乞以戴罪副總兵湯克寬代之。上曰：充軍不准納贖，先年已有旨。餘議允行。克寬失事罪重，姑令充爲事官分守杭嘉地方，戴罪勒贖。乙未，刑部主事郭仁以賊首王直挾倭奴亂海上引。祖宗諭三佛齊故事，請勅令朝鮮宣諭日本國，章下兵部覆言：宣諭乃國體所關。

最宜慎重蓋倭寇方得志恣肆比之往年益爲猖獗恐未可以  
言語化誨懷服也若猶夏之罪未懲而綏以撫諭非所以蓄威  
糾引之黨未得而責以歛戢非所以崇體矧今簡將練兵皆有  
次第待其畏威悔罪然後 皇上擴天地之仁頒恩諭以容其  
更生未爲晚也且 祖宗時三佛齊止因阻絕商旅非有倭奴  
匪茹之罪朝鮮國近上表獻俘心存敵愾如復令其轉行宣諭  
恐亦非其心矣臣竊以爲不便 上從部議。以廣東擒勦海  
寇功陞副使汪栢俸一級都指揮蔡禎等准贖指揮王沛賞銀  
十兩初東莞劇賊何亞八等糾聚番徒沿海劫掠禎及知縣何  
蚡等以計撫其黨何賊衆少懈遣沛督兵捕之凡斬首一百餘  
級俘獲四人驅還所虜一百五十人事聞論功因有是命。虜  
寇宣府小白陽堡。丁酉以三年考滿廢總督倉場西苑農事

戶部左侍郎盧紳子洪先兵部左侍郎翁溥子餘忠提督兩廣  
兵部右侍郎鮑象賢子孝友掌通政司事工部右侍郎趙文華  
子慎思掌尚寶司事工部左侍郎嚴世蕃姪紹庠為國子生。  
以水災免順天府屬稅糧有差。賜成國公朱希忠母太夫人  
陳氏祭葬從其請也。改永寧宣撫司儒學總隸貴州。進封  
楚王英嶮嫡母世妃吳氏為楚愍王妃。增造南京新江口兵  
船二百艘先是新江口額設船四百艘以操江都御史潘珣奏  
減其半至是魏國公徐鵬舉以海寇繹騷請改沙船增復舊額  
從之口戊戌追贈王江涇死事指揮夏光為都指揮同知立祠  
祀之子孫陞實職一級世襲

明世宗肅皇帝實錄卷之四百十三

明世宗肅皇帝實錄卷之四百十四

嘉靖三十三年九月己亥朔禮部奏進 大報等祀日冊○建  
秋報大齋於朝天宮三日夜○廢故大學士方獻夫子葉爲國  
子主獻夫先已廢其姪並爲中書舍人並以罪黜葉求補廢許  
之○廢故提督兩廣兵部右侍郎應價子文端爲國子生○詔  
停徵蘇松常鎮四府租一年以被倭故也○給事中王正國仰  
史吉登勦上三十二年七月虜入延綏嚮水堡等處諸臣功罪  
狀謂虜入內地千里延任二十餘日攻毀靈審五十三所殺虜  
男婦五千餘人搶掠孳畜衣糧以百萬計若總兵韓欽副總兵  
崔拱廷擊李珍及諸路將領張鵬鄭紀李希靖張四維蕭鎮陞  
大經趙禹王浩施霖等十七員王允亨莫止訓劉堂吉慶等七  
員寧夏總兵姜應熊副總兵孫懷陝西總兵李輔或畏敵逗遛

或臨陣敗衄或應後觀望俱屬有罪內孫履李輔等各有所業捕斬等功當議贖賞其總督賈應春雖調度未周然諸部斬首二百餘級與陞任巡撫張珩謝九儀俱應免究得旨欽祺等俱付巡按御史從重問擬分別具奏鵬等革任聽問允亨等各戴罪管事仍奪俸一年應慈等奪俸半年應春廢一子為國子生順輔珩九儀等各賞銀有差○庚子巡按廣東御史郭文周勘上三十年五月海賊剽劫雷瓊等處各官軍功罪兵部議以指揮王克振等按問百戶為勲准贖指揮陳忠言胡松百戶郝英死事者各如例卹錄從之○套虜數百騎犯紅井官兵襲敗之遁去○辛丑大享視牲遣駙馬都尉謝詔代○陞都察院右僉都御史馮天馭為左副都御史協管院事湖廣左布政使劉伯躍為都察院右副都御史撫治鄆陽○壬寅 孝恭章皇后忌

辰 奉先殿行祭禮遣興安伯徐夢揚祭 景陵○原任禮部  
尚書兼翰林院學士黃綰卒綰浙江黃巖人正德中以祖蔭授  
後軍都督府都事嘉靖改元為南京都察院經歷以議大禮與  
張佳合遷南京工部員外郎謝病免歸未幾復起為光祿寺少  
卿與修明倫大典尋陞大理少卿改少詹事兼侍讀學士充經  
筵講官大典成進詹事久之進南京禮部右侍郎轉禮部左時  
大同軍亂後反側子猶攘臂鼓嘯人心詢詢代王請遣大臣女  
某 上命綰往綰撫輯流亡分別善惡悉索其倡亂黨與誅之  
還奏稱旨毋憂恨閹即其家拜禮部尚書兼翰林院學士撫諭  
安南未行落職附任至是卒於家綰有文學明習國家故事博  
群從給吏幹亦敢瞻故雖起家任子致位八座人不以為忝然  
其傾佞自愛不專一節物以誨學取榮豎北派禮先舉閉不悅



使首鼠避去事定乃復揚揚自負力附張桂鋤所憎忌嘗上書以慮語撼大學士楊一清公論惡之及妻言有寵復附言而非張子敬述其終始真傾危之士哉○詔改伏羌伯毛漢姪桓襲爵漢無子以桓襲○戶部覆南京兵部尚書張經浙江撫按王忬題炳然奏凡直浙地方被倭被災者民田許減存留之數屯田許以輕折之價其內府白糧漕運米於無災州縣補之詔興府所屬邊倉糧暫令本折兼徵以備海防之用制可○癸卯徙代府樂昌王府於朔州先是代王克彊及鎮巡官以大同狹隘而宗室繁衍請令樂昌王府徙居朔州以寬民力詔下文武大臣廷議報可至是部臣復奏請令樂昌王先徙將軍而下次第啓行宮室第宅皆自為營建從之○廢故兵部侍郎傅鳳翔子誠為園子生○甲辰諭五月中倭寇犯蘇州崑山等縣諸臣夫

事罪令原任副總兵解明道指揮張成己等各戴罪候賊奪僉  
事任環知府林懋舉同知張子瑄等奉一月陞死事百戶劉愛  
臣等子孫各一級世襲○丙午大享上帝於玄極寶殿先期  
請睿宗皇帝配及是日行禮供遣駙馬都尉鄔景和代○致  
仕南京都察院右都御史王壙卒贈工部尚書賜祭葬如例壙  
浙江黃巖人弘治壬戌進士正德徇為刑科都給事中以論救  
御史林有年及僉事繻郭奇等出為惠州府推官嘉靖改元詔  
復原職累遷應天府尹南京都察院右都御史掌院事諭年致  
仕歸至是卒年八十餘壙抗直敢言尹留都有惠以民立祠祀  
之○丁未罷百官重陽節宴○周府河陰王安汝堯賜祭葬如  
例監莊定○巡按浙江御史趙炳然勘上三十二年倭賊攻陷  
昌國臨山等衛及乍浦所城各官功罪兵部覆議以已總指揮

王應麟等五員守備不設諭斬張四維萊應後期及未朝臣等  
八員不能協守罪發遣而四維後有斬獲宜令立功自贖陣亡  
指揮陳善道千戶李茂等宜度襲有功恭將俞大猷副使李文  
進都指揮張猷等宜錄用詔俱如擬○戊申以水災免山東東  
昌兗州二府屬邑稅及上林苑良牧署子粒有差其苗育嘉蔬  
林衡三著往果許借太倉銀辦納○下文華疑辦事工部右侍  
郎談相獄相浙江嘉興人以書得幸用先是乞假歸葬上諭  
以事革坐返既而養稱病緩期上怒其違命遣官校速送法  
司論死逾年斬之○己酉命降胡廣撫苗恭政趙之屏二級別  
用坐陞任回籍日久為巡撫馮岳所糾也○南京兵部尚書張  
經以倭寇充斥議留折免運糧借用兩淮鹽銀蘇州府許聖鈔  
關船料後湖贖罰十萬兩免兵餉戶部覆太倉等州縣漕糧改

折扣留已為破格若併折邑而蓋留之潛規廢壞何所紀極宜  
止以太倉州三十二年秋糧折兌銀三萬五千有奇華亭縣三  
萬六千有奇共抵作原議聽留蘇松常鎮四府三十三年兌運  
秋糧并派剩銀兩之數存留充餉後湖紙贖以其半與之報可  
○庚戌裁革故仇驚部下冒陞家丁官軍王鏞等二十四人○  
辛亥巡按直隸御史毛鵬覆勘三十二年七月至八月虜寇宣  
大凡屠戮燬堡二十五座殺傷軍民及陣亡者幾三千人被虜  
者一千七百餘人官軍僅斬賊二百九十四級生擒二人驅逐  
酋掠者五十一人請再治各守臣之罪兵部奏二鎮兵將積弱  
無值歲歛易糧不給一時夫事諸臣請薄其罪上定之詔止  
下其畏避尤甚者大同總兵吳瑛及革任叅將麻祿公江守備  
朱朝等二十三員於御史問叅將郭宸守備狄勇黃堯臣各革

任守備張國卿等十六員已去任者免究見任者同宣府總兵劉大章副總兵焦澤等八員各策勵供職○癸丑昌平白羊口草場火詔奪守備齊維楨戶部員外郎劉崇文俸各二月○諭六月至七月浙江官軍禦倭功賞浙江巡撫都御史王忬銀三十兩綵幣三表裏宥叅將俞大猷叅政謝少南等罪復原任者都指揮僉事張鈇職大猷仍同指揮任錦各賞銀幣初大猷以普陀之賊戴菲殺賊鈇彼論革任少南與副使陳宗夔李文進姜廷順李廷松知府劉愨俱坐失事倚罪至是忬類奏首功以張老等之擒歸功張鈇以吳淞所之捷歸俞大猷以長嶼南之捷歸任錦因請為少南等贖罪兵部覆忬有經畧功故賞之○甲寅霜降節遣長寧伯周大經玉田伯蔣榮懷柔伯施燾成安伯郭應乾分祭 八陵都指揮使徐禮祭 恭仁康定景皇帝

都督僉事沈至祭 孝潔皇后中官祭 恭讓章皇后及 表  
冲 莊敬二太子各陵墳○陞南京都察院右都御史吳鵬為  
工部尚書大理寺左少卿趙大祐為都察院右僉都御史○論  
肅州南山茅廠蓄賊寇遺諸良夫事罪下旨揮李時於巡按御  
史問奪百戶王元等俸二月○奪原任宣大總督兵部尚書蘇  
祐巡撫侯斌職為民祐等逮至各上疏自辯法司驗問其前後  
章疏皆虛文塞責無幹濟實心乃俱黜之○乙卯舉秋報興於  
大高玄殿六日命有司停刑禁屠造文武大臣定國公徐延德  
等祭各各宮廟○戶部言本部歲入夏稅秋糧馬草絲絹布疋  
戶口食鹽閩稅鹽課等項除存留及起運邊腹外額該漕運京  
通倉米四百萬石解京庫銀二百萬兩有奇一應京邊用度皆  
此仰給中間有因時增設而遂沿為常例者如各邊修造銀自

庚子歲節餼且八十餘萬客兵銀自庚戌後每歲增二百餘萬之類是也有遂羊加忝而遂倍于常額者如京營馬匹草料歲支料草取折各二十餘萬各邊羊例外募單調發等銀歲加共一百餘萬之類是也有因循日久糜費而不可省者錦衣衛官軍月支米至四萬石光祿太常廚役月支米至六千石神樂觀樂舞生各監局匠役月支米七百餘石各衛官軍歲支米至三百一十二萬餘石其間冗員當併冗食當汰之類是也有侵冒日甚牽制而不可禁者光祿歲派供用外每歲用銀數十萬各邊修守每年撥前用數無慮數百萬其間統領收夫之人不無陽出陰藏移寡入多與夫一切調掣非時分布無法冒濫不實之類是也以是四者歲出倍於所入本部不得已乃題取贓罰推黃取例以苟且取給今倭括盡矣解納微矣不惟額外銀兩

歲難備以爲常卽如前項額糧四百萬石額銀二百萬兩近該蘇松浙江河南陝西等處各以災傷奏留蠲免則漕糧起運不但止於改折其數必至於虧欠銀兩收貯不但止於短少其勢必至於匱竭今三十三年京通倉米不滿一千萬石僅供二年支費太倉見貯庫銀不滿三四十萬兩而應發各鎮年例尚欠七十八萬兩各項尚價尚欠二十八萬餘兩而光祿借補供應軍士冬衣布疋猶在其外國用窘急未有甚於此時者也夫計近日之費固已慮濟用之難若逆將來之費而圖善後之策則尤有可寒心者蓋往者海內安寧時歲豐登邊陲無久戍之兵郡縣無流徙之民倉廩充盈閭閻殷富本部得以籍住時之積幣修估之計資外以供內借有以濟無備之可也今太倉乏款年之蓄而耗蠹者日倍於前內帑缺見年之用而仰給者日倒



於後加以兵戈迭先水旱頻仍輸運不前而且欲乞免以圖存  
撥括不繼而且欲請討以助費則漕糧求四百萬之數銀庫求  
二百餘萬之銀固已難集而京師百萬土室之衆何所倚恃各  
邊主客兵四百餘萬之資何所給發各寺庫數十萬兩之費何  
所措辦欲加派於民而民力已困欲借用於官而官帑已虛又  
將何從而可哉臣等以凡庸司國計值此財用殫竭之時莫如  
慎算縱橫之畫故願 陛下博訪廷臣而集衆思焉俾各述所  
見各德所懷於臣等所列增設加添因循侵冒四者詳議其汰  
存節縮之宜而裁擇之庶羣策畢陳而經制之長利可察矣疏  
入報可○以榆林織令陝西軍民納例者各以本色給軍○倭  
寇七十餘人犯海門縣焚舟登岸淮揚兵備副使張景賢亟引  
兵禦之戰於呂四場盡殲其衆○丁巳罷提督軍務都督僉事

時陳回衛開任下大同副總兵馮登泰將郭震未雲漢等巡按御史問初岳懋收後登等俱坐視不救至是言官劾陳年老志得不堪重任因追論登等故有是命○戊午巡按直隸御史毛鵬勅上八月內宣府小白羊堡各將官功罪詔從部擬以指揮梅繼勳等防守疎虞按問叅將張四教臨陣失律降職二級指揮周浩等應援不力各奪俸三月惟巡撫標下把總張恒以力戰奪銀幣○己未應天河南四川撫按各奏報地方災傷請蠲田租戶部以國用出之請再令所司勘實為定則勿得混淆以積常課報可○後軍都督府都督同知袁天章卒 上以其久任督捕有功賜祭葬仍贈右都督○虜獩衆入寇平甯城至山西境官兵擊走之○以旱災免湖廣武昌漢陽承天德安黃州荊州岳州等府田租及改折屯田子粒有左○峽府遠安王崇

擇覺賜祭葬如例○錄廣寧前屯等處獲功被傷官軍王文等  
十一人世賞有差○命浙江福建直隸蘇松等府織造七花樣  
紵絲紗羅共三萬一百五十餘疋○辛酉命著都指揮僉事神  
機營副將趙卿代時陳提督軍務將入衛官兵駐懷來隆慶通  
中之所改昌平州副總兵張琮克左副總兵協守大同○壬戌  
陞大理寺右少卿胡植為本寺左少卿左寺丞魏謙吉為本寺  
右少卿○原任太子太保吏部尚書熊浹卒陝江西南昌人正  
德甲戌進士授禮科給事中嘉靖初以議禮受知自河南叅議  
呂入修明倫大典明辛權都察院右僉都御史大典成轉左副  
都御史掌院事坐議獻疑獄罷歸久之起南京禮部尚書己改  
南京兵部叅贊機務召為兵部尚書兼右都御史復掌院事踰  
年改吏部以六載考績加太子太保時侍祠事與會有以其仙

進者決上疏切諫忤旨求去遂削籍歸至是卒淡少有志節自守甚嚴持議侃侃恬於寵利始終進退有古大臣風卒後三十年會隆慶改元始復官賜祭并謚恭肅○暹羅國王勃峇坤息利尤池呀遣使奉金葉表文來朝貢方物宴賚如例仍賜其正副使及通事辦事人等冠帶有差○命都督同知掌錦衣衛事朱希孝從督京城內外巡捕○總督京營戎政平江伯陳圭兵部尚書蔣約各執奏爭班軍職掌 上命巡視科道官議之給事中嚴正茂仰史姚一元等復言班軍入衛據三十二年詔則經理在營事宜責在戎政據三十二年詔則發操查點責任在兵部臣等請酌議其中凡自今班軍上班由都司送部由部到營該管不得而充益軍未上班是為外衛外衛固屬之本兵使營中充收孰從而知其多寡虛實之數班軍下班由叅將送總督

總督咨兵部該司不得而充蓋軍未下班是為營兵營兵悉隸於戎改使該司先收孰從而和其到否缺罰之例此戎改本兵所宜協濟共事者也議入詔仍依三十二年勅旨行因諭戎改本兵令協和行事毋忿爭傷大體○華駙馬鄔景和職回藉為民務景和既奉旨入直會當撰玄文景和以不諳玄理辭上不悅時 上有事清疑駭在直諸臣俱進香行禮間有旨罷景和入直景和即不俟禮成而出已賞資諸臣銀幣景和與焉景和心不安疏辭臣無功受賞懼增罪戾乞容辭免使臣得洗心務慮以効他日馬革裹屍銜環結草之報 上大以為恨乃摘疏中裹屍字謂以不祥語詛上怒誚夫臣禮下法司恭看擬照景和為民從之○癸亥廢總督煎遼兵部左侍郎楊博子州俊總督陝西三邊兵部左侍郎賈應春子濂為國子生俱以三年

滿也○以倭亂罷浙江今年歲貢魚鮮○命山東撫按官給世襲翰林院五經博士曾質粹土田人戶質粹既紹先賢曾子後因援顧孟二氏例請給供祀土田可家人戶詔有司如例子之○命浙江等道試御史李鳳毛尹庭崔棟于業王極苟頴楊美益陰秉枋馬斯減鄭綸左柱陳九成王用賢等實授○乙丑發三十四年事例銀二十七萬兩於各邊○以水災免保定所屬州縣稅糧○東西虜酋犯都兒打來孫等擁衆數萬自虎頭山突犯潮河川分攻龍王谷靛保子沙嶺兒丁吉山等處總兵周益昌督兵將禦之○丙寅虜盡銳攻龍王谷靛保兒益急終日數十進我兵憑牆擊之虜多傷者是日沙嶺松嶺俱有虜攻其夜虜以數百騎襲攻孤山口俱不克○兵部覆論三月至五月通州如阜等處官兵禦倭功罪以儀真守備張率松父從賢徭

巷指揮張明化等臨敵畏避下巡按御史問以如臯縣知縣陳  
雍守城有功陞俸二級賞徐州兵備副使李天寵通泰參將梅  
希孔等銀幣及卹錄百戶高時義勇官沙子現等各有差兵部  
因言漕運侍郎鄭曉有運籌決勝功詔賞曉與鎮遠侯顧寰各  
銀三十兩紵絲二表裏○丁卯虜衆薄古北口攻牆大同守臣  
亦以虜入平虜衛告急兵部以聞 上令各總督鎮巡官嚴兵  
戍備并起提督趙卿之任分布兵馬防邊

大明世宗肅皇帝實錄卷之四百十五

嘉靖三十三年十月戊辰朔時享 太廟命英國公張滾代○

欽天監進明年大統曆頒賜羣臣○己巳 孝潔皇后忌辰

內殿行祭禮遣清平伯吳家彥祭 陵寢○命鎮遠城右叅將

王臣光副總兵鎮守若庸昌平以原任大同總兵張堅充右叅

將代之○詔發大僕寺銀一萬兩犒薊鎮守牆將士賜總督楊

博總兵周益昌各服色衣一襲是時虜攻薊鎮牆百道並進警

報皆至 上為之肝食遣廠衛卒校往訶其狀至則博懷甲登

陴宿止古北口垣上而諸將士擁牆馭禦甚力訶者以共事聞

上大善乃遣兵部司官齎勅獎犒將士博益昌俱賜服以寵

之○庚午虜北懸薊鎮守臣以聞京城解嚴虜自二十七日薄

牆急攻四晝夜不克乃退屯古城川次日從南院驅虎頭山夜



火光滿野連亘數十里總督楊博募死士執火器潛入其營中  
夜乘發虜衆驚擾徹旦乃解去○壬申命錦衣衛械繫原任應  
天巡撫屠大山叅將許國亨達時副總兵解明道至京訊治先  
是探洵港之役生兩將大相能各兵趨利不止故岳成而敗時  
明道督水兵泊海口坐視不救大山方稱疾不視事至是御史  
張師价以敗書聞請治大山達時國明道各失事罪總督張經  
因并論山東監軍叅政許天倫副使周臣紀律不嚴亦宜量罰  
於是大山達至黜為民明道等論斬天倫臣降三級邊方用○  
甲戌以妖賊呂鶴等就擒陞總督宣大兵部左侍郎許論為都  
察院右都御史仍兼左侍郎總督如故閑住都指揮張翺等俱  
陞實職二級副使楊順等各賞銀幣有差鶴與丘富皆大原人  
初以左道惑衆富叛降虜首俺谷用事鶴因竊伏應州城使其

黨賀彥英等出入虜中與富通至是彥英自虜中還為張翺部卒所縛盡得其姦狀總督許論遣官捕鶴及其黨揚通減大臣俱獲之事聞下兵部張鶴等勾虜入犯罪不在王三蕭芹下宜即付巡按御史訊決論計伐虜謀功宜首叙翺宜陞級兵備守巡副使楊順等與有勞者宜并錄從之○乙亥巡按直隸御史馬三才言畿南四郡府治雖同而大小繁簡肥瘠之實迥異若真定土廣大名民庶二府者其尤也廣平簡僻似大名而人民地里僅得其半順德衝繁似真定而人民地里尚不及三之一考四郡原額糧稅多寡之數其品則固較然判矣乃近年戶禮工三部階所徵派雖畧有差別未協至當大抵大名減于真定似為稍輕順德難減于廣平尚嫌過重請更定常額互為損益一準常賦定為中制禮部覆本部原派四府杜口致係定額重

難增減其廣平府新增銀四百四十九兩可以改入大名順德府新增銀四百三十五兩可以改入真定哀多益寡庶為得中戶工部覆悉如三才議報可○兵部覆太僕寺以卿黃憲官條陳馬政四事一本寺所屬南直隸山東河南歲解備用額馬二萬匹盡派順天等三府寄養倒失數多欲令三府各州縣相度隙地創造馬房分派馬戶之貧者以便飼養一提督寄養必卿每歲報滿將所屬府通判州縣字印并管馬官賢否甄別舉劾一請中諭各管馬官不得營求別差致妨本務一舊例馬戶十年富燭一次今民間貧富不均請改為五年一編嚴禁影射代養等弊從之○先是裁兩京決囚○丙子晉府靖安王表扶堯跽祭葬如例溢端倍○致仕南京兵部尚書湛若水年九十廣東撫按官以聞禮部請如例存問報復○陝西蘭州地震○總

督侍即許論奏前尚書翁萬達議築大牆於大同禦虜此今日  
安邊長策但以兵少不便擬造於是變而為守牆不若守敵臺  
之說又變為改敵臺為空心執臺之說皆非久計也臣復思之  
萬達所築遺牆六百餘里沿邊有墩臺六百餘座皆在牆內每  
賊攻牆既不得用其力賊已入牆率震駭逃去今不若將各墩  
臺改築牆外每三百步一座俾天石相及其離牆俱不起二三  
十步之間每墩底闊四丈五尺頂三丈二尺高三丈上加女牆  
營方以便棲止下築月城穴門以通出入墩各置壯士十人守  
之遇防秋壘增其數約工費可九萬金作治不過數月乞下本  
兵詳議部覆從之乃發帑銀三萬兩太僕寺馬價銀六萬兩  
充工費○丁丑陞刑部左侍郎王熙益為南京都察院右都御  
史翰林院編修董倫為右春坊右中允管國子監司業下○戊

寅下陝西布政司叅政呂時中按察司副使謝淮巡按御史提問奪巡按陝西御史吉澄俸一月以時中淮進表還任遲限澄以道病為之回護故也吏部因言疆圉多事自後遣方官遲限者不問時日遠近一體擬罪報可○海賊犯廣東潮州之柘林指揮黑孟陽引舟師殲之生擒賊首方四漢夷目叱過囉等一百三十五名斬首三十九級其賊首徐碧溪等悉沉海死事聞詔賞巡撫南贛汀漳等處都御史談愷銀三十兩紵絲二表裏廣東海道副使汪栢及孟陽等各銀有差○己卯建秋報醮典於洪應壇七日遣文武大臣英國公張溶等祭告各宮廟○庚辰諭九月中淮揚官軍平倭功陸巡撫侍郎鄭曉俸一級并賞銀四十兩紵絲二表裏兵備副使張景賢陞右叅政仍兼原職○辛巳兵科都給事中李用敬論劾總督南京兵部尚書張經

縱賊誤國四事其一受命半載一切軍情利害不聞奏報其二山東兵至不量客主勞佚之勢而輕於一戰為賊所掩其三兵敗之後不即席藁引罪而隱匿至二月餘其四以墳墓在閩恐為諸寇齟齬不敢盡力驅剿疏下文兵二部覆議經奏調廣西土兵與湖廣民兵未入境而山東兵先至氣銳一特扭於小勝致墮賊計其取敗有因非經失也但經本以南京參贊之職節制東吳內外掣肘不便行事乞量改一官令其專以平寇為務其參贊之任更命一人代之則內外均有責成非獨廢經實以重留都也 上是其議命改經為右都御史兼兵部右侍郎專一總督並務剋期平賊不許怠慢以南京吏部尚書周延代經為兵部尚書恭賢贊經○壬午兵部尚書聶豹等奏比叢前邊山西寧夏各鎮虜賊入化俱遵挂鈎而兩廣淮揚提督踵至茲

實賴我 皇上昭事 上玄神功默贊以故師出萬全功光百  
代乞勅禮部擇吉告謝 郊廟受百官賀仍詔示天下以彰盛  
美疏入 上以虜寇挫衄歸功 天佑從其告謝之議餘已之  
○癸未是夜金星見未位○浙江續呈倭寇萬餘人分掠樂清  
黃巖東陽永康等縣○甲申以織造絨服成陞巡按陝西御史  
吉澄俸一級○乙酉 誠孝昭皇后忌辰 奉先殿行恭禮遣  
都指揮同知陳書祭 獻陵○丙戌論三十二年陝西南山中  
寨堡死事官軍司彥明等二十三人卹錄如例○丁亥陞刑部  
浙江司主事丘秉文為光祿寺寺丞○以駙馬都尉謝詔掌宗  
人府事兼管大漢將軍○戊子命賑濟宣大侍郎陳儒回部儒  
賑濟宣大完諸以便宜查覈山東河南山西屯田錢糧之數兵  
部言兵荒之後恐益騷擾乃詔儒還○復失事金山等處備倭

官署都指揮僉事震鏗原職充水守浙江寧紹台溫地方叅將  
仍賞罪秩職○己丑奪靈丘王府鎮國中尉充燒充蕉充煨爵  
為庶人以充燒兄弟前生罪削祿禁錮役潛詣京師奏擾故也  
○追治二十七年榆林歸德等堡失事將官罪後德衛帶衛都  
指揮僉事白憲等三人戍邊衛副總兵官李琦等四人降二級  
贖杖還職○庚寅以修理 天壽山橋梁道路命大學士李本  
往視工○辛卯四川烏蒙軍民府差土官阿羅頭目阿福等來  
朝貢馬以過期給半賞○壬辰選寧晉縣子弟李和尚皇第三  
女寧安公主○倭寇三千餘人由金山突至西海口登岸掠  
○癸巳論緝蕪虜中姦謀黃鉞功賞京營叅將雲冒銀二十兩  
把總指揮白宗等陞賞有差○甲午以南北昔捷遣文武大臣  
成國公朱希忠英國公張溶駙馬都尉謝詔平江伯陳士大學



士徐階李本告謝 天地 宗廟 社稷先聖帝王○乙未論  
三十二年曆入寧夏清水營等處失事諸臣罪下原任叅將鄒  
思忠犯總指揮白珂于巡按御史問奪中軍指揮劉繼勳等休  
一月○命浙江都司僉書署都指揮僉事劉恩至充金山等處  
備倭官兼捕鹽徒盜賊○靖江王府輔國中尉經梧以驕眊杖  
其族弟中尉經榆事聞賜死其長兄輔國中尉經拾以訓導不  
嚴奪祿一年○丙申倭賊攻嘉興府求闔官兵拒走之○丁酉  
以充田牧獲賜戶部左侍郎盧紳御馬監丞高忠彩段羊酒有  
差戶部郎中石茂華緝二匹

大明世宗肅皇帝實錄卷之四百十五

明世宗肅皇帝實錄卷之四百十六

嘉靖三十三年十一月戊戌朔。己亥禮部奏新選尚主子弟李和請如故事于內外教職中選補教習官一員量授主事職銜以本部侍郎督課之詔可。追錄採淘港陣亡指揮劉勇十戶孫升胡應麒鎮撫李繼收義勇官徐恭各陞襲贈級命有司立祠如例并卹其從軍死事者家叅政許天倫副使周臣免降調各奪俸半年時李逢時等既得罪兵部復言天倫等皆山東監軍官原無地方之責獨都指揮盧鐘僉事任環當坐而鐘已戴罪投賊環歷戰有功四臣俱在應議之列乞姑寬其罪而卹錄死事諸臣又言禦夷之法惟戰與守然必守定始可議戰民聚始可議守據險始可聚民今當事諸臣苟且目前未有為公家長慮者各郡邑一值賊至計無所出獨擁孤城以待調兵至

耳今東兵既挫復調廣西湖廣等兵征調愈多則民愈困民愈困賊愈不止乞勅守臣講求據險聚民之策招集崇明等縣沙船練習水戰毋專恃調兵得旨島夷肆掠地方實由逆徒勾引各有司未能多方擒捕以致猖獗日熾蘇松府衛州縣諸掌印捕盜官俱當建問以時方用人且俱令停俸戴罪立功自贖沙兵沙船付任環招集督令殺賊其贈卹死事官兵俱如擬天倫等姑奪俸留用。壬寅 恭讓章皇后忌辰遣中官祭 陵寢。○癸卯舉謝玄大典于內殿遣文武大臣英國公張溶等祭告各宮廟。○大同巡撫王忬疏陳預給馬草酌增糧銀督催民運折徵屯糧諸事戶部覆議自三十三年爲始每馬冬春月支料豆九斗舊支本色四斗今加二斗共本色六斗其餘四斗折色如故騎軍與守邊軍月糧上半年每月舊支本色三斗今加二

斗本折中半兼支餘軍不得槩給山西河南所逋該鎮民糧自二十八年至三十二年共七十餘萬即嚴限催徵歲終務完其半有過限不從數者聽大同撫臣叅劾中間或以道里險遠不便轉輸當量爲調停之法山西州縣去大同三百里內者不拘分數多派本色三百里外者與河南俱酌地里遠近派增餉費或四錢三錢二錢通計所增若干併入會計年例以補增給軍糧折價之數在百姓雖派增而猶利折色之便在軍士雖折支而實得本色之惠臣聞千里餽糧士有饑色屯田塞下且戰且休此法之最善也大同屯糧視原額才五分之一其虧折不爲少矣而平例增加自民屯外已至四十萬若更折收僅得六萬餘全以時估計之可得米二萬餘石無庸之費何所取給乎其令仍收本色便上從部議。兵部尚書屠豹等類奏薊鎮山

西宣大各守臣禦虜功次九月二十一日虜自大同平虜城入  
犯山西鎮西衛官兵前後斬首一百七十級生擒一人二十七  
日虜十萬自朔河川入官兵連敗之于龍王谷甄梁子沙領兒  
等處六月十八日宣府克虜臺斬虜首六級二月十六日虜七  
騎馳至河坊口伺我有備遯去凡此皆荷玄威震疊所向有功  
乞錄在外擘撫諸將領又在內輔臣功 上曰然今歲仰荷  
天地 廟社垂祐虜不能入犯且斬獲功多內外文武諸臣效  
勞宣猷俱不可泯其陞總督薊遼楊博為右都御史兼兵部右  
侍郎宣大許倫為兵部尚書兼右副都御史各廕一子錦衣衛  
千戶總兵薊州周益昌山西韓承慶為都督同知各廕一子本  
衛所副千戶巡撫薊州吳嘉會山西王崇為兵部右侍郎兼右  
僉都御史各廕一子為國子生宣府總兵劉大章陞右都督巡

撫劉廷臣陞右副都御史大同總兵焦澤陞一級巡撫王忬陞  
兵部右侍郎兼右僉都御史密雲兵備副使李慕陞右叅政兼  
副使各副總叅遊守備等官楊照劉守徐府李國珍等二十一  
員馮登李爵周文劉通等三十七員朔州鴈門兵備副使楊順  
趙大綱及叅議程紳等都督趙卿等十一員都指揮王祿等一  
百二員及陣亡軍人俱陞賞卹錄有差輔臣嚴嵩廢一子尚寶  
司司丞徐階李本各一子中書舍人成國公朱希忠都督陸炳  
歲增祿米五十石安平伯方承裕兵部尚書鼎豹俱進太子太  
保吏部尚書李默王用賓俱進太子少保恭誠伯陶仲文歲增  
祿米百石兵部侍郎翁溥沈良才及該司郎中張重等各陞俸  
一級平江伯陳圭戶部尚書方純侍郎馬坤倪嵩吏部侍郎郭  
朴程文德禮部侍郎閔如霖吳山兵部侍郎謝九儀刑部侍郎

陳儒各賞銀幣。甲辰原任南京工部右侍郎歐陽塾卒贈都察院右都御史賜祭葬如例。大學士嚴嵩疏辭詹子。上曰論功雖以違臣卿盡誠贊玄實爲忠首酬典宜加其勿復辭徐階李本及尚書李默等亦各上疏辭不允。乙巳以災免大同府所屬州縣宣府前等衙屯糧有差。戊申命尚書李默王用賓俱兼翰林院學士侍郎郭朴吳山俱兼翰林院侍講學士以直文撰故也。己酉詔故南和伯方東子炳襲爵。山東濮州地震。以三十二年倭寇犯太平縣及歷海所等處官兵擒斬有功賞台州知府宋治銀十兩陞太平知縣方輅俸一級原任指揮孫欽敘用千戶張應奎等三員陞襲贈職俱如例。庚戌圍立親性命英國公張溶代。壬子上不御殿免傳制誓戒百官。詔更賜總督湖廣川貴侍郎馮岳勅令其節制容美

十四司初容美土官田世爵與把隘土官向元楫累世相讐元楫幼世爵佯以解讐爲名遣女嫁之謀奪其產因誣元楫以奸宥司恐激變令自捕元楫下獄世爵遂發卒盡俘向氏并籍其山場土田皆沒入之元之撫按知其謀責與元楫對狀世爵不出陰聚衆自備與羅峒叛舍黃中等通于是湖廣巡按御史周如斗奏請移荆南道分巡施州衛以便控制掣回廣西清浪等處輪戍官軍以實行伍疏下督撫馮岳等議施州地勢孤懸不可久居戍軍亦非一時可盡掣但當移荆瞿守備于施州九永守備於九谿仍申明舊例以上荆南道守巡官更替巡歷至于世爵驕橫有司力不能攝治而獨火繫元楫何爲今宜出元楫于獄假督臣節制容美之權問世爵抗違之罪若再不悛卽繩以國法兵部覆奏從之。癸丑初兵科給事中徐綱等查核金



吾左衛指揮千百戶尹鑑等四十餘人父祖罪犯不孝俱當革襲已而鑑等各以世遠文卷漫滅奏辯不已給事中王國禎言五刑之屬莫大于孝今朦朧賜襲則新例甚嚴若一槩絕之則舊籍無考請做宣德十年之例鑑等姑令次房降一級承襲內無次房即革為民其原係次房承襲者各于原職上降一級其係新犯有招卷可查者乃以正德四年例處之本房次房俱停襲替兵部覆國禎議是第謂各官原無次第承襲遂革為民亦有可憫乞量革為總旗于原衛所食糧當差詔可。甲寅以明日冬至節遣長寧伯周大經恭順侯吳繼爵懷柔伯施燾玉田伯蔣榮分祭 入陵興安伯徐夢暘祭 恭仁康定景皇帝都指揮同知王極祭 孝潔皇后都督僉事沈至祭 哀冲 莊敬二太子中官祭 恭讓章皇后各陵墳。倭寇犯松江青村

所等處。乙卯冬至大祀。天子園丘先期請。太祖配。及是日行禮。俱遣成國公朱希忠代。孝惠皇后忌辰。遣清平伯吳家秀祭。茂陵。孝烈皇后忌辰。奉先殿行祭禮。遣玉田伯蔣榮祭。陵寢。丙辰。上不御殿。百官具朝服詣奉天門行五拜三叩頭禮。仍上表稱賀。免晏賜陪祀官。胙及百官節錢鈔。朝鮮國王李烜差陪臣吏曹叅判鄭裕等朝賀貢方物。晏齊如例。戊午。陞刑部右侍郎陳儒爲本部左侍郎。改南京兵部右侍郎蔡雲程爲刑部右侍郎。陞四川巡撫右副都御史張臬爲南京刑部右侍郎。陞兵部武選司郎中吳三樂爲湖廣按察司副使。提調學校。發太倉銀十萬兩于宣府。十萬兩于大同。二萬七千兩于薊州。戶部覆科道官甄成德黃國用奏請于歲終以度支之數爲會計錄。獻許之。巡撫直隸御史

孫慎勤上蘇松禦倭文武官功罪得旨備倭署都指揮同知王世科如原擬處決指揮使翁時弊等發遣知縣萬思謙等准以功贖仍奪俸一年知州熊桴知縣喻顯科降遠方雜職以兵備僉事任環身親戰陣斬獲功多陞右叅政兼副使兵備如故原任操江都御史蔡克廉都指揮韓璽廢勘無罪准遺缺推用原任浙江巡撫都御史王忬見任操江都御史褒善巡江御史汪克用調度有功各賞銀幣有差其督糧叅政翁大立命裁革赴部別用。己未廢故死事雲南左布政使徐樾子瑩爲國子生。庚申廢大學士李本子元爲中書舍人補廢故兵部尚書潘鑑孫尚朴爲國子生。命錦衣衛速禮部儀制司署郎中聶靜杖于廷黜爲民奪負外陳全之主事賈衡吳仲禮俸各半年先是冬至類准賀表復寫三十二字 上覽之怒詔禮部查叅

該司官吏以聞靜等伏罪遂皆被譴尚書王用賓等亦具疏自  
劾得貫不治。○修景慶玄修醮典于內殿九日。○辛酉廢故大  
學士許讚孫茂禎爲中書舍人。○陞江西右布政使潘恩爲浙  
江左布政使刑科左給事中黃元白爲陝西按察司副使。○壬  
戌倭寇自柘林分掠嘉湖二府都指揮劉恩至逆戰于嘉興縣  
却之。○甲子降順天府府尹扈永通爲河南按察司副使永通  
自應天府陞任至京吏部劾其赴任違限請罰治得旨近年陞  
任官肆意回籍贖廢職業永通姑降二級調外任用今後兩京  
大臣凡到任遲遲者從實叅奏。○降署掌中書舍人事大理寺  
寺副于鱗三級調外任坐散給誥勅後至爲吏部所劾也鱗尋  
以故母奉聖夫人劉氏舊恩乞留內奉墳塋不報。○改提督兩  
廣兵部右侍郎鮑象賢爲南京兵部右侍郎陞太僕寺卿羅廷

繡為都察院右僉都御史巡撫四川

明世宗肅皇帝實錄卷之四百十六

明世宗肅皇帝實錄卷之四百十七

嘉靖三十三年十二月丁卯朔陝西階州地震○陞總督陝西  
三邊兵部左侍郎賈應春為右都御史兼右侍郎寧夏總兵姜  
應熊為都督同知巡撫王夢樹為右副都御史仍各賞銀三十  
兩紵絲二表裏食事潘璵等副總兵孫朝等俱陞一級初套虜  
數萬人屯寧夏山後先遣精騎五百餘出掠紅井應熊等戒將  
士固守紅井以緞虜師而密遣兵繞出虜後薄其營虜大驚亂  
我兵斬首一百四十級奪馬一百餘匹至是巡按御史吉澄上  
首功狀兵部請錄諸臣功因言副總兵崔謨前遠聞未決亦宜  
宥免得旨謨仍候明時奏處餘如議○戊辰秦寧亦顏福餘三  
衛靈人部督只見挨等差頭日并台兒等及都指揮左蘭台等  
各奉朝貢馬宴昏如例○崇信伯費煒卒賜祭葬如例○陞江

西布政使司左叅政傅頤為陝西按察使。錄三年內敝衛緝訪及鎮撫司理刑功廕司禮監太監黃錦弟姪一人及掌錦衣衛事左都督陸炳一子俱為百戶右都督朱希孝一子為所鎮撫陞錦衣衛署指揮僉事掌鎮撫司事萬文明為指揮同知千戶李隆為署指揮僉事旗校等各陞一級。○庚午 慈孝獻皇后忌辰 奉先殿行祭禮遣東寧伯焦棟祭 顯陵。○四川播州宣慰使楊烈差長官都春等來朝貢馬給賞如例。○詹禮部左侍郎吳山子一懼順天巡撫兵部右侍郎吳嘉會子蒙俱為國子生以三年考滿也。○今浙江按察司副使陳宗夔陝西左布政使孔天胤右布政使何其高聞住各坐貪污為巡按御史陳慎吉登所糾也。○詹故提督兩廣兵部右侍郎應橫孫崇元為國子生。○戶部覆刑部右侍郎陳儒言委官勘實大同也地

定為上中下分數上等起徵本色中等折色七錢下等三錢山西河南民運銀量地之遠近險易以定本色折色之例兵馬按伏防禦出百里之外過五日者許支行糧臨陣對敵遭飛鋒刃者雖在五里百里內亦准支給其副總兵馬登陸營近地冒支行糧遊擊高尚古折支軍餉多所乾沒宜論治如律詔俱依擬尚古奪俸半年登下所司遲至京問○辛未陞南京太僕寺卿高耀為順天府尹○廣西道御史黃國用言 皇上近因霖雨為災議興 浚京諸處工役事非得已但京師比當水旱疾疫之後民力困竭物價騰踊商人畏買辦之艱車戶病載運之苦往往毀家鬻具以逃閭井蕭然可為太息且各工計費不下數百萬而工部貯庫之銀不及三分之一上下公私困匱至此若將各工並舉恐民愈不堪工亦難以就緒不若酌量緩急姑



擇其一二要重者併力興工餘僕豐年以次及之庶國計民生  
兩無所妨御史陰秉暘徐紳亦以為言得旨各工先儘見在物  
料修理 山陵橋路餘如議漸舉○壬申以冬深無雪遣文武  
大臣英國公張溶等祭禱各官廟是日禮部類奏災異 上報  
曰災異屢見仁愛下垂朕故不仰承 天意爾內外臣工未宜  
一以歸上須分理有責若能同寅恤民和衷乃職豈無感動即  
今禱雪之日為始各青衣辨事九日思省以誠勿但白己○癸  
酉永康侯徐源卒賜祭葬如例。陞南贛巡撫右副都御史談  
愷為兵部右侍郎兼都察院右僉都御史提督兩廣軍務兼理  
巡撫○甲戌罷百官臘宴○詔遣原募山東禦倭兵還自採淘  
港之敗東兵遂不振會主將李遵時等被逮皆鬱思歸稍自引  
去總督張經請下宥司追捕兵部言此輩俱係北土烏合之兵

疆之蘇松水澤之地固非其宜今不如悉放遣之詔可。命調  
水順宜慰司彭明輔保靖宣慰司彭盡臣各帥所部土兵三千  
人前赴蘇松剿賊先是總督張經議調廣西狼兵及湖廣民兵  
尚未至而蘇松自十月後新倭繼至者又萬餘人經至是告急  
因復以調兵請許之。乙亥以蘇州被倭暫令許野鈔關收折  
色一年。兵部覆巡按直隸御史徐紳三議一議簡兵謂適者  
京營兵既冗而又增募至四萬人中間多老弱冒替者宜精簡  
而時練之厚以水糧俟秋防有警量遣征戍一議備倭謂倭賊  
嘗以設伏取勝不擊兵果寡今蘇松常三郡民兵軍餘及諸路  
所募者殆四五萬衆而兵多無制何以克敵請自今嚴行守  
臣簡練不處壯快沙民使之人自為戰因汰去客兵之無用者  
其供億諸費亟以應天徽寧池太廬州安慶徐和廣德等府州

所屬民壯弓兵於十分之內其六存留守禦其四暫免應役每名輸工食銀七兩二錢給軍或以南京兵部積貯船料銀暫借二十萬兩俟事寧漸次補贖一議修邊謂比歲霖雨為災各邊塞垣傾圮亟宜修葺而司計告廣請以山東河南兩班民兵汰去一班但留三千壯者入衛其餘每名徵其原派工食銀三十六兩輸以修邊仍將徐邳入衛民兵一體折徵暫行二年得旨允行南兵部銀准借十萬兩各處民壯弓兵令提編三十五年折銀如紳原擬之數其餘均徭不分銀力二差俱納銀一兩送各軍門充餉。湖廣四川守臣誘擒龍潭安撫司叛夷黃俊及其黨李仲實等後予中諸軍門降杞州平初後據支羅洞寨貪暴不法以睚眦殺人坐告繫獄會白草苗反中因為父請贖罪立功及自求為副安撫黃既後指揮杜過入其賄為言於軍門

許之後出蓋驕乃與中及羣盜李仲實等逆命橫行四川奉節  
雲陽萬縣間官軍捕之反為所敗至是副使熊達參議萬文朝  
命事陳其樂等計擒俊與仲實等俊死獄中中懼肉袒詣同知  
田助降執俊餘黨譚景雷等自贖撫按官以聞上從部議俊  
追戮梟示仲實等論斬中免死謫成過等俱下御史聞達等各  
賞銀十五兩一表襄助與府縣官各賞銀十兩○丁丑夜月犯  
單宿○戊寅京城內外盜起兵部以聞上曰京師多盜巡捕  
官不加意緝捕每私以軍馬借人騎坐玩法罔戒其令巡視科  
道協管主事叅將等官嚴覈之○錄三十二年延綏等鎮擣巢  
獲功陣亡被傷官軍楊正等九百二十七人及浮園峪石門村  
等處獲功死事官軍張文學等八百七人各陞賞有差○詔原  
任貴州總兵沈希儀松潘副總兵何卿亟帥家丁赴蘇松軍門

漢茂、己卯巡按御史黃季瑞勘上三十二年山西失事守臣功罪。上從部議下老營堡守備高尚古及太原叅將社承勛等六十五負於御史問千戶郭承恩等十七負准贖陞賞有功。指揮王世忠等八負及優卹死者俱如例。居庸關把總楊溥獲姦細猶尚守備太監賈堪以聞詔斬尚陞淳堪各一級。庚辰陞浙江布政使司右叅政吳嶽為湖廣按察使。陞太僕寺少卿黃懋官為本寺卿。陞授故大學士張孚敬子避庸為中書舍人。辛巳。貞惠妥和景皇后忌辰遣都督僉事王朝用祭陵寢。河南右布政使陶欽夔以疾求去。上疏不候命即歸。撫按官劾其擅離官守因及在任不法狀詔革職聞住。改浙江分巡領兵僉事羅拱辰為寧紹台三府兵備專任紹興。從巡按御史趙炳然奏也。兵部覆上總督張經條陳一查復。

備倭舊政言國初備倭之法久廢不修其最急者在勾補逃軍  
乞即於見在數內選取橋健餘丁習水戰者各令收伍食糧一  
總會水戰兵船言倭寇入擾其船必由海洋其來必由浙東請  
合浙之東西江之南北各把總兵船為一體海總以其半為遊  
兵半為守兵倘賊入本總則併力截殺入他總則守兵回守信  
地而令遊兵追捕與他總互相策應其浙江之視蘇松江南之  
視江北亦如之有易彼此緝賊深入者查所從來治罪一編立  
本地土兵言諸路調兵勞費不貲而吳浙間耆民沙民鹽徒曠  
徒類皆可用請於各府所屬州縣二百里以上者編兵三百名  
二百里以下二百名或均徭編派或各里朋出海兵一若定銀  
十二兩如自有丁壯鄉民在其應役否則徵銀募兵一議設海  
防職守言吳淞江口及黃浦一帶皆通海要路兵船既設統領

無人請於蘇松各增設海防同知一員而以水利通判併入巡鹽其青村所福山港亦各增設把總一員守之一議置遊兵防護言比歲倭賊焚燒糧船數多乞動支南京戶部募兵銀兩遣官于徐邳間召募驍勇一千五百人付將官周于德領之俾其沿河哨護一築立衝要城堡言瓜州京口乃留都屏障宜于對峙之處創建城郭修置水關俾運道悉由中行及浙之北關松之蒲泉亦各築二堡屯兵戍守其經費下守臣酌議一申明賞罰條格言我兵禦敵有陸戰水戰生擒奪回之異賊兵臨我有夥賊零賊從賊首惡之殊宜各分別行賞統領官亦各照部下功罪以為賞罰其俘賊繫獄者亟會訊處決毋容久繫以防內變詔先行。癸未禮部以禱雪未應請令百官齋戒順天府官祈禱 上曰朕欽天命奉天時事上玄膺洪佑不敢自負自茲

冬未雪不容不禱朕不敢要運動于神况夏秋水過多但五  
穀之精乃寶也朕誠不可自廢今舉祈報醮典其令百官齋戒  
停常封三日該府率屬虔禱勿怠○陞南京光祿寺卿汪尚寧  
為都察院右副都御史巡撫南贛汀漳提督四夷館太常寺少  
卿郝良臣為南京太僕寺卿○兵部覆奏刑部侍郎陳儒劾大  
同宣府總兵吳璘劉大章黷貨不法叅將朱雲漢縱寇殃民請  
戒飭大章而下璘雲漢于巡按御史問得旨大章降俸三級姑  
留策勳供職所劾罪狀令巡按御史勘奏餘如擬○甲申革河  
南按察司副使茅坤職聞任以巡按御史陳善治追論其先任  
廣西僉事時貪盜不職故也○論擒獲姦細哈答兒虎喇赤功  
賞都督陸炳銀幣官校各陞級有差○丁亥陞江西左布政使  
汪宗元為應天府尹○兵部尚書霜豹等言國家財賦大半



仰給東南比者倭寇作難調兵選將設官增備三年於茲始設提督於浙江等處繼加提督于蘇松巡撫又設總督兼理將官自副參守把而下增置二十餘員調募客兵近自徐邳山東遠至廣西湖廣所費各不下巨萬又起原任總兵沈希儀何卿各帶家丁打手一千自是大兵四集賊有期顧在督撫諸臣協謀共濟百臣聞禦夷之道守備為先攻戰次之故唐臣陸贄謂中國與夷狄各有所長不可勉於所短而敵其長宜用所長以乘其短是以修封疆守要害塹蹊隧壘軍營謹禁防明斥候務晨以足力練卒以蓄威寇小至則遏其衝大至則邀其歸據險以乘之多方以誤之使其勇無所施衆無所用掠則靡獲攻則不能進有腹背受敵之虞退有首尾難救之患此萬全之術也今江南州縣既鮮城郭村居又缺墩堡則封疆不修各道海地

方守衛官軍名存實亡則要害不守江南居民散處水濱依江海者鼓楫可至依腹裏者舍舟可道則蹊隧未整各衛軍卒兵甲朽鈍遇敵則奔則軍營未壘道畜下海律有明條今閩浙勢豪私造巨舟與賊交易稍一屬禁慈譖朋興自巡撫朱軾不得其死法網遂撤則禁防不謹三壤雖存鞠為茂草孤村相望幾絕炊煙則民不得務農進退無紀功罪不明則軍不蓄威三四倭奴挺刃而至官兵數百相顧披靡而蘇松沿海居民又每負貨賊所以觀厚利是民借寇以生而寇反資糧于我安望能遏其衝與邀其歸耶又聞賊據崇明諸沙反據險恃我賊在月浦交戰彼且設伏出奇多方誤我又將虜去丁壯髡黥入黨絕其歸路而各州縣又不能為之招諭處分中間斃于矢石之下舍寃江海之中者不知其幾凡此數者皆我失其所長而賊顧采

戎所短也。自非大加懲創，亟圖撲滅，臣恐後患益甚。况蘇松家  
通留都襟帶，江淮萬一搖動，梗塞為患不細。乞申飭督撫嚴行  
守令，預築城堡，掘抗塹，整軍置械，固守要害，團練土著，招撫脅  
從，其與各副叅守把等官明賞罰之條，厲交通之禁。兩司及府  
州縣官可用者留之，不可用者調之。去之甚者，以軍法從事。至  
于督撫罔功，則巡按御史覈實糾劾。容臣等從實叅究，以章憲  
典。如此庶上下相維，臂指相使，東南不足憂矣。得旨各處調兵  
將至，張經其督率守臣區畫戰守剋期蕩平。若復怠緩重罪不  
宥。此歲題請海道江防聚兵等事有司漫不修舉，其令浙直巡  
按御史稽實以聞。約初盛稱南北戰功請上謝玄受賀遂階  
一品。及是以警報日聞，恐被譴責，故為此言。規脫已責云。戊  
子命南鎮撫司管司事指揮使許瑒指揮僉事郭朝廉俱僉書

錦衣衛事。○覆論遼東寧前失事罪以叅將郭世勛守備不設  
諭以違守備李尚文應援觀望降二級。○己丑大風揚塵四塞  
○代府吉陽王聰注堯賜祭葬如例謚恭順。○浙江巡按御史  
胡宗憲奏上十月至十一月倭寇自健跳所分掠紹興各縣官  
兵前後擒斬三百餘人請錄巡撫都御史李天寵原任叅將俞大  
猷副使陳宗夔陳應魁等功詔先賞天寵等銀幣其所獲功次  
下御史再勘。○太保兼太子太傅總督京營戎政平江伯陳圭  
卒賜祭葬如例贈太傅謚武業。○庚寅陞南京鴻臚寺卿楊大  
章為南京光祿寺卿南京通政司右叅議盧宗哲為太常寺少  
卿提督四夷館。○陞山東右布政使馬森為江西左布政使。  
倭寇陷青村所。○壬辰陞吏部文選司郎中劉大寶為太僕寺  
少卿山東按察使魏良貴為山東右布政使廣西布政使司右

叅政張堯年為貴州按察使。陝西道御史孫棗劾奏南京兵部左侍郎鮑象賢貪刻者聞不堪留鑰重寄吏部覆言象賢歷撫三鎮所在有聲今論其貪黷未審虛實請暫令回籍聽勘從之。福建福州府地震。癸巳戶部覆刑部右侍郎陳儒奏以各鎮屯田責之分巡僉事管理以各省起運宣大糧草責之巡撫催督發循環簿於管糧郎中以便稽查建倉廠於朔州等處以儲民運將大同犒賞地一千五百七十餘頃徵收本折給軍俱從之。命鎮遠侯顧寰總督京營戎政武定侯郭守乾僉書中軍都督府事。增設整飭昌平等處兵備僉事一員駐昌平從總督楊博奏也。甲午英國公張溶安平伯方承裕左都督陸炳疏請賜求肩輿。上皆許之後不為例。以廬州淮安二府災荒准改折預徵本色馬匹三分之一。丙申歲募行大裕

禮于 太廟命成國公朱希忠代。以明日元旦節遣恭順侯  
吳繼爵長寧伯周大經彭城伯張熊武定侯郭守乾分祭。八  
陵都督僉事沈至祭。恭仁康定景皇帝都督僉事王朝用祭。  
孝潔皇后 哀冲 莊敬二太子中官祭。恭讓章皇后各  
陵墳

明世宗肅皇帝實錄卷之四十七終

大明世宗欽天履道英毅聖神宣文廣武洪仁大孝肅皇帝實  
錄卷四百十八

嘉靖三十四年正月丁酉朔遣成國公代行拜天禮于  
極寶殿是日上不御殿文武百官朝服詣奉天門行五拜三  
叩頭禮各具表賀罷群臣宴賜節錢鈔王府進賀人員及四夷  
朝貢使仍宴于闕左門。以倭警命南京掌左軍都督府事豐  
潤伯曹松專督孝陵衛軍防護陵寢命南京中軍都督  
府僉書署都督僉事萬表掛印充總兵提督漕運鎮守淮安。  
己亥宣宗章皇帝忌辰奉先殿行祭禮遣玉田伯蔣榮祭  
獻陵。辛丑立春順天府官進春命司禮監官捧進。丙子  
時享太廟命駙馬都尉謝詒代。丁未宣大督撫官許論劉  
廷臣奏宣府歲比不登米價騰踊乞運京倉糧石接濟仍令守



選人員自以物力轉運倉粟於邊起等除授戶部議先就道以居庸倉粮借該鎮二萬石以濟目前之急京倉米豆准給一十五萬石內將七萬石運居庸八萬石運懷來其轉輸之費許令監生及聽選官若選期在一年外者納銀四十兩二年者倍之三年者又倍之十年之外以二百兩為率俱准除授奏入得旨如擬惟納銀例准暫行事寧即止。戊申。增設整飭昌平等處邊備山西按察司僉事一員。太子太保都察院左都御史屠僑卒僑浙江鄞縣人正德辛未進士授監察御史陞保定知府累遷光祿大理卿刑部侍郎以雷火災自陳致仕尋起原官擢南京刑部尚書改刑部尋改左都御史掌院九年加今官僑歷官四十餘年以清正著聞有大節居常退遜若不勝臨事屹不可奪至是卒于官賜祭葬如例贈少保諡簡肅。庚戌。戶

部覆刑部侍郎陳儒勘出宣大額外侵沒屯田宣府四千五十餘頃大同五百八十餘頃俱當定則起科其侵盜遺餉官役人等宜各抵罪詔可。○南京應天府死囚吳恭伯等十五人越獄奪城門走詔錦衣衛連府尹李珊來京訊治革守備魏國公徐鵬舉任已鵬舉上符勅請罪乃命奉祀 孝陵於南京中府帶俸珊械至法司以紫証在南請下巡按御史查初久之御史為之開釋仍請在籍聽用從之。○癸丑 英宗睿皇帝忌辰 奉先殿行祭禮遣廣寧伯劉允中祭 裕陵 命撫寧侯朱岳守備南京仍掌南京中軍都督府事。○改保定總兵署都督僉事歐陽安元總兵官鎮守宣府命紫荆關叅將署都督指揮僉事祝福充副總兵官鎮守居庸昌平。○工部奏營建工程內外並舉費用浩繁帑藏不給今天由建綿大祀泛濫 山陵橋路斷

決甚多乞將 天壽山橋梁河路及時修舉其內外工程談  
陵工既有次第徐為之圖報可。乙卯 上諭禮部今冊封朕  
女為寧安公主選直隸寧晉縣民李陽男李和為駙馬都尉擇  
本年三月內成婚冊誥儀仗及一應禮儀皆如舊制行。山西  
撫按官言山西州縣歲供三閔糧草近奉部議俱改本色但地  
經虜患災傷民力疲竭且山澗險阻輓運甚艱請只令附近三  
閔地方如代岢等州仍徵本色其餘州縣俱令折銀上納部覆  
報允。薊鎮守臣言鎮邊橫嶺長峪三城皆在昌平依山瘠薄  
軍馬糧料請全給本色戶部覆三城夏秋折色冬春本色係定  
制未可輕改第於折色每石量加銀一錢本色每石量加糧料  
二斗即為優厚別鎮不得援以為例從之。丙辰。改授大學  
士嚴嵩孫中書舍人紹慶為尚寶司司丞。工部尚書吳鵬奏

邇者黃河衝決飛雲橋於是昭陽湖水權淤為平阜今興運河  
無涉權外餘田四百九十餘頃悉召民佃種人授田五十畝每  
畝徵銀三分以備河通之用日後或於河渠有濟仍退還官其  
馬場南旺安山等三湖水權不在此例報可。丁巳。陞分守  
建昌副總兵署都指揮僉事李賢為署都督僉事充總兵官鎮  
守保定。庚申。改南京兵部尚書周延為都察院左都御史  
南京工部右侍郎張釐為南京兵部右侍郎。辛酉。孝靜毅  
皇后忌辰。奉先殿行祭禮遣興安伯徐夢暘。康陵。壬  
戌。提督八衛兵馬署都督僉事趙御疏陳五事一求實効各  
鎮入衛之兵類多庸弱請遣官掄選精銳付之遊擊統領一明  
賞罰軍前誅罰既有明勅而幕府賞勞一無所需不足以作士  
氣請發官銀一萬兩備按閱及臨陣功賞一立操下請路遊兵

之外請更選健士二千番上幕府為之爪牙以備調用一嚴哨探請勅諸路守臣有警預相聞報以憑整搦堵截一議公用行營金鼓旗幟之屬舊無常設請給銀百兩為備三年仍一更置疏下兵部覆摘選鎮兵宜申勅撫臣賞勞既有常格居常按閱第發馬價銀四千兩元之其標下壯健即於延寧入衛兵內選取更令厚撫朵顏諸部屬夷使為用則虜情可得餘如其奏從之。○詹繼賢宣大尚書許論孫茂梓為錦衣衛正千戶薊鎮總兵官周益昌男之望為本衛所副千戶以三十三年禦虜功也。○癸亥 命宋儒朱熹十三世孫法襲五經博士。○補廢政刑部尚書楊志學子守朴為國子生。○增設兵備副使一員於常鎮叅將一員於浙江會城 命石塘嶺叅將署都指揮僉事吳佩充副總兵官分守建昌營等處。○甲子。○巡撫應天都御史

周琬奏蘇松二府連被兵荒乞將三十三年稅糧盡數蠲免華亭上海及嘉定崇明四縣仍發銀賑濟戶部覆該府本年民糧存留者依擬蠲除起運者除派內府王府糧米及議改折外俱暫停徵再將華亭上海嘉定三縣各扣京庫米四萬石崇明明原無起運令於別庫計處銀一萬兩給散貧民報可。乙丑。陞原任兵部左侍郎張時徹為兵部尚書恭賀機務巡撫雲南都察院右副都御史孫世祐為南京工部右侍郎。總督陝西三邊侍郎賈應春<sup>集</sup>三十三年秋九月套虜患衆分化永昌西安等處守禦敵勝之斬首四十餘級又岔口生番瑪爾等族屢犯鎮羌等邊總兵王繼祖督衆掩擊其巢斬首五十九級奪獲牲畜千計因列上繼祖與諸將士功及永昌守備王汝玉失守之罪詔賚應春繼祖及甘肅巡撫王誥各銀四十兩紵絲二衣東兵

備副使孟淮副總兵曹世忠各二十兩一表裏宥原任遊擊將軍金鑑贖罪還職奪汝玉俸三月。兵部覆應天巡撫周琬巡按周如斗等奏去年十月倭賊犯上海蘓塘馬家浜等處把總姜宇鎮撫陳習僉事黃邦政禦之頗有斬獲功當錄十一月倭復寇橫涇陷青村所欲窺松江備禦指揮徐承宗等出戰不利泰將湯克寬猝遇賊於嘉湖戰復敗績當罪得旨玩賞銀二十兩紵絲二表裏卹政銀十兩宇習各陞二級下承宗于按臣訊治被克寬冠帶令於信地殺賊申勅總督張經及琿尅期勦賊。錦衣衛邏卒偵獲虜諜趙龍等六人詔賜左都督陸炳右樞督朱希孝各銀三十兩紵絲二表裏梟龍等于市。宣大捕獲虜諜魏鎖住及執虜酋鐵奔詔賜總督尚書許論巡撫侍郎王忬各銀三十兩紵絲二表裏兵備副使楊順分巡僉事張錫各

十兩一表裏陞泰將余勳張勳守備劉漢陳忠等各三級鎮任  
鐵奔梟示諸邊。巡視京營給事中丘岳等奉詔閱巡捕官軍  
几缺軍三百餘人馬四十餘匹泰巡捕指揮樊經等及泰將茂  
鎮等罪因言逃軍多係召募民兵烏合無籍難于勾捕且請申  
嚴捕盜條格及私借私占官馬之禁詔革經等任付法司問奪  
鎮俸半年其民兵應否存留下兵部議報自後敢以軍馬私役  
騎乘者令論奏治罪 詔總督京營鎮遠侯顧寰工部尚書吳  
鵬閱視修理 山陵橋梁墻垣工程



大明世宗肅皇帝實錄卷四一十八

大明世宗肅皇帝實錄卷四百十九

嘉靖三十四年二月丙寅朔。丁卯。祭先師孔子。命太子少保史部尚書李默行禮。戊辰祭太社。太稷遣太子太保英國公張溶行禮。乙巳祭帝社。帝稷命成國公朱希忠代侯顧寰駙馬謝詔伯陳鏞方承裕大學士徐階李本尚書李默王用賓都督陸炳侍郎程文德閔如霖郭朴吳山陪祀。○辛未。啟螽祈穀于玄極寶殿。先期視姓名。英國公張溶代。至日行禮。命成國公朱希忠代。○癸酉。戶科給事中黃謙因宣大告饑。邊計缺乏。條陳三事。一議積聚。謂代州去山西大同甚近。紫荆在京之兩鄰。大同居庸在京之北鄰。宣府請於此三處設立倉廩。令各屬賑派民運糶。使上納仍各發銀七萬兩。招商派糶。其納粟人員。係山陝河南者。發代州。係山東江南

者發兩關即以附近督糧官董其事本年收貯次年支放酌量出入務使有一歲之積一歲通負謂山東山西河南并兩直隸歲派起運民糧積逋不下數百萬以致邊餉不足仰給內帑雖屢遣官催徵有司視為故事今後宜專勅撫臣嚴立期限約以十分為率未完四分者布政司管糧官降俸二級六分者降調八分以上者革職為民撫臣寬縱者一體奏降不貸一復公田謂大同一鎮舊有養廉犒賞地土蓋以優恤邊臣振作士氣寓有深意近今退出給軍佃種較刀錐之利忘鼓舞之術宜仍舊給還將領為便戶部覆奏詔可○巡撫應天都御史周琬言禦倭有十難有三策其十難謂去來颺忽難測海涯曼衍難守水陸勾借難戰鬼域變詐難知盤據堅久難備居民柔脆難使土地溷鹵難城主客兵力難持芻糧匱乏難措將領驕懦難任其

三策謂據海上陳前馬跡諸山扼倭夷出沒之路置福船二百  
蒼山船三百與兩浙兵船會哨於諸島之間來則擊之去則擣  
之致人而不致於人上也以沙船五百迭哨於蘇州海口選土  
兵萬餘列戍於松江之護塘瑛賊登岸而掩擊之中也集蘇松  
輕舸五六百艘遊哨於黃浦吳淞太湖少港之間使賊步不敢  
深入舟不敢橫行下也更請趣調狼兵土兵漳兵留淮浙餘益  
銀十萬兩或借南贛軍餉銀八九萬兩為糧賞之需兵部覆奏  
從之○罷開膠萊新河議先是御史何廷鈺請疏濬新河詔遣  
廷鈺往會山東撫按官勘報至是言膠萊新河一帶係元人已  
開故道特因馬家濠南北長四里內有石岡難鑿而止前海道  
副使王獻曾鳩工聚材焚以烈火鑿通此濠隨於分水嶺南北  
河道併力挑濬設立湖厰八處工完十之三四尋以本官差去

工竟未就即今此濠舊蹟猶存持兩岸沙土日久頽下遂致淤塞挑濬亦不甚難至於分嶺地本高阜故白河之水至此分流然度其地勢終不甚峻今在南者為積沙所淤水惟北流若加開濬深廣中間雖有礪礪灘瀨諸石亦自人力可施司道諸臣至稱舊估二百七十餘萬恐必有增無減其委官通判羅士賢等所估亦稱一百六十萬兩臣雖心計不足竊工姑如士賢所擬數三分之歲給一分年終總挈工費幾何而次歲固可定矣其通海一節則中間地勢既高若必使兩潮相接須濬深及八九丈恐濱海之地鑿下數尺水泉溢出人無所置足勢定難成而所費真不下數百萬矣計惟一意引河添設上下閘座疏理各處泉原隨宜因勢而為之雖未免重費而視鑿通兩潮猶為稍省第現河之流不雨即涸而白河其流亦微遇夏秋水泛則

二河自合而沙恒多其膠河無沙視現白二河源亦稍盛顧又在分嶺以北不達於南張魯河雖無源而中有泉亦必從東都伯之地引之計二十餘里然後可通沽河水勢大而沙尤多若於吳家口開之下因小派而引之可以濟南行之水但恐沙隨水走河溢受淤蓋新河原係人力所開南北俱潮水所入之地惟其勢不甚峻故水泛不甚衝決而水因潮逆則沙雖隨水泛而流亦因水緩而停必須歲挑濬而後可此司道諸臣所慮泉源不足者也臣意于疏理之時廣加尋引而于王副使所設八閘如陳村楊家園已損壞者興而葺之其餘完存者添而修之及膠河等處之口亦添設小閘大約共計大小十三四座所增既密啟閉以時自足濟用若猶慮水泉微小閘不足恃則如委官築堤之說亦可儲蓄不泄諸臣乃復慮山水驟發衝擊之

虞及出入河海船隻掇剝慮患計費至此可謂纖悉無遺矣至于南北兩海臣備查博訪知之頗悉在比者無風可以駕行南自淮安海口由雲梯關至馬家濼風使不過三四日之程中有鶯遊山可以灣避又沿海崖一路係行鹽地方少加踴達而行尤為穩便且新河南北迂迴計二百四十餘里挑深廣為力固難然不計工費而為之則亦無不可成者其所難者則如諸臣之慮所引泉源恐或未足歲加挑浚其費不窮兼之此時南北兵革未寧而近日災傷尤異常時工役今且暫停此役一興雖假以三年之枵容亦須每歲給以銀兩五十餘萬當此財力絀乏之時何從出辦又況開河建閘所費已百萬以上之財而三四次轉剝必須多造船隻其費蓋無所出東土窮荒公私俱竭此河若開又必循會通河設官編夫體例方可永久通行不無

愈增虧損此則又當相時審力而治之者也乞下工部酌其行  
止馬得旨報罷○乙亥 孝貞純皇后忌辰 奉先殿行祭禮  
遣清平伯吳家彥祭 茂陵○丙子○陝西階州地震○總督  
薊遼保定軍務都御史楊博疏請開密雲白河以濟糧運于楊  
莊地方築塞新口使白河之故道疏通與潮河之水合而為一  
仍于密雲城西修築泊岸以防城墉崩塌之患從之○丁丑○  
罷親耕籍田遣戶部尚書方銳祭先農之神○旌浙江等處節  
婦徐氏等七人烈婦吳氏等二人○陞禮科都給事中張思靜  
為四川布政司右叅政山東道御史姚一元為福建按察司副  
使○山西捕獲虜謀白世傑馬元及潘雲等十九人 詔陞巡  
撫都御史王宗為兵部左侍郎兼右副都御史斬世傑等梟示  
于邊○下原任大同總兵官吳瑛於法司逮問瑛先以失事下



按臣甄治猷未上兵部用御史馬三才薦檄詣軍門立功自贖  
巡按毛鵬奏其奸欺狀故也。革遠東鎮守總兵趙國忠任仍  
下按臣追贓以巡按御史王先祖論其貪縱故也。以三十一  
年陝西石羊園等處失事謫原任陝西紅城子守備指揮傅津  
涼莊遊擊馮中立各戍邊。福建備倭都指揮張輝受命年餘  
始赴任巡撫王忬劾其畏避詔械輝至京問黜為民。戊寅。  
南京太僕寺少卿王栢為南京鴻臚寺卿。以軍功陞總督陝  
西三邊兵部左侍郎賈應春弟應軫為國子生。掌右軍都督  
府事南寧伯毛重器卒賜祭葬如例。陞鎮守廣西副總兵署  
都指揮僉事劉遠為署都督僉事僉書南京中軍都督府事。  
虜分道寇寧府懷來川龍門城等處。己卯。改南京禮部尚  
書王崇慶為南京吏部尚書。陞四川左布政使周采為都察

院右副都御史巡撫雲南。吏部奏京官給假者例不作缺限  
回籍兩月還任。但遺墳營奠與送親送子者不同。若任其遷延  
曠事。殊非政體。宜如京官養病例。勘明准放員缺。銓補待事畢  
原籍官司具實起送。赴部如過違三年之外者。照例革職。從之。  
賜皇親錦衣衛指揮馬倉祭一壇。喪奠銀四百五十兩。倉貞  
妃姪也。庚辰。先是工部右侍郎趙文華。䟽陳備倭七事。一  
祀海神。言天吳顯靈廟在萊州。請遣官望祭於江陰。常熟以繳  
人心。一降德音。乞下令有司。掩瘞枯骸。蠲糧稅。省耕糞。以子惠  
元元。一增水軍。欲多募淮揚壯健。大修戰艦。以固海防。一差田  
賦。按蘇松四府民田。一丁過百畝者。重科其賦。更預徵官田之  
稅。三年以佐軍興。一募餘力。曉諭富家有能輸財力。自効者。事  
寧或與論功。或與釋罪。一遣視師。言當事諸臣。以兵為試。須以

重臣監育之乃克成功一察賊情欲招通番舊黨並海盜徒易以忠義之名令其入巢偵伺因以為間䟽下部覆謂祀海神降德音增水軍募餘力察賊情俱有神軍政請下督臣酌行其差田賦恐致擾民遣視師宜行總督張經獎率諸軍不必別遣會崑山縣致仕侍郎朱陰禧奏請添設巡視福建都御史并開互市之禁 上諭閣臣曰南北兩欺不宜怠視本兵若罔知者文華陰禧二臣之䟽似不同泛奏者當有依馬今南破北虛豈為國之道耶 祖宗養教恩深豈以怨讎時君而忘 先聖大德卿等其集兵部科臣示朕此意令盡忠猷以告於是兵部尚書聶豹等震懼請罪言文華之䟽臣度其可行者已奏可之其事有室戾者亦復䟽陳其畧至如陰禧所奏設巡視則科臣謂官多民擾其雲開互市科臣亦謂示弱兼以北虜之市為監皆啟

寢之且昨歲文華已有市舶之議于時戶部下所在守臣計處  
至今未報臣惟 祖宗制倭絕其朝貢至以勲臣出鎮海波始  
清當時絕不言及市舶意良有謂且浙直兵力脆弱所恃微調  
以策應緩急者獨有漳泉兵耳若更設巡視閩中則人懷自顧  
漳泉之兵豈得復為蘇松兩浙之用今兵力四集南倭似有可  
平之浙而宣大諸境逆以亦各矢力奮猷足寢北虜之謀倘所  
任不効則當治諸臣及臣等之罪疏入得旨南北兩欺倭賊殘  
毀地方尤甚昨下諭求平勦長策欲豹等入告忠猷今此疏何  
有忠猷之告其更悉心計處以聞於是豹益惶恐上言臣犬馬  
之愚豈敢不盡顧智機淺短軍國大計籌慮實有未周蓋中間  
機宜非可遙制方畧不能面授拘于職掌者既難于經行得于  
傳聞者又未敢輕奏是致歲否異同涓滴未効茲謹滙竭血誠

遵詔上便宜五事一制勝之本胥臣駕馭失策諸將不相為用  
宜令歷心以集衆思厚賞以畢群力一周兵之術寇至宜以舟  
師截之於外狼土諸兵驅之於內而以鄉兵遏其橫奔互相恃  
角則戰守俱利一散賊之黨令寧紹漳泉等府編立保甲自相  
稽察凡民出心誑其所向入必驗其所得嚴以覺舉之法重以  
連坐之科一足食之計凡撫按論罷藩臬郡縣等官未有進駐  
者宜徵入以佐軍需一足兵之計疏列罪錮諸將視其重輕限  
以首功多寡自贖贖已積功叙復其官已乃積功遞次如例不  
效則仍正其罪疏入 上曰爾等職任本兵坐視賊欺不能設  
一策平勦及奉諭問却又泛言其對撫拾舊文塞責豹始降俸  
二級侍郎翁溥等各奪俸半年所司郎中張重降一級調外任  
餘各奪俸三月已復降勅切責張經師文罔效令其嚴督諸臣

臣為勦賊安民如再因循重坐不貸。○辛巳 命故惠安伯張  
偉孫元善襲祖爵。○陞四川右布政黃光昇為本司左布政使  
○治河南盜師尚詔作亂時守土諸臣失事之罪歸德衛指揮  
同知朱殿坐死擊獄歸德府知府尹一仁黜為民柘城縣知縣  
王世禎鹿邑縣知縣李景儒歸德衛千戶董愷張梓俱謫戍商  
兵縣知縣周南歸德守備指揮謝居信陽衛指揮芮九思等各  
贖杖還職。○刑部尚書何鰲等奏上律例九事一凡姦總麻以  
上親之妻若妻前夫之女同母異父姊妹者罪如律姦夫發附  
近衛充軍婦女離異歸宗并聽夫嫁賣一凡用財冒襲軍職者  
若係乞養異姓及抱養遠族者或受人財物賣與替襲者又略  
本衛所原勘官首先保結已經到部襲替者俱依 成祖欽定  
妄告冒襲不實之官并保勘官俱罷職揭黃永不許襲其保勘

官將原銜所首先保結官各一員罷職揭黃銜所并都司掌印  
貪書連名保結者俱依律未減若有贓並以枉法論其朦朧保  
送違碍子孫弟姪者俱照常發落仍不許襲一凡宗室悖違  
祖訓出城閱閱赴京者即奏請先降為庶人送回其奏詞應行  
勘者行巡按查勘若非有迫切事情不啟王轉奏又不具告撫  
按守巡輒聽信撥置往赴京及犯有別項情罪應合降革送發  
高牆等項悉照前題准事例施行一宗室互相訐奏行勘未結  
而輒誣奏勘官及不干己事捏奏撫按者不論事情重輕俱竅  
不行一軍職犯該人命失機強盜真犯死罪及減死充軍者不  
論典刑監故子孫俱不許襲沿邊地方總兵副恭遊擊守備都  
司衛所官員但有糾斂人已贓私至二百兩以上永戍邊衛四  
百兩以上梟示一凡沿邊沿海及內府州縣與衛所同住一城

者及衛所自任一城者若遇寇至不能固守致賊陷入殺擄三十人以上燒燬官民房屋衛所掌印官與捕盜官俱比照守邊將帥失陷城寨者律斬其府州縣掌印官及捕盜官不能竭力協守俱起送吏部降一級別用其府州縣原無衛所任專城之責者若有前項失事不分邊腹掌印捕盜官俱比照牧民官激變良民因而失陷城池律斬一凡搶奪至三次犯罪者不論革前革後俱比竊盜三犯絞罪奏請定奪一凡軍職有犯倚勢役占并受財賣放餘丁至三十名以上致廢防守俱比軍職賣放正軍包納月錢至二十名以上事例罷職戍邊議入俱先行口巡按浙江御史胡宗憲勘上去年十一月倭犯嘉湖諸臣功罪言倭屯據柘林突犯嘉善及嘉興政府城東北二門時指揮陳光祖把總孫教指揮樂項俱擁兵不戰咸以賊眾兵寡為辭



賊遂越衛城流劫秀水歸安都御史李天寵督泰將俞大猷都指揮劉恩至水陸兵同抵嘉興而僉事羅拱辰兵亦來會天寵督發各兵併力追勦分命副使陳應魁陳宗夔隨營監之令尅期夾攻水陸並進乃宗夔見恩至所率皆蒼山福廣銳卒欲專其功業與大猷約期乃前期以孤軍先進與賊戰烏程縣之窰墩戎軍不利賊亦頗有損失復斂入柘林老巢于十二月突出犯新帶恩至威令不行偏裨各自為進止百戶賴榮華統福兵六百人恃其勇健鼓行直進賊潰登舟榮華乘勝薄之中烏鏡而死把總孫敖千戶鄭達以蒼山兵先趨師遂奔敗嘉善知縣鄧植望風棄城走翌日城遂入嘉善焚縣泊屠掠甚慘以上諸臣進退無紀彼此離心貪功現望有同兒戲坐貽地方大害請分別治罪而卹錄其死事者詔褫劉恩至冠帶令戴罪殺賊下

孫敷八人及鄧植于巡按御史訊治奪兵備副使陳宗夔僉事  
羅拱辰俸各一月責俞大猷陳應魁策勵供職其陣亡將士賴  
榮華等下所司優恤如例。癸未冊封寧安公主授寧晉縣  
民李和為駙馬都尉。調禮部左侍郎兼翰林院學士掌詹事  
府事程文德為南京工部左侍郎初文德奉詔供撰玄文上  
疑其所撰有時欺者會南京吏部尚書缺吏部以文德名上  
上意文德欲自脫也愈疑之遂命調是職已具疏辭有瞻望闕  
廷傍徨躑躅欲去不忍之句上謂其猶懷欺誑命黜為民  
○陞尚寶司卿王惟中為南京太僕寺少卿○甲申恭仁康  
定景皇帝忌辰遣指揮吳滋祭陵寢○代府潞城王俊授堯  
賜祭葬如例○乙酉發太僕寺馬價銀一萬二千兩于保定  
市馬給軍○丙戌春分祭大明于朝日壇遣英國公張濬行

禮。遣工部右侍郎趙文華祭告海神并祭視江南賊情。初文華條陳禦倭便宜首請遣大臣祭東海。至是禮部覆如其言。上以問大學士嚴嵩。嵩言南賊擾據蘇松二載。設官調兵未見實效。屢次奏報或多失實。宜依部覆遣大臣往祭。宣布朝廷德意。即令祭視賊情。訪求可以區處。長策具實奏聞。其所差官或即用文華亦可。上乃命文華往。文華本嵩私人。及是復自以奇佞術得幸于上。既出。憑寵自肆。所睚眦即立摧朴。百司無不望風震懼。奔走供奉。恐後時。公私財賄填入室。江南為之因敝焉。至于擄掣兵機。顛倒功罪。以致紀律大亂。戰士解體。雖徵兵半天下。而賊勢愈熾。皆嵩引用匪人之罪也。命禮部右侍郎茅瓚以原職。國子監祭酒尹臺改詹事府少詹事。兼翰林院侍講學士。同供玄撰。尋又命臺掌本院事。丁亥。建大祈歲。

典六日停刑禁屠大例。戊子。改禮部左侍郎閔如霖為吏部左侍郎仍兼翰林院學士掌詹事府事改南京尚寶司卿張秉直為尚寶司卿。發太倉銀七萬兩於大同備軍餉。庚寅。祭歷代帝王遣定國公徐延德行禮候願窳駙馬謝詔尚書聶豹王用賓分獻。辛卯。修理南京城垣。陞司經局洗馬兼翰林院修撰郭鑿為國子監祭酒。壬辰。以淮徐災傷重大詔折徵漕糧十分之三每石徵銀六錢。甲午。命右春坊右中允管國子監司業董份回坊管事罷兵部尚書聶豹回籍閒住是時南北多事。上深以為慮責成本兵甚切豹事多推諉不當。上意惟秋末輒類舉各臣報捷疏請玄祐而已。上初亦悅之為溥大賚再舉頗厭傳諭輔臣切責令陳勸平南北之策凡再上不稱旨削俸二級至是。上諭在直八臣曰。祖

宗時于吏兵二部正官每換其選況今日多事時耶兵正年多  
不勝重任卿等可評論之大學士嚴嵩等對豹果哀昵臣等當  
傳 聖意今彼自為進退以全我 皇上優待大臣之體于是  
豹乃引疾乞休 上特令間住云○革韓府中尉旭樞旭被融  
端爵發高墻禁住坐融酒殺人故也

大明世宗肅皇帝實錄卷四百二十

嘉靖三十四年三月丙申朔 孝肅皇后忌辰遣彭城伯張熊祭 裕陵。陞總督薊遼保定都察院右都御史楊博為兵部尚書。發太倉銀二萬兩於易州二萬兩於昌平三萬兩於遼東備客兵糧餉。戊戌。發太僕寺馬價銀六萬兩於遼東市馬太倉銀二千兩給賞遼東遊兵戍薊鎮者。己亥。增設雲南姚安府通判一員於石崖駐劄督捕盜賊裁革廣西府通判一員移赤石崖巡檢司於溫冊村。提督兩廣侍郎鮑象賢以盜劫潯州南寧二府庫勅分守叅議施千祥叅將王寵及巡捕指揮鄧廷輔知府陳邦治等失事罪詔奪千祥寵俸一月餘下巡按御史連問具 奏。庚子。改南國子監司業王材為國子監司業。先是貴州臺黎等寨苗賊苗閑保首亂四川之容

山苗高伏等廣西之洪江生苗相煽並起流劫三省守臣履行撫勦未定至是三月餘矣貴州總兵官石邦憲等督調湖貴二省官兵分部勦勦俘斬七十八人遂檄諭十八寨苗許其執渠首贖罪於是諸苗聽撫設盟受約束而還事聞詔賞邦憲銀三十兩紵絲二表裏總督馮岳巡撫張鷟翼各二十兩一表裏兵備副仗劉望之而下各賞銀幣有差 詔簡山東河南兩班民兵止留精健三千人為一班入衛汰去老弱三千令每名歲徵銀三十六兩輸部以備脩造從給事中甄成德御史黃國用議也。辛丑。廣東高州地震。陞巡撫大同兵部右侍郎王忬為本部左侍郎總督薊遼保定令速赴鎮不必候代其大同巡撫事行總督許論暫理。壬寅。清明節遣恭侯吳繼爵武定侯郭守乾長寧伯周大經玉田伯蔣深分祭 八陵都指揮使

徐禮祭 恭仁康定景皇帝都督僉事沈至祭 孝潔皇后及  
哀冲 敬莊二太子中官祭 恭讓章皇后各陵墳。山東  
沂州地震 命山東道御史馬三才提督北直隸學校。癸卯  
。建祈年醮典於洪應雷壇七日停刑禁屠如例。湖廣藍山  
縣徭賊平督撫官馮岳等論奏諸臣功罪詔賞恭議胡堯臣等  
帶有差革千戶陳孟元任。甲辰 命故平江伯陳圭孫王謨  
襲爵。陞四川右布政使齊宗道為都察院右僉都御史巡撫  
大同。乙巳。陞翰林院檢討朱大韶為南京國子監司業。  
山西渾源巨寇郭高儒等平詔賞總督許論恭將李欽銀幣有  
差陞副使楊順俸一級尚儒渾源州人初聚眾四百餘據廣靈  
西山鐵板崖為巢劫掠逃遁守備指揮方琦率兵出捕為尚儒  
所執官軍傷亡甚眾論檄順欽等以計擒之其黨遂解散。丙



午○寧安公主將出府謁告 奉先殿辭 上及 皇貴妃 戒  
命 黜遣如禮○陞陝西按察司副使張瀚為廣東布政使司左  
叅政○丁未○陞浙江按察使鮑道明為四川右布政使○發  
大倉銀十二萬於宣大山西三鎮給防秋軍餉 賜蘇松海防  
僉事董邦政四品服俸實銀二十兩紵絲二表裏錄其正月間  
川沙漕勦倭功也○兵部覆浙江巡按御史胡宗憲疏報正月  
朔柘林倭奪舟犯乍浦海寧攻陷崇德縣又轉掠塘棲新市橫  
塘雙林等處復攻德清縣殺把總梁鶚指揮周奎孫魯百戶陸  
陵周應辰副理問陶一貫等請正失事諸臣之罪并錄有功及  
死事者 上以城陷失事重大命巡按御史執崇德縣知縣蔡  
本端解京訊治叅將湯克寬把總指揮丁僅下督府先取死罪  
招巡撫李天寵都指揮吳韶邵昇領兵僉事羅拱辰俱停俸戴

罪倣賊奪副總兵俞大猷及叅政謝少南兵備副使陳應魁倉  
事凌雲翼等体三月下指揮等官李上等七人于按臣問周奎  
等陶一貫等各贈襲如例獲功知縣楊芷副千戶曹勇監生喬  
鐘等令軍門獎賞有差已遣本端至坐失陷城守謫戍。發太  
僕寺馬二千匹銀三萬兩于大同鎮補備騎兵。戊申。南京  
戶部尚書孫應奎以浙江西湖廣等布政司直隸應天等府  
節年通糧數多叅司府總部等官叅叅政顧中孚叅議郭惟清殷  
邁等一十四員各違慢當罪詔罰如降調如例。己酉。武宗  
殷皇帝忌辰。奉先殿行祭禮遣廣寧伯劉九中祭。康陵。  
庚戌。陞山西布政使司右叅政曹邦赫為浙江按察司。辛  
亥。陞戶科左給事甄成德為陝西按察司副使。發太僕寺  
馬二十匹充給宣府軍士。壬子。建神應軒于西苑。發太

倉八萬兩于薊鎮給春防添設兵馬。癸丑。陞山西按察司副使王廷為本布政使司右叅政。陝西好地干宸、咂等族番人章、仇、焦、吉等貢馬及盔、甲、腰刀等物，賜宴費賞如例。甲寅。寧安公主行下嫁禮。先是，洪應壇建祈年兼禱板殿典七日，業已竣事矣。至是，復下諭禮部曰：朕昨奉洪應祈典之中辰下役，不行敬謹，以是怨上不無且。下諭諸司當竭贊君為民之誠，乃不無欺誑者，豈可誣為數有而快其謗，志其復啟壇七日，勿息視之。二月間，虜千餘騎犯蘇鎮、馬蘭峪，由寬佃各關入。叅將趙傾葵率眾禦之，兵敗。及于總指揮褚文明、李相、周官、千戶黃世勳、段起元、百戶孫世爵等俱死。總兵周益昌自建昌營，督諸將兵馳援，分據諸隘口。虜不意大兵至，遽引去。餘衆不及出者，多棄馬緣山磴而走。凡拾虜首二十餘級，獲遺馬四百。

三十餘匹事聞詔賞總督楊溥銀四十兩紵絲三表裏贈傾葵  
都督同知蔭一子副千戶世襲立祠祀之文明相等贈都指揮  
食事世勲等贈指揮食事世爵等贈正千戶配享傾葵祠其子  
各陞襲三級餘陞賞有差 初分守湖廣鎮筓泰將悉提所部  
漢土兵移駐五寨長官司初大征湖貴苗設分守鎮筓泰將一  
員駐劄麻陽去乾州五寨各越百里外以其遠制之難苗情間  
作不靖至是烏牌寨苗龍亞七等以讐執鎮筓所千戶宋欽總  
督湖廣川貴侍郎馮岳等因言五寨係湖貴接壤寸土皆苗宜  
移鎮筓泰將駐此適麻陽乾州之中以便控制且寨東有蒼峯  
寨西有牛坳脚又諸苗出入之衝宜各立哨堡一座分兵防守  
兵部覆其議便從之○蘇松兵備任環督泰將解明道等以舟  
師興倭戰于南沙野茅洪敗之斬首一百八級，乙卯，巡按

直隸御史孫煥勘覆三十三年倭犯蘇松地方文武諸臣功罪并請錄死事者得旨指揮姜宇等十九人及原任備倭署都指揮僉事梁鳳海防僉事董邦政俱功罪相當宥不問指揮等官徐承宗等二十七人令按臣建訊奪知縣周秀等六員俸三月褫備倭署都指揮僉事盧鍾冠帶戴罪殺賊贈死事省祭官孫鍾及巡檢李叢祿俱光祿寺署丞陣亡千戶卽元男陞祿如例○贈大同陣亡指揮僉事薛恭為都督僉事○賜祭奠附享總兵岳懋祠廕一子正千戶○甲寅○夏恭從懋至滅虜堡遇寇寇懋欲逐之恭言賊狡猾恐有伏懋不聽遂陷虜圍中恭以突圍出聞懋被殺曰主將已死何已生為復冒陣而入死之至是按臣毛鵬上其事故有是命○己未○陞翰林院編修高拱為侍讀以九年秋滿也○壬戌○封襄府鎮寧王祐樞庶第五子

厚癸為鎮寧王長子。○平江伯陳王謨以親長請歸葬應天府  
江西縣許之仍照例給驛以行。○癸亥。○清理四川鹽法戶部  
主事陳惟舉奏四川鹽課。○國初但徵本色召中商窳俱係景  
泰順天成化間增減不常後因井窳多故鹽不入倉令商下場  
自販商灶病之正德初年因灶丁有改徵折色之奏差官往勘  
定為四則虛數徒增減法陰壞及至額課多通復議有司帶徵  
彼此推諉相緣為奸歷查二十餘年完課僅十之一耳謹將今  
日興革所宜條為八事一覈司課部劄原開該省正課十萬六  
千餘引徵銀七萬一千四百餘兩宜並行增減著為定規二查  
折井川中鑿井取鹽與淮浙異井有興廢鹽之消長因之趨利  
之徒多棄老井以避課鹽鑿新井以營私俱宜查入三均責任  
追辦近歸有司事無專責宜將叙夔潼川等府州改置提舉分

司三處令副提舉及吏目等官專催解納四慎冊籍鹽司州縣造報課冊多有脫漏那移宜將新舊井灶正閘引課分綱列目備細釐正五重奏訴奸徒多假奏辦以苗規避減引除課虧損無算今後必待勘覆詳允方准蠲免六定支解正閘鹽銀係解京供遣之數後因本省借留遂多侵冒今後宜盡數徵完井將新井小粟等銀同解七嚴查理法雖有憲臣兼理地方隔遠稽察為難宜令屯鹽道僉事親歷各地督責稽覈八恤灶丁該省鹽課有井權井無井權丁其陪煎辦之苦宜行優恤一切徭役供應悉與蠲除戶部覆奏悉允其議○陝西西固城地震 詔發太僕寺銀一萬兩于薊遼軍門犒勞防邊軍士時虜聚興州遣外戍軍日夜防守不輟督臣請恤其勞從之○甲子○寧安公主入謁 奉先殿見 上及 皇貴妃 賜宴于宮中駙馬

郁尉李和朝見

皇貴妃

賜宴如禮



大明世宗肅皇帝實錄卷四百二十

大明世宗肅皇帝實錄卷四十一

嘉靖三十四年四月乙丑朔時享 太廟命成國公朱希忠代  
○戊辰○廣西田州土官婦瓦氏引土狼兵應調至蘇州總督  
張經以分配總兵俞大猷等殺賊奏聞詔賞瓦氏及其孫男岑  
大壽大祿各銀二十兩紵絲二表裏餘令軍門獎賞○兵部尚  
書楊博等奉詔議處民兵言京城民兵之設始自庚戌虜患之  
後倉卒召募類多烏合始則欣然就役僅成營伍又則漸次亡  
去虛冒芻糧今案在籍之數亦強弱相半欲盡汰黜之則細民  
遽失月糧於精不堪且巡激京城分布不足與其取之於營兵  
不若議處民兵之為便也請勅所司汰其老弱存其精銳其原  
出真保等府者發付各兵備道籍為民兵在京者仍捕巡捕叅  
將管攝與夫哨軍人相兼巡邏逃者不補得旨民兵影占雜役

數多從耗芻糧無裨實用令巡視科道官同主事叅將遠遊覈  
其在京在外宜罷宜選者以聞又言此事旨下兩月乃復遷延  
遠慢楊博新任宥下問奪侍郎翁溥俸兩月該司掌印官三月  
餘二月既而巡視京營給事中丘岳御史溫景葵等查奏見在  
巡捕民兵二千一百五十四人內係外郡者六百二十六人宜  
罷還籍係在京者一千五百二十八人其稍精銳可留者僅四  
百九十四人餘皆年弱宜放遣追論原任識方司郎中張重占  
役兵馬數多縱恣亂法宜罷 上悉從之革重職閒住○辛未  
○工部侍郎趙文華至松江祭海神是時倭據川沙窪拓林為  
巢經冬涉春新倭復日有至者地方甚恐及聞狼兵至人心稍  
安總兵俞大猷遣遊擊白汝等將狼兵數隊往來哨賊乘隙邀  
擊舍把田鑿等稍有斬獲文華因謂狼兵果可用厚犒之激使

進勦至漕涇遇倭數百人與戰不勝頭目鍾富黃維等十四人  
俱死兵衆死亡甚眾于是賊知狼兵不足畏復肆掠如故矣。  
壬申。以軍功廕巡撫山西兵部左侍郎王崇子秉銓為國子  
生。乙亥。初庚戌虜患之後選募山東河南民兵二部設泰  
將鎮之八衛山東之兵初分二營前營駐德州備援後營駐省  
城備守尋以薊鎮有警調前營兵屯戌太平寨冷口等處而以  
後營移駐德州遂以為常後雖奏免後營之移而前營之戌如  
故東人苦之及大工興建謀者請減二省民兵各二千人拆徵  
工食濟工會山東撫臣請免前營民兵戌邊每名責輸直三十  
六兩期以二年而止存後營民兵三千聽撫臣操練八衛而罷  
領兵泰將部詠從之并令河南民兵免戌輸直如山東例已河  
南守臣復移文兵部謂折徵太重請損之於是兵部議覆二省

民力已困始而選民為兵猶為有名既而免兵徵銀珠為無謂  
故折徵之議宜寢但邊境多事成兵未能卒罷請存後營之卒  
以俟徵調各令副使秦將統領上從之○倭犯江北淮揚等  
處前後由通州之餘東場海門之東夾港地方登岸流劫狼山  
利河等鎮呂四餘西等場○丙子 詔駙馬都尉李和後軍都  
督府帶俸歲祿二千石 賜寧安公主仁壽未央二宮莊地一  
千一百五十四頃八十六畝 命彭城伯張熊僉書右軍都督  
府事○江北倭突入通州南門燒民屋二十餘間而去 詔修  
江西許旌陽真人宮○總督倉場戶部左侍郎盧紳言連歲漕  
糧漂流數多率係運官侵盜賄沿途官吏取空文為據及給羨  
金買補又往往希圖折價坐損歲額今後凡有漂流必憲有司  
勘實方允補納之數盡用本色乞載入議軍永為遵守從之○

遼東邊外屬夷孫賓穩克等以俘斬北虜獻功詔給賞如例先是北虜虎刺哈赤及魁猛磕打來孫等欲假道東夷內侵不遂魁猛磕乃率所部攻扼哈寨夷酋孫賓等與戰斬虜首十級獨擒上人總克等復斬零賊二級叩關以獻因請於秦州大康堡河口築牆以禦之兵部覆其議便許之。○戊寅。○兵科給事中殷正茂言今財用不足惟鑄錢一事可助國計但兩京所鑄以銅價太高得不償費可採雲南銅自四川運至湖廣岳州府城陵磯其地商賈輳集百物夥賤且係南北適中之所可開局鑄造其銅價便運諸費宜以雲南鹽課四川庫藏給之并設總督重臣註選主事專理計歲費工本銀不過三十九萬餘兩可得錢六萬五十萬文值銀九十三萬餘兩餘工本外歲得利銀五十三萬有奇足以少佐國家之急事下戶部從言城陵磯五方

雜聚於此開鑄恐姦詭易興雲南地僻事簡即山鼓鑄為便宜  
初雲南撫臣以本省鹽課二萬金今藩臣一人督造轉運太倉  
行之果有成勅即盡畱本省鹽課并行兩廣福建山東凡出銅  
地方如例遵行 上從部議。己卯。陞吏部左侍郎萬守禮  
為南京禮部尚書。兵部右侍郎沈良才等奉詔查選侍衛官  
旗將軍應革二百三人應存畱一千二百八十六人列名以請  
從之。辛巳。巡按浙江御史胡宗憲言往時日本入貢多不  
及期請待其復來得以便宜謝遣仍令有司移檄其王問以島  
夷入寇之狀疏下禮部覆言倭夷犯順窮兇無過今日苟輕容  
再貢外損國體請如宗憲議遵例阻回諭以貢有常期必當遵  
守仍當委曲開導使之心服不得徃情直率致拂夷心至於被  
國僻居窮海島夷背其君長藉口為寇沿海姦民互相勾結揆

之理勢請因其入貢卽令撫按衙門移諭日本國王連年犯順何人倡亂令于半年之間立法鈐制既召還國卽見效順忠款雖使貢期未及亦必速為奏請如或不能鈐服則是陽為入貢陰蓄異謀仍禁遵例徑自阻絕上是其議。湖廣容美宣撫司土官田世爵獻大木五十根備承天工所應用詔賜銀二十兩綵段二表裏獎之。詔修廬溝河自柳林通鷄鵝房入草驕大河。壬午詔雲南麗江軍民府故土官知府木公男高龍職。從楚王英煊請封其嫡母吳氏為楚愍王妃初愍王為世子吳氏為世子妃及進爵為王吳氏尚仍故號既龍封以請許之。改分守宣府西路叅將馬芳充大同東路叅將。癸未。永順宣慰司官舍彭翼南保靖宣慰使彭蓋臣各統土兵三千名及欽仕宣慰彭明輔官生彭守中等報効兵二十名俱至松



江○進封江華王妃于氏為衛王妃王故封江華及進為衛王妃已先逝故追封之○兵部尚書楊博議上平倭賞格請於吏兵二部各印發姓名告身五百紙付總督張經聽其量功授職給赴本部即興銓除 上曰即今調集狼土兵多費用糧餉不贖正宜設法併力勸賊所擬雖是破格懸賞恐慮置未善致有誣殺冒功買功反滋弊端其再會吏部都察院及連兵二科熟計以聞兵部彙集諸臣議上文職如舉人監生新倭一級免其監歷即附選籍候選者即興銓除三級以上則於格外優叙願京職者如所試級除之承差獲級三顆待次者免其歷役在役者即興銓除吏農獲級三顆待次者免其考辨在役者即附選籍省祭官待次者亦准附選候選者即興銓除加於本省一級其陰陽醫杖等官獲級如上則崇以章服錄一子為生員如

各罷間品官獲級如上削籍者許以冠帶閑住者致仕致仕者  
進級仍補一子為增廣生其不願仕與獲級不如數者給賞如  
武職例武職賞格畧如違方例獲倭一級進世祿一秩獲從賊  
三級視倭一級非其對敵而緝捕三人者陞一秩且其身其所  
部獲功副總兵至二百級泰將都司至一百五十級把總指揮  
至六十級千百戶至二十級皆得陞秩其文武至勇出衆能獲  
渠魁大酋者俱別議以聞議上得旨時方用兵進勦所議特報  
令行。甲申。○陞刑科右給事中岳預達工科右給事中曹禾  
戶科右給事中王鶴兵科右給事中王正國俱為左給事中戶  
科給事中李邁元兵科給事中殷正民俱為右給事中預達戶  
科兵科鶴刑科正國工科邁元吏科止茂禮科先是廣東賊  
徐銓方武陳文伯李明貴等與海酋王五峯糾結倭患繼橫海

上督臣檄海道副使汪柏嶺南兵備杜璉及恭將張裕指揮黑孟陽等督戰銓等就戮前後斬首千二百餘級江應奎拉下餘黨三百五十餘人海濱頗靖又廣西賊酋黃文將常公敷等攻劫慶遠皂嶺坂等處為恭議陳善恭將戚振調土官韋起雲等合兵搏其巢擒斬四百五十餘人提督侍郎鮑象賢等並上其功詔廕象賢一子為國子生加總兵定西侯蔣傅太子太保各賜銀三十兩紵絲二表裏陞副使汪柏恭議陳善恭將戚振各一級僉事杜璉等恭議王宗沐通判汪應奎知縣方攸竒各俸一級恭將張裕鍾坤秀指揮王沛都指揮蔡祜各署職一級賞布政使王鈞張元冲知府謝彬羅一鸞張子弘等各銀十兩復指揮黑孟陽職准東蘭州土官男事起雲著本州知州事。拓林巢賊分眾三千餘過金山衛總兵俞大猷督遊擊白法及四

州瓦氏兵遮擊之賊鼓眾來衝我兵大潰死亡無算賊遂奔犯  
浙江○兵部尚書楊博等上言馬政八事一請責成各邊守臣  
督苑馬行太僕寺官各修實政吏部慎選其人以重事權一請  
令寺丞按月分歷所轄州縣少卿季一巡行以稽寄養勤惰一  
邊軍缺馬照例於各寺孽牧馬內取給并追徵楛朋地畝銀兩  
買補不得輕請馬價一飭京營官軍加意秣養一各邊入衛官  
軍未經戰陣輒報損失者不與給補一薊保二鎮照常年調用  
馬數允給毋得於額外求增仍計損傷多寡論罰一太僕寺見  
存馬價不多專備買馬急用毋以他項借支一寄養馬缺請發  
太僕寺銀六萬兩於河南山東市馬解京報如議○乙酉○南  
京吏部尚書王崇慶以疾乞致仕許之○江北倭犯淮安益城  
縣○丁亥○陞總督漕運兵部右侍郎鄭曉為吏部左侍郎○

戊子 命保定侯梁繼瑋等為正使持節吏科右給事中李過  
元等為副使捧冊封荆王厚埈世孫翊鉅為荆王夫人胡氏為  
荆王妃岷王譽榮世子定燿為岷王妃王氏為岷王妃岷府善  
化王譽楛嫡長子定燮為善化王德王戴澄嫡長子翊鉅為德  
世子唐府郾城王彌銀嫡長子宇清為郾城王藩府定陶王銓  
鑣嫡長孫胤禮為定陶王夫人李氏為定陶王妃周府華亭王  
勤熿嫡長子朝垣為華亭王夫人王氏為華亭王妃丘王安漢  
庶長子鎮國將軍睦詠為封丘王夫人李氏為封丘王妃南城  
兵馬副指揮王璉長女王氏為藩陽王妃知州李炯長女為楚  
王妃平涼縣監生張廷璣次女張氏為通安王妃。遣工部員  
外尚書往雲南鑄錢史料給事中楊龜奏蕙病劇不堪用因劾  
尚書吳鵬任用非人 上怒令鵬陳伏尋革蕙職閒住奪

鵬俸五月該司郎中一年。三丈浦倭賊分眾掠常熟江陰村鎮兵備任璞督保靖土兵千餘及知縣王鈇指揮孔燾分統官民兵三千攻其巢破之斬首百五十餘級燒賊舡二十七隻餘賊奔江陰。己丑。先是江西進磁器上以色淺不堪命查經管人員至是以聞下監督同知楊錫文通判陳煉於撫臣速問巡按御史吳遵并司府官俱奪俸有差。辛卯。保定巡撫艾希淳奏真保定各衛官軍二千春秋兩班分戍白石口浮圖峪諸隘今宜改定其期春班以二月二十日至十月初十日止秋班以七月初二日至次年二月二十日止令兩番戍者悉者疆圉日給行糧如例部覆從之。川沙窪倭駕舟出海官兵縱火焚其巢風蕩賊舟一至戚家墩遊擊白汝劉恩至獲之斬首三十七級是日江陰賊亦出江東逃。癸巳。賜建州左衛女

直都督僉事幹黑納等六人各祭一壇仍賜勅撫諭其眾。  
淮揚海防奏政張景賢督兵禦倭于狼山敗之。

大明世宗肅皇帝實錄卷四百二十一

大明世宗肅皇帝實錄卷四十二

嘉靖三十四年五月甲午朔。陞刑部左侍郎陳儒為都察院右都御史。總督漕運巡撫鳳陽。柘林倭合新倭四千餘人突犯嘉興。總督強經分遣叅將盧鏜等督糧土等兵水陸擊之。保靖宣慰使彭蓋臣與賊遇于石塘灣。大戰敗之。賊遂北走。平望副總兵俞大猷以永順宣慰司官舍彭翼南兵邀擊之。賊奔回。王江涇倭靖兵復擊急。其後賊之大潰。諸軍共擒斬首功凡一千九百八十人。有奇。溺水及走死者甚眾。餘賊不及數百奔歸柘林。自有倭患來。東南用兵未有得志者。此其第一。云。乙未。巡撫延綏都御史王翰奏陝西四鎮遺儲自嘉靖十年查覈。經今二十餘年。士馬日耗。糧餉日增。今將各鎮每歲所入。餘抵算糧芻外。按籍稽其康費之數。可觀也。如延綏鎮舊設軍六



萬六千餘名今止五萬餘名馬二萬九千餘匹今止一萬三千餘匹歲用五千六萬有奇計浮費不下一十四萬寧夏鎮舊設軍四萬四千餘名今止二萬八千餘名馬二萬四千餘匹今此一萬二千餘匹歲用四十一萬有奇計浮費不下十萬甘肅鎮舊設軍四萬五千餘名今止三萬五千餘名馬二萬七千餘匹今此一萬八千餘匹歲用四十一萬有奇固原鎮舊設軍七萬九千餘名今止一萬一千餘名馬三萬五千餘匹今止八千餘匹歲用三十四萬有奇計浮費各不下一十六萬求其增費之源與耗散之弊約有五端藩祿歲增借移軍餉一也兵荒多故常稅屢蠲二也舊木戍折輕今米貴折重三也舊邊兵盡地而守相機而戰今按狀調進行糧加增四也召募無定數陞賞多冗員五也至於逃亡倒失朦朧濫支此冒破積習之弊逋負侵

沒因緣為奸此徵解積習之弊報警則以小為大出師則以少為多地里遠近日期後先或可緩先發或應掣故留此征調積習之弊使車賓旅實繁有徒供給饋遺冒支儲背此支取積習之弊夫額外之費既以日增法外之姦從而日蠹即竭內地之財以供邊愈加而愈不足矣乞勅督撫督根諸臣悉心會議約費別弊務求經久可行之策以聞 上是其言。西寧侯宋良臣卒賜祭葬如例。丙申，朝鮮國王李暉遣陪臣刑曹叅判洪瑩等貢馬及方物謝恩宴眷如例。暉又獻峇紙七百葉。上嘉其忠順降勅褒諭賜白金百兩紵絲紗羅衣一襲。丁酉。初大同屬警類數山西提學官憚于出關各郡邑儒學生累歲不復考試按臣遂奏以冀北道分巡官代理之至是山西提學副使陳某請自領如故撫按上狀部覆允之。宣府捕獲虜諜

張于庫詔陞遊擊將軍張萬職一級斬于庫首梟示。給賞陝西遊兵之戍薊鎮者官銀三兩軍二兩從總督侍郎王忬請也。○戊戌。原屯川沙窪倭賊獲突犯閩港周浦卓蒲等處奪舟過浦分掠泗涇北蕪山僉事董邦政遊擊周藩引兵追擊遇賊于唐行戕兵驚潰藩被創死軍士死傷者幾三百人賊遂屯駐古塘橋流劫崑山縣石浦等鎮。庚子。孝宗敬皇帝忌辰奉先殿行祭禮遣興安伯徐夢賜祭。秦陵。鳳陽府大水雹壞民田舍。○辛丑。陞南京兵部右侍郎張馨為刑部左侍郎。○發太僕寺馬四百十一匹給延綏留戍薊鎮將士。○壬寅。南京湖廣道御史屠仲律條上禦倭五事一絕亂源夫海賊稱亂起於薊海盜民通番互市夷人一流人十二寧紹十五漳泉福人十九雖槩稱倭夷其實多編戶之齊民也臣聞海上蒙

勢為賊腹心標立旗幟勾引深入陰相窩藏輟轉貿易此所謂  
亂源也曩歲漳泉濱海居民各造巨舟人謂明春倭必大至臣  
初未信既乃果然故禦盜之標在腹裏防之弭盜之本當邊海  
制之諸處漳泉福為始而寧紹次之具一禁放浮巨艦其二禁  
窩藏巨家其三禁下海姦民三法者立而亂源塞矣即使舊賊  
未盡殄滅然而後無所繼其勢自孤退無所歸其情知悞與今  
日往來自若者必不同矣二防海口夫海涯洩無際然賊泛海  
來犯放洋則衝濤入口則起陸非可絕險而徑渡也故其往來  
所由出入可設險防拒者姑自浙東西大江以南濱海數郡言  
之入平陽港則近金鄉入黃花澳則近盤石而逼温州入海門  
則越新河而寇台州入寧海闌入湖頭灣則窺象山定海而瞰  
平波入三江口則搖尾於紹興入蟹子門則垂涎於杭州入乍

浦碇則流毒於嘉興入吳松江則犯松江入刘家河入七了港則扣蘇州此其大勢也中間經行或潛形於馬蹟山或匿跡於大七洋及大小衛上下川則其要害也此沿海諸郡之通患也故守平陽港拒黃花澳據海門之險則不得犯濫台塞寧海關絕湖頭灣遏三江之口則不得窺寧紹把鯨子門則不得近杭州防吳松江倚劉家河七了港楊威馬蹟大七洋大小衛上下川諸險則不得掩蘇松嘉興此地險也一處失守蔓延各處不可以彼此分遠近異也且賊長於陸戰短於水關以其船不敵而火器不備也在我宜用所長棄所短則莫若恃海船請以見在把總船隻通行查齊不足則令福建如法添造或即令沿海地方買補每大小船百隻或五十隻號為一船募以慣習挖工水稍而充以原額水軍于前諸海口各量緩急以為置船多寡

又為避艙數艘分布上流往來要害海軍易糧衣甲之給比陸軍加優令其更番巡邏併力捍禦來逼其衝去擊其惰責以毋令賊入賊入而力拒有功者陞賞其夫倫者重究此禦寇之長算也故法不可不屬也臣聞倭之入也豈盡無軍之患蓋有軍而移入便地者矣有失于巡哨者矣甚有賈渡報水受其鈎餌者矣若此則地方奚賴焉夫百處守之一處失之無益也千日防之一日疎之無益也事在督撫及海道諸臣明信其賞耳三責守令夫荷戈戰戴介冑爭鋒死從者將士之能也保封城固郊圻全境安民者守令之任也今之守令不肖者棄城守走矣其賢者大半遇警則嬰城守耳其閑廂村鎮委之無可奈何夫城之外獨非赤子乎且邊海孤城卒然無備猶可諶也腹裡嚴都江南與壞虜非可長驅而卒至者顧不能設險預防使寇倘

佯去來若履無人之境則國家建邦設邑張官置吏將焉用耶  
自令江南守令之職當以訓練土兵保全境土為殿最仍勅吏  
部凡遇沿海守令員缺必慎擇其才且賢者然後授之庶保障  
之賴耳四議調發近日徵調各處兵民遠近四集徐邳山東永  
保川廣及軍門編調各府募勇無慮數萬然師老財殫境不見  
虜功之奏者臣請指揮諸臣不善用兵之弊陳之夫古者用兵  
潛機密計電馳遠擊進退倏忽妻子莫聞所以能有成功也今  
則先發後行尅期始動前軍未啟而先聲已聞其弊一也古者  
名將算不百勝不能輕動今也謀不預成計不先定冥行突進  
動陷伏中其弊二也守不據險屯不列要奔急救難賊逸我勞  
其弊三也法曰夜戰聲相聞足以相救晝戰自相見足以相識  
懼愛之心足以相死言兵之資熟習也今也兵不專一至容雜

聚卒遇倭賊易衣變飭突然來前不能別識其弊四也兵無素  
統將不預設一遇有警卒然命官本以烏合之人師以未經識  
面之將其弊五也夫三軍之眾所以冒白刃蒙矢石至死而無  
敢却顧者威行之素也今法令姑息紀律不肅進有必死之恐  
退無伏鑽之慮是以畏敵而不畏將其弊六也地行不習險易  
不識趨利不及避難不早其弊七也糧糗不儲料理不周遠兵  
勞後撫恤未至枵腹待斃窮愁思婦其弊八也士不精選勇怯  
無辨前擊後解誰然而散雖悍夫勇士或以無援而力屈或以  
先奔而膽喪其弊九也地狹人眾不能旋轉互相排拑雖有勇  
敢無以效其所長其弊十也十弊不去雖頗收操及責育執戈  
莫能濟矣近日汀州如賴百戶兵敢死先登足當一而以不善  
用之使頭領陣亡軍士逃遁如此則徵兵雖多亦何益哉夫賊



非有遠畧大志約束孰令不過群聚為姦利在貪淫耳所以制禦之則非兵少之憂而實寡算之患蓋欲防盜者必知盜情欲制盜者必存盜心故必計謀而熟計之然後成功可期也五作作勇敢沿海如沙民盜徒打生手及村莊悍夫皆勇可用然多案効用於私室而不案報名於公家何者以公家勢遠而文繁也豪民以之保村里則有餘以之充行伍則無益何者以行伍人多而心力渙也然則順其情相其宜以振作鼓舞之必有術矣乞勅下各該有司通諭豪家大族及里巷豪傑各為身家併力拒守其有能團結鄉民保固村鎮者先與免其糧里押運重役及均徭一應雜差獲功者一體陞賞其有願受文職審其果能保障一方及斬首十顆以上民得比輸粟例入監係有職役者並得起送赴部與本等常選陞授閭里之人並得其功累增

至赴部實選其不願官爵者則重給賞優恤之或以制賊之一策也近蘇松嘉湖之民嘗有糾集知勇乘賊怠玩或掩其昏暮間能殺賊奪其輜重者隨為官軍劫其財而奪其功夫居民出百死之力卒被劫奪曾不獲分毫之報不亦激眾怨而失民心乎又有村民團結自相防護志在全家保妻子耳有司輒謂其能遂報名入官以致人各畏避不敢復謀拒賊此又沮民之氣而抑其忿也請諭地方官凡義民不願在官者不得一切附報且嚴禁官軍不得攘奪民功則民見利而勤無畏而奮將各思所以自効矣兵部覆其議悉是詔允行之。癸卯 太祖高皇帝忌辰 奉先殿行祭禮遣駙馬都尉李和代。裁革上林苑監著育署署丞一員。四月丙虜寇青澗口堡宣府恭將李先啟等率眾禦之兵潰被執至墩下索金帛取贖先啟奮亂大罵

虜斫殺之指揮黃添祥尚真募隆千戶郝廉賈璽尚志百戶郭  
勳王永同時遇害巡按直隸御史李鳳毛以聞詔降總兵官歐  
陽實職二級巡撫劉廷臣俸三級總督許論奪俸半年俱戴罪  
視事下恭將張問政等六人把總百戶孟雲漢等七人于按臣  
論罪光啟贈署都督僉事唐一子正千戶世祿立祠死所祀之  
添祥真隆贈都指揮僉事廉璽志指揮僉事勳永正千戶各祿  
陞其子祖職三級仍配食光啟祠。甲辰 命故永康侯徐源  
子喬松散爵。倭寇五十餘人自山東日照縣流劫安東衛至  
淮安贛榆縣是日呂四場有倭舟突犯沿劫東圍等處該場副  
使李收督率耆憲奮銳攻之斬首四十五級盡殲其衆。乙巳  
仁宗昭皇帝忌辰遣長寧伯周大絰祭 獻陵。倭舟三十  
餘艘累約千餘人自海洋突犯蘇州青村所攻城不克遂縱火

自焚其舟登岸肆劫是時新倭復大至自青村外着南沙小島口瓊港諸處悉有賊至泊岸即焚舟散劫官兵稍稍逼之乃合營犯蘇州陸汝壻及婁門南京都督周于德引兵來援一戰而敗鎮撫孫憲臣被殺賊遂中分其衆為二一由齊門北馬頭而北轉掠浙壁閩長洲五等郡一由胥門木瀆而南轉掠吳縣橫塘等鎮延蔓常熟江陰無錫之境出入太湖莫能禦者○丙午○革太常寺廚役一百名光祿寺廚役二百四十名○丁未○浙直督撫儲臣以江南倭寇侵擾調兵日多糧餉不給請借留淮浙餘益及南贛餉銀各省庫接濟戶部覆餘益銀屬京邊歲費難以謀留贛州餉銀准借九萬兩廣東福建庫銀各十萬兩江西湖廣各五萬兩更以兵部船料并各府應解均徭民兵銀存用今日江南軍餉孔亟固當計慮京邊歲費日增尤當謀處

宜行各司府編派均徭銀接濟內除順天應天蘇松常鎮等府免編外其餘司府俱預編一年今南直隸淮揚鳳徐四府浙江福建廣東廣西雲南五省銀解南直隸浙江軍門陝西銀解延綏山西銀解三關北直隸真保定七府及河南山東江西湖廣四川五省銀俱解本部以備選用詔可。戊申。○南京湖廣通御史屠仲律奏江南倭寇軍餉不足竊觀耗破之弊寔有數端召募軍士動輒敗沒是費數十萬金不得一夫之力一也城守工塙曠歲無成是費數十萬金不得天地之圻二也土兵之選勇怯無擇衣糧之盛日費千金三也海上艘艦擄奪漂壞修造所需不可紀算四也甲冑之製數多費廣一遇接戰裸體而歸五也器械火藥耀日聒耳臨陣掩棄祇為盜資六也六蠹不去則盡帑藏洩之尾閘矣至於加派田糧勸借富戶有司假此

撥民驅之為盜俱宜嚴飭務俾得節愛養以求成功疏下戶部  
議行 詔江西贛南吉三府行廣益每年定以二十萬引依例  
抽稅內二分存留八分解部表臨二府仍行准益不許抽稅著  
為令 己酉 詔錦衣衛遣官校建總督南直隸浙福軍務右  
都御史張絳及叅將湯克寬械繫來京問以侍郎趙文華劾其  
畏巽失機玩寇殃民故也倭自去歲據松江柘林川沙窪二處  
為巢縱橫肆掠周迴數百里間焚屠殆遍水陸兵無敢近者本  
年三月初廣西田州土官婦瓦氏及東蘭南丹那地歸順等州  
狼兵六千餘名承絳調泊狼兵輕慆嗜利聞倭富有財貨亟欲  
取之居民亦苦倭寇暴朝夕冀倖一戰文華既至嘉興屢趣絳  
亟檄狼兵勒賊絳曰賊狡且眾今檄召四方兵獨狼兵先至耳  
此兵勇進而易潰萬一失利即駭遠近觀聽姑候保晴永順土

兵至合力夾攻廣保萬全文華再三官經終守便宜不聽文華  
乃疏言經養寇糜財屢失進兵機宜或于恭將湯克寬謬言欲  
俟倭飽載出洋以水兵掠餘賊報功塞責耳宜坐治以紓東南  
大禍疏至 上以問大學士嚴嵩對具如文華言且謂蘇松  
人怨經不可復留宜與克寬俱速京鞠訊以懲欺怠經克寬遂  
并得罪尋陞巡撫應天右僉都御史周玩為兵部右侍郎仍兼  
原職代經總督。贛榆倭流劫海州沐陽桃源等處至清河阻  
兩徐邳官兵分道蹙之殲于馬頭鎮民家斬首四十一級此賊  
自日照登岸不及五十人汎宮兩省殺戮千餘人至是始滅。  
庚戌。封肅府正長王貞境第四子弼棟為延長王長子。上  
諭禮部朕受 上天明命君生華夷東南欺上臣下不忠讒勾  
引北賊既行經結南寇又作是隣哉之義耶茲仲叩玄威造成

國公朱希忠英國公張謐定國公徐延德鎮遠侯顧寰靖遠伯  
王瑾分告于宗廟社稷神祇先聖。泰將盧鏜督百戶上  
江等兵及宣慰彭蓋臣土兵四川指揮陳元正蜀兵攻倭于張  
莊賊見兵眾閉壘不敢出元正以兵挑之賊出戰諸軍四面攻  
擊縱火焚其壘賊奔避我兵追擊之及于後港賊反軍迎擊諸  
軍皆潰。浙福提督都御史李天寵以四月間金山衛之敗未  
聞因奏副總兵俞大猷統調集重兵失机債事以致流毒浙省  
上批其疏曰俞大猷統狼廣兵萬餘不行進勦致賊猖獗本  
當重治姑奪職充為事官戴罪殺賊。陞金山總督備倭署都  
指揮僉事劉恩至充分守浙江嘉湖等處叅將而以指揮僉事  
婁宇為署指揮僉事代恩至。壬子。添設工部主事一員專  
管臺基版。癸丑。總督直隸浙福右都御史張經以平望王



江汪入捷來聞于是兵科都給事中李用啟給事中閻望雲顧  
弘潞袁世榮高敏學等因言經選悞失事罪之成當但今獲首  
功以千計正倭奴奪氣我兵激奮之時宜乘勢揚柘林川沙窪  
之巢以殲醜類若復易師恐誤機會請姑召還錦衣衛使者待  
進兵後視其成績與否從而達經加罪未晚也 上覽疏大怒  
手批之曰振經欺息不忠聞文革之奏方此一戰是何心也此  
輩黨奸惡直在法怨上罪不可貸乃命錦衣衛執用啟等各捉  
杖五十黜為民已而 上心疑之以問大學士嚴嵩嵩言此事  
臣昨聞臣階臣本二臣松浙人以鄉郡被慘聞見其真皆言經  
養寇損威殃民糜餉不逮問無以正法昨狼兵初至氣銳經禁  
久不進瓦氏憤曰我自備軍糧不劬尺寸何以歸見卿黨及賊  
逸甚多地方震恐文華憤不能與御史胡宗憲合謀督兵追賊

經闕繼至今次文華誠忘身徇國然必藉巡按力宗憲勇敢有  
膽畧親琛甲臨戎以致克捷此實上天垂祐所致皇上昨  
諭欲遣官賜文華銀幣以壯彼為仰見聖明激勵臣工至意  
但御史宗憲功同希亦賜賞一使彼地之人如日月之明無遠  
不照功者功罪者懼矣上乃諭禮部曰昨文華不言賊情未  
免有誤可令竭忠督討仰贊玄威其遣衛官一員齎賜文華大  
紅金衫錦鷄紗衣一襲銀六十兩御史宗憲協心王事賜銀三  
十兩彩段二表裏瓦氏劬勞被沮亦犒賞銀三十兩彩段三表  
裏可即行給發之方文華發疏時永保兵已至浙其日即有石  
塘灣之捷文華疏有云徵兵四集未有進戰之期蓋經以兵机  
貴密文華宗憲革挑淺不輕與言耳今戰捷嵩乃言文華宗憲  
合謀督兵環甲致捷經聞乃至殊失事寔然狼土兵寃服經威

名經被逮畧至卽泮渙周琺場宜皆庸蒿非濟變才且受制文  
華宗憲由是倭患日新而狼土兵復為地方所苦東南事愈不  
可為矣。調鎮守大同總兵官焦澤于山西以山西總兵官韓  
承慶代之從總督許論請也未幾澤以失事被職承慶以激變  
下詔獄矣。下巡捕叅將茂鎮于鎮撫司拷問以所部巡軍為  
盜劫財殺人故也。兵部尚書楊博上言禦倭方畧一總督周  
琺新被簡命宜欽遵勅諭整飭軍容有沮撓不用命者即以軍  
法從事一所調狼土之兵將領不相識殊為失策宜以廣平屬  
沈希儀湖兵屬何卿一切陸戰悉以付之而以俞大猷專督水  
戰一徵調客兵而無紀請令總督周琺博訪兩兵將有可徵調  
委用者聽以便宜行事一請卹金山死亡將士給以棺斂之資  
少見弔死問孤之意仍令撫臣祭于死所以慰幽魂一請飭府

州縣官亟練土著民兵以省客兵之費一請量借閩廣江湖四  
省糧餉以濟軍興疏入報可○初南京左軍都督府掌印豐潤  
伯曹松請增選 孝陵衛舍餘三千人防護 陵寢下南京兵  
部議覆謂宜選 孝陵正軍五百人舍餘二千五百人付松操  
練更選各營精銳三千擇將領之以備應援批之○甲寅○總  
督陝西三邊侍郎賈應春上言延綏西路議修邊牆自定邊營  
瓦榿梁墊起至龍州城止計三百一十一里所以保障全陝先正  
築及三十里餘自三十年後停工未舉欲止則前工盡棄欲速  
則勢不能達乞申飭諸守臣協心共理及時修築以便防守兵  
部議覆從之○柘林倭賊縱火自焚其巢駕舟二百餘艘出海  
東逃○乙卯○陞南京太僕寺少卿章煥為光祿寺卿○蘇松  
兵備任環督總兵俞大猷等官兵及永順官舍彭翼南等土兵

蘇州府縣鄉兵進攻陸涇壩賊敗之斬首二百七十有奇焚賊舟三十餘艘餘賊奔潰。選授中書舍人吳國倫行人趙鏞謝甫夏棧俱為兵科給事中。總督京營戎政鎮遠侯顧寧言營兵遇歇操月分雖有五。日查點之規倉卒有警勢渙難集。今虜詐無常請留五軍營正兵及標下兵共四萬人分為四班班得萬人每月當上一班駐京輪守月加口糧二斗以示優恤。設有急萬人可不召而集也。兵部覆其議便從之。丙辰。察視浙直軍務侍郎趙文華上疏報捷謂前月倭犯嘉興城御史胡宗憲先中以藥酒擊敗之。俞大猷率永順宣慰彭翼南等又敗之於王江涇擒斬千餘人。叅政任環又敗之於常熟斬首一百五十級焚其舟二十七。而金山衛等處斬獲亦不下二百。賊累蕩平。有期矣。兵部言據此提奏兵威稍揚人心正奮。然在浙江則

餘黨未遜在松江則舊巢猶在宜乘勝逐北以靖地方請先賞將士用命者上命賞永順宣慰彭翼南等四人銀各二十兩紵絲二表裏餘令單門頒賞。丁巳。陞浙江按察使曹邦輔為都察院右僉都御史提督軍務巡撫應天。倭寇常熟縣知縣王鈇率兵乘城禦之賊屢攻不克移舟治三里橋鈇及鄉宦叅政錢泮率者民家丁追賊及于上滄港為賊所掩擊俱死其民丁僅有脫者巡按御史金浙上其事。上憫二臣死事詔贈鈇為太僕寺少卿泮光祿寺卿各廕一子錦衣衛世襲百戶賜祭一壇立祠死所有司歲時享祭。戊午夏至大祭。地于方澤先期視牲請。太祖配。神及是日行禮俱命成國公朱希忠代。辛酉。陞工科都給事中陳邦修為南京太僕寺卿。先是。上命訪採龍涎香十餘年尚未獲至是令戶部差官

往沿海各通番地方設法訪進。侍郎趙文華復疏陳倭患出沒之形并劾巡撫商玩總兵白汝僉事董邦政等縱寇喪師使零賊奔潰餘孽復張因言巡按御史胡宗憲才智異常安危可寄宜亟付以大任兵部覆上其議。上責玩統重兵不能擒斬逸賊致蹶將損師本當速治第時方用人姑停玩俸祿汝及邦政職充為事官戴罪殺賊如更怠縱罪無赦宗憲俟論功之日不次超擢文華仍奉命督師奏債事者勿畏避。壬戌。改南京光祿寺少卿何遷為光祿寺卿。改紫荆倒馬二關通判屬易州管糧衙門從提督官王忬等奏也。癸亥。開福建建寧延平等府缺治先是二府歲課錢五十萬斤解部尋以浙省銀鑛盜發禁羊至是福建御史胡志夔以為言詔復之。

大明世宗肅皇帝實錄卷四百二十二

大明世宗肅皇帝實錄卷四百二十三

嘉靖三十四年六月甲子朔○鎮守兩廣太子太保定西侯蔣  
傳牟賜祭葬如例○虜自春三犯宣府龍門城及萬全右衛等  
官軍禦之頗有斬獲總督許論等疏上諸臣功罪兵部覆議得  
旨陞遊擊馬芳指揮張桓劉漢秩二級各賞銀二十兩副總兵  
田世威指揮郭撫鎮各十五兩下指揮魏卿十三人及原任總  
兵劉大章於巡按御史論罪○乙丑○陞分守通州副總兵署  
都指揮僉事段堂為署都督僉事僉書南京左府事○丙寅○  
改南京工部尚書楊行中為南京吏部尚書陞巡撫江西都察  
院右副都御史陳冰為南京兵部右侍郎○丁卯○陞南京吏  
部郎中趙貞吉為南京光祿寺少卿○己巳○懷柔伯施燕卒  
賜祭葬如例○庚午○總理河道工部右侍郎曾鈞三考秩滿



廢其孫允行為國子生。倭賊百餘自浙江紹興府上虞縣爵谿所登岸突犯會稽縣高埠奪民居樓房據之知府劉錫千戶徐子懿等分兵圍守賊潛縛木筏由東河夜渡潰圍而出鄉官御史錢鯨遭於鯉浦見賊遂流劫杭州而西歷於潛西興昌化內城大駭。甲戌，總督侍郎王忬言蕪鎮撫臣宜仍舊改駐遵化至秋乃出昌平以便策援其調至容兵宜分以信地凡獲功失事與主兵同其賞罰兵部覆議從之。三丈浦倭賊駕舟出海總兵俞大猷引舟師遮洋擊之斬首一百三十有奇衛沈賊舟七艘賊遜泊海洋三板沙。乙亥。先是兵科給事中游震得等建議謂京營諸衛之兵雜配於各營多寡參差稽覈無緒請以大小衛所相兼分配令一衛專隸一營於約束為便兵部覆從之已而提督京營鎮遠侯顧寰言五軍營每營挑選

精銳正兵三千餘為備兵分為強弱二等神棍神機兩營亦選撥聽調若欲序銜順營分配之際未克創改隊伍況秋防在邇不惟兵將不習亦且強弱混淆不便部臣覆上其議得旨營兵宜如舊以後諸臣建白窒礙難行者部臣毋得依違題覆既行輒易○治三月間虜寇右衛山陰懷仁等處失事罪總兵官焦澤以退遭被職聞任○巡撫延綏都御史王翰言鎮兵選調入衛見兵不足防守請得選取腹裏民壯查調下班官軍以壯秋防兵部覆是其議請自臨鞏二府外各選民壯十分之三歲遣官統赴延綏而下班官軍亦查令領班都司轄戍邊俱以六月至十月選候掣衛兵乃止從之○興廣東按察司僉事王德間任德以疾乞休奉俞旨輒充回籍為按臣所奏故也○裁革直隸順德府通判真定府曲陽縣主簿阜平縣茨溝村巡檢各

一員。巡按直隸御史周如斗疏報蘇松舊倭去者未盡絕。新任來者益眾。節犯黃浦等處。故遊擊周藩請治諸臣失事罪。因言僉事董邦政寡謀輕進。致債師罪。宜百論。把總婁宇望風奔潰。同知郝文奎。洪以業防守疎虞。總督張經提督周玩。操江史褒善。均有兵戎之任。不能禦寇。門庭皆屬。有罪。副總兵俞大猷。既逸寇於金山。復慢防於趙浦。雖有平望王江之捷。難贖其辜。倭都指揮劉恩。至要害不守。武備素弛。皆當量罰。因言新舊之寇。勢合而益。張主客之兵力分而益寡。請更調發精兵。協濟軍餉。責諸臣以討賊。必放仍錄遊擊周藩死事之忠。以作士氣。兵部計已被逮諸臣不議。請令督撫周玩。遵前議。增調兩廣及湖廣精兵。仍令盧鏜親詣處州。選兵更於四川松潘等處。選官民鄉勇。羌土諸兵。並赴浙直軍門。併力破賊。上曰。近日江

南調至根土諸兵不為不多督撫官遲疑觀望不能進勦養寇  
貽患以致新賊繼至合勢愈熾又欲增調各兵不過假此遲延  
時月莫有實心平賊之志今始從所擬施行若又師久無功玩  
等罪不赦奪巡撫史張善俸三月褫把總婁宇都指揮劉恩至  
職令戴罪殺賊下同知郁文奎洪以業於按臣問贈遊擊周蒲  
都督僉事錄其子龍陞三級。丙子。吏部奏勲爵宗支舊無  
冊籍一遇故絕爭鬮紛然無所考證乞如軍職貼黃例行兩京  
五軍都督府將各公侯伯父祖始封承襲來歷并立功者的派  
子孫與應襲者所自出備造宗圖文冊一存本府一送本部一  
送吏科每五年一造請著為令以杜紛競詔可。倭進據江陰  
蔡涇開分眾犯唐頭知縣錢鏞統狼民兵禦之遇賊於九里山  
時已薄暮雷雨大作賊伏兵四起狼兵悉奔惟餘鏞及民兵八

人盡死於賊。巡按御史周如斗上具事。詔贈諱為光祿寺少卿。詹一子國子生。賜祭一壇立祀。死所有司歲時享祀。○丁丑。○陞戶部左侍郎馬坤為南京工部尚書。命原任都察院右僉都御史蔡克廉巡撫江西。○改鎮守保定總兵官署都督僉事李賢於山海。○戊寅。○原犯浙江倭還侵吳江。泰政任環總兵俞大猷督水陸官兵。遊擊於鶯涇湖平望等處斬首七十九級。生擒賊五人。餘賊奔還嘉興。○己卯。○戶部尚書方純奏宣大二鎮一歲軍餉已費二百五十餘萬。金猶稱不足。據先任大同巡撫王柝奏。開本鎮食糧官軍八萬八千餘名。昨追賊至山西境。上合副總參遊等官軍止有一萬三千餘名。餘皆僅守城堡。宣府巡撫劉廷臣亦奏。聞本鎮官軍八萬有奇。每遇出戰。合奇遊并五路援兵。各不滿三千之數。則可見各鎮兵馬固有有籍無

名有名無實者亦有所養非所用非所養者營伍日耗餉金日增其糜費之故惡能逃 聖明洞察哉今當災虜頻仍度支詘乏之時乞勅二三督撫之臣協力區畫為國家長遠之計獎所當革則浮議勿恤法所必行則衆怨弗避簡精勇以實營伍覈出納以節軍儲庶於燃眉之急可少紓耳不然內殫外屈臣不知邦計之所終矣 上是其言。庚辰 睿宗獻皇帝忘辰奉先殿行祭禮。王板沙倭賊搶民船出洋泰政任環總兵俞大猷引舟師追擊於馬蹟山擒倭首灘捨賫及後賊五十七人斬有九十三級是日倭舟有被海風飄回者舟壞餘賊五十人。嘉定縣民家泰政任環以著兵攻之不克傷亡幾三百人乃投火民宅藝之賊盡死。辛巳。陞密雲副總兵署都指揮僉事蘇未為署都督僉事充總兵官鎮守保定。壬午。勅總督

直隸浙福軍務都御史周抗巡撫浙江都御史李天寵為民政  
南京戶部右侍郎楊宜為兵部右侍郎兼右僉都御史代琬陞  
巡按浙江御史胡宗憲為右僉都御史代天寵先是 上聞琬  
疾甚又以天寵嗜酒廢事遂并黜之仍勅工部右侍郎趙文華  
悉心督察命禮部鑄督察軍務關防馳賜之。虜酋黃台吉駐  
兵獨石邊外遣其謀把克等四人內偵至滴水崖屬夾鼠和等  
以報邊史陳鉞等執之事聞兵部以為奇功請厚賞請當事者  
詔賜總督許論銀四十兩紵絲三表裏總兵歐陽安巡撫劉廷  
臣各三十兩三表裏恭將張縉十五兩陞指揮陳錢劉潮秩二  
級通事阮和一級鼠和給賞如例把克等斬首梟示。山西礦  
賊宋愛等千人流劫入定州越阜平曲陽行唐等縣官兵追勦  
擒之巡按直隸御史樊獻科上其事 上命逮治失事指揮食

事鄭勳等陞陞亡百戶屈伸一級世祿金餘王級等十七人俱  
優恤獲功裨創官兵都景等七十七人給賞有差。癸未。建  
州等衛女直夷人都指揮哈爾合等來朝貢馬宴賚如例察視  
軍情侍郎趙文華言始者賊逸松江也宣慰彭蓋臣等與賊相  
持十晝夜賊遁蘇州蓋臣及俞大猷任環合兵追之於陸經壩  
斬首五六百級兵勢稍振頃二司兵失利而賊遂散逸一犯常  
州宜興一犯湖州長興勢復猖獗良由我兵寡勢分士氣不揚  
耳臣以為蓋臣等報効之勤宜勢寇至蘇州我軍盡亡火路委  
諸賊中而又海上福滄等舟七十餘艘皆為賊燬臣以為諸臣  
失事之罪宜問兵部覆議。上命降勅獎勵彭蓋臣彭明輔各  
賜銀二十兩紵絲一表裏官舍彭翼南准寶授生員彭守忠與  
給冠帶其福滄兵船被燬失事令按臣覈實以聞。乙酉。命



黃花鎮叅將署都指揮金事羅文秀充副總兵官分守密雲。北虜倦咎黃台吉遣謀麻廷進喬鈇等內訌至。天壽山為守備太監賈堪所獲守臣上其事詔廢堪弟姪一人為錦衣衛所鎮撫下守居庸關百戶崔泰等於按臣論罪廷進等斬首梟示。上諭戶部曰朕聞宣大二鎮米價騰貴其北直隸山東河南麥熟之處或可做昔人平準法以濟民饑者當急計行戶部奏宜差戶部主事二員齎銀收糧在山東者運至通州以備宣府在河南者運至易州以備大同再容臣等酌議轉輸居庸懷來紫荆代朔等地以濟飢饉報可。蔡涇關倭至夏港鎮副使至崇古督水陸兵夾擊之賊遂出港泊淺沙分舟南犯至靖江陳公港登岸我兵急擊之斬首四十有奇餘賊走入民家我軍焚而殲之。戊子。陞戶部右侍郎倪嵩為本左侍郎巡撫河南。

都察院右副都御史鄒守愚為戶部右侍郎巡撫甘肅右副都  
御史王誥為南京戶部右侍郎總督南京糧儲。己丑 孝莊  
睿皇帝忌辰 奉先殿行祭禮遣武定侯郭守乾祭 裕陵。  
庚寅。未封妃高氏薨賜號曰和喪儀如睦妃何氏例。辛卯  
孝穆皇后忌辰遣玉田伯蔣榮祭 茂陵。戶部尚書方純  
三年考滿遣中官齎賜羊酒寶鈔廕其子由義為國子生

大明世宗肅皇帝實錄卷四百二十三

大明世宗肅皇帝實錄卷四百二十四

嘉靖三十四年七月癸巳朔時享 太廟遣駙馬都尉謝詔代  
○遣道士二十三人齋香帛祭 先聖歷代帝王陵寢○起原  
任都察院右僉都御史張烜巡撫河南陞大理寺右少卿魏謙  
吉為都察院右僉都御史巡撫甘肅○初四川叙州府宜賓縣  
肆固夷民阿廉返等恃險為亂有司慮得罪不聞久之賊勢益  
熾衆至數千人焚屠材鎮巡撫張景督僉事焦希程集土漢兵  
二萬餘討平之擒廉返諸衆皆破武生劉顯安得祿戰甚力顯  
所生擒省惡三八斬首五十餘級以是遂知名于時集以其事  
聞詔賜集銀三十兩紵絲二表裒陞俸一級巡按御史段錦銀  
十兩紵絲一表裒陞布程秩二級授顯秩二級給得祿冠帶餘  
頒賞准贖卹錄有差○甲午降浙江按察司副使劉起宗董士

弘官一級僉事羅拱辰二級陞左叅議許東望為副使代拱辰以巡按御史胡宗憲劾其禦倭無功故也。乙未改通州副總兵為叅將初咸寧侯仇鸞建議設三部御史於通州易州昌平通州增置副總兵官鸞敗俱奉詔裁革至是總督王忬復言通州重地仍宜用副將守之兵部謂該州兵止千人請改叅將便上從部議遂以署都指揮僉事吳旂充叅將分守。巡按直隸御史李鳳毛言虜酋俺答等數犯宣府幾震居庸屋擾大同紫荆諸處蹤跡詭秘皆竄逆丘富周原等為之謀諸姦恚華人以白蓮教術惑民恐為禍本請委邊臣以計滅之因舉朔州兵備副使楊順智畧可任兵部覆請發銀一萬兩付順令駐大同左右衛多方圖之仍戒中外毋泄報可。丙申 仁孝文皇后忌辰 奉先殿行祭禮遣恭順侯吳繼爵祭 長陵。陸工科

左給事中曹禾為都給事中刑科右給事中楊允繩史料科右給事中李過允俱為左給事中工科給事中謝江戶科給事中彭範史料給事中兵部給事中右給事中未本科允繩江俱戶科過允禮科範兵科岳工科。刑部左侍郎張鑿三載績滿廕其子緒為國子生。戊戌陞太僕寺少卿劉學易為大理寺右少卿。改湖廣按察司副使孫宏軾復除山東副使劉燾俱子浙江以倭警用兵從吏部推擇也。命翰林院侍讀嚴訥滿晟主應天府鄉試。以原任南京坐營官署都指揮僉事王元伯先叅將分守浙江嘉湖。己亥巡按陝西御史唐理言四月間達虜二百餘騎寇掠黑松林及小沙溝莊狼叅將吉慶等不能禦且匿不報。守指揮使馬舉以陞任不候代輒行指揮杜持春等守倫廢弛遊擊將軍張廷輔擅移信地避難偷安均宜治罪詔

罰言慶仕并馬舉等十一人下御史逮治奪廷輔俸一年○庚子巡按直隸御史周如斗因唯亭常熟之敗疏言越浦之寇蔓延內地流毒日深諸臣防禦失策致鎮撫孫憲臣身嬰賊鋒知縣王缺卿官賤津繼及於難前役雖有小援所喪敗實多因叅兵備副使任環功不掩過海防愈事董邦政罪浮於名及巡捕同知王如瓚把總姜旦等失守慢防之咎請卹孫憲臣等而正環等罪又言永順保靖之兵屢戰多捷贛湖廣副使孫宏軾叅議王維洛監督有方及官舍彭翼南彭守忠等實心幹理請優賞以示勸兵部議覆詔宥環下如環等于御史問賜宏軾維洛各銀二十兩紵絲一表裏贈憲臣指揮僉事嚴陞其子三級○馬邑生員張蕙自虜中歸言虜首俺答永郡二部兵可二萬六千人叛入丘富日夜導虜為梯攻城造舟渡河靜樂等縣妖

人廬山佛及應州呂鶴等陰為內應欲奪左右威遠三城自立為主以接引俺酋又寇總督許論上其事請優祿蕙以為歸義者勸而懸重賞購虜首及叛人等疏下兵部議立賞格能斬獲俺荅把都兒辛愛等大首首級未獻者封伯爵賞銀一萬兩授以坐營坐府管事官斬獲立富周元者不問首從授指揮僉事賞銀三百兩斬獲呂廷桓等者首功陞秩三級賞五十兩從一級賞三十兩如在虜華人及丘富等能悔禍斬大虜來歸爵賞如例或束身歸正亦赦其罪而祿用之仍官蕙於近衛留軍門委用上從之以蕙為所願撫仍賜銀三十兩蕙自五月為虜所獲俺荅令其主士馬籍因知其數又嘗送置立富營稍得其謀在虜中凡二月得間奔歸。癸卯陸尚寶司卿張秉壺為太僕寺少卿大理寺右寺丞董威為本寺左寺丞江西道御史趙



炳然為太理寺右寺丞。乙巳高卑逃倭自杭州西掠者沿途傷已至嚴州淳安縣僅六十餘人以浙兵副總由濠嶺盤山突入歙縣黃栢源口徽州府守隘官民兵壯五百餘人見賊恚奔潰賊遂流劫績溪主旌德典使蔡克佐率兵千餘禦之不免賊遂叩縣南門縱大屠掠過涇縣知縣丘時庸引兵追擊于悍塘敗績賊乃趨南陵縣丞莫暹以三百人守分界山見賊恚奔窺賊遂入縣城縱火焚居民房屋于是建陽衛指揮繆印當塗縣丞郭暎郊無湖縣丞陳一道太平府知事郭禕各承檄以兵來援與賊過于縣東門印等引弓射之賊恚手接其矢諸軍相顧愕貽遂俱潰一道所率皆蕪湖驍健乃麾眾獨追為賊所殺一道義男子義橫身捍賊刃亦死。丁未中元節遣恭順侯吳絳辭長寧伯周大經玉田伯蔣傑武定侯郭守乾分祭八陵都

督僉事王朝用祭 恭仁康定景皇帝都督僉事沈至祭 孝  
潔皇后及○哀冲○莊敬二太子中官祭 恭讓章皇后各陵  
墳○陞尚寶司少卿陸煒為本司卿○戊申 命皇太倉中庫  
積貯之數戶部奏先年財賦入多出少帑藏充盈續收銀兩貯  
於內庫以便支發中庫所藏不動遂有老庫之名嘉靖十八年  
後因邊方多故支出八十八萬九千兩有奇今實存一百一十  
三萬六千兩有奇 上曰中庫所貯為備緩急之需務足一百  
二十萬之數非有奇款取不得妄用○鎮○劉保撫官以聞詔  
陞守備齊維禎等秩一級餘給賞有差斬保表示○革金山備  
倭都司改設叅將一員松蘇松暫設叅將一員於常鎮○己酉  
初四川播州宣慰楊烈仇設長官王輓散黨李保等治安相攻  
剽掠民夷為害且十年至是總督川貴侍郎馮岳督總兵石邦

憲討平之岳俱以開且陳播州善後世宜有四一建立哨堡以  
阨險阻欲於三省樓壤民苗之衝若四川餘慶之是馬坪播州  
之三渡開貴州石阡之龍泉司各立哨堡一座于重慶偏橋等  
衝委指揮三員督兵防守一更置叅將以便統馭欲擬銅仁叅  
將於石阡移思右守備於龍泉控扼播州犬牙相制一添設流  
官以肅政紀言播州土民苦所司掊剋請增設重慶府通判一  
員駐劄龍泉撫順該州民夷督理糧稅一責成該道以時巡歷  
謂重慶兵備川東守巡宜更番時按播州彈壓邊鎮兵部議覆  
上嘉岳功詔廢一子為國子生貴州巡撫張鶚翼陞俸一級  
并四川巡撫張鼎湖廣巡撫汪大受各賞銀三十兩紵絲二表  
裏邦憲及副使劉望之僉事劉景韶都指揮何自然各陞一級  
副使趙希夔陞俸一級餘俱如擬。庚子 成祖文皇帝忌辰

奉先殿行祭禮遣興安伯徐夢賜祭長陵。辛亥陞尚書  
司司丞徐陟為本司少卿。壬子南京兵部尚書張時徹等奏  
應天等府地廣巡撫一人控制為難乞添設兵備或巡撫以使  
責成部議添設兵備副使一員於句容溧陽廣德往來駐劄選  
調建陽宣州新安三衛官軍并所屬民兵相兼操練聰督撫官  
調遣疏入得旨通者每遇賊警所司不思設謀戰守輒議增官  
隨以無補罷之殊為紛擾且蘇松浙江添官未為不多選用匪  
人何能有濟所議姑先行事寧具奏裁革。癸丑江南金涇許  
浦白茆港諸倭俱載舟出海總兵俞大猷督各水兵把總劉堂  
大雷余昂等引舟師追及于茶山縱火焚其五舟餘賊走馬蹟  
山三板沙我兵復追擊之壞其三舟凡斬賊首六十七級生擒  
四十二人是時江陰茶港倭亦引舟出洋我兵分擊于馬蹟馬

圖寶山等處共擒斬九十餘賊值颶風大作賊舟多溺官兵船  
壞損者亦衆次日柘林倭亦載舟出洋為我兵衝擊及海風簸  
蕩沉沒二十餘舟餘賊復回泊海港登岸劫掠。丙辰玄雷居  
殿宇工完 命雲南都司署指揮僉事劉綵充青州銅仁新設  
石叅將總督山東僑倭署都指揮僉事戚繼光僉書浙江都司  
事。南京兵部尚書張時徹等言倭夷使迫畿輔而京軍遠戍  
口非計乞掣回坊守從之。南陵倭流劫至蕪湖縱火燒南岸  
突渡北岸入市各商民義勇登屋以瓦石灰礮擊之賊多傷者  
遂奔去各商兵下屋生縛二倭斬首十級賊趨太平府是時操  
江都御史袁善駐太平遺千戶曾辰等督鄉兵義勇殺虎手等  
兵禦之于馬廠大敗賊遂進逼府城城中人斷河橋防守賊引  
而東犯江寧鎮指揮朱襄蔣陞率衆迎拒不能禦襄戰死陞被

創隕馬官安死者三百餘人賊遂直趨南京其首衣紅乘馬張黃蓋整衆犯大安德門戕兵自城上以火腕擊之賊沿外城小安德門夾岡等門往來窺覘會城中獲其所遺碟者賊乃引衆由鋪崗趨株陵閘而去○丁巳提督京城巡捕叅將任俊申明巡捕事宜一專責任五城地方把總并各城兵馬怠惰不職聽本官叅呈送問一慎考察宜立文簿備造各地方把總官履歷功過年終慎註考語送部考察一補額馬原額設捕盜馬五千六百四十一匹今熊榕督福沙兵船追擊之沉賊舟七俘賊一人斬首一百三十餘級文有原犯江北倭舟十流突嘉定吳松江把總劉堂引舟師擊於外洋俘賊五十七人斬首九十三級請告 顧獻俘并叙藤梅及嘉定知縣楊旦叅政任環欲將環歛降官銜如武職之任以榕補僉事董邦政缺旦重知陞甯兵

部覆言任環忠勇屢立奇功武職無前例請如大同知府王誥  
例套子邦政在任稔宜別處以地方之職餘功以次諭叙得旨  
任環套一子為原籍衛所副千戶隨軍殺賊熊樛陞本府同知  
添註練兵把總劉堂等各陞二級楊且賞銀二十兩賊久未平  
亟令督撫等官矢心勦逐以靖地方毋忽。總督直隸浙福軍  
務右都御史張經浙西叅將湯克寬逮繫至京詔下法司議罪  
經上疏自理曰臣自昨歲十二月受總督之任於時倭方盤據  
柘林川沙淫其衆且二萬餘吳會民兵脆弱無可制禦臣乃奏  
調由州東蘭那地南舟歸順等州狼兵五千名永順保靖二宣  
慰司土千六千名蓋欲合力併勢為必勝之算爾今歲三月初  
田州土官婦瓦氏及東蘭等州官舍各兵結至臣從宜分布以  
瓦氏其配總兵俞大猷屯金山衛為搗巢西路以東蘭那地南

舟三州兵配遊擊鄒繼芳屯閩行為搗巢北路以歸順兵及募  
至思恩兵廣東東莞打手配叅將湯克寬屯乍浦為西路右哨  
各令相機戰守及三月末侍郎趙文華至松江大賚諸將趣令  
進討然遠調之兵新至之將賊情地利皆所未諳遊擊白法以  
田州兵千餘往探陸哨遇賊伏卒殺其頭目鍾富損兵大半則  
狼兵之不宜驟用明矣及四月二十日永順保靖兵至其日巢  
倭四千餘突犯嘉興臣即委叅將盧體督保靖兵援嘉興委叅  
大猷督永順兵由柳湖間道趨平望以扼賊路令湯克寬引舟  
師從中擊之一戰而勝凡斬賊一千九百有奇焚溺死者無算  
賊氣遂餒此臣日夜苦心奮幾虜勝豈有一毫怠事之念哉自  
臣蒞任方半年前後倭斬且以五千計惟是智畧謏短不能使  
積年劇寇俄頃掃蕩此則臣之罪也疏入不報經克寬意諭死



繫獄。壬戌蓋溝橋工免以東一真人陶仲文先獻服萬兩助  
工詔歲加祿米一百石

大明世宗肅皇帝實錄卷四百二十四

大明世宗肅皇帝實錄卷四百二十五

嘉靖三十四年八月癸亥朔。倭自南京至秣陵。閔應天推官羅節卿指揮徐承宗率兵千人守閔望。風奔潰賊。遂過閔。至溧水縣楊林橋。典史林文景率兵迎過。不能禦。署縣縣丞趙珠。巨壘城走賊。遂由小北門入城。宴飲民家。信宿乃去。甲子。整飭太倉兵備。叅政任環有親喪。例當回籍。巡按御史周如斗以倭寇未平。請留之。詔奪情。任事如故。乙丑。賜徽王載瑜號清微。忠孝翊教。輔化真人。予之金印。丁卯。祭先師孔子。命太子少保禮部尚書無翰。翰林院學士王用賓。行禮。戊辰。祭太社。太稷。命英國公張溶代。己巳。祭帝社。帝稷。命成國公朱希忠代。公徐延德。侯顧寰。駙馬都尉謝季和。伯方承裕。大學士徐階。李今。尚書李默。王用賓。都督陸炳。侍郎閔如霖。郭朴。

吳山第瓊陪祀 命右春坊右諭德王維禎翰林院侍講袁煒  
主順天鄉試。庚午 孝康敬皇后忌辰 奉先殿行祭禮遣  
廣寧伯劉允中祭 秦陵。朝鮮國王李焜遣陪臣禮曹叅判  
元繼險等貢馬及方物賀 萬壽聖節宴賚如例。朵顏三衛  
都督影克等差頭目塔卜歹等四川播州宣慰使楊烈、貴州宣  
慰使司永祿土舍安國、李等差長官張裔、舍把安敬等各貢馬  
及方物賀 萬壽聖節宴賚如例。辛未以明日 孝慈高皇  
后忌辰 奉先殿行祭禮 萬壽聖節遣叅順侯吳繼嵩、玉田  
伯蔣崇長、寧伯周大綰、興安伯徐夢賜分祭 八陵都督僉事  
沈至祭 恭仁康定景皇帝都督僉事王朝用祭 孝潔皇后  
中官祭 恭護章皇后各陵寢。柘林倭賊載舟出海僉事董  
邦政、總兵俞大猷各督所部水兵分哨擊之斬首七十有奇、獲

船九艘邦政復以嘉定兵擊賊于竇山斬首九十八級。壬申  
萬壽聖節上不御殿命成國公朱希忠代告天子玄  
極寶殿。先二王朝文武群臣朝服詣奉天門行五拜三叩頭  
禮各上表稱賀罷群臣宴賜節錢鈔王府進賀人員及西喪朝  
貢使仍宴于闕左門。癸酉以災傷免貴州銅仁石阡思南鎮  
遠黎平都勻六府獨山麻谷鎮寧婺川印江五州縣及凱里安  
撫司龍泉等十四長官司正官朝覲。甲戌深水倭流劫漂陽  
趨宜興至岳亭關官兵自大湖出取道官路橋黃土越武進縣  
境抵無錫慧山寺一晝夜奔一百八十餘里戕兵追及急擊之  
賊疲定望亭次日至許墅關都御史曹邦輔督各官兵圍之。  
乙亥柘林開洋賊遭風壞三舟餘賊三百有奇自蔡廟港登岸  
流至華亭縣陶宅鎮據之。南京御史金澗陶承學各言中國

叛人王直久住日本主謀煩禍乞安縣立新賞俘賊賊首及將  
兩京十三省見監并緣事大臣武臣許令殺賊贖罪又公侯勳  
戚世臣有蓄養家丁行令督率效用兵部議覆賞格宜如宣大  
例有能擒斬王直來獻者封以伯爵賞銀一萬兩授坐營坐府  
職銜管事有斬獲黨首如明山和尚輩者授指揮僉事賞銀三  
百兩緣事武臣本犯仍監許令子弟家丁報效贖罪充軍以擒  
斬十名願永遠充軍者以二十名願犯罪者以三十名願為率  
勳戚家丁事情未便姑已之詔悉從部議第武臣犯死罪者不  
准贖。丙子原任吏部主事史際翰未五千石助軍胸應天撫臣  
以聞詔陞際尚寶司卿與四品服色致仕。丁丑大同總兵官  
韓承慶貪縱失士卒心有健奴劉忠韓喜者為之倍剋諸軍怨  
憤相卒出塞者且五百人謀殺虜中軍官劉卿撫之乃回巡按

御史李鳳毛奏其狀 上忠承慶貪雲激變命錦衣衛逮承慶并忠喜等來京問令兵部即補堪任者不得濫用匪人以誤地方。甲申 憲宗純皇帝忌辰 奉先殿祭禮遣定國公徐廷德祭 茂陵。丁亥戶部奏屬者會計各邊年例餉銀主兵一百四十餘萬客兵二百四十餘萬今歲稔各賊宜發銀收糴以補來年軍儲宣府大同各十萬山西四萬延綏薊州密雲各三萬遼東二萬寧夏甘肅固原昌平易州各一萬俱俟陸續支發報可。以倭警免南直隸兩淮監運司淮陽蘇松常鎮等府并所屬州縣及應天府之句容溧陽溧水高淳六合江浦縣廣德州建平縣福建之福寧州及福清晉江龍溪詔安寧德五縣各正官朝覲。己丑秋分祭夜明子夕月壇遣成國公朱希忠行禮禮部尚書王用賓分獻。以旱災免陝西西安延安平涼

慶陽鳳翔五州縣衛所稅糧有差。辛卯，奏寧三衛都督只  
兒孩等差頭目升合兒貢馬賀。萬壽聖節宴賚如例。壬辰，  
大同捕獲亡人為虜謀者梁廷才等二十一，詔賞總督尚書  
許論及巡撫齊宗道、兵備楊順、叅議薛騰蛟各銀幣，有差斬廷  
才等，梟示。督察軍情侍郎趙文華陳海防五事，一復更番出  
洋之制，國初海防之設極善，今乃例船港次，猶之棄門戶而守  
堂室，漫失初意，宜分乍浦、船以守大衢，三山、品峙、哨守相聯，更  
以副總兵屯泊陳錢諸島，以扼三路之衝，使賊不得越二總兵  
既屯海上，須籍舟師，今所造福船未辨，所調廣船未集，請以寧  
紹、溫、蘇、松捕魚船及下湖山捕福倉等船約束分布，相兼戰  
守。三浙直地勢相連，互為唇齒，宜設正副總兵官二員分駐金  
山、臨山、會安之地，共守陳錢，而以叅將分守馬蹟等三山各督

信地則勢成犄角四沿海一帶軍伍不充請籍見募鄉兵萬人  
歲給半糧免其他役給閒田屯種倣右寓兵於農之意五拒寇  
海中功與戰勝內地者異宜厚其陞賞斬賊一顆為首者陞二  
級為從者給賞總兵等官能使賊舡不能岸者以保障論功若  
無首級而止獲賊船者亦以大小論級兵部覆其俱可行但鄉  
兵萬衆人給半糧當議所出恐江南賦已繁重未免紛擾事宜  
寢上從部議。提督漕運總兵官萬衣以病乞回籍調治許  
之。蘇松巡撫曹邦軸徵餉事董邦政把總婁宇以沙兵擊許  
墅閔倭寇織之初賊自宜興奔蘇州會柘林賊為風飄旋者三  
百餘進據陶宅巷邦輔慮一賊合且為大患乃親督副使王崇  
古會集各部兵扼其東路四面蹙之賊逃至五龍橋復至梅灣  
山我兵隨地與戰頗有斬獲太倉衛指揮張大綱被殺兵卒傷



亡亦衆時邦政守督沙兵守陶宅邦輔計陶宅賊據險且衆未  
可進兵乃召邦政守以沙兵助巢一戰斬首十九級賊以懼奔  
吳舍欲潛走太湖我兵覺之追及于楊林橋盡殪其衆此賊自  
紹興高準奔竄不過六七十人流劫杭嚴徽寧太平至犯留都  
經行數千里殺戮及戰傷無慮四五千人凡殺一御史一縣丞  
二指揮二把總入二縣歷八十餘日始滅

大明世宗肅皇帝實錄卷四百廿五

大明世宗肅皇帝實錄本四百二十六

嘉靖三十四年九月癸巳朔禮部進明年大報等祀日冊 命  
故南寧伯毛重器庶弟邦器襲祖爵 命掌左府事靖遠伯王  
璫掛印充總兵官鎮守兩廣。甲午 命提督昌平署都督僉  
事趙卿掛印充總兵官鎮守大同。乙未刑部尚書何鰲三年  
考滿遣中官齎賜羊酒寶劄廕其子景麟為國子生。以災傷  
免大同府屬及太原以北保德岢嵐忻代四州河曲興嵐繁峙  
五臺靜樂臨岢定襄諸縣并行太僕寺及宣鎮之隆慶保安永  
康三州正官。南京都察院右僉都御史王學益以疾乞休詔  
許回籍調理 命南京前府掌府事臨淮侵李廷竹掌左府事  
南京右府僉書若都督僉事方恩掛印充總兵官提督漕運鎮  
守淮安。督察軍務侍郎趙文華大集浙直兵火功倭于陶宅

賊分衆迎敵我兵大敗浙江領兵指揮邵昇姚泓直隸領兵十  
戶劉勳俱死是時文華以蘇寇之捷已不得與為恨見調兵四  
集調陶克寇乃柘林餘孽可取浙江巡撫胡宗憲因大言寇不  
足平以悅其意遂悉簡浙兵精銳得四千人文華宗憲親將之  
營于松江之礮橋固約應天巡撫曹邦輔以直隸兵會勦定期  
浙兵分三道直兵分四道東西並進賊悉銳衝浙江諸營皆潰  
我兵擠沉於水及自蹂踐死者甚衆損失軍士凡一千餘人直  
兵亦陷賊伏中死者二百餘人由是賊勢益熾○丙申 孝恭  
章皇后忌辰 奉先殿行祭禮遣典安伯徐夢賜祭 景陵○  
襄府襄陽王祐棣薨賜祭葬如例○戊戌諭禮部選民間女子  
十歲以下者一百六十人入宮○致仕撫治鄆陽都察院右副  
都御史于湛卒賜祭葬如例○庚子以災傷免陝西西安等八

府所屬州縣正官朝覲。傅野王管理府事奉國將軍廷璠以阻勅宗儀婚喪多索金帛為大同撫臣所劾有詔奪祿三月暫令傅野王府宗儀自啓代王轉奏待廷璠改行以聞。世子定耀劾奏輔國將軍譽棧譽構譽楫譽攝兄弟四人亮橫不法格殺內使校尉八等四十人父子內行淫亂招集亡命邀奪民財掠民婦女歲時朝賀不至嘗持刀擁入王宮倨坐護駕僭用王者車服設旗種兵器出遊過祖廟不下詔俱廢為庶人棧等庶人產淪子也。以倭警免浙江杭嘉湖寧紹溫台七府并所屬正官朝覲。巡按直隸御史李鳳毛言分守大同東路恭將馬芳驍健絕倫諳曉虜情宜於軍門標下領兵近邊分守一路失其故伍用違其才請令仍領通事家丁隸軍門征調兵部議覆從之。戶科左給事中楊允繩言海寇為患已及三載破邑

殺官獨獷日甚茲復侵犯南郡直薄城下臣觀事勢殊未有底定之期蓋其志在於將習不振而弊源不革也夫為將之道有三曰制曰法曰謀三者缺一不可以戰江南諸將全不知此故其用兵之際絕無紀律不鳴金鼓不別旗幟聚如兒戲渙若轉沙前有伏而不亮後有賊而不浸知率兵民浪與賊戰自相蹂踐全軍覆歿昨年山東兵採陶之敗近日浙江土兵之劫是也此其欲端在於無謀無制無法而其不設哨探不知地形又其取敗之尤者耳蓋哨探者軍中之耳目也行兵而無哨探又不知地形譬如人終夜求於幽室之中不照以燭有人馳逐於崎嶇險阻之地莫為之相其不顛連而駢仆者幾希今日江南之兵何以異此乃當事者不此之察動以增兵益餉為請其意不過張賊聲勢纔已罪愆又歎遷延歲月冀賊自去以圖僥倖殊

不知以若所為雖括天下之財以供江南之役籍天下之民以  
為江南之兵亦如以蛾赴火以雪實井而已竟何益哉况此賊  
不遭大創何肯輒去即去又豈復得不來耶凡此皆游揚抵牾  
之辭非實心幹濟執事之至者也臣愚以為今日江南之事必  
先擇將苟得人則招募之兵可用也土著之兵可用也以此  
水戰可也以此陸戰可也法制與謀且為故也如其不然增兵  
奚益請勅督撫將臣將見在調募官兵及各鄉兵精選訓練授  
之以制一之以法多立哨探固為地形揣摩賊情妙布成等務  
使以全制勝毋得日事徵兵虛糜糧餉亦無得擬拾章疏延捱  
歲月其紀功御史等官亦要隨軍向往稽察情弊如有仍前不  
設哨探不立營伍是憚疎虞損折兵衆者指實奏問罪如律  
庶幾將習可新寇患可弭矣至於根極弊源則又有不專於外

者蓋海寇契邊患不同北邊所患者胡也若海寇則十九皆我中華之人倭奴特所勾引驅率者耳夫患在胡則事重於外攘患在中華之人則事重於內修此不易之理也近未督撫之今不能行於官司責之練鄉兵則不集命之團保甲則不嚴委之以饋餉則不給委之以哨探則不明日惜月玩彼此是非上官隱忍而養容下官驕侈而日大所以然者豈以督撫之官不尊權不重耶亦有由矣蓋近來督撫之臣蒞任謝恩必有常例銀兩饋送在京權要大者數百小者數十名曰謝禮至於任內有所題請開送揭帖則又伴以儀物名曰候禮又其歷任額深營求美權或遇地方有事希求挽任或以有罪而求彌縫或以失事而求覆蔽如此饋送數遂不貲然大率此等銀兩在省諸取各布政司直隸取之府州縣司府州縣既為巧取承迎不無德

色督撫諸臣自知非法接受亦有靦顏既入牢籠寔難展布使  
在平時猶不能振揚風紀建立事功而况蒞軍行法之時哉則  
其玩愒陵夷蔑法誅事亦奚怪也且官司所以賂媚督撫又皆  
取具於民近來督撫之交代頻煩則官司之需索亦從而加苛  
其不肖者又因之影射乾沒其間指一科十胥剝髓即今江南  
四野為墟赤地千里區區牙遺待盡之民尚猶日苦培剋侵剝  
之患臣民恐竊盜起莫知終極異日國家隱憂蓋不止於海島  
之虞已也朝廷張官置吏奉以禦寇安民今反以殃民致寇此  
臣所以痛心疾目不能已於言也伏望 皇上洞悉弊源在內  
勅之緝事衙門在外勅之風紀臺察責令詞捕恭劾仍勅閩部  
大臣令洗心滌慮正己奉公割絕朋賂之私洗掃苞苴之習以  
弘濟時艱共紓民難此則端本澄源平倭之要道也疏入部覆



其詞嚴義正深切時弊宜見之施行報乞 詔留巡按蘇松常  
鎮御史周如斗再歷一年從其士民請也○辛丑 命南京前  
府僉書誠意伯劉世廷掌奉府事○先是陝西延安府知府卒  
烜然與延安遊擊將軍崔官爭禮有郤下巡按御史勘奏至是  
狀上詔官革任回銜烜然降一級○壬寅發太僕寺馬價銀一  
萬兩于山西鎮市馬給軍 命神機營練勇叅將雲冒充五軍  
營副將原任副總兵署都督同知何卿充副總兵官總理浙直  
海防○癸卯遠杖報大齋於朝天宮三日夜傳刑禁屠如例○  
宣府巡撫劉廷臣執叛人為虜謀者羊羔子以聞詔斬首梟示  
○甲辰戶部奏近日財用絀縮各司府應解錢糧積逋數多雖  
有催督之文有司視為文具乞專勅遣官查催以濟急用得旨  
先行 命戶部郎中劉養負外郎梁汝璧主事易剋羅瑤張住

胤屈諫劉效祖分詣各地方查催解納。懷柔伯施燾持節冊封岷山未至卒於途副使給事中李遇元以聞詔以伏兔伯毛烜代之。命安鄉伯張驛僉書前府事陞南京掌錦衣衛都指揮僉事李光榮為署都督僉事僉書南京右府事。詔勅南京兵部尚書張時徹侍郎陳洙俱致仕待南京給事中朱文漢御史侯東萊各以倭犯京城狀聞叅內外守備等官撫寧侯朱岳太監郭璫及時徹等時徹亦列上失事死事諸臣始末詞多隱護中有信宿之間遂爾潛遁城外地方無所傷等語於是刑科給事中丘楫疏叅之曰留都根本重地祖宗陵寢在焉以數十餘遁逃之窟寇來自千里之外時徹等閉門塞竅聽其遊遨闡關衝突金湯函關晝夜而後解去則已不啻久矣而猶曰信宿之間遂爾潛遁耶其來莫禦其去莫追紅衣黃蓋鼓譟而行

熟畧長驅所向無梗父何潛遁之有豈一離都城便可謂之遁而大司馬之職掌僅止嬰城自保已耶江南倭過之處未有不殘破者乃謂負郭居民都無一罹焚戮者哉將官已見殺矣軍士已俱殲矣城外孤懸而無所援城中懷息而不敢出地方之繹騷甚矣而曰一無所傷然則必何如而始可謂之有傷耶且時倣之不足當此任臣聞之舊矣蓋其柔媚無所不至仍以剛傲凌人貪鄙無所不為復以疎庸廢事雖在四方寧謐之時任重望輕猶為處非其擬矧今江淮多警寇門庭者哉 陛下豈以時倣自負才學頗有時名有事之秋未暇責備聊委而用之冀其有小補耶則時倣之受命一年於茲矣一旦寇臨城下而倉皇若此是高安足賴乎蓋其才乃小人之才祇足以為惡而不足以濟時其學乃盜儒之學祇足以文姦而不以經世其

名乃廣交延譽之名祇足以張虛聲而不足以副實用以之膺  
重寄而握大權徒能養望塞青而於國家則未有纖毫之益也  
乞速罷時徹別推才望顯著者代之疏下吏兵二部議覆請降  
時徹俸級令策勵自效 上以本兵任重不允持詔時徹及洙  
俱致仕奪岳祿俸二月貨璫勿問錄死事朱襄子祿陞二級○  
乙巳陞刑部左侍郎張鑿為南京兵部尚書叅贊機務改南京  
刑部右侍郎張梈為南京兵部右侍郎吏科都給事中謝登之  
言鑿不閑軍旅乞別選代之不聽○以水災免鳳陽淮安揚州  
三府及徐滁二州各衛所秋糧有差○總督侍郎楊宜請調順  
天保定善射邊箭民兵一千人赴浙直軍門教練許之○丙午  
北虜糾衆數萬大舉入寇分犯宣大山西等處俄山西虜自平  
陽方口出總督許論督兵遮擊于朔州川頗有斬獲虜遂北出

王茂山選宣府虜亦由瓦窯口引去已巡按直隸御史李鳳毛  
上言大同西路叅將丁碧提孤軍數百過虜先鋒於馬家窰奮  
力大呼突入賊陣矢貫頭顱而死請加褒卹詔贈都督同知廕  
一子正千戶世襲立祠死所歲時致祭 命僉書南京錦衣衛  
署都指揮僉事李藩掌本衛事○丁未拔故和妃父高廷章為  
錦衣衛副千戶給房價銀一千二百兩○發太倉銀五萬五千  
四百兩于大同鎮修築邊牆○戊申倭舟三艘泊台州海洋之  
螺門僞倭都指揮王沛等引舟師出哨遇于大陳山嶼擒賊十  
七八斬首九級餘賊棄舟登山走匿我兵焚其舟四面環守叅  
將盧鏜以大會之入山搜勦生擒真倭烏魯美他郎酋首林碧  
川等八十四人斬首三十八級由是三舟之倭盡殄○庚戌行  
大享禮于 玄極寶殿先期視牲命英國公張溶代請 皇考

齊宗獻皇帝配 帝及是日行禮俱命成國公朱希忠代。○以  
蝗災詔免山東濟南府兗州東昌青州等府秋糧有差。○辛亥  
補詹故少師無太子太師吏部尚書華蓋殿大學士楊一清孫  
完為中書舍人以完父詔芳用他恩改任也。○壬子初南京歲  
時百官朝賀常以魏國公徐鵬舉為班首致辭及是鵬舉被劾  
罷守備任撫寧侯朱岳代之過朝賀岳輒據班首位鵬舉不能  
平疏請于朝岳亦工疏言狀禮部覆議事權者一時之任使班  
爵者不易之定分鵬舉元勳世臣爵列上公雖已革任永嘗革  
爵况係欽定班首且今奉祀 孝陵先後之序較然甚明請以  
鵬舉充班首如故報可。○旌表河南等處節婦顧氏等十一人  
烈婦張氏等三人巡按直隸御史李鳳毛勘上本年六月內虜  
寇大同鎮山墩恭將馬芳遊擊劉環督兵與戰不利會督府據

兵至賊解圍出境請台芳環罪兵部言二臣血戰被刃與結營自保者不同宜薄其罰詔奪俸三月○巡撫山東都御史劉采以河南流賊傅伯玉等平列上諸臣功罪詔賞采及曹濮兵備副使康朗銀幣有差下曹縣王簿白廷寶典使項貴于按臣遠間賊六十八人令審決梟示○以本年春班京操官軍缺伍數多詔降中都顧班指揮僉事高思謙秩一級停山東都司指揮僉事查懋中俸下安東等衛指揮僉事王卿等二十八人於法司問○宣寧王府鎮國中尉俊棨以爭娼婦擊殺其兄俊穗詔勅令自盡奉國將軍聰汎以黨惡降為庶人宣寧王俊相矜束不嚴奪祿一年○甲寅建秋報大典於大高玄殿七日停刑禁屠如例○陸戶部左侍郎倪嵩為南京都察院右都御史刑部右侍郎蔡雲程為本部左侍郎大理寺卿鄭大同為刑部右侍郎○

然南京廣東通試監察御史文希儒閒任先是希儒掣改應天府石灰山關河下監船縱胥吏抑勒受賂御史金澍以其事聞劾希儒貪縱敗紀乞加斥寃詔奪希儒職令南京刑部逮問既而希儒言澍囑託不遂挾私誣害詔令南京吏部都察院覈奏部院覆言澍囑託無驗希儒罪止閑防弗密薄治得旨希儒用不謹例閒任初希儒疏下吏部尚書李默覆令澍回籍聽勘許不許至是澍乃叅然以希儒為所選授私曲庇不恤公論南京刑部尚書陶尚德吏部尚書楊行中都御史王學益等黨比依阿莫適將正宜適加斥對以正官邪端政紀上批其牘曰御史互糾祖宗時多有澍所言未為不是部院正宜據理持法以昭公論若乃朋比黨護非大臣之道制所論諸巨姑置之其各令省改以慎其後命掌南京前府事誠意伯劉世延提督



操江無管巡江。○浙江杭嘉湖兵備副使劉燾督兵五千餘分  
三道攻陶宅倭巢倭二百餘來迎敵諸軍望見皆散走燾與家  
丁陸本高等二十餘人各引滿射之賊不敢逼燾以徃身免。  
丁巳未封妃耿氏薨賜號曰平喪儀如和妃例。○戊午修理京  
城九門工完。○戶部奏陝西靈州二鹽池新舊鹽計十一萬五  
千餘引國初專備邊餉後因總兵官史明始創買馬之說尋復  
借給祿糧填補屯糧又移修邊賑濟非立法初意也且官無職  
專處置失宜法久弊滋正額目詘乞將慶陽分守道改移環縣  
駐劄給勅諭閑防專董其事其監放之官大鹽池委寧夏東路  
通判小鹽池委寧夏中路通判舊用把總史目典史等官革去  
召商報納定以額鹽七分帶支祿鹽三分價銀俱解慶陽府收  
貯至於西漳二縣鹽井即令鞏昌府正官如教召納併解慶陽

府以備軍需報可。虜復自宣府龍門入寇，經麻路口犯懷來，保安南山城戒嚴，詔佐擊將軍伊昂、劉國賓、伊淮、劉澍各率部兵守護。陵寢。己未，霜降，都遣恭順侯吳繼爵、長寧伯周大經、玉田伯孫榮、成安伯郭應乾分祭。八陵都督僉事王朝用祭。恭仁康定景皇帝、都督僉事沈至祭。孝潔皇后及。哀冲。莊敬二太子中宣祭。恭讓章皇后各陵墳。復設廣東惠州府捕盜通判一員。吏部覆御史龔愷奏謂：今東南寇亂，地方官多闕，他轉請行浙江、南直隸督撫及巡按官查訪所屬有實心幹理裨益地方年資雖深，即與奏留陞職，照舊理事，其有才識非宜，就於附近地方查舉堪代者，奏請互調。至於託疾廢業圖遷改者，即以公職論黜，詔可。辛酉，虜自保安引出，至東嶺，叅將馬芳以家丁通事千餘人夜衝其營，虜大驚，斷其衆為

二奪獲人畜衣糧其衆勞乃西奔張家口出地

大明世宗肅皇帝實錄卷四百二十六

大明世宗肅皇帝實錄卷四百二十七

嘉靖三十四年十月壬戌朔時享 太廟 命駙馬都尉謝詔  
代。欽天監奏進明年大統曆頒賜文武群臣。裕王第一子  
生禮部請告于 郊廟 社稷詔告天下令文武群臣稱賀  
上曰此所具儀太孫之禮也豈可不俟君命第遣官奏告 玄  
極寶殿及 奉先殿群臣不必稱賀頒詔無謂己之尋命成國  
公朱希忠告 玄極寶殿駙馬都尉謝詔告 奉先殿。癸亥  
孝潔皇后忌辰遣廣寧伯劉允中祭 陵寢。衡府壽張王  
截昂薨祭筮如例 勅福建漳南兵備道兼轄廣東之大浦程  
鄉二縣廣東顧東兵備道兼轄福建之上杭及江西之龍南安  
遠三縣從提督都御史汪尚寧請也。巡按直隸御史李鳳毛  
疏報宣府虜警兵部覆言虜數萬衆突入龍門信宿之間即連

居庸關唐見蒼境御史言且不及是宣府烽火失傳也乞行查  
究失事地方功罪今總督撫按官會奏送之○陶宅倭見我兵  
四集夜走周浦屯永定寺中我兵追圍之是時柘林開洋賊舟  
九隻復回登岸為巢于川沙窪○甲子 詔華楚府通山王府  
輔國將軍英燦爵為庶人送發高牆禁住坐淫惡殺人故也○  
乙丑○文武群臣以○皇第一孫生谷具疏稱賀俱報聞 上  
覽掌詹事府吏部侍郎閔如霖疏謂中有謗語下旨責問之如  
霖引罪詔降奉三級止供本職罷其玄漢以翰林院侍講袁煒  
代之○丙寅 詔械昌平州知州衛鈺至京訊治掌太常寺徐  
可成言寺丞王守一祀 長陵至昌平鈺不佞鼓樂夫役送迎  
番帛亭又責械其樂舞生非朝廷重 陵寢之意 上怒敵有  
是命○己巳授庶吉士李貴呂旻萬浩胡汝嘉王希烈趙祖鵬

張四維孫叔俱為翰林院編脩陸泰吳可行馬自強俱檢討王  
文炳吏科孫應鰲馮薰戶科梁夢龍徐師曾兵科郭啟賢方萬  
有工科俱給事中張巽言浙江道蔣燁山東道張九功河南道  
王詠湖廣道俱監察御史。庚午琉球國中山王尚清遣其正  
議大夫梁顯等朝貢方物宴賚其使回賜玉如例尚清復移文  
禮部言舟至滬其勞又壞請令入貢使臣買海上民舡駕遠  
詔福建守臣覈狀聽賞不得過大。辛未政總理河道工部右  
侍郎蕪都察院右僉都御史曾鈞為南京刑部右侍郎南京大  
理寺卿張寧臣為大理寺卿。癸酉陞刑科左給事中王鶴為  
都給事中禮科右給事中殷正茂為左給事中戶科給事中陳  
典黃讓俱為右給事中鶴與俱吏科正茂兵科讓刑科。乙亥  
命故西寧侯宋良臣子天馴襲祖爵。補廢故少保義太子

太保禮部尚書兼翰林院學士賈家子懋謙為國子生。丙子以旱災減免山西太原等府稅糧有差。巡撫應天都御史曹邦輔以勦滅埧州游擊閻倭寇聞且言連年倭患其來必糾連大衆多者數千少亦千不下數百其登岸劫掠近則百里至遠不過千里未有以五六十餘之賊深入內地轉戰數千里直闕都門無所顧忌若此賊者且所過屠戮極其慘烈使不即殄滅得以遯歸彼已習之內地虛實將來招引醜類為禍殆永可量所獲僉事董邦政聞命疾趨船履行陳橫犯鯨鯢之衆不旬日而芟剋之慎可謂奇功也。請亟加褒錄。總督浙直侍郎楊宜亦報捷如邦輔言。復叅邦政雖有斬馘功然實故遠節制當罪督察侍郎趙文華之言。柘林餘賊復巢陶宅。臣同浙江巡撫胡宗憲督兵四千來松江會勦而應天巡撫曹邦輔僉事董邦政不

協力進兵顧乃避難趨易倂倖功捷乞加懲究疏俱下兵部部  
覆文華所謂趨易蓋指蘇州之寇而言所謂避難蓋指陶先之  
寇而言竊計二寇多寡雖殊此量聲勢不宜分難易論若使合  
而為一以流劫者之慄悍濟屯聚者之蓄衆未免益復滋蔓難  
圖乃今蘇州之寇勦滅無遺陶定之寇自然勢孤氣沮驅除為  
易今第宜令董邦政戴罪自效務將陶賊之寇亟行殄絕俟事  
平之後總較功罪然後賞罰可得施也詔下邦政於總督都御  
史逮問初文華聞蘇寇且滅趣赴蘇款攘其功北至則邦輔業  
已先奏捷矣文華遂大怒乃以陶宅寇患委罪邦輔邦政叅之  
復駭宜排邦政宜心之邦政功而重失文華意故予宥若此○  
丁丑應天巡撫曹邦輔親督水陸兵分五哨攻倭于周浦城迎  
敵四哨俱奔潰溺水死者數百人獨中哨以邦輔在焉且阻水



得不漬。己卯 誠孝昭皇后忌辰遣恭順侯吳繼爵祭 獻  
陵。設秋報大典于洪應雷殿六日停刑其屠如例。先是貴  
州開科附以湖廣五衛無何又以四川永寧宣撫司學附焉未  
嘗限其名數由是四方遊食遁罪生儒皆冒五衛永寧籍求試  
貴州生儒亦既憎之其後雲南廣西學校近貴州境者且復求  
附科至是御史孫襄請行禁止部覆報允令貴州鄉試不得復  
請附科五衛永寧中式勿得過三名。庚辰陞大理寺左少卿  
胡慎為都察院右僉都御史總理河道。總理浙直侍郎楊宜  
言柘林一顧乃倭奴出入之衝為諸郡要害地請創立城堡公  
館調取募兵防守添設把總控制舊有墩臺哨船一併修復事  
寧宜設一所稿撥官軍填補兵部議覆從之。壬午巡按山西  
御史劉憲熊疏劾鎮守總兵署都督僉事李賢以馬啣虜劉死

首冒功不法六事詔革賢任令應熊達問具奏。巡按直隸御史周如斗言方今蘇松流突之寇已殄七聚之寇其勢已孤諸軍宜乘勝併力滅此餘燼不宜遽延養寇使巢成穀登新倭代至復致曩者柘林之患且近日直隸斬獲悉本地鄉兵之功其狼苗二兵自浙江屢敗後一無足用苗兵前結有王江涇婁門之捷若狼兵則徒擾地方無纖毫戰守力至于川兵雖未見可用與否第萬里趨調東西異宜恐亦未足恃也近取用原任總兵何卿沈希儀以其知兵令督率川廣調至之卒展刀取效顧皆昏眊衰憊一籌莫措近日功捷二人者絕無所與將焉用之請罷遣二臣並停徵兵之令申飭督撫諸臣督勵鄉勇亟除殘寇上曰地方殘寇未靖令督撫等官速計勦絕卿及希儀令革職回衛閑住。癸未以補苴奸細功蔭錦衣衛掌衛事左都

督陸炳右都督朱希孝各一子為本衛百戶千戶叢鶴等各陞  
賞如例。以分守涼州副總兵署都指揮僉事何淮為署都督  
僉事充總兵官鎮守山西原任都督僉事萬表充總兵官總理  
浙直海防給事中丘預達言表近以有疾不堪漕政告歸不宜  
推用海防。上從其言罷之命別選代者。丙戌浙江紹興府  
知府劉錫被逮至京錫性亢傲不達為趙文華所憎會倭自高  
華遊埕浦鄉官御史饒鯨遭之見殺文華遂用為錫罪言其媚  
功縱寇及是逮至竟戮充邊衛軍。丁亥陞通政司左叅議劉  
體乾為本司右通政大理寺右少卿劉學易為本寺左少卿太  
僕寺少卿鄒懋卿為大理寺右少卿。以分守洮岷叅將署都  
省操僉事朱勇充副總兵分守涼州。山東巡按御史陳瓚言  
虜騎深入遼東而本鎮之兵以督臣王忬徵調大多單弱茲甚

總兵殷尚質及巡按蘇志臯各假入援分屯自保遂使賊得乘  
間長驅焚掠屠剽請罪尚質而罷志臯更詰忤己忤與志臯等  
疏至則歷叙各官斬獲之功請褒錄俱下兵部覆言忤調兵以  
衛內原非可罪尚質等屢陳兵寡亦有可原况有新獲功似亦  
可錄第奏報互異請下按臣勘奏 上從之令尚質志臯姑臧  
勵供職以圖後效。錦衣衛指揮使閻紀男鴻請殺本衛指揮  
使許之令帶俸鴻 皇貴妃兄也。庚寅殺原任直隸浙福總  
督右都御史張經浙江都御史李天寵兵部員外郎楊繼盛于  
帝經在江南有功為趙文華所誣搆天寵亦無罪胡宗憲力排  
之而奪其位繼盛因劾嚴嵩父子法司承風指傳致死罪是歲  
論大辟因當刑者凡百有餘人詔決九人而經等悉與高由是  
天下忘嵩父子及文華益甚。致任南京兵部尚書潘潢卒賜

祭英如例漢直隸婺源人舉進子由知縣擢戶部主事改禮部  
與修明倫大典復改吏部擢禮部郎中曆福建提學副使累遷  
吏部左侍郎戶部尚書調南京工部尋改南京兵部致仕至是  
卒漢有文學行詛修筋士論重之○辛卯以兵荒免華亭上海  
江陰常熟四縣存留稅糧仍於起運數內量行改折○倭賊二  
百餘人自浙江樂清縣岐頭登岸流劫黃巖僂居寧海所過焚  
戮官兵莫能禦至楓樹嶺慈谿縣顧兵主簿畢清見殺遂至餘  
姚由上虞渡曹娥江犯會稽